



XXXV. n. n.

~~E. VI. n. n.~~







ENNODII  
FAVENTINI  
D E  
ROMANI PONTIFICIS  
PRIMATU  
ADVERSUS  
JUSTINUM FEBRONIUM  
*Theologico - Historico - Critica*  
DISSERTATIO.



FAVENTIÆ

---

EX TYPOGRAPHIA ARCHIANA.

MDCCLXXI.

PRÆSIDUM FACULTATIS.



THE UNIVERSITY OF CHICAGO

LIBRARY

1537 N. Dearborn Ave. Chicago, Ill. 60610

# INDEX CAPITUM.

**P**roœmium

pag. 1.

## PARS PRIMA.

### DE PRIMATU S. PETRI APOSTOLI.

#### CAPUT I.

S. Petrum obtinuisse a Christo Primatum jurisdictionis in univ[er]sa Ecclesia, ostenditur ex Matth. cap. 16. 9.

#### CAPUT II.

Febronii argumenta adversus Caput I. exponuntur, & refutantur. 13.

#### CAPUT III.

Ostendit, Claves Regni Cœlorum non Ecclesiæ, sed Petro immediate datas esse 21.

#### CAPUT IV.

Alterum pro S. Petri Primatu argumentum ducitur ex Joann. cap. 21. 28.

#### CAPUT V.

Argumenta, quibus Febronius æquali potestate Apostolos omnes præditos fuisse, demonstrare conatur, refutantur. 31.

## PARS SECUNDA:

### DE PRIMATU ROMANI PONTIFICIS.

#### CAPUT I.

Romanus Pontifex in B. Petri Primatum succedit, nec ulla humana auctoritate Primatus a Romana Sede ad aliam transferri potest. 36.

\* 2

CAPUT

## CAPUT II.

*Primatus Rom. Pontificis Auctoritatis, & jurisdictionis Primatus est.*

38.

## CAPUT III.

*S. Cyprianus agnovit in Rom. Pontifice Primatum jurisdictionis. Quæ Febronius opponit, refutantur.*

40.

## CAPUT IV.

*Ostendit, non aequalem esse Episcoporum, & Rom. Pontificis jurisdictionem.*

47.

## CAPUT V.

*Immediatam esse Rom. Pontificis jurisdictionem in universam Ecclesiam, & in omnes Fideles, S. Irenæi, S. Hieronymi, & Synodorum Florentinæ, atque Tridentinæ auctoritate ostenditur.*

55.

## CAPUT VI.

*Immediatæ Rom. Pontificis jurisdictionis argumentum est vetustissima Ecclesiæ consuetudo, eum consulendi de gravioribus, ac difficilioribus negotiis, majoresque causas ejus judicio reservandi.*

58.

## CAPUT VII.

*Rom. Pontifex ferre potest leges ab universa Ecclesia servandas.*

63.

## CAPUT VIII.

*Rom. Pontifex quemlibet sive Fidelem, sive Episcopum ab Ecclesiæ communione, si res ferat, abscondere potest, eaque jurisdictionis potestas est.*

68.

## CAPUT IX.

*Quod Rom. Pontifici divino jure convenit jus appellationum.*

72.

## CAPUT X.

*Sardicensis Synodus Rom. Pontifici jus appellationum Episcoporum asseruit.*

73.

CAPUT

## CAPUT XI.

*Sardicenses Canones tum in Oriente, tum in Africa obtinuisse.*

77.

## CAPUT XII.

*Quædam Febronii argumenta refutantur.*

81.

## CAPUT XIII.

*De Rom. Pontificis in fidei causis decernendis auctoritate. Hanc summam esse, nec errori obnoxiam, ostenditur ex Scripturis.*

83.

## CAPUT XIV.

*Vetustissima Ecclesiæ Traditio est, fidei causas esse ad Rom. Pontificem referendas, siue ut eas decernat, siue ut quæ Synodi de iis decreverint, Apostolica auctoritate confirmet.*

87.

## CAPUT XV.

*Rom. Pontifices Hæreticos supremo iudicio damnare consueverunt.*

90.

## CAPUT XVI.

*S. Augustinus existimauit, supremam esse R. Pontificis in fidei causis definiendis auctoritatem.*

93.

## CAPUT XVII.

*Febronii argumentum ex Ierosolymitano Concilio desumptum refellitur.*

95.

## CAPUT XVIII.

*De Conciliorum necessitate.*

97.

## CAPUT XIX.

*Generalium Conciliorum convocatio tum diuina tum humana lege R. Pontifici vindicatur; atque Generalia Concilia absque R. Pontificis auctoritate neque convocari, neque celebrari legitime posse, ostenditur.*

101.

## CAPUT XX.

*Octo priora Concilia generalia a Romanis Imperatoribus non suo jure, sed alias ob causas, neque absque R. Pontificis*

Pontificis auctoritate convocata sunt, præter Constantinopolitanum I. quod non fuit æcumenicum. 104.

CAPUT XXI.

Generalibus Conciliis præesse, divina, humanaque lege Rom. Pontificis, ejusve Legatorum est. Osium Cordubensem R. Pontificis nomine Nicæno Concilio præfuisse, ostenditur. 109.

CAPUT XXII.

Ostendit, Apostolicæ Sedis definitionum examen ab æcumenicis Synodis institutum, earundem definitionum auctoritati nihil officere. 113.

CAPUT XXIII.

Quæ sum a S. Cælestino, tum ab Ephesina Synodo in causa Nestorii gesta sunt, ea summam Rom. Pontificis jurisdictionem, & in fidei causis definiendis auctoritatem ostendunt. 115.

CAPUT XXIV.

In eandem rem expenduntur quæ in causa Eutychis tum a S. Leone M., tum a Chalcedonensi Synodo gesta sunt. 122.

CAPUT XXV.

Expenduntur in eandem rem Acta Synodi V. 130.

CAPUT XXVI.

Summa R. Pontificis auctoritas etiam ex VI. Synodi Actis ostenditur. 131.

CAPUT XXVII.

Expenduntur in eandem rem Acta Synodorum generalium VII. & VIII. Febronii argumentum ex Tridentina Synodo ductum refellitur. 137.

CAPUT XXVIII.

Generalium Conciliorum decreta rata non esse, nisi Rom. Pontificis consensu, & auctoritate confirmata sint. 139.

PARS

## PARS TERTIA.

OSTENDIT, ROMANUM PONTIFICEM ECCLESIE, ET  
CUIUS SYNODO AUCTORITATE PRÆCELLERE.

## CAPUT I.

Controversiam constituit, eamque invictissimis argumen-  
tis definit.

154.

## CAPUT II.

Rom. Pontifex ne ab æcumenica quidem Synodo judi-  
cari potest.

161.

## CAPUT III.

A Rom. Pontificis iudicio nunquam appellare licet.

166.

## CAPUT IV.

Expendis decreta a Synodo Constantiensi edita in Ses-  
sionibus IV. & V.

172.

## CAPUT V.

Basileensis Synodi decreta refutantur.

183.

## CAPUT VI.

Dilat argumenta, quæ ducis Febronius ex Triden-  
tine Synodi Actis.

193.

## CAPUT VII.

Consines Febronii argumenta, eaque refellit.

196.

## CAPUT VIII.

Refellit argumenta, quibus Julianus Synodi Basileensis  
Præses pro Conciliorum in R. Pontificem auctori-  
tate depugnavit.

201.

## CAPUT IX.

Continet propositiones totius Dissertationis consecutivas.

209.

VIDIT

Pro Illustrissimo, & Reverendissimo D. D. Vitale  
 Josepho de Bobus Episcopo Faventino Bonifa-  
 cius Pontiroli Societatis Jesu Theologus.



**A** Vendo per ordine del Molto Reverendo Pa-  
 dre Maestro Tommaso Vincenzo Pani dell'  
 Ordine de' Predicatori Vicario Generale del S.  
 Ufficio riveduto il Libro intitolato = *Ennodii Fa-*  
*ventini de Romani Pontificis Primatu adversus Justinum*  
*Febronium Theologico-Historico-Critica Dissertatio* = non  
 ho trovato in esso cosa alcuna, che sia contraria  
 alla nostra Santa Fede, o a' Principi, e buoni  
 costumi, e perciò lo giudico degno della stampa.  
 In fede questo dì 16. Agosto 1771.

Fr. Pio Michele Ghislieri dell' Ordine de' Predica-  
 tori, Lettore Maggiore nel Convento di Faenza,  
 e Consultore della Santa Inquisizione.

*Assenta supradicta Attestatione*

Die 17. Augusti 1771.

*IMPRIMATUR.*

Fr. Thomas Vincentius Pani Ordinis Prædicato-  
 rum Vicarius Generalis S. Officii Faventis.

PROEMI-





## PROOEMIUM.

I.



UM Justinii Febronii Librum impugnaturus ego sim, meum forte quis esse putaverit, de ejus Libri Auctore, de varia ejus fortuna, de turbis ab eo in Ecclesia excitatis, ac demum de ejus Impugnatoribus disserere. Sed cum Libri quidem Auctor nondum se palam prodiderit, cætera vero notissima cuique sint, nulla de his disserendi causa mihi esse videtur. Quare ea tantum proœmio complectar, quæ ad Febroniani Systematis prænotionem efformandam spectant.

Et principio quidem cum Febronii Liber inscriptus sit: *De Statu Ecclesiæ*; operæ pretium esse arbitror, varias tum Hæreticorum, tum Catholicorum de instituta a Christo in Ecclesia regiminis forma sententias exponere. Itaque aliquam Ecclesiæ administrandæ formam a Christo institutam esse, ex Scripturis perspicua res est. Ait enim Christus Petro (Jo. 21. 17.): *Pasce oves meas*. Petrus ipse (epist. 1. cap. 5. 2.): *Pascite*, inquit, *qui in vobis est gregem Dei*. Paulus (Act. 20. 28.): *Attendite vobis*, inquit, *& universo gregi, in quo vos Spiritus Sanctus posuit Episcopos regere Ecclesiam Dei*. Et Timotheo (epist. 1. cap. 4. 11.) ait: *Præcipe hac, & doce*. Sunt igitur in Ecclesia Pastores, & Oves: sunt qui regunt, & qui reguntur, qui præcipiunt, & qui obtemperare debent: quæ quidem res absque aliqua regiminis forma nec esse, nec cogitari potest.

II. Est autem regiminis forma duplex, *Monarchia* nempe, seu unius, & *Polyarchia*, seu multorum Principatus. Sed & Polyarchia duplex est; *Ariftoçratia* scilicet, seu Optimatum, & *Democratia*, seu Populi imperium.

A

Demoſ

Democraticam esse Ecclesie formam, sensit cum pluribus Protestantibus Matthias Flaccius Illyricus (*lib. de Episcop. elect.*): sed eorum plerique cum Marco Antonio de Dominis (*lib. 1. de Rep. Eccl. cap. 3.*) Aristocraticam esse, volunt.

Catholici vero omnes Monarchicam Ecclesie formam a Christo institutam esse, sentiunt: quamquam in unam ejus formæ explicandæ rationem non conveniunt. Nonnulli enim perfecte Monarchicam, plerique Aristocratia temperatam esse, arbitrantur. Sed neque postremi hi eodem modo hujusmodi temperamentum explicant. Plurimi cum Bellarmino (*lib. 1. de R. P. cap. 3.*) ajunt, Romanum quidem Pontificem esse summum Ecclesie Principem, eique Episcopos omnes subjeci; sed Episcopos tamen singulos Ecclesiam sibi creditam *ordinaria* potestate regere: neque Romani Pontificis vices dumtaxat gerere; sed veros Pastores, & Ecclesie Principes esse. Sed cum id primi quoque fateantur, in eundem sensum convenire utrique mihi videntur. Galli vero Theologi, præsertim post celebrem Gallicani Cleri declarationem *de Ecclesiastica potestate* editam anno 1682. Ecclesie regimen Monarchico-Aristocraticum in hunc modum explicant. Volunt nempe, Romanum Pontificem non honoris modo, & ordinis, verum etiam jurisdictionis Primatum in universa Ecclesia divino jure obtinere, sed cum generalium Conciliorum auctoritari subjeci, contendunt.

III. Denique Edmundus Richerius Parisiensis Doctor (*lib. de Eccl. & polit. pot. edito anno 1611.*) existimavit, potestatem clavium, seu summam auctoritatem, & jurisdictionem immediate a Christo datam esse Ecclesie, atque in Ecclesia *formaliter residere*: Romano vero Pontifici, & Episcopis ab Ecclesia ipsa veluti Ministris suis creditam esse. Hinc vero collegit, Ecclesie formam Monarchicam esse Aristocratia temperatam; sed cum summam potestatem non R. Pontifici, aut Episcopis, sed Ecclesie, idest Fidelium multitudini a Christo datam esse, statuerit, longe verius Ecclesie formam democraticam a Christo institutam esse, collegisset. Interea Richerii Liber anno 1612. ab Academia Parisiensi, atque a Synodo Aquensi, & Senonensi damnatus est.

IV. Febronii nunc de Ecclesie forma sententiam investigemus. Cum Librum suum Febronius inscripserit: *De Statu Ecclesie, & legitima potestate Romani Pontificis*, credideris facile, eum aliquam ex memoratis regiminis formam Ecclesie tribuisse. Sed primum quidem Monarchicam, atque Aristocraticam formam rejicit: Non expedit illi, inquit (*cap. 1. §. 8. n. 5.*), *forma regiminis Monarchica, quia facile solet in despotismum declinare... Sed ne ex altera parte expedit imperium mere Aristocraticum, cum sit semen discordiarum, pro*  
in uni.

*in unitas vix posset servari.* Igitur vel Monarchico-aristocraticam, vel Democraticam esse, vult Ecclesie formam. Sed a Monarchia abhorret quamaxime, imo Librum suum edidit, ut Monarchicum Ecclesie regimen quamlibet temperatum evertat. Democraticum igitur esse vult Ecclesie regimen. Atque hæc quidem conclusio præcipui dogmatis a Febronio constituti consecutaria est. *Potestas clavium*, inquit (cap. 1. §. 6.), *universitati Ecclesie data est: Illam hæc per ministros suos exercet: inter quos Romanus Pontifex primarius quidem est; nihilo tamen minus universitati subordinatus.* Porro secernit Febronius Ecclesiam ab ejus ministris, idest ab Episcopis, & Romano Pontifice: Ergo Ecclesie nomine universam Fidelium multitudinem intelligit: Potestas autem clavium, seu summa jurisdictio Ecclesie immediate data est: ergo data est Fidelium multitudini: ergo summa jurisdictio, & auctoritas penes multitudinem est: Ubi autem in Rep. penes multitudinem summa jurisdictio, & auctoritas est, ibi Reip. forma Democratica est. Ergo Ecclesie forma Democratica a Christo instituta est.

Alibi vero dogma cum memorato pugnans statuit; nempe Episcopos omnes, & Romanum Pontificem regendæ Ecclesie auctoritatem habere non ab Ecclesia, sed a Deo immediate. Statuit nempe (cap. 7. §. 1.), *Omnes Episcopos, præveniendæ omnem humanam ordinationem, esse in potestate, & auctoritate gubernandi Ecclesiam aequales...* Hoc ipso quod jurisditionem suam immediate a Christo acceperint Apostoli, ex regulis legitima successionis ex eodem fonte suam quoque habere noscuntur Apostolorum Successores, sicut suam habent Petri Successores ab eo, a quo Petrus ipse. Hujusce autem dogmatis consecutaria est hæc conclusio, Ecclesie formam Aristocraticam a Christo institutam esse. Jurisdictio enim, & potestas gubernandi Ecclesiam, seu Fidelium multitudinem, Episcopis immediate a Christo data est. Ergo Episcopi constituti sunt a Christo Ecclesie Optimates cum summa potestate. Ubi autem in Rep. penes Optimates est summa potestas, ibi Reip. forma Aristocratica est. Forma igitur Ecclesie Aristocratica a Christo instituta est.

Conclusiones hujusmodi secum pugnantes ex scitis a se constitutis necessario fluere, perspexit etiam Febronius. Quamobrem cum hinc quidem Monarchicam formam quamlibet temperatam ab Ecclesia excludere voluerit; inde vero aut Democraticam cum Illyrico, aut Aristocraticam cum Marco Antonio de Dominis Ecclesie formam tribuere ausus non sit; nullam cum Samuele Puffendorfo, quam Monarchicam, aut Monarchico-Aristocraticam cum Catholicis Ecclesie formam tribuere maluit: *Quisquis a nobis*, inquit (cap. 2. §. 12. n. 6.) *hoc interrogat (qua in hac Civitate Dei dicenda sit vigere regiminis forma),*

ma), non succenseat, si ei respondemus cum Viro Sacris quidem Proteſtantium addiſſo, ſed docto, & rerum politicarum cum primis perito, atque in hac parte vera tradente = In Eccleſiis formandis non opus eſt decreto ſuper certa regiminis forma introducenda: abſurdaque adeo ſunt quaſtiones, Monarchica, Ariſtocratica, an Democratica forma competat Eccleſia. Haec quippe forma cadunt in Statum aliquem, ſeu Civitatem. Eccleſia autem Status non eſt = . Sed ego quidem Febronii conſilium nihil certi hac de re ſtatuendi non valde miror. Quid enim certi ex Scitis ſecum pugnantibus collegeris? Illud potius miror, Febronianum Systema, quod partim ex Catholicorum, partim ex Proteſtantium Dogmatibus tam inepte contextum eſt, & ſecum pugnat, Viris quibuſdam non indoctis, & cætera Catholicis probari potuiſſe. Sed nemini invidiam creare volo. Interea & Eccleſiam eſſe Statum, & aliquam illi regiminis formam a Chriſto datam eſſe, egregie poſt alios demonſtravir Cl. Mamachius (tom. 4. Orig. Chriſt.), quem Eccleſiaſia hoſtibus reſellendis diu incolumem vivere, velim. Er ego quidem Monarchicam a Chriſto Eccleſiaſia formatam inſtitutam eſſe, inviſte, niſi fallor, demonſtrabo.

V. Quia vero jaſtat ſæpe Febronius Gallicanae Eccleſiaſia ſententiam, non abs re fuerit, hac de re, anrequam ad diſſertationem aggredior, pauca diſſerere, ut perſpicuum fiat, longe ab Eccleſiaſia Gallicana ſententia aberrare Febronium. Itaque primo Facultas Pariſienſis in Articulis contra Lutherum declaravit, Unum eſſe jure divino Summum in Eccleſia Chriſti militante Pontificem, cui omnes Chriſtiani parere tenentur. Et anno 1656. Theſim quamdam Franciſci Guilloû corrigens, ait: S. Petrus totius Eccleſiaſia fundamentalis Petra, & Paſtor univerſalis, Apoſtolorum Princeps a Chriſto conſtitutus eſt. Succeſſores habet Romanos Pontifices cum plenitudine poteſtatis. Eccleſia de jure divino Monarchia eſt, tametiſi Ariſtocratia temperata. Addit Natalis Alexander, qui hæc narrat (ipſi H. E. ſæc. 1. diſſ. 4. S. 2. ſub ſinem): In eo cum Pariſienſibus Doctores Theologos omnes Catholicos conſentire. Præterea in cenſura edita die 18. Maji anno 1683. profeſſi ſunt Pariſienſes Doctores: Unum eſſe jure divino Summum in Eccleſia Pontificem... qui immediate a Chriſto non honoris ſolum, aut dignitatis, ſed & poteſtatis, ac juriſdiſtinctionis Primatum habet in tota Eccleſia. Denique, ut plura alia, quæ afferre poſſem in hanc rem, monimenta prætermittam, Petrus Meldenſis Epicoſopus una cum aliis Caroli VII. Francorum Regis Oratoribus anno 1441. (apud Raynald. ad an. 1441. n. 10.) in Concilio Florentino, Regis ipſius, & Synodi Biturigenſis nomine ait: Nimio fervore reſiſtendi Baſileenſes ad hanc veſaniam devenerunt, quod ſupremam poteſtatem in uno Suppoſito conſiſtere, negent, ſed eam in multitudine collocant, & ſic pulcherri-

mam

*nam Monarchiam Ecclesiae, qua Christianos hucusque tenuit in unitate fidei . . . . nunc abolere, & suppressere contendunt, nobilissimam politiam ad Democratiam, vel Aristocratiam redigentes.*

Quod igitur ait Febronius (cap. 1. §. 8.), quæstionem de forma Ecclesiae Monarchica in Concilio Tridentino agitatam esse, & Canonis, quo ea adstruebatur, à Romanis parato Gallos cum Cardinali Lotharingo obstitisse, Febronii ipsius commentum est. Nunquam enim Galli formam Ecclesiae Monarchicam esse, negarunt; imo Ecclesiam Monarchiam esse, in ipsa Tridentina Synodo Cardinalis Lotharingus professus est. Itaque neque de Ecclesiae forma Monarchica; neque de Primatu jurisdictionis, sed de explicanda Primatus ratione quæstio agitata est: paratumque Canonem ea tantum de causa improbarunt Galli, quod Romano Pontifici etiam supra Concilium œcumenicum auctoritas tribui ipsis visa sit: Quemadmodum ex Card. Pallavicini Historia, & ex Puteani commentariis narrat vel ipse Natalis Alexander (in *b. e. sec. 16. diff. 12. art. 13. n. 4.*)

Secundo. Galli quandoque Romanum Pontificem Ecclesiae Caput ministeriale vocant; sed non ad sensum Rieberii, inquit Tournely (de *Ecl. q. 3. art. 2.*), ut alios Parisienses Theologos prætermittam, quasi omnem suam auctoritatem acceperit ab Ecclesia, illiusque dumtaxat simplex sit Minister quoad executionem potestatis, ut ille volebat. Resto nihilominus sensu, addit, R. Pontifex dici potest Caput ministeriale tum respectu ipsius Christi, tum etiam respectu ipsius Ecclesiae. Respectu quidem Christi: = Pro Christo legatione fungimur =, ait Paulus 2. Cor. 5. 20. Respectu etiam Ecclesiae, cuius & ipse omnium primus decreta observare tenetur, & ut ab omnibus observetur, ex officio invigilare.

Tertio denique Galli Claves Ecclesiae immediate, seu, ut ait Natalis Alexander (in *H. E. sec. 15. & 16. diff. 4. a. 1. n. 14.*), immediatus datas esse, volunt; verum Ecclesiae vocabulo non Fidelium multitudinem, sed Romanum Pontificem, & Episcopos intelligunt. Potestas Clavium, inquit Habert (p. 2. de hier. *Ecl. cap. 5. §. 5. q. 2.*) data est Ecclesiae, hoc est Pontifici, & Episcopis, & his quidem cum subordinatione ad Pontificem Petri Successorem.

Est igitur Gallicanae Ecclesiae sententia, Ecclesiae formam Monarchicam à Christo institutam esse: Romanum Pontificem non modo honoris, sed etiam jurisdictionis Primatum in universa Ecclesia obtinere: & potestatem clavium non Fidelium multitudini, sed Romano Pontifici, & Episcopis à Christo traditam esse. Hæc autem dogmata Febronius præstare negat, imo data opera impugnat. Febronius igitur à Gallicanae Ecclesiae sententia quam longissime aberrat.

VI. Sed singulare tamen habet Ecclesia Gallicana de Romani Ponti-

Pontificis auctoritate sententiam. Nam Clerus Gallicanus anno 1682. declaravit. I. Sic inesse Apostolica Sedi, ac Petri Successoribus Christi Vicariis verum spiritualium plenam potestatem, ut simul valeant, atque immota consistant Sanctæ æcumenicæ Synodi Constantiensis a Sede Apostolica comprobata, ipsoque Romanorum Pontificum, ac totius Ecclesiæ usu confirmata, atque ab Ecclesiâ Gallicana perpetua Religione custodita decreta de auctoritate Conciliorum generalium, quæ sess. IV. & V. continentur; nec probari a Gallicana Ecclesiâ, qui eorum decretorum, quasi dubia sint auctoritatis, ac minus approbata, robur infringant, aut ad solum Schismatis tempus Concilii dicta detorqueant. II. Hinc Apostolica potestatis usum moderandum per Canones Spiritu Dei conditos, & totius mundi reverentia consecratos: valere etiam regulas, mores, & instituta a Regno, & Ecclesiâ Gallicana recepta; Patrumque terminos manere inconcussos; atque id pertinere ad amplitudinem Apostolicæ Sedis, ut Statuta, & Consuetudines tantæ Sedis, & Ecclesiarum consensione firmata propriam stabilitatem obtineant. III. In Fidei quoque questionibus præcipuas Summi Pontificis esse partes, ejusque decreta ad omnes, & singulas Ecclesias pertinere, nec tamen irreformabile esse judicium, nisi Ecclesiæ consensus acceperit.

Declaratio hæc magnas in universa Ecclesiâ, & in ipsis Galliis turbas excitavit, eaque non modo ab Apostolica Sede, sed ab aliis etiam Ecclesiis improbata est. Imo Georgius Szelepecheny Strigoniensis in Hungaria Archiepiscopus coacta nationali Synodo memoratas Cleri Gallicani propositiones proseripsit veluti Christianis auribus absurdas, & plane detestabiles. (*Petitidier de auct. & infallib. Pontif. cap. 15. §. 5.*). Quamobrem ut invidiam a Gallicano Clero apud alias Ecclesias amoveret celeberrimus Bossuetus, testatus est, Gallicanos Patres, non eo animo fuisse, ut decretum de fide conderent, sed eam opinionem ut potiore adoptarent.

Interea vero illud certum est, Gallicanæ Ecclesiæ opinionem circa tempora Concilii Constantiensis, cum Ecclesiâ magno Schismate scinderetur, originem habuisse. Catholicorum enim Doctorum nemo Petro Alliaccensi, & Johanne Gerson antiquior, qui eam tradiderit, memoratur. Gerson ipse (*de potest. Eccl. confid. 12.*): *Fallor, inquit, si non ante celebrationem Sacrosanctæ hujus Constantiensis Synodi sic occupaverat mentes plurimorum ista traditio, ut oppositorum dogmatizator fuisset de hæretica pravitate vel notatus, vel damnatus. Cujus rei signum accipe, quia post declarationem, & quod urgentius est, post determinationem ejusdem Sanctæ Synodi inveniuntur, qui talia passim asserere non paveant.* Novitas autem in re tanti momenti non leve saltem falsitatis argumentum est.

In eo vero egregie fallitur Gerson, imo & Clerus Gallicanus; quod

huc eam rem a Constantiensis Synodo definitam esse, putent; quem admodum ego, cum de ejus Synodi decretis differendum erit ostendam. Et plurimi quidem, imo plerique Episcopi, ac Theologi etiam post Constantiensem Synodum pro summa Romani Pontificis auctoritate depugnant. Eorum plures recensent Raynaldus (*opusc. div. tom.*), & Cardinalis Aguirre (*author. Cathedr. S. Petri tract. 2. disp. 7. & 19.*). Imo etiam Galliarum Episcopos, & Synodos, Academiam Parisiensem, aliosque ejus Nationis Theologos summam R. Pontificis in causis Fidei decernendis auctoritatem semper asseruisse, perpetuis historiarum monumentis demonstrarunt, præter memoratum Aguirre (*ib. disp. 3. 4. 6.*), Antonius Charlas (*de libert. Eccl. Gallic. lib. 7. cap. 10. & 11.*), & Hyacinthus Serry (*apud. ad dissert. de R. P.*). Duo tantum in hanc rem monumenta ego asseram celebri Gallicani Cleri declaratione paulo antiquiora. Anno 1653. Episcopi 85. in Causa Jansenii, his verbis ad Innocentium X. scripserunt: *Majores Causas ad Sedem Apostolicam referre, solemniter Ecclesia mos est, quem Fides Petri nunquam deficiens perpetuo retineri, pro jure suo postulat. Aequissima huic legi obsequentes de gravissimo circa Religionem negotio Sanctitati tuae scribendum esse, censuimus.* Et eodem anno damnatis ab Innocentio pridie Kal. Junii quinque Jansenii propositionibus, Episcopi 30. Parisiis congregati scripserunt: *Judicia pro sancienda regula Fidei a Summis Pontificibus lata... divinae aequae, ac summae per universam Ecclesiam auctoritatis nisi, cui Christiani omnes ex officio ipsius quoque mentis obsequium praestare tenentur.* Ea scilicet fuit usque ad annum 1682. Cleri Gallicani sententia. Cui autem ab ea publice eo anno recesserit, diligentius inquirere, non est hujus diei, ac temporis. Illud ego perspicuum esse, arbitror, doctrinam, quæ memorata declaratione continetur, recentiorum esse, quam ut universæ Ecclesiæ, aut etiam Ecclesiæ Gallicanæ doctrina dici possit.

VII. Jactat equidem sæpe Febronius Alliacensis, Gersonis, Nicolai Cusani, Juliani Casarini, Toftati, Panormitani, Almaini, aliorumque similium, qui tamen perpauci sunt, auctoritatem; sed noverit, velim, Febronius, parvi privatos istos Doctores a nobis pendendi, quin vereamur, ne a quoquam censura notemur. Nam præterquamquod, si nobiscum Doctorum numero, & auctoritate contendere vellent, cum facile vinceremus; nihil causæ est, cur nos, qui ex sacris Literis, ex Patrum Traditione, & ex Conciliorum definitionibus Romani Pontificis causam acturi sumus, privatorum Doctorum auctoritate, aut potius temeritate commoveamur.

VIII. Objicit quoque nobis Febronius (*cap. 1. §. 10.*) Ecclesias Græcam, Africanam, & Germanicam, quasi summam, quam  
nq3

nos Romano Pontifici vindicamus, auctoritatem non agnoverint: Sed Ecclesiarum quidem Græcæ, & Africanæ sententiam frustra a Febronio jactari, pluribus monumentis in tota dissertatione ostendam. De Ecclesiæ vero Germanicæ sententia in tertia dissertationis parte, ubi de Synodis Constantiensi, & Basileensi sermo erit, agam, ut spero, diligenter.

IX. De his interim ante differere, quam ad controversiam aggredi mihi visum est, nequid postea quasi alienum, quod me remoretur, offendam. Non enim aliunde, quam ex sinceris Theologiæ Locis Scriptura, atque Traditione, & ex certissimis Ecclesiasticæ Historiæ monumentis, pro Romani Pontificis auctoritate argumenta depromam. Sed cum argumenta plura ducturus sim etiam ex veterum Romanorum Pontificum epistolis, non iis quidem, quæ ab Igodoro consistunt, sed quæ genuinæ sunt, atque ex eorum agendi consuetudine, præsertim vero SS. Innocentii I. Zosimi, Bonifacii I. Cœlestini I. Leonis Magni, & Gelasii, qui V. Sæculo non modo Romanam, sed etiam universam Ecclesiam scriptis, & vitæ Sanctitate illustrarunt, non erit, opinor, iniquus adeo Febronius, ut eorum auctoritatem quasi suspectam, rejecturus sit. Nam etiam ipse eorum & agendi rationem sæpe sæpius commendat, & auctoritate nobiscum pugnat. Ergo ad dissertationem aggredior, non adulandi cupiditate permotus, aut commodi alicujus spe illectus, quod nostratibus Viris, ac præsertim Monachis exprobrat sæpe Febronius; sed tum summo quidem in Apostolicam Sedem obsequio, tum vero potissimum interiori veritatis persuasione ductus.



# PARS PRIMA.

DE PRIMATU S. PETRI APOSTOLI.

## CAPUT I.

*S. Petrum obtinuisse a Christo Primatum jurisdictionis  
in universa Ecclesia, ostenditur  
ex Matth. cap. 16.*

I. **S** Anctus Matthæus (cap. 16. v. 13. seqq.): Venit autem Jesus, inquit, in partes Casarea Philippi, & interrogabat Discipulos suos dicens: Quem dicunt homines esse Filium hominis? At illi dixerunt: Alii Joannem Baptistam: Alii autem Eliam: Alii vero Jeremiam, aut unum ex Prophetis. Dicit illis Jesus: Vos autem quem me esse, dicitis? Respondens Simon Petrus dixit: Tu es Christus Filius Dei vivi. Respondens autem Jesus, dixit ei: Beatus es, Simon Bar-Jona, quia cævo, & sanguis non revelavit tibi, sed Pater meus, qui in cælis est: Es ego dico tibi, quia tu es Petrus, & super hanc Petram ædificabo Ecclesiam meam, & porta inferi non prævalebunt adversus eam: & tibi dabo claves regni cælorum; & quodcumque ligaveris super terram, erit ligatum & in Cælis; & quodcumque solveris super terram, erit solutum & in Cælis. Hoc autem loco Discipulos quidem omnes interrogat Christus: Vos autem, quem me esse dicitis? Sed eorum unus Petrus respondet: Tu es Christus Filius Dei vivi: Quamobrem uni Petro ait Christus: Beatus es, Simon Bar-Jona... & ego dico tibi, quia Tu es Petrus, idest Saxum, Rupes, Petra; hæc enim significat Syriacum vocabulum Cephæ, quo Christus usus est; & super hanc Petram; idest super te, qui es Petra, ædificabo Ecclesiam meam.

II. Et Petram quidem, super quam promisit ibi Christus, se ædificaturum esse Ecclesiam suam, esse Simonem Bar-Jona, docent omnes Ecclesiæ Patres, Origenes, Tertullianus, Cyprianus, Hilarius, Basiliius, Gregorius Nazianzenus, Hieronymus, Epiphanius, Ambrosius, Paulinus Nolanus, Johannes Chrysostomus, Augustinus, Bonifacius I., Cyrillus Alexandrinus, Philippus Presbyter Cœlestini I. Legatus, Leo Magnus, Petrus Chrysologus, Synodus Chalcedonensis, Sergius Cypri Episcopus,

pus, Maximus Taurinensis (1), alique plurimi, quos prætermitto, quia quos attuli, ii ad fidem de perpetua Ecclesiæ Tradi-

(1) *Origenes hom. 5. in Exod.* Vide magno illi Ecclesiæ fundamento, & Petræ solidissimæ, super quam Christus fundavit Ecclesiam, quid dicatur a Domino: modicæ, inquit, fidei, quare dubitasti? *Vide & comment. in cap. 6. Epist. ad Rom.*

*Tertullianus de præser. cap. 20.* Latuit aliquid Petrum ædificandæ Ecclesiæ Petram dictum?

*Cyprianus Epist. 73.* Ecclesia est una, & super unum, qui & claves ejus accepit, Domini voce fundata. *Et ib.* Nam Petro primum Dominus, super quem ædificavit Ecclesiam suam, & unde unitatis originem instituit, & ostendit, potestatem istam dedit, ut id. solveretur in cælis, quod ille solvisset in terris.

*Hilarinus in Matth. cap. 16.* Dignum plane confessio Petri præmium consecuta est... o in nuncupatione novi nominis felix Ecclesiæ fundamentum, dignaque ædificatione illius Petra!

*Basilus lib. 2. contra Eunom. memorat Petrum,* quoniam fide præstabat, Ecclesiæ ædificationem in se recipientem.

*Gregorius Nazjanzenus orat. 26.* Vides, quemadmodum ex Christi discipulis... hic Petra vocetur, atque Ecclesiæ fundamenta in fidem tuam accipiat.

*Epiphanius har. 59.* Qui negavit aliquando S. Petrus, & summus Apostolorum, qui factus est nobis vere firma Petra fundans Domini fidem, in qua ædificata est modis omnibus Ecclesia.

*Ambrosius serm. 11. de S. Petro, & Paulo.* Si ergo Petrus Petra est, super quam ædificatur Ecclesia, recte prius pedes sanat (*Clandi, de quo Act. 3. loquitur S. Lucas*), ut sicut in Ecclesia fidei fundamentum continet, ita & in homine membrorum fundamenta confirmet. *Et serm. 2. de Sanctis.* Petra dicitur (*Petrus*), eo quod primus in nationibus hujus fundamenta posuerit, & tamquam saxum immobile totius operis Christiani compagem, molemque contineat.

*Hieronymus lib. 1. adv. Pelag.* Quid Platoni, & Petro? Ut enim ille princeps Philosophorum, ita hic Apostolorum, super quem Ecclesia Domini stabili mole fundata est.

*Paulinus Nolanus epist. 23. al. 3. & 4. ad Severum n. 43.* Petra est Christus... Etiam discipulo suo hujus vocabuli gratiam non negavit, cum ait: Super hanc Petram &c.

*Johannes Chrysost. hom. 3. de panis.* Cum Petrum dico, Petram nomino infragilem, crepidinem immobilem. *hom. 4. in illud: vidi Dominum.* Quid autem Petrus basis Ecclesiæ? *hom. in illud: hoc scitote. n. 4.* Petrus itaque Chori illius coriphæus, os Apostolorum, caput illius familie, orbis totius præfectus, fundamentum Ecclesiæ.

*Augustinus in psalm. 69.* Petrus, qui paulo ante eum confessus erat Filium Dei, & in illa confessione appellatus erat Petra, super quam fabricaretur Ecclesia &c. *Et serm. 19. de Sanctis.* Solus inter Apostolos meruit audire: amen dico tibi, quia tu es Petrus, & super hanc Petram ædificabo Ecclesiam meam: dignus certe, qui ædificandis in Domo Dei populis lapis esset ad fundamentum, columna ad sustentaculum, clavis ad Regnum.

Traditione faciendam hac in re, satis superque sũnt. Est igitur Simon Petrus Ecclesiæ Petra, & fundamentum. Quod autem est in ædificio fundamentum, est in Corpore Caput, in Regno Rex, in Civitate Rector: ergo Simon Petrus constitutus est a Christo Ecclesiæ Caput, Rex, Rector, seu Præses cum summa auctoritate, & jurisdictione.

III. Rursus, Christus Petro dedit Claves Regni cœlorum, quod etiam docent Ecclesiæ Patres, Origenes, Cyprianus, Firmilianus, Hilarius, Basiliius, Ambrosius, Optatus Milevitanus, Johannes Chrysostomus, Epiphanius, Cœlestinus I. Philippus Cœlestini Legatus

B 2

tus

*Bonifacius I. epist. 5. ad Rufum Thessalon.* Beatissimus Petrus &c. in quo universalis Ecclesiæ positum legimus fundamentum.

*Cyrillus Alexandrinus in Jo. lib. 2. cap. 12.* Nec Simon fore jam nomen sibi, sed Petrus, prædicit; vocabulo ipso commode significans, quod in eo tamquam in Petra, lapideque firmissimo suam esset ædificaturus Ecclesiam.

*Philippus Presbyter Cœlestini I. R. P. Legatus ad 3. Synodi Epbes.* Nulli dubium, imo sæculis omnibus notum est, quod Sanctus, Beatissimusque Petrus Apostolorum Princeps, & Caput, fideique columna, & Ecclesiæ Catholicæ fundamentum a Domino Nostro... Claves Regni accepit.

*Leo M. serm. 98. al. 93. cap. 1.....* Beatitudinis felicitate donatus (*Petrus*), sacram inviolabilis Petræ acciperet firmitatem, super quam fundata Ecclesiæ portis inferi, & mortis legibus prævaleret.

*A. 3. Synodi Chalced.* vocatur Petrus Petra, & crepido Ecclesiæ Catholicæ, & rectæ fidei fundamentum.

*Petrus Chrysologus serm. 107.* Ipse (*Petrus*) est ergo Custos fidei, Petra Ecclesiæ, janitorque cœlorum. Et serm. 154. Petrus a Petra nomen adeptus est, qui primus meruit Ecclesiam fidei firmitate fundare.

*Gregorius M. epist. 76. lib. 2. ad Marcianum Augustum, ubi improbas Johannis C. P. superbiam,* qui Episcopi universalis nomen sibi arrogaverat. Cunctis enim scientibus Evangelium, quod voce Dominica Sancto, & omnium Apostolorum Petro Principi Apostolo totius Ecclesiæ cura commissa est. Ipsi quippe dicitur, *Petre amas me? pasci oves meas.* Ipsi dicitur: *Ecce Sathanas expetivit vos &c.* Ipsi dicitur: *tu es Petrus, & super hanc Petram ædificabo Ecclesiam meam &c.* Ecce claves regni cœlestis accipit, potestas ei ligandi, & solvendi tribuitur: Cura ei totius Ecclesiæ, & Principatus committitur, & tamen universalis Apostolus non vocatur.

*Sergius Cypri Episcopus epist. ad Theodorum Papam inserta Actis Synodi Lateran. II. Martino II. R. P. habita:* Tu es enim, sicut divinum veraciter pronunciat Verbum, Petrus, & super fundamentum tuum Ecclesiæ columnæ confirmatæ sunt, tibi & claves cœlorum commisit, atque ligare, & solvere cum potestate quæ in terra, & in cœlis sunt, promulgavit.

*Maximus Taurinensis serm. 31.* Hic est Petrus, cui Christus Dominus communionem sui nominis libenter indulgit: ut enim, sicut Paulus Apostolus docuit, Petra erat Christus, ita per Christum Petrus factus est Petra, dicente ei Domino: Tu es Petrus &c.

tus, Gregorius M. Sergius, Vigilus Papa, Paschasius Ratbertus, & alii plures (2). Claves autem potestatem significant, uti ex Scripturis

(2) *Origenes tom. 13. in Matth.* Verum quæ uni Petro supra (*Matth. 16.*) conceffa sunt, hic (*Matth. 18.*) omnibus quoque videtur tribuisse... At quoniam præ iis, qui ter arguerunt, peculiare aliquid Petro tribui oportebat, etiamfi de Petro, & qui ter fratres arguerunt, commune aliquid dictum fit, privatim illud Petro attributum est: *dabo tibi claves regni cælorum; proutquam illud: quæcumque alligaveris super terram &c.* Ac sane si ad evangelica scripta animum diligenter appellamus, ibi magnum invenimus discrimen, & excellentiam eorum, quæ Petro præ iis, quæ aliis dicta sunt... quia Petro quidem datæ sunt claves non unius cæli, sed multorum cælorum, ut quæcumque ligaverit super terram, sint ligata non tantum in uno cælo, sed in omnibus cælis... Ad eos autem, qui multi sunt ligatores, & solutores in terra, sic dicit, ut solvant, & alligent non in cælis, sicut Petrus, sed in uno cælo, quia non sunt in tanta perfectione sicut Petrus, ut alligent, vel solvant in omnibus cælis.

*Cyprianus l. c.*

*Firmilianus epist. ad Cyp.* Hinc intelligi potest, quod soli Petro Christus dixerit: *Quodcumque ligaveris &c.*

*Hilarius lib. 6. de Trin. n. 37.* Post Sacramenti confessionem B. Simon ædificationi Ecclesiæ subjacens, & claves regni cælestis accipiens &c. *Et in cap. 16. Matth. n. 7.* O Beatus Cæli Janitor, cujus arbitrio claves æterni aditus traduntur.

*Basilius proem. de jud. Dei n. 7.* Prælati quidem (*Petrus*) discipulis, cui uni majora data, quam aliis, sunt testimonia, qui prædicatus est beatus, cui claves cælorum commendatæ sunt.

*Gregorius Nyssenus adv. eos, qui castigationis agre ferunt:* Per Petrum Episcopis dedit clavem cælestium regnorum.

*Ambrosius in Luc. lib. 7. cap. 13.* Petrus, qui omnem habuit fidem, regni cælorum claves, ut aliis referaret, accepit. *Et lib. 10. cap. 22.* Tollit ergo Petrus aurem. Quare Petrus? Quia ipse est, qui accepit claves regni cælorum. Ille enim condemnat, qui & absolvit, quoniam idem & ligandi, & solvendi adeptus est potestatem. Tollit aurem male audientis: tollit autem gladio spiritali aurem interiorem male intelligentis. Caveamus, necui tollatur auricula. Legitur Passio Domini. Si ad divinitatem ejus referimus infirmitatem corporeæ passionis, exciditur auricula, & exciditur a Petro, qui non est pñsus, Christum Prophetam æstimari, sed Dei Filium docuit fidei confessione signari. *Et ib. in cap. 24.* Denique Petrus sine metu adventit (*ad Sepulchrum Christi cum Johanne*), & constanter qui posterior venerat, primus ingreditur, quasi qui claves regni, ut aliis aperiret, acceperat.

*Optatus Milevitanus lib. 7. contr. Parmen.* Præferri Apostolis omnibus meruit (*Petrus*), & claves regni cælorum communicandas cæteris solus accepit.

*Johannes Chrys. hom. 54. al. 55. in Matth.* deinde alterum dicit honorem: *ego autem dabo tibi claves regni cælorum....* Quæ uni Deo sunt propria, nempe peccata solvere, Ecclesiam in tanto fluctuum concursu immotam

pturis (*Isaia cap. 22. v. 21. & 22. Luc. 11. 51. Apoc. cap. 1. v. 18. & cap. 3. v. 7.*), & ex Patribus, & ex ipso loquendi usu constat: Ergo dedit Christus Petro summam in Ecclesia potestatem, seu Primatum jurisdictionis.

## CAPUT II.

*Febronii argumenta adversus Caput I. exponuntur,  
& refutantur.*

I. **F**ateretur Febronius (*cap. 1. §. 2. n. 6. & cap. 2. §. 1. n. 1.*), ex allatis superius Christi Verbis rite colligi Primatum S. Petri, sed honoris dumtaxat, & ordinis non vero jurisdictionis Primatum esse, vult. Id vero ut conficiat, varias assert (*cap. 1. §. 2.*), Sanctorum Patrum interpretationes in Christi verba, de quibus agimus.

Ait itaque primo (*ib. n. 1.*): *Multi per Petram hanc intelligunt*

reddere, hominemque piscatorem, toto impugnante Orbe, petra firmiorem reddere, hæc se illi daturum pollicetur.... Mortali homini omnem in cælo potestatem dedit, dum claves illi tradidit, qui Ecclesiam per totum Orbem terrarum extendit, & cælis firmiorem monstravit.

*Epiphanius in Ancor.* Juxta omnem enim modum in ipso (*Petro*) firmata est fides, qui accepit clavem cælorum, & solvit in terra, & ligat in cælo.... Princeps Apostolorum Petrus, qui dignus factus est habere clavem regni cælorum.

*Cælestinus I. epist. 3. ad Episc. Illyric.* Pontificem præcipua circa omnes cura constringit, cui necessitatem de omnibus tractandi Christus in Sancto Petro Apostolo, cum illi claves aperiendi, claudendique daret, indulgit.

*Philippus Presbyter, Petrus Chrysologus, Sergius, Gregorius M. II. super. ec. Vigilus epist. ad univers.* Ecclesiæ data anno 552. Confidenti enim salutariter, ac dicenti: *Tu es Christus Filius Dei vivi*, perennis beatitudo rependitur, & columbæ filius vocitatur, & claves regni cælestis accipit.

*Paschasius Radbertus in cap. 18 Matth.* Hæc potestas solvendi, atque ligandi videtur eadem, quæ Petro supra data est; sed non est ita per omnia, quoniam oportebat Petrum aliquod privilegium habere præ istis, qui ter arguere jubentur: *Tibi dabo claves &c.* Ubi non modica differentia esse sentitur, quia Petro datæ claves non unius cæli, sed claves regni cælorum, ut quæcumque ligaverit super terram, sint ligata non tantum in uno cælo, verum & in omnibus cælis. *Et lib. 6. cap. 10.* Jure in meritis primus estimatur, per quem, & in quo ad alios dona transmittuntur. Accipiunt autem reliqui a Domino claves, cum ei a Domino specialius committuntur:

gunt Fidem, seu confessionem, quam de Christi divinitate Petrus fecerat? Hoc agunt Hilarius (lib. 6. de Trin. n. 36.), Gregorius Nyssenus (in oper. de adv. Dom.), Chrysostomus (hom. 55. in Matth.), Ambrosius (lib. 6. in Luc. & in cap. 11. epist. ad Ephes.), Gregorius M. (lib. 4. epist. 38.), Theodoretus (epist. 77.) & alii saltem triginta quinque Patrum, & antiquorum graviorum Scriptorum commentarii præter S. Leonem, Adrianum I. Nicolaum I. Stephanum VI. Innocentium II. & Urbanum II. apud Natalem Alexandrum tom. 8. edit. pari. pag. 375. Eundem sensum retinet oratio in Missa Vigiliæ Apostolorum Petri, & Pauli in Missali Romano: Præsta, quæsumus, Omnipotens Deus, ut nullis nos sinas perturbationibus concuti, quos in Apostolicæ confessionis petra solidasti... Itaque eum non aliter oret Ecclesia, videtur esse doctrina Ecclesiæ, ut hæc ipsa supra confessionem S. Petri fundata credatur. Hæc tenus Febronius.

II. Sed frustra istiusmodi Patrum interpretationem nobis opponit. Ut enim ex ea concludat Febronius, Petram non esse Petrum, sed Fidem, Fideive confessionem a Petro editam, ostendendum præterea illi est, eos Patres Petrum excludere, eorumque sententiâ non super Petrum, sed super fidem, fideive confessionem Ecclesiam ædificatam esse. Si enim Petram fidei confessionem interpretentur non proprie, sed figurate, nempe ut Petram ad causam referant, cur Ecclesiæ Petra, & fundamentum Petrus a Christo constitutus sit, inepte plane concludit Febronius, eorundem Patrum sententiâ, non Petrum, sed fidem, aut fidei confessionem esse Petram, & fundamentum Ecclesiæ, de quo loquitur Christus Matth. 16. Quemadmodum fere inepte quis conficeret, Sancti Hieronymi sententiâ, proprie super aquas Petri corpus non ambulasse, sed fidem, quod id scripserit. Sanctus Doctor in epist. 61. ad Pammachium: aut sententiâ Ambrosii, non pedibus, sed dilectione, Petrum super aquas ambulasse, quod affirmaverit comm. in ep. ad Gal. cap. 2. Petrum in mari ambulasse magis dilectione, quam pedibus. Jamvero Patres, qui a Febronio memorantur, primo quidem Petræ vocabulo Petrum ad verbum intelligunt, aut Petrum significari, veluti certum sumunt. Hilarii, Johannis Chrysostomi, Ambrosii, Leonis, Gregorii hæc de re testimonia superius allegavi. Deinde vero ii, & alii, qui Petram interpretati sunt fidem, seu fidei confessionem, hanc a Petro non fecerunt, sed ad Petrum retulerunt, ut causam tantæ dignitatis Petro collatæ significarent. Id facile colligitur ex verbis superius descriptis (cap. 1.) Hilarii, Basilii, Gregorii Nazian., Epiphani, Augustini, Philippi Presb. Synodi Chalced. Petri Chrysologi & Vigili. S. Hilarius (in Matth. cap. 16. n. 6.) Dignum plane, inquit, confessio Petri Premium consecuta est. Sanctus Johannes Chry-

Chrysostomus ait quidem (l. c.): *Super hanc Petram edificabo Ecclesiam meam: idest super fidem confessionis; sed addit: Quæ n-  
ni Deo sunt propria, nempe peccata solvere, Ecclesiam in tanto fluxuum  
concurſu immotam reddere, hominemque piscatorem Petra firmiorem reddere;  
hæc se illi daturum, pollicetur. Alibi vero vocat Petrum fundamentum  
Ecclesiæ, basim Ecclesiæ. S. Ambrosius l. c. ait Fidem esse Ecclesiæ fun-  
damentum; sed alibi (ib. in cap. 9.) quem in sensum id intelligat, his  
verbis explicat: Petra est Christus: etiam discipulo hujus vocabuli gra-  
tiam non negavit, ut & ipse sit Petrus, quod de Petra habeat soliditatem  
constantia, fidei firmitatem. Enitere ergo, ut & tu Petra sis... Pe-  
tra tua altus est: Petra tua mens est: Petra tua fides est: fundamentum  
Ecclesiæ fides est: Quibus verbis significat ob fidem, fideique firmi-  
tatem Petrum constitutum esse a Christo Ecclesiæ fundamentum. Sed  
in re facili laborem ego quero. Sive enim Petrum, sive fidem, quam  
Petrus confessus est, ipsamve fidei confessionem Ecclesiæ fundamen-  
tum esse, dicas; perinde est. Petri enim fides nunquam defectura  
est (Luc. 22.): ubi igitur Petrus est, ibi & vera fides est; & ubi  
vera fides, ibi Petrus. Ubi autem vera fides est; ibi est Ecclesiæ;  
ergo etiam ubi Petrus est, ibi Ecclesiæ est. Ergo quoniam Fides,  
fideique confessio a Petro non feceruntur, si fidem Petri cum me-  
moratis Patribus Ecclesiæ fundamentum esse, dicas, Petrum Funda-  
mentum Ecclesiæ esse, fateris. Quare S. Ambrosius (enarr. in psal. 40.)  
Ipse, inquit, est Petrus cui dixit: Tu es Petrus, & super hanc Pe-  
tram ædificabo Ecclesiam meam: ubi Petrus, ibi Ecclesiæ; ubi Ecclesiæ, ibi  
nulla mors, sed vita æterna. Et ideo addidit: Et portæ inferi non præva-  
lebunt ei, & tibi dabo claves regni eorum. Beatus Petrus, cui non in-  
ferorum porta prævaluit, non celi porta se clausit. In eundem sensum  
ceteros Patres intelligendos esse, manifesta res est. Patres igitur a Fe-  
bronio allegati Petram interpretati sunt Fidem, Fideive confessionem non  
seorsim a Petro sumptam, & in abstracto, ut ajunt, sed in concreto, idest  
Fidem Petri, seu Petrum, qui ob egregiam Fidei confessionem Ecclesiæ  
Petra a Christo constitutus est. Ergo Petram interpretati sunt Petrum.  
Sed primum Febronii argumentum diligenter satis, ut arbitror,  
refutavi.*

III. Ait 2. Febronius (ib. n. 2.): *Mii hoc loco per Petram intel-  
ligunt Jesum Christum, qui revera est Ecclesiæ suæ fundamentum, Lapis  
angularis, & essentielle Caput juxta plures Sacra Scripturæ textus... fa-  
cit hoc præ cæteris S. Augustinus tract. 124. in Jo. ubi = Ecclesiæ fun-  
data est super Petram, unde Petrus nomen accepit... Super hanc ergo,  
inquit, Petram, quam confessus es, ædificabo Ecclesiam meam. Petra  
enim erat Christus, super quod fundamentum etiam ipse ædificatus est Pe-  
trus = Eadem interpretatio legitur in commentariis S. Hieronymi in cap. 7. S.  
Matthæi*

*Matthæi, nec non in Theodoro super cap. 3. ep. 1. ad Corinth. aliisque.*

Sed istud quoque argumentum facillime refutatur: Patres enim, qui Petram Christum interpretati sunt, primi quidem, & præcipui Ecclesiæ fundamenti rationem habuerunt; sed Petrum veluti alterum fundamentum a Christo ipso constitutum non excluderunt. Præter S. Ambrosium superius (n. 2.) memoratum, S. Hieronymus (in cap. 16. Matth.): *Sicut ipse, inquit, lumen Apostolis donavit, ut lumen mundi appellarentur... ita & Simoni, qui credebatur in Petram Christum, Petri largitus est nomen, ac secundum metaphoram Petrus recte ei dicitur: Edificabo Ecclesiam meam super te.* Et alibi (in Jerem. cap. 16.) *Non solum enim, inquit, Christus Petra, sed & Apostolo Petro donavit, ut vocaretur Petra.* Est igitur Christus Petra, & fundamentum Ecclesiæ, præter quod nemo aliud ponere potest, ut ait Apostolus (1. Cor. 3. 11.), *Et super quod etiam ipse edificatus est Petrus,* ut ait S. Augustinus; sed Petra tamen est etiam Simon, cui Christus prima, & præcipua Petra Petrus nomen donavit, ut Ecclesiæ fundamentum esset; ac secundum metaphoram Petrus recte ei dicitur: *edificabo Ecclesiam meam super TE;* ut ait S. Hieronymus.

IV. Augustinus ipse, qui Petram Christum interpretatus est, interpretatus est etiam sæpe Simonem Petrum, ut ipse fatetur (*lib. 1. Retract. cap. 21.*); qui sensus etiam, inquit, cantatur ore multorum in versibus BB. Ambrosii, ubi de gallo gallinaceo ait. Hoc ipsa Petra Ecclesiæ canente culpam diluit. Et concludit: *Harum autem duarum sententiarum, quæ sit probabilior, eligat Lector.* Cæterum Petram Christum aliquando interpretatus est Augustinus, aut ne, si super Petrum Ecclesiam ædificatam esse diceret, Sacramentorum vim in Ministrorum Sanctitate collocare videretur, ut sensit Natalis Alexander (*in b. e. sec. 1. dissert. 4. §. 3.*); aut quod Syriaci vocabuli *Cephar*, quo Christus usus est, vim non perspexerit, uti cum Baronio (*ad annum 33.*) & Bellarmino (*lib. 1. de R. P. cap. 10.*) non temere opinantur plures eruditi Viri. Ejus enim interpretationis hanc assert Augustinus cau- sam (*lib. 1. Retract. cap. 21.*), quod *non dictum est illi: Tu es Petra: sed: tu es Petrus* = quasi aliud Petrus (Πέτρος) aliud Petra (Πέτρα) significet; aut non utrobique eodem Syriaco vocabulo *Cephar* Christus usus sit. Neque video, cur hoc responsum minus verum esse, sentiat Cl. Zacharia (*Anti-Febbr. p. 1. diff. 1. cap. 4. §. 1. n. 3.*). Quamvis enim eandem interpretationem tradiderint Eusebius, & Hieronymus Syriacæ linguæ periti; hi tamen neque vulgatam, & Patribus omnibus communem interpretationem excluderunt, ut excludit Augustinus, neque eandem atque Augustinus suæ interpretationis causam dederunt, ut aliud significare existimaverint Petram, aliud Petrum. Sed quidquid ea de re sit, Augustinus communi aliorum Patrum interpretationi non adversatur.

V. Ait



V. Ait tertio. Febronius (*ib. n. 3.*): Communior autem sententia est eorum Patrum, ac Sacrorum Interpretum; qui Christi verba de S. Petro quidem, sed ita accipiunt, ut quemadmodum Petrus Domino omnes interroganti suo, & discipulorum suorum nomine respondit, ita & in replica Christi cum Petro intelligantur reliqui quoque Apostoli, quippe qui omnes revera sunt fundamenta Ecclesie, juxta illud S. Pauli ad Ephes. cap. 2. v. 20. *Edificati super fundamentum Apostolorum, nec non Apoc. 21. In summa* Christus ipse est unicum, & primum fundamentum sua Ecclesia; si S. Petrus dicatur secundum, & ministeriale fundamentum, debetis & tantumdem asseri de reliquis Apostolis. Itaque si de secundario hoc fundamento accurate loqui velimus, Petrus erit primus, sed non unicus fundamenti lapis. Sic Origenes *tract. 1. in cap. 16. Matth. = Tu es Petrus, Petra enim est quilibet Christi discipulus, & super talem Petram construitur omnis Ecclesiastica Doctrina . . . . Quod si super illum unum Petrum tantum existimas edificari Ecclesiam, quid dicturus es de Johanne filio tonitru, & Apostolorum unoquoque. S. Hieronymus lib. 1. adv. Jovin. = At dicis: super Petrum fundatur Ecclesia: Licet idipsum alio in loco super omnes Apostolos fiat, & cuncti claves regni Cælorum accipiant, & ex quo super illos fortitudo Ecclesie solidetur; tamen propterea inter duodecim unus eligitur, ut Capite constituto, schismatis tollatur occasio. = S. Augustinus *tract. 108. = Unus pro omnibus dicit: Tu es Filius Dei vivi, & propter hoc claves cum omnibus, tamquam personam gerens Ecclesie, accepit. = Leo M. *serm. 3. de anniv. assumptionis cap. 3. = Transiit in alios Apostolos vis istius potestatis; & ad omnes Ecclesie Principes hujus decreti constitutio commovit; sed non frustra uni commendatur, quod omnibus intimatur; Petro enim singulariter hoc creditur, quia cunctis Ecclesie rectoribus forma præponitur. = Theophilactus in hunc locum Matth. = Licet ad Petrum tantum dictum sit illud: tibi dabo claves &c. tamen omnibus Apostolis olim datum est; quando dicit: Quorum remiseritis &c. Eucherius *Lugdun. hom. in Nat. Petri = Hoc enim quod Petro principaliter dicitur, cæteris quoque Apostolis dictum esse, intelligi debet = Paschasius Ratbertus lib. 8. cap. 16. in Matth. = Non super unum Petrum, verum super omnes Apostolos, Apostolorumque Successores Ecclesia Dei edificatur = Eodem sensu hunc textum intelligunt Hincmarus *Epist. 33. cap. 20. Odo Cluniacensis lib. 4. Collat. cap. 19. Petrus Blasensis *serm. 44. alique innumeri. Hæc ille.******

VI. Sed neque tertium istud argumentum id conficit, quod Febronius intendit. Non hic querimus, an etiam Apostoli sint Ecclesie fundamenta; sed an Petra, super quam se edificatum esse Ecclesiam, Christus promissit *Matth. 16. proprie, & secundum liter-*

ram, ut ajuat, sint omnes simul Apostoli, an Petrus tantum? Huiusmodi Petram esse Petrum tantummodo, omnes Ecclesie Patres docent, sique ipsi, qui a Febronio memorantur, nempe præter Origenem, Hieronymum, Augustinum, & Leonem superius allatos, etiam Theophilactus, qui (l. c.) ait: *Remunerat Petrum Dominus, mercedem illi datus magnam, quod supra eum edificavit Ecclesiam, & alibi (in cap. 22. Luc.)* Christi verba: *confirma fratres tuos*; sic explicat: *Confirma ceteros*; hoc enim te decet, qui post me Ecclesie Petra es, & firmamentum. Encherius fatetur, ea verba principaliter pro dicta esse: non ergo eodem modo, & æque primum cæteris Apostolis dicta esse, vult.

Palchastius (lib. 8. in Matth. cap. 16.) ait, Petrum a Petra Christo dictum esse, & addit: *Licet super eodem fundamento primus, ac si caput Petrus recte positus credatur, tamen in ea Petra, de qua nomen sibi ex Deo traxit, tota construitur celestis Hierusalem... de cuius nimirum firmitate prior Abraham in veteri testamento firmatus, & consolidatus in ipso legitur, deinde Petrus in novo.* Ut hinc scilicet intelligas, nullum afferri a Febronio veterem Patrem, qui Petram Petrum interpretatus non sit.

VII. Quamquam autem Petra, de qua sermo est, proprie, & κατὰ λόγον est solus Petrus, nihilo secius cæteri etiam Apostoli recte dicuntur Ecclesie fundamenta, non quidem quod omnes simul sint prima illa petra, super quam Ecclesia ædificata est; sed quod primi Ecclesie ædificium construxerint, quod scilicet primi Evangelium ubique terrarum evulgaverint, Ethnicos ad Christi Religionem amplectendam adduxerint, Ecclesias ubique fundaverint, Episcopos constituerint &c. Nam & Prophetæ, non secus atque Apostoli, vocantur a S. Paulo Ecclesie fundamenta (l. c.): *ædificati*, inquit, *super fundamentum Apostolorum, & Prophetarum.* Prophetæ autem proprie Petra illa non sunt, de qua ait Christus: *super hanc Petram ædificabo Ecclesiam meam*; sed Ecclesie fundamenta dicuntur, quod Christi Religionem, & quæ ad Ecclesiam spectant, longe ante, quam evenerunt, prædixerint, doctrinæque Christi veluti fundamenta jecerint. Ergo similem ob causam etiam Apostoli Ecclesie fundamenta sunt.

VIII. Rursus: ea Christi verba ita explicant aliqui Patres, ut petram esse velint quemlibet fidelem. Origenes (l. c.) ait: *Si illud idem dicamus, sicut Petrus, Petrus efficietur*; & statim post verba a Febronio descripta: *Unicuique enim perfecto habenti congregationem sermonum beatitudinem efficientium, & operum, & cognitionum, inest Ecclesia a Deo ædificata.* S. Ambrosius (lib. 6. in Luc. cap. 9.) ait: *Qui enim carnem vicerit, Ecclesia fundamentum est, & si æquari Petro non potest, imitari potest... Enitere ergo, ut & tu Petra sis.*

Theo-

Theophilactus (in *cap. 16. Matth.*) postquam dixit; Ecclesiam super Petrum ædificatam esse, addit: *Est autem & unusquisque nostrum Ecclesia, quæ sit domus Dei.* Denique Paschasius Ratbertus ante verba a Febronio allata, hæc habet: *Et notandum, quod tantum Petra est unusquisque fidelium, quantum imitator est Christi: ac per hoc tantum Ecclesia Christi super eos fundatur, quantum & ipsi firmantur in Christo.* Unde non super uno Petro, verum super omnes Apostolos, Apostolorumque Successores Ecclesia Dei ædificatur. At inepte quis dixerit, quemlibet fidelem esse proprie Petram, & fundamentum Ecclesiæ. Si enim omnes fideles fundamentum Ecclesiæ sunt, frustra ædificium quæseris. Sunt igitur fundamentum Ecclesiæ minus proprie, & in sensum morale, quia scilicet veram continentur fidem, ob quam veluti Petrus cum Christo prima Petra, & cum Petro altera Petra a Christo ipso constituta conglutinata, unum ædificium constituunt.

IX. Itaque & Patribus, qui a Febronio allegantur, Origenes, & Paschasius Ratbertus Petram interpretantur non modo Apostolos, sed etiam Fidelium unumquemque, non quidem proprie, sed allegorice. Augustinus, Leo Magnus, Eucherius, Theophilactus laudatis locis non de Petra, super quam ædificata est Ecclesia, sed de clavibus loquuntur, uti ex eorum verbis perspicuum est. De Clavibus autem paulo inferius differendi locus erit. Reliquos, ut pote recentiores, persequi opus non est: quamquam audentius, quam verius innumeros appellat Febronius. Unus igitur S. Hieronymus affirmat, super omnes Apostolos fundatam esse Ecclesiam. Sed neque S. Hieronymus Febronii assertum juvat. Joviniano enim virginitatem improbanti, objecit S. Hieronymus, S. Johannem Apostolum, qui Virgo erat, magis a Christo dilectum esse, quam Petrum, qui uxorem habuerat: *At dicis, inquit S. Hieronymus: super Petrum, qui uxorem habuit, fundatur Ecclesia; responderetque: licet idipsum alio in loco &c.* Ergo fatetur Petram, super quam promisit Christus, se ædificaturum esse Ecclesiam (*Matth. 16.*), esse Petrum; non enim ibi, sed alio in loco idipsum super omnes Apostolos fieri. At vero alio in loco non legimus, Apostolos omnes dictos esse Petram, aut super omnes æque Apostolos Ecclesiam ædificatam esse; ergo ait S. Doctor, idipsum alio in loco super omnes Apostolos fieri, non quod omnes æque sint Petra, & fundamentum Ecclesiæ, sed quod & alii Apostoli fundamenta Ecclesiæ sint, & omnes acceperint claves regni cælorum. Neque sane aliud præterea opus erat, ut Joviniani argumentum refutaret. Si enim etiam Johannes est fundamentum Ecclesiæ, & claves regni cælorum accepit, atque etiam super illum fortitudo Ecclesiæ solidatur, frustra ex eo quod Ecclesia super Petrum, qui uxorem habuerat, fundata esset, colligebat Jovinianus, virginitatem reprobendam

esse. Ne quis tamen ex S. Doctoris responso concluderet; æqualem esse Apostolorum omnium auctoritatem, addidit: *Tamen propterea inter duodecim unus eligitur, ut, Capite constituto, schismatis tollatur occasio.* Si autem unus inter duodecim eligitur, & Caput constituitur, non sunt omnes eodem plane modo Ecclesiæ fundamenta, non æqualis est omnium auctoritas: Si unus est Caput, cæteri sunt membra Capiti subiecta. Falsum igitur est, omnes æque Apostolos esse proprie Petram illam, de qua ait Christus: *Super hanc Petram ædificabo Ecclesiam meam:* Est enim huiusmodi Petra proprie solus Petrus, quemadmodum cum omnibus Ecclesiæ Patribus Hieronymus ipse docet.

X. Sed Febronius: *admittamus tamen interim, inquit (ib. n. 7.), eorum interpretationem, qui in textu Matthæi Petrum per fundamentum Ecclesiæ designari asserunt; demus etiam, fundamentum esse fixum, & inconcussum; an non ex alio capite moles ædificii potest corrui?* Quod si lapides angulares non adeo firmo nexu conglutinati dissolvantur? Ruet ædificii pars, respondeo ego, sed immotum persistet fundamentum; atque ideo immota persistet Ecclesia. Quot enimvero lapides angulares, ut Febronii verba usurpem, dissoluti sunt? an ideo ædificium corrui? Quot Ecclesiæ etiam ab Apostolis fundatæ, ab Ecclesia Catholica defecerunt? An ideo Ecclesia Catholica, ejusve fundamentum eversum est? Nonne vero tot lapides dissoluti sunt, tot ædificii partes corruerunt, quia cum Petri Cathedra coherere noluerunt? Ne igitur partes aliæ labantur, Cathedræ Petri, quæ fundamentum immotum est, coherento. Si cui mystico lapidi ruendi periculum impendeat, S. Hieronymum imitator. Hunc enim cum dissentientes Orientales in suas quique partes pertrahere conarentur, omnes contempsit, atque ne ab Ecclesiæ Catholicæ fundamento disgregaretur, veritus, Petri Cathedræ se adherere, palam professus est, statimque Damaso R. P. his verbis scripsit (Epist. 57.): *A Pastore presidium ovium flagito: Ego nullum primum nisi Christum sequens, Beatitudini tuæ, idest Cathedræ Petri communionem confocior: super illam Petram ædificatam Ecclesiam scio. Quicumque extra hanc domum agnum comederit, profanus est.* Etiam S. Augustinus, imo omnes Ecclesiæ Patres Petri Cathedram veluti Ecclesiæ fundamentum a Christo constitutum hæreticis, & Schismaticis semper indigitarunt, rati eos ideo extra veram Christi Ecclesiam esse, quod cum Petri Cathedra non convenirent. S. Augustinus (in psal. contr. part. Donati, & Epist. 53. al. 165.): *Numerate, inquit, Sacerdotes vel ab ipsa Petri Sede, & in ordine illo Patrum, quis cui successit, videte. Ipsa est Petra, quam non vincunt superba inferorum porta.* Interim ego tertio quoque Febronii argumento satisfeci. Quare concludam, Petram, super quam ædificata est Ecclesia, esse solum

solum Petrum, eique totum Ecclesię ædificium, & præcipuos etiam; ac nobilissimos ejus lapides Apostolos veluti primo post Christum fundamento inniti.

## CAPUT III.

*Ostendis, Claves regni Cælorum non Ecclesiæ, sed Petro immediate datas esse.*

I. **P** Rogrediamur nunc ad ea, quæ sequuntur, Christi verba: *Et tibi dabo claves regni cælorum.* Febronius vult (cap. 1. §. 6.), Petrum solum non esse subiectum immediatum potestatis Ecclesiasticæ, sed clavium potestatem universitati Ecclesiæ propriæ, & ita transcriptam esse, ut illa per ejus ministros pro sua cujusque portione, ac inter hos per summum Pontificem exerceatur. Ea est communis sententia Theologorum Gallia tam veterum, quam recentiorum.... Hanc Doctrinam (ib. n. 1.) agnovit Tridentinum, quod Sess. 14. can. 15. decernit = Si quis dixerit, claves Ecclesię datas esse tantum ad solvendum, & non ad ligandum &c. = .... Sed neque alia fuit Patrum sententia omnibus (ib. n. 2.) retro sæculis. Sic Tertullianus Scorpiaci cap. 10. Augustinus Tract. 50. & 124. in Jo. serm. 108. de diversis cap. 2. S. Cyrillus Alex. lib. 12. in Jo. v. 22. & 23. S. Fulgentius lib. 1. de Remiss. cap. 19. Gregorius I. lib. in cap. 16. lib. 1. Reg. cap. 3. Ven. Beda in cap. 19. Matth. quorum ego testimonia postea referam. Quamplurima alia, addit Febronius, Patrum, & Doctorum in hanc rem loca, quasi continuata serie usque ad tempora Concilii Tridentini refert Jo. Lannojus Epist. ad Adrianum Vallentium. Itaque, concludit, Ecclesiæ ipsa principaliter, & radicaliter obtinet potestatem clavium, quæ ab illa in omnes ejus ministros, ipsumque summum Pontificem derivatur.

II. Quoniam vero nunc de totius Febroniani Systematis fundamento agimus, est Febronii argumentum non pluribus quidem verbis, sed aliquanto tamen diligentius refellendum. Ac primo quidem quod ait Febronius, eam esse communem Theologorum Gallię sententiam, ejus impostura est. Longe enim alia est Gallorum Theologorum, atque Febronii ea de re sententia (vide proœm. n. r.). Sed quia iisdem fere, quæ a Febronio afferuntur, Patrum, ac præsertim Augustini testimoniis Galli nituntur, eadem operâ & Gallorum Theologorum, & Febronii sententiam refellam.

Itaque Christus quidem non Ecclesię, nec cæteris Apostolis, sed soli Petro claves regni cælorum promisit Matth. 16. Ait enim soli



solī Petro : *Tibi dabo claves regni cœlorum*. Patres vero a me superius allegati ( cap. 1. n. 3. ), claves Petro, imo eorum plures solī Petro, alii specialius Petro datas esse, docent. Horum igitur Patrum sententiā, Claves regni cœlorum Petro primum, & immediate, imo solī Petro datæ sunt.

III. Sed Concilium Tridentinum, inquit Febronius, & Patres plurimi docent, Claves datas esse Ecclesiæ. Quid vero? An ideo negant, Petro immediate datas esse? Minime gentium; Idque ut ostendam, quæ a Febronio afferuntur, Patrum testimonia excribam. Tertullianus ait: *Memento, claves hic Dominum Petro, & per eum Ecclesia reliquisse*. Ergo Tertulliani sententiā, claves non Ecclesiæ, sed Petro immediate datæ sunt, & per Petrum datæ sunt Ecclesiæ. S. Cyrilli testimonium plane est abs re. Quærit enim ibi S. Cyrillus, an S. Thomas Apostolus Spiritum Sanctum accepit, quamvis abfuerit, cum dixit Christus discipulis = *Accipite Spiritum Sanctum* = Porro, respondetur, inquit, *virtutem in omnes permanasse, & scopum largiētis implese*. Dedit autem Christus non aliquibus seorsum, sed universis discipulis. Ergo omnes æque discipuli Spiritum Sanctum acceperunt. Quæ vero hinc confici possit, Claves regni cœlorum universæ Ecclesiæ immediate datas esse, crassioris ego minervæ non intelligo.

IV. S. Fulgentius ait: *In sola ergo Ecclesia Catholica datur, & accipitur remissio peccatorum, quam ipse Sponsus unam dicit esse columbam suam, unam electam suam, quam super Petram fundavit, cui claves regni cœlorum dedit, cui etiam potestatem ligandi, solvendi que concessit; sicut B. Petro veritas veraciter repromittit, dicens = Tu es Petrus &c. = Ab hac Ecclesia, qua Claves regni cœlorum accepit, quisquis foris est, non Cœli viam graditur, sed inferni*. Jamvero S. Fulgentius, ut ex ejus verbis manifestum est, eo spectat, ut conficiat, neminem extra Ecclesiam Catholicam remissionem peccatorum dare, vel accipere posse. Id vero hoc argumento conficit, quod non Hæreticorum, aut Schismaticorum cœtibus, sed solī Ecclesiæ Catholicæ datæ sint claves regni cœlorum. At vero si claves Petro immediate, & a Petro cæteris Catholicæ tantum Ecclesiæ Pastoribus datæ sunt, nonne recte concludit S. Fulgentius, solī Ecclesiæ Catholicæ datas esse claves regni cœlorum, ideoque in sola Ecclesia Catholica dari, & accipi remissionem peccatorum? Et Petro quidem immediate datas esse Claves, significat S. Fulgentius iis verbis: *Sicut B. Petro veritas veraciter repromittit, dicens: Tu es Petrus &c.* Quare huc redit S. Fulgentii argumentum: Solī Petro Ecclesiæ Catholicæ fundamento, & Capiti claves regni cœlorum datæ sunt: ergo solī Ecclesiæ Catholicæ datæ sunt: ergo in sola Ecclesia Catholica datur, & accipitur remissio peccatorum. Ergo etiam S. Fulgentii

gentii sententia est, Claves regni cœlorum Petro immediate datas esse.

V. Expositionis Librorum Regum, quam allegat Febronius, auctor non est S. Gregorius M. sed Claudius ejus discipulus, qui ex Magistri sui dictis sæpe non rite intellectis eam adornavit. Quamobrem de hujusmodi expositione scribit S. Gregorius (*epist. 24. lib. 12.*): *Qua cum mihi legisset, inveni dictorum meorum sensum valde inutilius fuisse permutatum.* Ea de re legenda est præfatio doctissimi Monachorum Maurinorum in opera S. Gregorii. Cæterum quod ex ea expositione depromit Febronius testimonium, in eundem sensum cum paulo superius allata S. Fulgentii sententia intelligendum est. Ait enim expositionis Auctor: *Cornu quidem salutis, quid est, nisi sublimitas Ecclesiastica potestatis?* Nam quod antiquis nusquam dicitur, modo universali Ecclesia dicitur = quodcumque ligaveris super terram &c. = Affirmat nempe universali, idest Catholicæ Ecclesiæ tantum datam esse ligandi, solvendique potestatem; non quia Fidelium multitudini, sed quia Petro multitudinis, seu totius Ecclesiæ Principi, & Capiti data est: Non enim Ecclesiæ, sed Petro dictum est: *quodcumque ligaveris &c.* Ergo ne illius quidem expositionis Auctor Febronii sententiam juvat. Sed callide Febronius ad spurium S. Gregorii opus confugit; quod probe noverit, S. Gregorium longe aliam in germanis suis operibus doctrinam tradidisse. Claves enim regni cœlorum Petro datas esse, sæpe differatissime docet S. Gregorius. Etenim præter ea, quæ superius allata sunt, scribens Bonifacio Magnifico Africa &c. (*lib. 2. epist. 41.*), eum Romam vocat, ut fidem suam apud Apostolicam Sedem probet: *Per vos, inquit, venite, & B. Petri Apostolorum Principis liminibus vosmet præsentate,* & addit: *Hortor tamen, ut dum vita spatium superest, ab ejusdem B. Petri Ecclesia, cui claves cœlestis regni commissa sunt, & ligandi, atque solvendi potestas attributa, vestra anima non inveniat divisam, ne si hoc beneficium ejus despiciatur, illic vita aditum claudat.* Præterea Constantiam Augustam laudat (*ib. epist. 73.*), quod una cum filiis suis in causis B. Petri Apostolorum Principis magna justitia se impendat, & addit: *Nec dubium est, peccatorum vinculis solutos aeterna vos bona recipere, qui in causis ejus Ecclesia ipsum vobis, cui potestas ligandi, & solvendi data est, debitorem fecistis.* En iterum, iterumque affirmat S. Gregorius, claves datas esse Petro Apostolorum Principi, ipsique totius Ecclesiæ curam commissam esse. Igitur Petrus immediate claves accepit; nec aliam ob causam eas accepisse dicitur Ecclesia, nisi quia eas accepit Petrus Ecclesiæ Princeps, & Caput, cui ipsius Ecclesiæ cura commissa est.

VI. Ven. Bedæ (*in cap. 19. Matth.*) ait: *Claves regni cœlorum Petrus,*

*Petrus, tamquam personam gerens ipsius unitatis, accepit. Ergo claves immediate accepit Petrus. Et (in cap. 21.): Ecclesia ergo, inquit, in Petro claves regni caelorum accepit: ergo rursus claves immediate accepit Petrus: non enim eas accepisset Ecclesia in Petro, nisi immediate eas accepisset Petrus. Denique (hom. de S. Petro) ait: Omni igitur Electorum Ecclesia juxta modum culpae, vel penitentiae ligandi, atque solvendi datur autoritas. Sed hæc autoritas Petro primum immediate data est, & per Petrum Ecclesiae, ita ut ea utatur Ecclesia cum ordine ad Petrum. En in hanc rem perspicua Ven. Bedæ sententia (hom. in die St. Petri, & Pauli): Nec non etiam nunc in Episcopis, ac Presbyteris omni Ecclesiae officium idem committitur: sed ideo B. Petrus... Specialiter claves regni caelorum, & principatum judicariae potestatis accepit &c. Ergo etiam Ven. Bedæ sententia est, claves immediate, & specialiter datas esse Petro: imo ipsi datum esse judicaria potestatis principatum.*

VII. Sed Augustini præsertim auctoritate nos urget Febronius (ib. n. 4.): Augustinus enim assertit sæpe, Claves regni caelorum Ecclesiae datas esse, cum Petro datæ sunt, quod is claves accipiens. Ecclesiae personam gesserit: (lib. de agone Christiano cap. 30.): Huic enim Ecclesia, inquit, claves regni caelorum data sunt, cum Petro data sunt: & cum ei dicitur, ad omnes dicitur: pascite oves meas. (tract. 50. in Jo.): Petrus, quando claves accepit, Ecclesiam Sanctam significavit. (tract. 124. in Jo.): Cujus Ecclesiae Petrus propter Apostolatus sui primatum gerebat figurata generalitate personam... Ecclesia ergo, quæ fundatur in Christo, claves ab eo regni caelorum accepit in Petro, idest potestatem ligandi, solvendi quæ peccata. (serm. 108. de diver.) Inter Apostolos pene ubique solus Petrus totius Ecclesiae meruit gestare personam. Propter ipsam personam, quam totius Ecclesia solus gestabat, audire meruit: tibi dabo claves regni caelorum. Has enim claves non unus homo, sed unitas accepit Ecclesia..... Nam ut noveritis Ecclesiam accepisse claves regni caelorum, audite in alio loco, quid Dominus dicat omnibus Apostolis suis: Accipite Spiritum Sanctum: & continuo: si dimiseritis peccata, dimittentur eis: si quis tenueritis, tenebuntur. Hoc enim ad claves pertinet. (serm. 149. n. 7.): Numquid istas claves Petrus accepit, & Paulus non accepit? (lib. 3. de bapt. cap. 4. n. 6.): Si ergo personam gerebant Ecclesie, & sic eis hoc dictum est, tamquam ipsi Ecclesia diceretur, pax Ecclesia dimittit peccata, & ab Ecclesia pace alienatio retinet peccata.

VIII. Constans igitur Augustini dogma est, Petrum, quando claves accepit, gessisse figuram, & personam Ecclesiae. Inde vero colligit Febronius, claves immediate datas esse Ecclesiae: Ego vero colligo, datas esse Petro. Uter nostrum recte collegerit, quivis Logices non imperitus judex esto. Docet Augustinus (lib. 15. de

Trin.



*Trin. cap. 24.*) , Christum gessisse figuram Ecclesiae ; quando baptizatus est : Ergo ne non immediate Christus baptizatus est ? Alibi ( in psal. 108. & iraff. 50. in Jo. ) : Judas malus , inquit , corpus malorum significavit ( cum Christum prodidit ) , quomodo Petrus corpus bonorum , imo corpus Ecclesiae , sed in bonis . Nam si in Petro non esset Ecclesia Sacramentum , non ei diceret Dominus : & tibi dabo claves regni calorum ; quaecumque solveris &c. Atqui non corpus malorum , quod Judas significabat , sed Judas ipse immediate Christum prodidit : ergo non Ecclesia , quam Petrus significabat , sed Petrus ipse immediate Claves accepit . Hoc idem responsum dat Natalis Alexander ( in h. e. sac. 1. dissert. 4. §. 3. ) : quamquam alibi ( sac. 15. & 16. diff. 4. art. 1. n. 14. & diff. 8. art. 3. n. 54. ) eorum forte , quæ olim scripserat , immemor , aut , quod ego opinari malim , partium studio ductus scripsit , claves immediatius datas esse Ecclesiae , immediato illi collatam a Sponso ligandi , & solvendi auctoritatem . Quamobrem qui in suam sententiam allegaretur , perperam licet , dignus Febronio visus est ( ib. ) . Sed eadem operâ uterque refutatur ,

IX. Rursus Ecclesiae Petrus Apostolus propter Apostolatatus sui primatum gerebat figurata generalitate personam . Ergo Petrus gerebat personam Ecclesiae , non ut minister ab Ecclesia delegatus , sed ut Ecclesiae Princeps a Christo ipso constitutus . Ergo claves accepit a Christo non ut minister , sed ut Princeps Ecclesiae . Claves ergo non accepit Ecclesia Petro quasi Ministro tradendas , sed accepit Petrus Ecclesiae Princeps cum aliis Ecclesiae Principibus sibi subjectis communicandas .

Sed cur ego his immoror , cum Augustinus ipse legem statuat memorata Christi verba : tibi dabo Claves , aliaque similia interpretandi ? Quadam dicuntur , inquit , ( in psal. 108. n. 1. ) quæ ad Apostolum Petrum proprie pertinere videntur , nec tamen habent illustrem intellectum , nisi eum referuntur ad Ecclesiam , cujus ille agnoscitur in figura gessasse personam propter Primatum , quem in discipulis habuit , sicut est : tibi dabo claves regni calorum , & siqua hujusmodi . Ergo Christi verba : tibi dabo Claves : ad Petrum quidem pertinent , sed non proprie ; idest ad Petrum pertinent , non ut privatus homo est , sed ut est Ecclesiae Caput , & Princeps : non enim habent illustrem intellectum , si referantur ad ipsum , ut privatum hominem ; sed habent , si referantur ad Ecclesiam , cujus ille propter suum primatum personam gestabat : hoc est ad ipsum ut Ecclesiae Caput , & Principem . Ergo non equidem ut privatus homo , sed ut Ecclesiae Princeps claves a Christo accepit Petrus , sed immediate tamen non Ecclesia , sed ipse claves accepit . Ex his vero facile intelligitur , quem in sensum scripserit Augustinus , Ecclesiam accepisse Claves in Petro : non unum hominem ,

D

sed

*sed unitatem Ecclesiæ accepisse claves, & similia. Nempe claves immediate accepit Petrus ut Ecclesiæ Princeps, & Caput non sibi vindicandas, sed cum cæteris Ecclesiæ Principibus communicandas; nec secum perituras, sed in Ecclesiâ, idest in Petri Successoribus summis Ecclesiæ Principibus, atque in aliis inferioribus usque ad mundi finem conservandas. Quod autem ita Ecclesiæ Capiti datum est, Ecclesiæ ipsi datum esse, vere dicitur, quemadmodum fere privilegia, quæ Patri familias, aut Regi perpetuo duratura data sunt, Familiæ, aut Regno data esse vere dicuntur. Quamobrem vere est in Ecclesiâ potestas non tantum ad solvendum, sed etiam ad ligandum, uti definivit Tridentina Synodus; est enim potestas hæc in Ecclesiæ Capite, atque in aliis Ecclesiæ Principibus, ipsis non ab Ecclesiâ, sed a Deo data.*

X. Sed ut quæ hætenus disserui, in pauca contraham, Christus Claves Petro immediate promisit: Patrum nemo affirmat, Claves non Petro, sed Ecclesiæ datas esse, imo Origenes, Tertullianus, Cyprianus, Firmilianus, Hilarius, Basilus, Ambrosius, Gregorius Nyssenus, Optatus, Johannes Chrysostomus, Philippus Presbyter, Vigilius, Gregorius Magnus, Sergius, Venerabilis Beda, Paschasius Ratbertus, & alii asserunt, claves Petro, & eorum plures soli Petro datas esse. His non adversantur Tertullianus, Augustinus, Cyrillus Alexandrinus, Fulgentius, Gregorius Magnus, & Ven. Beda, qui a Febronio allegantur; Horum enim nemo claves Petro datas esse, negat; imo omnes, si Cyrillum, qui ea de re non agit, excipias, Claves Petro datas esse, affirmant. Ergo ex sacris Literis, & ex perpetua Ecclesiæ Traditione Isidoriano commento multo antiquiore constat, claves regni cælorum, idest summam, & universalem jurisdictionem non *universitati Ecclesiæ*, sed Petro immediate datam esse. Ergo potestatem clavium *principaliter*, & *radicaliter* obtinet non Ecclesiâ, sed Petrus, Petrique Successores. Falsa igitur est Natalis Alexandri, aliorumque Galliarum Theologorum sententia, claves *immediatus* datas esse Ecclesiæ, *immediate ipsi collatam a Sponso auctoritatem ligandi; potestatem jurisdictionis in tota universalitate Ecclesiæ principaliter residere*, idest in Concilio generali, uti ipse Natalis Alexander explicat. Multo vero magis falsa est Febronii sententia, Claves *universitati Ecclesiæ*, ut a Pastoribus distinguitur, datas esse.

XI. Ne vero quid eorum, quæ in rem suam Febronius adducit quamquam levia, & futilia, prætermittam, ea etiam afferam. Ac primo prolixum describit Tostati Abulensis testimonium, quod huc fere redit: Claves neque Petro, neque Apostolis datæ sunt tamquam *determinatis personis; alioquin desinissent illis non mansissent in Ecclesiâ*

*clesia Claves: ergo illis datae sunt tamquam ministris Ecclesia: Ergo Ecclesia habet claves radicaliter.*

Verum claves datas esse Petro, non tamquam determinatæ personæ, seu ut privato homini, ego quoque superius affirmavi: Quod vero inde concludit Tostatus, scilicet datas esse claves Petro, ut ministro Ecclesiæ, est plane falsum. Ut enim ex Augustino ostendi, claves datæ sunt Petro ut Ecclesiæ Capiti, & Principi. Petrus autem ea dignitate insignitus est non ab Ecclesia, sed a Christo. Ergo sicuti Primatus, ita & Claves, quæ Primatui adnexæ sunt, non ab Ecclesia, sed a Christo Petro traditæ sunt. Ergo claves non sunt radicaliter in Ecclesia, sed in Petro. Sed quærit: Ubinam ergo superfuerunt claves, Petro defuncto? Nonne in Ecclesia? Nequaquam, respondeo ego. Claves enim, seu peculiaris, & limitibus circumscripta jurisdictio penes Episcopos semper est, ut singuli in suis quique Ecclesiis ea utantur: universalis vero jurisdictio penes neminem hominum superest, sed penes Christum. Neque quidquam causæ est, cur id mirentur Tostatus, & Febronius. Defuncto enim Petro, ejusve Successore Romano Pontifice, Ecclesiæ Primatus penes neminem hominum superest, imo neque penes Ecclesiam, ut patet, sed penes Christum. Qui vero in defuncti Pontificis locum substitutus est, is & primatum, & claves regni cælorum, idest universam jurisditionem obtinet non ab Ecclesia, sed a Christo immediate; quemadmodum & Ecclesia Gallicana sæpe falsa est, & Florentina Synodus definivit (defin. Fidei).

XII. Sed Pastores, & Episcopi, addit Febronius (*ib. n. 1.*) in usu Clavium nunquam non se agnoverunt ministros Ecclesiæ, exemplo Pauli Apostoli scribentis ad Coloss. cap. 1. v. 25. = Pro corpore ejus, quod est Ecclesia, cujus factus sum ego Minister =.

Egregie quidem. Sed etiam Christus (*Luc. 12. 27.*): Ego autem, inquit, in medio vestrum sum, sicut qui ministrat. Ergo ne Christus suam auctoritatem acceperat ab Ecclesia? Acceperat ne ab Ecclesia suam auctoritatem S. Paulus? Scilicet Episcopi sunt ministri Ecclesiæ, non quod suam auctoritatem ab Ecclesia acceperint, sed quod Ecclesiæ, seu Fidelium cœtui sibi commissio quæ ad salutem utilia, & necessaria sunt, administrent. Cætera Christi Ministri sunt, a Christo ipso, & a Spiritu Sancto positi Episcopi regere Ecclesiam Dei (*act. 20. 28.*). Quare idem Apostolus (*1. Cor. 4. 1.*): Sic nos, inquit, existimet homo, ut ministros Christi, & dispensatores mysteriorum Dei. Non ergo ab Ecclesia, sed a Christo suam habent auctoritatem, immediate ne, an mediate per Petri Successores, quærere nunc opus non est, nec magni refert, ut alibi dicam.

XIII. Denique Concilium Tridentinum, inquit Febronius, sess.

14. cap. 5. de Confessione, ait = Neque enim per Lateranense Concilium Ecclesia statuit = . *Hic Ecclesia distinguitur a Concilio; alioquin Concilium statuisset per Concilium, qua nugatoria foret propositio.*

Sed ego cum hæc legerem, risum tenere vix poteram. Mirabar enim, hominem, qui & eruditus, & acutus videri vult, hujusmodi ineptiis detineri potuisse. Quid enimvero significat Tridentina Synodus, cum ait, *Ecclesiam per Lateranense Concilium statuisse?* Nempe Ecclesiam, seu Episcopos Romæ in Laterano congregatos statuisse: ut non distinguatur Ecclesia a Concilio, nisi quia Ecclesia significat Episcopos dispersos, Concilium Episcopos congregatos. Idque usu quoque loquendi receptum est, ut eos, qui cœtum aliquem constituunt, si ad aliquid statuendum in unum locum conveniant, per suum conventum, vel in suo conventu, seu Concilio statuisse, dicamus.

## C A P U T IV.

*Alterum pro S. Petri Primatu argumentum ducitur  
ex Joann. cap. 21.*

I. **C**hristus Jo. 21. ait Simoni Petro: *Simon Joannis, diligis me plus his?* dicit ei: *Etiā Domine, tu scis, quia amo te:* dicit ei: *pasce agnos meos.* Dicit ei iterum: *Simon Joannis, diligis me?* Ait illi: *etiā Domine tu scis, quia amo te:* Dicit ei: *pasce agnos meos.* Dicit ei tertio: *Simon Joannis, amat me?* . . . Et dixit ei: *Domine, tu omnia nosti, tu scis, quia amo te.* Dixit ei: *pasce oves meas.* Hoc loco Christus Petrum dumtaxat alloquitur, quem & proprio nomine Simonem Joannis appellat, eique non agnos tantum, idest Fideles, & plebem; sed etiam oves, idest Pastores pascendos committit. Pastoris autem est gregem non modo ad pascua ducere, sed etiam tueri, regere, errantem cohibere, paucis cum summa potestate gregi præesse: Id enim significat in Scripturis tam latinum verbum *pascere*, quam græcum *Ποιμαίνω* (2. Reg. 5. 1. Isaia 44. 28. Matth. 26. Apoc. 19. 15.), quemadmodum etiam Theophylacto notatum est (in hunc loc.): ait enim: *discrimen autem quis inveniat inter agnos, & oves, & inter pascua, & oviparum, quasi dicas inter pascua præbere, & gregem gubernare. Siquidem agni fortasse dicuntur simpliciores, qui facile introducuntur, oves vero perfectiores. Egregie vero Eucherius Lugdunensis (hom. in Nat. Ss. Petri, & Pauli): Prius Agnos, inquit, deinde oves commisit ei, quia non solum Pastorem, sed etiam Pastorum Pastorem cum*

rem cum

rem eum constituit. Pasce igitur Petrus Agnos, pasce & Oves: pasce filios, pasce & matres: regit & subditos, & Prelatos. Omnium igitur Pastor est, quia prater oves, & agnos in Ecclesia nihil est.

II. Atque ex iis quidem Christi verbis summam in Ecclesia dignitatem, & auctoritatem Petro collatam esse, colligunt Sancti Patres Hilarius (lib. 6. de Trin. n. 37.), Ambrosius (in Luc. lib. 10.), Johannes Chrysostomus (hom. 87. in Jo.), Epiphanius (in Ancor.), Leo Magnus (serm. 3. de Assumpt. sua), Petrus Chrysologus (serm. 6. in psal. 99.), Vigilus Papa (epist. ad univ. Eccl.), Gregorius Magnus (lib. 2. ep. 76.), Maximus Taurinensis (serm. de Ss. Petro, & Paulo), Arnobius Junior (in psal. 138.), Bernardus (lib. 2. de confid. ad Eugenium Papam c. 8.), alique plures. Unius Bernardi testimonium etsi fufius exscribam, quod ejus auctoritate adversus Romanum Pontificem pugnet sæpe Febronius. Age, inquit S. Bernardus, indagemus adhuc diligentius, qui sis, quam geras videlicet pro tempore personam in Ecclesia Dei. Quis es? Sacerdos Magnus, Summus Pontifex: Tu Princeps Episcoporum: Tu habes Apostolorum. Tu Primatu Abel, gubernatu Noe, Patriarchatu Abraham, ordine Melchisedech, dignitate Aaron, auctoritate Moyses, judicatu Samuel, potestate Petrus, unctiōe Christus. Tu es, cui claves tradite, cui oves credita sunt. Sunt quidem & alii cæli faxitores, & gregum Pastores; sed tu tanto gloriosius, quanto & differentius pra illis nomen hereditasti. Habent illi assignatos greges, singuli singulos: tibi universi crediti, uni unus. Nec modo ovium, sed & Pastorum omnium tu unus Pastor. Unde id probem, quavis? Ex verbo Domini. Cui enim non dico Episcoporum; sed etiam Apostolorum sic absolute, & indiscrete tota commissa sunt oves? Si me amas, Petre, pasce oves meas. Quas? Illius, aut illius populos civitatis, aut regionis, aut certi regni? Oves meas, inquit. Cui non planum, non designasse aliquas, sed assignasse omnes? Nihil excipitur, ubi nihil distinguitur. Hactenus S. Bernardus, quem inter Romanæ Curie adulatores recensere Febronius quidem opinor, non audet. Quid vero prelatus de S. Petri, & Romani Pontificis Primatu, & auctoritate scribere potuerunt Merlinus, Rubeus, Fagnanus, Cardinalis de Luca, & immortalis memorie Benedictus XIV. quos veluti Curie adulatores ille carpit (cap. 3. §. 11.)? Jamvero ex S. Bernardo, & ex Eucherio Lugdunensi discat, velim, Febronius, distinctionem agnorum, & ovium, quasi per has Episcoporum, per illos caterorum Fidelium cura Petro a Christo commissa fuerit, non esse imaginariam subtilitatem antiquitati incognitam, noviter a Scholasticis ad sustinendam absolutam potestatem R. Pontificis adinventam, ut impudenter ipse scribit (cap. 1. §. 3. n. 2.).

III. Nilominus si Patres Ecclesie consulamus, inquit Febro-  
nius

nus (cap. 1. §. 3.), etiam hoc loco Christi verba in persona Petri ad omnes Pastores Ecclesiæ diriguntur, uti docent Augustinus (serm. 108. de diver. cap. 4.), Ambrosius (lib. 2. de dignit. Sacerd. qui tamen genuinus Ambrosii sætus non est, cap. 2.), Johannes Chrysol. (hom. 79. in Matth.), & Basilii (Constit. Monast. cap. 22.). Et multi alii.

Quidni? Ego respondeo. Opus equidem non est, ut hanc in rem Patrum testimonia congerat Febronius. Quemadmodum enim claves regni cælorum Petro immediate datæ sunt, & per Petrum cæteris Ecclesiæ Pastoribus, ita etiam omnium ovium, totiusque gregis Pastor Petrus a Christo constitutus est, ut alii tamen sint Pastores, qui commissam sibi gregis partem ordinaria potestate pascant. Non enim ii sumus nos, qui alios Episcopos esse Romani Pontificis Vicarios tantum, & Consiliarios existimemus, sed ut veros Pastores, & Ecclesiæ Principes eos veneramus, quibus Christiani gregis portio pascenda, & regenda commissa est. Hoc itaque dicimus, atque tum ex Sacris Literis, tum ex Traditione ostendimus, reliquis Pastoribus gregis partem, Petro, Petrique Successoribus universum gregem, ipsosque Pastores commissos esse. Sunt quidem alii cali Janitores, & gregum Pastores, ut ait S. Bernardus, sed habent illi assignatos greges, singuli singulos: Petro universi crediti, uni unus. Nec modo ovium, sed & Pastorum omnium Petrus unus Pastor. Idque ex verbo Domini probat S. Bernardus. Longe ante S. Bernardum rem hanc nos docuit S. Leo, qui (serm. 3. de assumpt. sua), De toto mundo, ait, unus Petrus eligitur, qui & universarum gentium vocationi, & omnibus Apostolis, cunctisque Patribus præponatur, ut quamvis in Populo Dei multi sint Sacerdotes, multique Pastores, omnes tamen proprie regat Petrus, quos principaliter regit & Christus. Quare Synodus Florentina (defn. fid.) definivit, Romano Pontifici in Beato Petro pascendi, regendi, & gubernandi universalem Ecclesiam a Domino Nostro Jesu Christo plenam potestatem traditam esse. Igitur Christi verba pascite oves meas, etiam ad alios Pastores spectant, sed Petro veluti Pastorum summo dicta sunt, cui totius Ecclesiæ primatum cum summa pascendi regendique omnes potestate Christus dedit.

IV. Sed contineat de reliquo, inquit Febronius (ib. n. 3.) verbum pascendi Petro (suppone etiam soli) dictum, quantamcumque auctoritatem, & potestatem; non repugno: hoc contendo, nullam verbo pascendi inesse, quæ non æque, imo amplius contineatur illis Christi dictis ad omnes Apostolos: Sicut misit me Pater, & ego mitto vos; item his: Euntes docete omnes gentes.

Hic vero Febronius malo genio, quo ducitur, nimium indulgere, mihi videtur. Præterquam quod enim Patrum plerique ea Christi verba:


verba: *sicut misit me Pater, & ego mitto vos*, ita exponunt, ut sicut Christum Pater, ita Christus ipse discipulos suos ad perferendos labores, & ad mortem subeundam miserit: quis præjudicio liber dixerit, æqualem, imo majorem dari Apostolis auctoritatem iis verbis, quam Petro his: *pascite agnos meos, pascite agnos meos, pascite oves meas*? Et prioribus quidem verbis docendi, & baptizandi munus Apostolis deferitur; sed eorum quos illi docuerint, & baptizaverint, pascendorum, & regendorum cura Petro committitur. Sed hac in re ostendenda opus non est, ut diu immorer; est enim per se perspicua.

V. Denique observari, vult Febronius (*ib. n. 4.*), Ss. Patres, aliosque *prima nota* Tractatores varios in sensus Scripturæ testimonia hæctenus allata exponere; unde concludimus, inquit, *Romanorum sententiam... in sacris literis solidum non invenire presidium.*

Sed frustra varietatem istam jactat Febronius. Omnes enim Patres Petræ vocabulo (*Matth. 16.*) Simonem Petrum intelligunt. Et qui ex iis Fidem, aut fidei confessionem, Christum, aut alios quoque Apostolos esse Ecclesiæ fundamentum dicunt, ii non modo non excludunt Petrum, sed historice, & *secundum veritatem* Petrum primo, saltem post Christum, significari, aut aperte tradunt, aut veluti certum assument. Rursus claves regni cælorum Petro datas esse (*ib.*), & totius Christiani gregis pascendi curam ipsi commissam esse, Patres omnes docent, & Florentina Synodus definivit. Huc vero interpretationum varietas redit, quod Patres doceant, Ecclesiæ, idest cæteris etiam Ecclesiæ Pastoribus & claves datas, & oves pascendas commissas esse. Sed iidem ipsi docent Petro primum, ac per eum cæteris Ecclesiæ Principibus id muneris delatum esse, & præterea cæterorum potestatem diocæcon, & provinciarum limitibus esse circumscriptam, & Petro subjectam, Petri vero potestatem tota, qua patet, Ecclesia diffundi. Hæc ego hæctenus ostendi, & deinceps adhuc luculentius ostendam. Ista ergo interpretationum varietas Romanorum sententiæ nihil officit.

## CAPUT V.

*Argumenta, quibus Febronius equali potestate Apostolos omnes præditos fuisse, demonstrare conatur, refutansur.*

- I.  *Mnium Apostolorum in Ecclesiastica potestate aequalitas (salvo Petri Primatu) ex Scriptura demonstratur, inquit Febronius (cap. 1. §. 7.).* Orta enim inter eos disceptatione, *quis eorum videretur esse major?* (*Luc. 22.*), respondit Christus: *Reges gentium dominantur eorum, & qui potestatem habent super eos,*

eos, benefici vocantur. Vos autem non sic, sed qui major est inter vos; fiat sicut minor, & qui praeceptor est, sicut ministrator.

Ex Epistola ad Galatas Cap. 2. v. 7. seqq. clare satis eruitur Apostolorum in potestate aequalitas, ait Febronius (ib. n. 2.). Eandem firmat Cyprianus in lib. de unit. Eccl. scribens: = Et quamvis Apostolis omnibus parem potestatem tribuat post resurrectionem; Hoc erant utique & ceteri Apostoli, quod fuit Petrus, pari consortio praediti honoris, & potestatis... Hinc & omnes Apostoli a Patribus, imo ab Ecclesia Vicarii Christi appellantur.

Alibi (ib. §. 4. n. 2.) in hanc rem affert, quae narrat S. Lucas Act. 8. 14. nempe Petrum missum esse ab Apostolis Samariam, atque inde colligit non modo æqualem ceteris Apostolis fuisse Petrum, sed etiam eorum collegio subditum.

Affert etiam (ib. §. 5.) ea Christi verba Matth. 23. Nolite vocari Rabbi, unus enim est magister vester; omnes autem vos fratres estis. Alia, quae tum ibi, tum alibi habet Febronius, opportuniore loco expendentur. Interea quae relata sunt, paucis refellam; sunt enim a nostris saepe perspicue refutata.

II. Duplicem nos distinguimus collatam Apostolis potestatem; alteram Apostolatus essentialem, & intrinsecam, sic enim vocant; alteram accidentalem, & extrinsecam. Prior est potestas evulgandi ubique terrarum Evangelium, Sacramenta conficiendi, & administrandi, Episcopos, aliosque inferiores Ministros consecrandi, Spiritum Sanctum dandi, Ecclesias fundandi &c. Posterior est potestas Fidelibus praesidendi, eosque regendi, in officio continendi, errantes corrigendi, uno verbo, in unitate continendi, & Schismata avertendi. Jamvero priorem potestatem æqualem Apostolis omnibus a Christo collatam esse, nos quoque libenter fateamur; idque colligitur ex iis Christi verbis (Matth. 18.): Quaecumque ligaveritis super terram &c. Euntes docete omnes Gentes &c. Posteriolem vero potestatem æqualem omnibus Apostolis datam esse, negamus; idque ex iis, quae a me superius allata sunt, Scripturae testimoniis (Matth. 16. & Jo. 21.) manifestum esse, arbitror. Utriusque vero potestatis distinctionem, & inaequalitatem non Marte nostro confingimus, sed ex Scripturis (Matth. 16. & Jo. 21.), & ex Patribus discimus. Nam Ss. Patres Petrum saepe Apostolorum Summum, Caput, Principem, Coriphaeum vocant: eum Apostolis omnibus praelatum, claves illi datas, & oves omnes commissas esse, docent. Egregie rem hanc explicat S. Leo M. (epist. 12. al. 84.) his verbis: Inter Beatissimos Apostolos in similitudine honoris fuit quadam discretio potestatis, & cum omnium par esset electio, uni tamen datum est, ut ceteris praemineret. Si autem in similitudine honoris fuit quadam discretio potestatis, non æqualis profecto potest-



potestas Apostolis omnibus data est, sed major Petro, quam cæteris. Petro enim datum est, ut cæteris præmineret, non honore Apostolatus; cum fuerit inter omnes *honoris similitudo*, & *par electio*; sed potestate; non enim fuit inter omnes potestatis æqualitas, sed *discretio*. Honoris autem similitudinem, & parem omnium electionem consequitur æqualis potestas Apostolatus *essentialis*: ergo discretio est potestatis *accidentalis*. Rursus, quemadmodum Origeni, & Paschasio Ratberto superius (cap. 1. n. 3. not. 2.) memoratis notatum est, *Potestas solvendi, & ligandi* (quæ Apostolis Matth. 18. data est iis verbis: quæcumque ligaveritis &c.) *videtur eadem, quæ Petro supra* (Matth. 16.) *data est; sed non est ita per omnia . . . quia Petro data Claves non unius Cæli, sed Claves regni Cælorum*. Claves autem jurisdictionem significant. Non ergo æqualis jurisdictionis Apostolis data est.

III. Ad S. Cyprianum quod attinet, en integrum ejus testimonium ex editionibus Pauli Manutii, & Pamellii ad vetustissimorum Codicum fidem adornatis: *Loquitur Dominus ad Petrum: ego dico tibi, quia tu es Petrus &c. Et iterum eidem post resurrectionem suam dicit: Pascere oves meas. Super illum unum ædificat Ecclesiam, & illi pascendas mandat oves suas. Et quamvis Apostolis post resurrectionem suam parem potestatem tribuat, & dicat: sicut misit me Pater &c. tamen ut unitatem manifestaret, unam Cathedram constituit, unitatis ejusdem originem ab uno incipientem sua auctoritate disposuit. Hoc erant utique & cæteri Apostoli, quod fuit Petrus, pari consorcio præditi & honoris, & potestatis; sed exordium ab unitate profisciscitur, & Primatus Petro datur, ut una Christi Ecclesia, & Cathedra una monstretur. Et Pastores sunt omnes, & grex unus ostenditur, qui ab Apostolis omnibus unanimi consensione pascatur, ut Ecclesia Christi una monstretur . . . Qui Cathedram Petri, super quem fundata est Ecclesia, deserit, in Ecclesia se esse confidit? Quod si cum Fello, & Balutio, quamquam immerito, expungi velis verba: unam Cathedram constituit, & pronomen illum; nec non: Et Primatus Petro datur, ut Ecclesia Christi una, & Cathedra una monstretur; reliqua tamen, quæ illi veluti genuina agnoscunt S. Cypriani verba, Petri Primatum, summamque ejus potestatem evincunt. Nonne enim S. Cypriani sententiâ Christus soli Petro dixit: Tu es Petrus &c. pascere oves meas? Nonne Christus super unum ædificat Ecclesiam: & quamvis Apostolis omnibus parem potestatem tribuat, tamen ut unitatem manifestaret, unitatis ejusdem originem ab uno incipientem sua auctoritate disposuit? Unus vero ille quinam est, nisi Petrus? Si autem unitatis origo non ab Andrea, aut a Johanne, aut ab Apostolorum alio, sed a Petro incipit, Petrus aliis Apostolis prælatus est; eique major, quam cæteris Apostolis potestas data est. Par igitur Apostolis omnibus tributa est a Chri-*

E

sto po-

sto potestas Apostolatui *essentialis*, impar potestas *accidentalis*. Idque ex ipsa instituendi Primatus causa necessario consequi, inferius datâ operâ ostendam.

IV. Nunc reliqua Febronii argumenta paucis expediam. Quod narrat S. Lucas, non modo jurisdictionis Primatum Petro datum non evertit, sed imo confirmat. Cum enim ait Christus: *Qui major est inter vos, fiat sicut minor, & qui praeceptor est, fiat sicut ministrator*, indicat profecto, inter Apostolos majorem aliquem, & praecessorem, imo ducem, & Principem esse. Ubi enim habet latina verso *praeceptor*, habet graecus textus *ἐπίμαρτυρῶν*, idest *Dux*, *Princeps*. Quin: in autem Apostolorum *Dux*, & Princeps erat, nisi Petrus? Non igitur vetat Christus Apostolorum quemquam ceteris auctoritate praecellere, sed vetat eum, qui auctoritate praecellit, primatum suum cum fastu, atque exteriori apparatu Regum instar exercere. Respondum hoc Febronio non probatur, sed ex sacro textu est perspicuum. Christus enim vult, ut *qui praeceptor est, fiat sicut ministrator*; ejusque rei hanc affert causam, quod ipse inter eos versetur ut minister: *Ego autem, inquit, in medio vestrum sum, sicut qui ministrat*. Hinc autem non conficitur, Christum non fuisse Apostolorum Caput, Dominum, & Magistrum, iisque non summa auctoritate praecelluisse: ergo aequè ex eo quod velit, Apostolorum *praecessorem* fieri sicut *qui ministrat*, confici potest, hunc non esse aliorum Caput, & Principem, iisque auctoritate non praecellere. Vult ergo Christus, ut *qui praeceptor est, fiat sicut ministrator* humilitate, mansuetudine, & singulari erga omnes charitate, non vero ut Regum instar cum fastu, & pro libidine dominetur.

V. Apostolus ad Galatas scribit, sibi creditum esse *Evangelium praepositi, sicut & Petro Circumcisionis*, & se *restitisse in faciem Cephae*. Sed neutrum horum indicat aequalem Paulo, atque Petro auctoritatem datam esse. Primum enim indicat tantum, Paulo Evangelii inter Gentes promulgandi curam commissam esse, sicuti ejus inter Judaeos evulgandi cura Petro commissa erat. Quamquam & Petrus Gentibus, & Paulus Judaeis Evangelium promulgavit; imo etiam Gentes esse ad Evangelii Fidem vocandas, Petro primum revelatum est (*Act. 10. & 11.*). De altero, quod ait Apostolus, audi Augustinum, qui (*epist. 19. ad Hieronymum*): *Rarius, inquit, & Sanctius exemplum Petrus posteris tribuit, quo non dedignarentur a posterioribus corrigi, quam Paulus; quo confiderent auderent minores majoribus pro defendenda veritate, salva charitate, resistere*. Restitit igitur Paulus Petro, sed ut minor majori.

VI. Quod Apostoli Petrum, & Johannem Samariam miserint, argumento non est, Petrum Apostolis subditum fuisse. Nam etiam fideles,

fideles, qui erant Antiochiæ, statuerunt (act. 15. 12.), ut ascenderent Paulus, & Barnabas, & quidem alii ex aliis ad Apostolos, & Presbyteros in Jerusalem; nec tamen inde collegeris, Paulum, & Barnabam Antiochenis fidelibus subditos fuisse; nisi forte & Petrum ab Apostolis Samariam, & Paulum, & Barnabam ab Antiochenis Jerosolymam non consilio, sed imperio, & auctoritate missos fuisse, demonstraveris. Itaque cum de maximi momenti re ageretur; periculum nempe esset, ne Samaritani, qui paulo ante fidem amplexi erant, a Simone Mago vaferrimo homine deciperentur, atque a fide averterentur, opus esse existimarunt Apostoli, ut ipsorum præcipui Petrus, & Johannes Samariam pergerent, atque Samaritanos in fide confirmarent.

VII. Christum Matth. 22. 8. vetare Apostolos Magistrorum, & Patrum nomina, Phariseorum in morem ambitu quærere, & ostentare, non opus est, ut pluribus ostendam. Si enim quamlibet modestam Magistri, & Patris appellationem improbasset Christus, non scripsisset Apostolus (1. Tim. 27.), se positum esse Prædicatorem, & Apostolum Doctorem Gentium, & (Eph. 3. 15.), ex Deo Patre omnem paternitatem in Cælo, & in terra nominari. Est igitur unus Pater Deus, & unus Magister Christus καὶ ἡγεμὼν, per excellentiam; sed sunt tamen alii inferiores Patres, ac Magistri; quorum Petrus non modo honore, sed etiam jurisdictione summus est; uti hæcenus demonstratum est.

# PARS SECUNDA.

DE PRIMATU ROMANI PONTIFICIS.

## CAPUT I.

*Romanus Pontifex in B. Petri Primatum succedit; nec  
ulla humana auctoritate Primatus a Romana  
Sede ad aliam transferri potest.*

I. **R**omanum Pontificem in B. Petri Primatum succedere, non est, cur pluribus ostendam. Nam & Febronius, & alii Romano Pontifici cetera inensu Catholici id fatentur. Sed putat Febronius (*cap. 2. §. 3.*), per rationes convenientia, humana auctoritate Romana Urbis Antistiti Sacrum Primatum creditum fuisse; ideoque ex rationabilibus motivis, auctoritate Ecclesie eundem ad alium Episcopum, e. g. Mediolanensem, Parisiensem &c. transferri posse. Hæc autem ex atra bile, & ex capitali in Romanum Pontificem odio scripsisse Febronium, nemo non intelligit. Quamvis enim S. Petrus quicumque sibi Sedem eligere, eique Primatus successionem affigere forte potuerit, quamobrem Primatus humana auctoritate, seu Petri voluntate Romanæ Sedi affixus esse, dici potest; cum tamen Petrus Romanam Sedem elegerit, eique Primatus successionem affixerit; quisnam hujusmodi successionem a Romana Sede ad aliam transferri posse, dixerit?

II. Quid vero, quod Christi ipsius auctoritate, Ecclesie Primatus Romanæ Sedi affixus est? Ut enim prætermittam celebrem S. Ambrosii narrationem (*lib. contra Auxentium*) a Basnagio quidem impugnata, sed a Cll. Viris Foggino (*de Rom. divi Petri itinere exercit. 17.*), & Mazzochio (*Kalend. Neap.*) egregie vindicatam, nempe Petro persecutionis metu Roma discedenti occurrisse Christum, atque interroganti, quo iret? respondisse, se ire iterum crucifigi; eoque responso permotum Petrum Romam rediisse, ibique pro Christi Fide Cruci affixum fuisse: Romanam Sedem Christi ipsius auctoritate cæteris prælatam esse, affirmant Leo M. (*serm. 82. al. 80. & epist. 120. al. 93.*), Gelasius Papa in Concilio Romano (*tom. 8. Concil. edit. Mans.*), & Concilium Lateranense III. (*cap. 5.*). Romanam Sedem, inquit Leo, cæteris omnium Dominus statuit præsidere. S. Romana Ecclesia, ait Gelasius, nullis Synodicis constitutis cæteris Ecclesiis prælata est, sed evangelica voce Domini, & Salvatoris Nostri Primatum obtinuit.

obtinuit. Concilium Lateranense ait: Romana Ecclesia disponente Domino, super omnes alias ordinaria potestatis obtinet Principatum. Præterea si persuasum Ecclesia habuisset, Primatum a Romana Sede ad aliam transferri posse, quidni transferendum curassent tot potentissimi Imperatores, & Reges Romani Pontificis hostes insensibilissimi: & Episcopi præsertim Constantinopolitani, qui Imperatorum gratiæ freti cum Romanis Pontificibus sæpe contendere ausi sunt? Sed bene est, quod eam rem ne cogitaverint quidem. Idque argumento est, perpetuam eam fuisse Catholicæ Ecclesiæ persuasionem, non humana, sed plane divina auctoritate, Sacrum Primatum Romanæ Sedi adnexum fuisse. Sed e re Febronii erat, Episcopis adulari, eosque spe consequendi aliquando Primatus in Romanum Pontificem commovere.

III. Denique perpetua, & constans Ecclesiæ Traditio est, Ecclesiam Romanam esse unitatis Catholicæ centrum, fontem, & originem, ita ut qui cum Romana Ecclesia communionem conjuncti non fuerunt, extra Ecclesiam esse, semper crediti fuerint. Hanc in rem Conciliorum, & Patrum testimonia congerere opus non est. Ea enim is tantum ignorare potest, qui Patrum opera, & Conciliorum Acta nunquam legerit. Ponamus nunc, Ecclesiæ Primatum ad alium Episcopum, e. g. Mediolanensem, aut Parisiensem transferri. Primo qui vera esset perpetua Ecclesiæ Traditio, Romanam Ecclesiam obtinere Primatum, & esse Ecclesiam Principalem, unde unitas Sacerdotalis exorta est, ut ait S. Cyprianus (epist. 59.)? 2. Romana Ecclesia esset ne adhuc Petri Cathedra, & Romanus Pontifex Petri Successor? Eset procul dubio: Neque enim fieri potest, ne Petrus Ecclesiam Romanam fundaverit, & ad obitum usque administraverit, neve Romanus Episcopus in Petri Episcopatum succedat. Igitur translato etiam ad Parisiensem Episcopum Primatu, Romani quidem cum suo tantum Episcopo communionem servarent, & Parisiensem Episcopum quantalibet auctoritate insignitum contemnerent, tantique facerent, quanti Photium Constantinopolitanum Episcopum, qui primatum impudentissime sibi arrogavit. Divina, & Apostolica traditione edocti, dicerent cum S. Cypriano, Romanam Ecclesiam esse Ecclesiam principalem, unde unitas Sacerdotalis exorta est: Cum S. Irenæo (lib. 3. adv. hæres. cap. 3.), ad Ecclesiam Romanam propter potiorem principalitatem, omnem necesse esse convenire Ecclesiam, hoc est eos, qui sunt undique, Fideles: cum S. Optato Milevitano (lib. 7. adver. Parmen. cap. 3.), in Urbe Roma Petro primo Cathedram Episcopalem esse collatam, in qua sederit omnium Apostolorum Caput Petrus, unde & Cephas appellatus est, in qua una Cathedra unitas ab omnibus servaretur, ne ceteri Apostoli singulas sibi quisque defenderent, ut jam schismaticus, & peccator esset, qui contra singularem Cathedram, alteram collocaret.

Hæc

Hæc Romani dicerent: ac deinde eorum quilibet his Beati Hieronymi verbis (*epist. 57. ad Damasum*) Episcopum suum alloqueretur: *Ego nullum primum, nisi Christum sequens, Beatitudini tue, idest Cathedræ Petri, communionem consocior: Super illam Petram adificatam Ecclesiam scio. Quicumque extra hanc domum agnum comederit, profanus est... Non novi Vitalem, Meletium respuo, ignoro Paulinum. Quicumque tecum non colligit, spargit: hoc est, qui Christi non est, Antichristi est.*

Præterea Romanorum Episcoporum a Petro continenti serie sibi succedentium catalogum contexerent, cumque cum Irenæo, Eusebio, Epiphanio, Optato, Augustino recens constituto Ecclesiæ Principi, ejusque Sæcutoribus objicerent, dicerentque cum Augustino (*in psal. contra part. Donati, & ep. 53. al. 165.*): *Numerate Sacerdotes vel ab ipsa Petri Sede, & in ordine illo Patrum, quis cui successit, videte. Ipsa est Petra, quam non vincunt superbe inferorum porta: Et cum Optato (lib. 2. contra Parmen.): Vos vestra Cathedræ originem reddite, qui vobis vultis Sanctam Ecclesiam vindicare. Paucis, Romani recentioris Principis asseclas iis omnibus argumentis impugnarent, quibus Catholici omnes Protestantæ saltem schismaticos esse, demonstrant. Quid vero cum Febronio responderent illi? Nempe Ecclesiæ, cui claves immediate datæ sunt, auctoritate Sacrum Prælatum a Romana Sede ad aliam translatus esse. Sed Ecclesiam, quæ novo Præsidi pareretur, schismaticam esse, nec eam, cui Christus claves dedit, iisdem argumentis conficerent; adderentque, etiam Hæreticos, & Schismaticos tum veteres, cum recentiores Sanctam Ecclesiam sibi vindicasse, sed a Ss. Patribus vel eo uno argumento, quod cum Romana Ecclesia communionem conjuncti non essent, refutatos esse. Quare id unum Febronio, aliisque cum eo novi Præsidis Sæcutoribus reliquum esset, ut Donatistarum instar, Ecclesiam in Petri Sede perierisse, vixque apud se, sicuti olim in Sæcta Donati, superstitem esse distarent. Sed est forte, qui me redarguat, quod deliri hominis somnia serio refutanda suscepim.*

## C A P U T II.

*Primatus R. Pontificis auctoritatis, & jurisdictionis Primatus est.*



C primo quidem Romanus Pontifex in B. Petri Prælatum succedit (*ex cap. super.*): Petrus autem primatum jurisdictionis a Christo obtinuit (*ex 1. p.*): ergo & Romanus Pontifex obtinet in Ecclesia primatum jurisdictionis.

Deinde

Deinde eam ob causam primatus a Christo institutus est, ut unitas in Ecclesia servetur, uti Patres omnes docent, & Febronius ipse aserit. S. Hieronymus (*lib. 1. contr. Jovin.*): Propterea, inquit, inter duodecim unus eligitur, ut Capite constituto, Schismatis tollatur occasio. Ut unitatem manifestaret, ait S. Cyprianus (*lib. de unit. Eccl.*), unitatis eiusdem originem ab nno incipientem sua auctoritate disposuit. Qui ergo Primatum obtinet, ei quoque servandæ unitatis cura a Christo commissa est. Primatum autem obtinet R. Pontifex: servandæ ergo unitatis cura R. Pontifici a Christo commissa est. Nisi autem auctoritatem, & jurisdictionem in omnem Ecclesiam, & in singulos fideles obtinet, munere sibi credito fungi nequit: ut enim ait S. Hieronymus (*dial. contra Lucif. n. 9.*): Ecclesia salus in Summi Sacerdotis dignitate pendet, cui si non exors quadam, & ab omnibus eminentes detur potestas, tot in Ecclesiis efficiuntur schismata, quot Sacerdotes. Romanus igitur Pontifex primatum obtinet potestatis, & jurisdictionis in omnem Ecclesiam.

Et Patres quidem primatum Romani Pontificis Principatum plerique vocant, Irenæus (*lib. 3. cap. 3.*) potiozem, vel potentiozem principalitatem, Zosimus (*epist. ad Aurelium Carthag.*) potentiam, & potestatem, Leo Magnus (*epist. ad Anastasium Thessalon.*) plenitudinem potestatis: quæ quidem Primatum jurisdictionis significant.

Febronius ipse (*cap. 2. §. 6. & 7.*) affirmat, ea, quæ ad Ecclesiam statum attinent, ubivis gerantur, ad R. Pontificem esse referenda, ut is sollicitudinem suo ministerio convenientem expleat: esse eum tutorem, & vindicem Canonum per universam Ecclesiam. Qua autem ratione, quæro ego, sollicitudinem suo ministerio convenientem expleri, atque canones tueri, & vindicare debet? Monendo, responderet Febronius, cohortando. Egregie quidem. Si vero monita, & cohortationes inutiles sint? Nisi cogendi quoque inobsequentes, & puniendi auctoritate pollet, frustra ea, quæ ad Ecclesiæ statum attinent, ad eum referuntur, atque inutilis illi vindicandorum canonum per universam Ecclesiam cura commissa est. Has autem consecutiones non probat Febronius: fateatur igitur necesse est, Primatum R. Pontificis auctoritatis, & jurisdictionis primatum esse.

## CAPUT III.

*S. Cyprianus agnovit in R. Pontifice Primatum jurisdictionis. Quæ Febronius opponit, refutantur.*

**I.** Sanctus Cyprianus de Schismate, quod in Ecclesia Romana fecerat Novatianus, certior factus, Romam misit Caldonium, & Fortunatum Episcopos, qui eniterentur, quantum posset, & elaborarent, ut ad Catholicæ Ecclesiæ unitatem scissæ corporis membra componerent. Sed quoniam, inquit (epist. 42. ad Cornelium Papam), diversæ partis obstinata, & inflexibilis pertinacia non tantum radice, & matris sinum, atque complexum recusavit, sed etiam recrudescens in pejus discordia, Episcopum sibi constituit, & contra Sacramentum semel traditum divinæ dispositionis, & Catholicæ unitatis, adulterum, & contrarium Caput extra Ecclesiam fecit, acceptis literis tam tuis, quam collegarum nostrorum... literas nostras ad te direximus. Et rursum (epist. 45. ad eundem): Nos enim, inquit, singulis navigantibus, ne cum scandalo ullo navigarent, rationem reddentes, scimus nos hortatos eos esse, ut Ecclesiæ Catholicæ radicem, & matricem agnoscerent, ac tenerent... placuit, ut... per omnes omnino illis positos literæ fierent, sicut sunt, ut te universi Collegæ nostri, & communicationem tuam, idest Catholicæ Ecclesiæ unitatem probarent firmiter, ac tenerent. His autem locis radicem, & matricem vocat S. Cyprianus non unitatem Catholicam, ut comminiscitur Febronius (cap. 3. §. 6. n. 3.), sed peculiarem Ecclesiam Romanam, ex qua veluti ex radice, & matrice Catholica unitas originem habet. Alibi enim (epist. 4.) loquens de Felicissimo, aliisque Presbyteris, qui in Africa abdicati Romam confugerunt: Post ista, inquit, adhuc insuper Pseudo-Episcopo sibi ab hæreticis constituto navigare audent, & ad Petri Cathedram, atque ad Ecclesiam principalem, unde unitas Sacerdotalis exorta est. Radix igitur, & matrix unitatis Catholicæ est Petri Cathedra; ex ea enim unitas orta est. Si autem Petri Cathedram ut unitatis radicem, & matricem agnovit S. Cyprianus, jurisdictionis quoque Primatum in Romano Pontifice fassus est; Hujusmodi enim jurisdictionis Primatus ex ea Romanæ Cathedræ prærogativa, quod sit unitatis origo, & centrum, necessario fuit, uti superius (cap. 2.) ostendi.

II. Deinde scribit S. Cyprianus (epist. 52.), S. Cornelium fuisse intrepidum Roma in Sacerdotali Cathedra eo tempore, cum Tyrannus infestus Sacerdotibus Dei fanda, atque infanda comminaretur: cum multo patientius, & tolerabilius audiret, levari adversus se amulum Principem



eipem, quam constitui Roma æmulum Sacerdotem. Cornelium autem Imperatoris æmulum Sacerdotem non vocasset Cyprianus, nisi Cornelius Primum non modo honoris, sed etiam auctoritatis in universa Ecclesia, non secus atque Imperator in toto orbe, obtinisset.

III. Præterea cum Marcianum Arelatensem ad Novatianos defecisse, cognovisset S. Cyprianus, scripsit ad S. Stephanum Papam (ep. 67.), ut is suis literis Marcianum removeret. *Dirigantur*, inquit, *a te litera in Provinciam, & ad Plebem Arelate consistentem*, quibus abesto Marciano, alius in locum ejus substituat. . . . *Servandus est enim Antecessorum nostrorum Beatorum Cornelii, & Lucii Martyrum honor gloriosus, quorum memoriam cum honoremus, multo magis tu, Frater charissime, honorificare, & servare gravitate, & auctoritate tua debes, qui Vicarius eorum, & Successor factus es. Illi enim . . . dandam esse lapsis pacem, censuerunt, & penitentia acta, fructum communicationis, & pacis negandum non esse, literis suis signaverunt; quam rem omnes omnino ubique censuimus . . . Significabis plane nobis, quis in locum Marciani Arelate fuerit constitutus, ut sciamus, ad quem fratres nostros dirigere, & cui scribere debeamus.* Porro his in literis indicat S. Cyprianus, Marcianum Arelatensem Stephani literis abdicandum fuisse: agnovit igitur S. Cyprianus in Stephano Episcopi Arelatenfis abdicandi auctoritatem. Marciani vero abdicandi eam esse ait justissimam causam, quod Cornelius, & Lucius Romani Pontifices, dandam esse pacem lapsis penitentia functis, literis suis signassent; quam rem omnes ubique Episcopi censuerunt. Agnovit igitur in Romano Pontifice auctoritatem decreta ubique servanda edendi. Igitur agnovit in R. Pontifice Primum auctoritatis, & jurisdictionis. Addit quidem S. Cyprianus: *Cui rei nostrum est consilium, Frater charissime, qui divinam Clementiam cogitantes, & gubernande Ecclesie libram tenentes &c.* Sed his verbis significat dumtaxat curam, charitatem, & sollicitudinem sibi esse cum Stephano communem, sed non item auctoritatem; alioquin non ad Stephanum scripsisset, ut Marcianum abstinere, sed aut ipse ea de re ad Plebem Arelatensem scripsisset, aut id curæ Lugdunensi; aut alii Galliarum Episcopo demandasset.

IV. Denique cum Basilides Asturicæ in Hispania Episcopus ab Episcopis provincie in Synodum congregatis, ob Idololatriæ crimen Episcopatu privatus fuisset, Stephanum R. P. appellavit, a quo in Episcopatu restitutus est. Id ægre ferentes Hispaniarum Episcopi S. Cypriano, aliisque Africanis Episcopis scripserunt, *desiderantes, justam pariter, & necessariam suam sollicitudinem vel solatio, vel auxilio sententia ipsorum sublevari.* Porro S. Cyprianus Stephani judicium improbavit, non quod eum Basilidis restituendi auctoritate caruisse,

arbitratus sit, sed quod Basilides eum deceperit. Nec rescindere, inquit, (ep. 68.) ordinationem (Sabini Basilidi suffecti) jure perfectam potest, quod Basilides post crimina sua detecta, & conscientiam etiam propria confessione mutatam, Romam pergens, Stephanum Collegam nostrum longe positum, & gesta rei, ac tacita veritatis ignarum fessit, ut examibiret, reponi se injuncte in Episcopatum, de quo fuerat iuste depositus. Hoc eo pertinet, ut Basilidis non tam abolita sint, quam cumolata delicta, ut ad superiora peccata ejus etiam fallacia, & circumventionis crimen accesserit. Neque enim tam culpandus est ille, cui negligenter obreptum est, quam hic execrandus, qui fraudulenter obrepit. Basilidem igitur ab Hispanis Episcopis damnatum appellare potuisse Stephanum, ejusque auctoritate, si inique damnatus fuisset, potuisse in Episcopatum restitui, existimavit S. Cyprianus. Hinc vero perspicuum fit, agnovisse S. Cyprianum in Romano Pontifice Primatum non modo honoris, sed etiam jurisdictionis.

V. At vero Febronius (cap. 2. §. 11. n. 1.) id negat. Nam S. Cyprianus in III. Synodo Carthagenensi his verbis S. Stephanum Papam perstrinxit: = Neque enim quisquam nostrum Episcopum se esse Episcoporum constituit, aut tyrannico terrore ad obsequendi necessitatem Collegas suos adigit, quando habeat omnis Episcopus pro licentia libertatis, & potestatis suae arbitrium proprium, tamquam judicari ab alio non possit, cum nec ipse possit alterum judicare =. Jam vero qui bona fide, inquit Febronius, contulerit inter se, quae in hac controversia de baptismo haeticorum Stephanum inter, & Cyprianum acta sunt, animadverteret facile, S. Cyprianum, licet alias Primatum Romani Pontificis probe recognoverit, verum imperium, & externam coactionem ab eo exclusisse. Talem scilicet hic S. Martyr praeferat propter saebatur Principatum Summi Pontificis in universali Ecclesia, qualem Cyprianus gerebat in Africa.

Alibi vero in hanc controversiam plura congerit (cap. 6. §. 9.), quae huc fere redeunt. In hac concertatione tribus munitis praesidiis incedebat R. Pontifex, scilicet auctoritate prima sua Sedis, numeri Episcoporum sibi adherentium, & Traditione. Jamvero non quidem Primatum, sed excessivam Stephani praeensionem, aut saltem sequelam ab illo ex Petri Successione, & Primatu ductam perstrinxit, (verbis habitis in III. Synodo Carthagenensi), & pernegavit cum Africanis Patribus Cyprianus. Traditionem negabat, aut saltem non legitimam cum suis Cyprianus contendebat. Episcoporum per Orbem dispersorum turbam contra numerum respectivo tam modicum, neque Augustinus, neque Cyprianus putarunt citra generale Concilium constituere regulam firmam credendi, agendique. Addit (ib. n. 1.): De eo disceptatur inter Patrones Curiae Romanae, & horum Contradiatores; an ea quaestio dogmatica,

*rica fuerit, an disciplinavis.* Et ipse quidem dogmaticam fuisse contendit: Sed concludit (n. 3.): *Sicuti Cypriani, & Africanorum factum contradi-  
citur infallibilitati R. Pontificis, si praeceptum Stephani dogmaticum fuit, ita re-  
pugnat Monarchia, seu Primatui jurisdictionis, si reputetur pro disciplinari.*

VI. Verum ex iis, quae a me superius allata sunt, perspicuum esse, puto, S. Cyprianum ante exortam de hæreticorum baptismo controversiam agnovisse in R. Pontifice etiam *verum imperium, & externam coactionem*. Nam Petri Cathedra, Cypriani sententia, est unitatis fons, & origo, quam summum in Ecclesia imperium, & universalis jurisdictionis consequitur (*ex cap. 2.*). Arelatis Episcopi abdicandi, Asturicensis restituendi auctoritate Romanum Pontificem Stephanum præditum fuisse, Cyprianus fassus est: Id autem absque *vero imperio*, externaque coactione fieri a Stephano non potuisse, nemo non intelligit. Ergo verum quoque imperium, & externam coactionem in Pontifice esse, putavit.

VII. Ad celebrem vero de hæreticorum baptismo controversiam quod attinet, neminem latet, S. Cyprianum errasse, & S. Stephanum pro veteri Catholica Ecclesiae Traditione pugnasse. De ea controversia Vincentius Lirinensis (*common. 1. cap. 5.*): *Tunc, inquit, Beata memoria Stephanus Apostolica Sedis Pontifex cum ceteris collegis suis, sed tamen præ ceteris restitit; dignum, ut opinor, existimans, si reliquos omnes tantum fidei devotione vinceret, quantum loci auctoritate superabat.*

Disceptatur quidem inter eruditos Viros, dogmatis ne fuerit, an disciplinæ istiusmodi quaestio; sed eam primum disciplinæ quaestionem fuisse, præter plerosque Theologos, quos *Curia Romana Patronos* Febronio appellare libet, sentiunt Natalis Alexander (*sec. 3. dist. 12. art. 4.*), Auctor dissertationis de eadem quaestione editæ Parisiis anno 1724. Constantius (*tom. 1. epist. Rom. PP.*), Tournely (*de Sacram. in gen. q. 6. art. 2.*), qui profecto Romanæ Curiae Patroni non sunt. Neque tamen id rei ego nunc agam; quoniam & Nostrates Theologi de ea abunde satis disserunt, & consulis deinum generis ea quaestio fuerit, ad rem nostram, nisi fallor, perinde est.

Itaque S. Cyprianus, inquit Febronius, S. Stephanum perstrinxit: Traditionem, qua Stephanus nitebatur, pernegavit: & magnum Episcoporum numerum Stephano adhaerentium non putavit esse firmam regulam credendi, agendique.

Verum primo perstrictum fuisse S. Stephanum a S. Cypriano verbis superius descriptis, veluti rem certissimam statuit quidem Febronius, sed multo ego verosimilius esse, arbitror, huiusmodi verba ad Stephanum Papam nihil spectare, sed ea tantum de causa a Cypriano prolata esse, ut Episcopi, qui Carthaginem ad Synodum venerant, audebatur, & libere suam sententiam dicerent, quem-

admodum sensit etiam, præter alios eruditos Viros, Natalis Alexander (*in b. e. sec. 1. diss. 4. §. 4.*), & egregie ostendit Auctor dissertationis de Controversia inter S. Stephanum, & S. Cyprianum editæ Parisiis anno 1724.

Deinde esto ita, ut vult Febronius. Unam tantum, & alteram rem ego quero. Erravit ne Cyprianus, ita sentiendo? Liber ne a culpa fuit, Stephanum perstringendo? Si enim erravit Cyprianus, quod senserit, Romani Pontificis decretum traditione, & totius fere Orbis Episcoporum consensione suffultum, non esse firmam credendi, agendique regulam; & præterea si a culpa liber non fuit, quod in Stephanum invehit sit, ejusque auctoritatem contempserit, frustra concludit Febronius, *Factum Cypriani repugnare Pontificis aut infallibilitati, aut Primatui jurisdictionis*. Erravit autem S. Cyprianus non modo quod senserit, Baptismum ab Hæreticis datum, esse innovandum, sed etiam quod putaverit, decretum Pontificis veteri consuetudine, & majoris Episcoporum partis consensu firmatum, non esse firmam credendi, agendique regulam. Nam S. Augustinus persuasum habuit, quamvis nullo certo monumento constaret, S. Cyprianum suam sententiam correxisse: *Correxisse autem*, inquit (*epist. 93. al. 48. cap. 10.*), *illam sententiam non invenitur. Non incongruenter tamen de tali viro existimandum est, quod correxerit, & fortasse suppressum sit ab eis, qui hoc errore nimium delectati sunt, & tanto velut patrociniis carere noluerunt. Alibi (lib. 2. de Bapt. contra Donat. cap. 4.) ait: Et fortasse factum est, ut sententiam suam deferuerit, sed nescimus. Neque enim omnia, quæ illo tempore inter Episcopos gesta sunt, memoria, literisque mandari potuerunt, aut omnia, quæ mandata sunt, novimus. Correxerit igitur sententiam suam S. Cyprianus, saltem S. Augustini opinione. At vero S. Cyprianus suam sententiam non correxit, quod argumenta, quibus pro ea depugnabat, falsa esse, illi demonstratum fuerit. Hujusmodi enim argumentis, quæ plurima ex Scripturis, & ex ratione ducebant, nonnisi Ecclesiæ consuetudinem, & Traditionem opposuit S. Stephanus, uti sæpe affirmat S. Augustinus. Ergo sententiam suam correxit S. Cyprianus S. Stephani, & consentientium illi totius fere Orbis Episcoporum auctoritate permotus. Ergo in eo etiam erravit S. Cyprianus, quod Pontificis decretum Traditione, & plerorumque Episcoporum consensu firmatum, non putaverit esse firmam credendi, agendique regulam. Sed errorem hunc correxit: ergo Romani Pontificis auctoritatem tandem passus est, putavitque decretum ab eo editum, cui saltem magna Episcoporum pars adhreret, firmam credendi, agendique regulam constituere.*

Deinde vero a culpa immunis non fuit S. Cyprianus, quod Stephanum

phani præceptum detrectaverit, eumque perstrinxerit. Nam S. Augustinus (lib. 5. de bapt. cap. 25.): Jam illa, inquit, qua in Stephanum iratus effudit Cyprianus, retrahere nolo, quia & non opus est. Eadem quippe ipsa dicuntur, qua jam satis discussa sunt; & ea prætereire melius est, qua periculum pernicioſa diſſenſionis habuerunt. Rursus (lib. 3. de bapt. cap. 18.) charitate, inquit, multum viguit Cyprianus, ut aliud de baptismo ſentiens, non tamen deſereret unitatem, & eſſet in vite Dominica radicatum ſarmentum, quod etiam ferro paſſionis purgaret cœleſtis agricola. Denique (lib. 9. cap. 18.) ait: Quod igitur vir ille Sanctus aliter de baptismo ſentiens, quam res ſe habebat... & charitatis ubere compenſatum eſt, & paſſionis ſalce purgatum eſt. Igitur S. Cyprianus, S. Auguſtini ſententiâ, quadam in Stephanum iratus effudit, quæ retrahenda non ſunt, quæque periculum pernicioſæ diſſenſionis habuerunt: præterea ob ſuam agendi rationem fuit ſarmentum paſſionis ſalce purgatum. Ergo ob ſnam agen- di rationem a culpa S. Cyprianus liber non fuit. Quod ſi Stephanum perſtrigendo, ejusque imperium detrectando peccavit S. Cyprianus, quid inde argumenti ducere poteſt Febronius contra Romani Pontificis juridiſtinctionem? His igitur ipſius Auguſtini verbis Donatiſtas alloquens (epiſt. 95. ad Vincenſium) Febronium, ejusque aſſeclas compellare poſſumus: Porro autem aut Cyprianus omnino non ſenſit, quod cum ſenſiſſe, recitatis; aut hoc poſtea correxiſt in regula veritatis: aut hunc quæſi- nam ſui candidiſſimi peſtoris cooperuiſt ubere charitatis.

VIII. Sed etiam Auguſtinus, ait Febronius, in eadem fuit cum Cypriano ſententiâ, Episcopos per Orbem diſperſos Pontifici adhærentes non conſtituere firmam credendi, agendique regulam: Nam: Illis temporibus, inquit Auguſtinus (lib. de un. bapt. contra Petil. cap. 14.), antequam plenarii Concilii ſententiâ, quid hæc de re ſequendum eſſet, totius Eccleſiæ conſenſio confirmaveſſet, viſum eſt ei (Cypriano) cum ferme octoginta Coepiſcopis &c. Quod nullatenus improbat Auguſtinus. Quod autem ad robur Pontifici decreti attinet, Cypriani ſententiam aperte ſequitur Auguſtinus lib. 2. de Bapt. cap. 4. Neque nos tale aliquid auderemus aſſerere, quale Stephanus juſſit, niſi Eccleſia Catholica concordiſſima auctoritate firmatiſ. Cui & ipſe Cyprianus ſine dubio cederet, ſi jam illo tempore veritas eliquata per plenarium Concilium ſolidaretur.

IX. Sed ad primum quod attinet, verum quidem eſt, quod ait S. Auguſtinus, illis temporibus viſum eſſe Cypriano &c. ſed falſum eſt, quod ait Febronius, Auguſtinum hoc nullatenus improbare. Cur enim Auguſtinus putat, correxiſſe Cyprianum ſuam ſententiam, doletque, deſiderari eorum temporum monumenta, quibus id evincat? Cur Cyprianum vocat ſarmentum paſſionis ſalce purgatum? Cur quod Cyprianus

prianus sensit, & egit, *ubere charitatis comperatum, & passionis salte purgatum esse*, dicit? Improbavit igitur Augustinus, quod Cypriano etiam ante plenarii Concilii sententiam visum fuit, idque tantum contendit, non tantæ culpæ reum fuisse Cyprianum, quantæ rei erant Donatistæ; cum ille, veritate nondum plene eliquata, erraverit; isti vero etiam comperta veritate, totiusque Ecclesiæ in Concilium coactæ consensione firmata, in eodem errore persistierint.

Cypriani autem sententiam *quoad Pontificii decreti robur*, secutum esse Augustinum, non recte concludit Febronius ex citatis ejusdem Augustini verbis. Primo enim cum Augustinus Culpæ Cypriano vertat, quod etiam ante plenarium Concilium Stephanus veterem Traditionem asserenti resistere, fatetur profecto, Cyprianum Stephanum parere debuisse. Ergo Cypriani sententiam *quoad Pontificii decreti robur* Augustinus secutus non est. Deinde decrevit quidem Stephanus, ut vetus Traditio servaretur, sed ejus Traditionis fontes, & causas non quæsit, & argumenta, quibus eam Cyprianus impugnabat, neglexit. Nihil enim aliud a Stephano decretum esse invenimus, nisi ut vetus traditio servaretur. Quamobrem Stephanus controversiam definiisse, & veritatem in aperto posuisse, dici non poterat. Id vero quod Stephanus prætermisit, a Plenario concilio factum est. Ergo jure ait Augustinus, veritatem *per plenarium Concilium solidatam esse*. Sed fatetur tamen, interea temporis Stephani decretum servandum fuisse. Ergo in eadem cum Cypriano de Stephani decreto sententia non fuit Augustinus.

Cum autem Augustinus ait: *Neque nos tale aliquid &c.* non Stephani decretum intendit, ut comminiscitur Febronius, sed argumentorum Cypriani refutationem, & perspicuam controversiæ definitionem. Nam ante citata verba, hæc habet: *Satis ostendit (Cyprianus), facillime se correcturum fuisse sententiam suam, si quis ei demonstraret, baptismum Christi sic dari posse ab eis, qui foras exierunt; quemadmodum amitti non potuit, cum foras exirent; unde multa jam diximus. Nec nos ipsi tale aliquid auderemus asserere, nisi Ecclesia &c.* & statim addit: *Si enim Petrum laudat, & prædicat ab uno posteriore collega patienter, concorditerque correctam, quanto citius ipse enim Concilio Provincia sua universi orbis autoritate, patefacta veritate, cessisset, quia profecto & uni verum dicenti, & demonstranti posset facillime consentire tam sancta anima, tam pacata, & fortasse factum est, sed nescimus.* Igitur verborum Augustini: *neque nos tale aliquid &c.* sensus est hujusmodi: Nos non auderemus asserere, baptismum Christi sic dari posse ab eis; qui foras exierunt, quemadmodum amitti non potuit, cum foras exirent; neque id facile possemus demonstrare, nisi veritas in plenario Concilio patefacta esset, in quo ea quæstio primum diligenter pertra-

pertractata est, & investigati sunt ejus Traditionis fontes; quod asserit Augustinus ib. cap. 7. *Sed tamen saluberrimam consuetudinem, addit (ib.), tenebat Ecclesia, in ipsis quoque Schismaticis, & Hæreticis corrigere quod prævum est, non iterare quod datum est: Consuetudinem hanc servari jussit Stephanus, eique parere debuisse Cyprianum, fatetur Augustinus, imo paruisse, non incongruenter credi posse, putat. Ejus vero consuetudinis causas, & originem Stephanus neglexit; easque œcumenica tantum Synodus patefecit. De his, non de Stephani decreto ait Augustinus: Neque nos tale aliquid &c.* Ergo non quoad Pontificii decreti robur, sed quoad Traditionis fontes ante plenarium Concilium non investigatos Cypriani sententiam Augustinus secutus est. Paucis rem conficiamus. S. Cyprianus, quod baptismum ab hæreticis datum improbaverit, erravit: quod S. Stephano veterem Ecclesiæ Traditionem afferenti, eaque ut servaretur, præcipienti parere noluerit, a culpa liber non fuit; uti ex Augustino ipso colligitur. Ex iis igitur, quæ in hujusmodi controversia gesta, scriptæque sunt, inepte colligit Febronius, factum Cypriani repugnare Pontificis infallibilitati, aut primatui jurisdictionis: Quemadmodum ex eo quod Orientales Episcopi cum Joanne Antiocheno restiterint Ephesinæ Synodo, ejusque decretis parere noluerint, imo Synodi Partes acrioribus verbis perstrinxerint (tom. 3. Concil. Labb.), inepte quis colligeret, Orientalium Episcoporum factum repugnare œcumenicæ Synodi infallibilitati, aut jurisdictioni,

## CAPUT IV.

*Ostendit, non æqualem esse Episcoporum, & Romani Pontificis jurisdictionem.*

1. **F**ebonius cap. 3. §. 1. pluribus ostendit, Christianæ fidei, seu doctrinæ propagandæ, conservandæque curam Episcopis omnibus Apostolorum Successoribus communem esse: Eam ob causam Timotheum a S. Joanne Cryst. hom. 6. contra Judæos, *universi orbis Episcopum*, S. Cyprianum, & S. Athanasium a S. Gregorio Nazianzeno *Episcopum universalem* appellatum esse: Eusebium Samosatensem extra fines suæ dioceseos Episcopos, Presbyteros, & Diaconos ordinasse. Hinc natam esse dicit, *pervulgatam illam apud Sanctum Cyprianum notionem de uno tantum Episcopatu, in quo quilibet Episcopus æqualem universi curam suslineat. Si autem Episcopus*, pergit Febronius (ib. §. 2.), *multo magis, imo primario subsidiaria hæc cura tenebit Primatem. Quare, concludit, qua*

R. Pon-

R. Pontifex saepe legitur fecisse extra fines sua Dioceseos... multum ab-  
sunt, ut in agente specialiore, & proprie dictam, eamque immediatam  
jurisdictionem aut supponant, aut involvant.

Alibi vero (cap. 7. §. 1.) Episcoporum omnium aequalem esse  
jurisdictionem data opera probat Febronius, quod Christus Aposto-  
lis omnibus, & Episcopis eorum successoribus dixerit: *sicut misit me*  
*Pater, & ego mitto vos &c.* Quod S. Hieronymus (epist. ad Evagri-  
um) scripserit: *Ubicumque fuerit Episcopus, sive Roma, sive Eugubii,*  
*sive Constantinopoli, sive Tanis...* ejusdem meriti est, ejusdem est & Sacer-  
dotii: Quod dixerit S. Cyprianus (lib. de unit. Eccl.), *Episcopatum*  
*unum esse, cujus a singulis in solidum pars tenetur.* Quod denique E-  
piscopi olim R. Pontificem Fratrem compellaverint.

Addit (ib. n. 9.): *divisionem potestatis Episcopalis in eam, qua*  
*est ordinis, & qua jurisdictionis, seu verius dilacerationem Episcopalis*  
*dignitatis a Christi instituto alienam esse; non quia distinguere non liceat*  
*duplicem potestatem Episcopalis officii, sed quia dividere nefas est, & e-*  
*jus natura repugnat...* Episcopatus plenitudinem Sacerdotii, & pastoralis  
muneris perfectionem natura sua continet, cui Christus non minus jurisdi-  
ctionis, quam ordinis potestatem alligavit.

II. His argumentis parem Episcopis cum R. Pontifice jurisdictio-  
nem immediate ipsis a Christo datam asserit Febronius; cum tamen  
alibi (cap. 1. §. 6.) jurisdictionem universitati Ecclesiae, id est Fidelium  
multitudini immediate datam esse, velit, & Episcopos Ecclesiae Mi-  
nistros duntaxat esse, apertissime scribat. Scilicet *Vir duplex animo*  
*inconstans est* (Jac. 1. 8.). Eam enim ob causam adblandiri voluisse  
videtur Episcopis, ut hi primum Romani Pontificis imperium detre-  
ctent. Deinceps enim facile futurum esse sperat, ut Fidelium multitu-  
dini, ac tandem Principibus multitudini imperantibus subjiciantur.  
Eo equidem spectasse Febronium, suspicionis plurimum ingerunt, quae  
scribit toto capite IX. *de mediis recuperanda libertatis Ecclesiastica.* Sed  
quid ejus rei causae illi fuerit, viderit ipse: ego nunc ejus ar-  
gumenta refello.

III. Itaque quoniam Febronius ipse id licere, non negat, du-  
plicem in Episcopis potestatem distinguimus. Una est potestas Epi-  
scopatus *essentialis & intrinseca*, quam potestatem *Ordinis*: alia est  
*accidentalitatis, & extrinseca*, quam *jurisdictionis* potestatem cum omni-  
bus Catholicis Theologis appellamus. Prior est potestas Sacra-  
menta conficiendi, & administrandi, minores ministros consecrandi,  
& alia, siquae sunt, Episcopalis characteris propria munera obeundi.  
Posterior est potestas Ecclesiam exterius regendi, leges ferendi, cau-  
sas judicandi &c. Duplicem hujusmodi potestatem fecerendam esse,  
perspicua res est. Nam tum Niczni, tum Africani Patres statue-  
runt



runt, ut Episcopi ab Hæresi, vel Schismate ad Ecclesiam Catholicam redeuntes, dumtaxat in Presbyterii gradum reciperentur. Ergo hujusmodi Episcopos Episcopali jurisdictione carere, voluerunt. Rursus: Qui abdicantur Episcopi, i*ur*isdictione privantur. Neque enim dixerit Febronius, Nestorium, exempli causa, ab Ephesina Synodo damnatum, suam retinuisse jurisdictionem. At vero Episcopi Hæretici, Schismatici, aut Episcopatu abdicati, essentiali Episcopatus, seu ordinis potestate privari non possunt: alioquin irrita essent confecta ab ipsis Sacramenta, irritæ consecrationes; quod falsum est. Ergo potestas Ordinis alia est a potestate jurisdictionis, & potestas jurisdictionis cum potestate Ordinis necessario connexa non est, neque ex hac illa fluit natura sua. Ergo divisio Episcopalis potestatis in eam, quæ est Ordinis, & quæ jurisdictionis, non est Episcopalis dignitatis dilaceratio; sed est Christi ipsius institutio. Quare utramque quidem potestatem Episcopatu generatim alligavit Christus; cum utraque ad Ecclesiam optime administrandam necessaria sit; sed utramque individuo nexu conjunctam cum singulis Episcopis communicari, noluit. Alioquin earum alterâ, nempe potestate jurisdictionis Episcoporum nemo privari posset.

IV. Constituta duplicis istiusmodi potestatis distinctione, querendum est, siue utraque æqualis in omnibus Episcopis. Jamvero Ordinis potestate omnes Episcopos pares esse, concedimus: Christus enim Apostolis omnibus, & Episcopis eorum Successoribus dixit: *Accipite Spiritum Sanctum &c. Euntes, docete omnes Gentes &c.* Atque ad eandem potestatem referenda sunt, quæ scripsere S. Cyprianus, *Episcopatum unum esse, cujus a singulis in solidum pars tenetur*, & S. Hieronymus, *ubicumque fuerit Episcopus, siue Romæ, siue Eugubii, ejusdem meriti esse, ejusdem esse & Sacerdotii*. Potestate vero jurisdictionis Episcopos omnes pares esse, negamus. Primo id evincunt ea omnia argumenta, quibus hætenus ostendi, & ostendam deinceps, Romanum Pontificem obtinere in Ecclesia primatum jurisdictionis. Deinde ab ipso Ecclesiæ exordio Romani Pontifices, & Synodi etiam oecumenicæ illud semper cautum esse voluerunt, ne Episcopi extra suarum dioceseon, vel provinciarum fines potestatem suam evherent. Eo spectant plures Nicænæ Synodi, & Synodi Chalcedonenfis Canones. Eadem de re Zosimus (*epist. ad Episcopos Gallie*): *Omnes, inquit, admonemur, ut quique finibus, territoriisque suis contenti sint: nam barbara, & impia ista confusio est, aliena presumere*. Egregie vero tum utriusque memoratæ potestatis distinctionem, tum jurisdictionis inæqualitatem adstruit S. Leo (*epist. 12. ad Anastas. cap. 11.*). De Episcopis enim scribens: *Quibus, inquit, etsi dignitas sit communis, non est tamen ordo generalis: quoniam & inter*

*Beatissimos Apostolos in similitudine honoris fuit quædam discretio potestatis; & cum omnium par esset electio, uni tamen datum est, ut cæteris præmineret. De qua forma Episcoporum quoque est orta distinctio, & magna ordinatione provisum est, ne omnes sibi omnia vindicarent, sed essent in singulis Provinciis singuli, quorum inter Fratres haberetur prima sententia, & rursus quidam in majoribus urbibus constituti sollicitudinem suscipere ampliore, per quos ad unam Petri Sedem universalis Ecclesia cura consueret. Viden' utriusque potestatis distinctionem, & jurisdictionis inæqualitatem? Porro quam habent singuli Episcopi in suis Diocæsis, Metropolitæ in Provinciis suis, Patriarchæ in suo Patriarchatu potestatem, ea potestas jurisdictionis est. Eandem autem habet potestatem R. Pontifex in universa Ecclesia: nam ad ipsum *universalis Ecclesia cura confluit*: ergo Romanus Pontifex habet in universa Ecclesia potestatem jurisdictionis: non ergo æqualis est Episcoporum omnium jurisdictionio.*

V. Sed Episcopi, inquit Febronius, sunt Apostolorum Successores. Quid vero? ajo ego. Nonne primatum jurisdictionis inter Apostolos obtinuit Petrus? Id ego in priori hujus dissertationis parte Scripturæ, & Traditionis auctoritate ostendi. Quidni igitur & Romanus Pontifex Petri Successor inter Episcopos Apostolorum Successores jurisdictionis Primatum obtinet?

Czterum non quoad Apostolatus, sed quoad Episcopatus tantum jura Apostolis succedunt Episcopi. Scilicet Apostoli extraordinariam missionem, & auctoritatem Petro quidem subjectam, sed nullis Urbium, aut Provinciarum limitibus circumscriptam a Christo habuerunt. *Euntes, ait illis Christus (Marc. 16, 15.), in mundum universum predicate Evangelium omni creatura.* Quamobrem Apostoli, si Petrum, & forte Jacobum Jerosolymorum Antistitem excipias, nullam sibi peculiarem sedem vindicarunt, sed ubique terrarum Evangelium promulgarunt, Episcopos consecrarunt, aliaque Apostolatus munera, ubicumque ipsis visum est, obierunt. Quos vero constituiebant alicubi Episcopos, cum his universalem hujusmodi auctoritatem non communicabant, sed singulis Ecclesiis singulos præficiebant, quarum fines ipsis prætergredi nefas esset. Hinc S. Petrus (*ep. 1. cap. 5. 2.*) Episcopis ait: *Pascite*, non universum, sed *qui in vobis est gregem Dei*: S. Paulus Titum non universæ, sed Cretensis tantum Ecclesiæ præfecit: *Hujus rei gratia*, inquit (*ad Tit. 1. 5.*), *reliqui te Creta.* Habent nempe Episcopi sibi assignatos greges singuli singulos, ut ait S. Bernardus. Non ergo in Apostolatus, sed in Episcopatus jura tantum succedunt Apostolis Episcopi, seu Episcopali caractere non secus atque Apostoli insigniti sunt: In universalem ergo jurisdictionem Apostolis nequaquam succedunt. Romanus vero Pontifex in Petri Primatum, ideoque in

univer-

universalem ipsi a Christo creditam jurisdictionem succedit, quemadmodum ex Traditione, & ex Conciliorum definitionibus tum superius ostensum est, tum ostenderetur deinceps.

VI. Quamquam autem Episcoporum jurisdictio singularum Urbium, aut Provinciarum finibus coercetur, Fidei tamen, & Religionis ubique propagandæ, conservandæque cura, & sollicitudo Episcopis omnibus communis est. Si enim Deus *mandavit illis unicuique de Proximo suo* (Eccl. 17. 12.), multo magis id mandavit Episcopis. Et ob hanc quidem curam, ac sollicitudinem, qua maxime excellerunt Cyprianus, & Athanasius, utrumque *Episcopum universalem* appellavit Gregorius Nazianzenus. De eadem sollicitudine loquitur Augustinus, qui Bonifacium I. R. P. alloquens: *Est in nobis omnibus*, inquit, *qui fungimur Episcopatus officio, specula Pastoralis, quamvis ipse in eo celsiore fastigio præmineas. Facio quod possum pro mei particula muneris*. Ea denique sollicitudine permotus Eusebius Samosatensis, cum Ariana hæresis quaquaversum grassaretur, Episcopos Catholicos, Presbyteros, & Diaconos, ubicumque opus erat, consecrabat. Verum hujusmodi agendi ratio, & sollicitudo non jurisdictionis, sed charitatis tantum, & necessitatis argumentum est, uti Febronius ipse fatetur. Jurisdictionis enim est leges ferre, causas cognoscere, judicare &c. Nihil autem hujusmodi extra suas Provincias gessere Cyprianus, Athanasius, Eusebius, Augustinus, aliive Episcopi. Curam igitur conservandæ Religionis, sollicitudinem, & charitatem etiam ad alias Ecclesias evexerunt illi; sed jurisdictione extra suas Ecclesias usi non sunt. Romani vero Pontifices & leges ab universa Ecclesia servandas ediderunt, & graviores, difficiliioresque causas suo judicio vindicarunt, aliaque similia ubique gesserunt, uti deinceps ostendam, quæ summam eorum jurisdictionem perspicue manifestant.

VII. Quod vero attinet ad celebrem S. Cypriani sententiam: *Episcopatus unus est, cujus a singulis in solidum pars tenetur*; eâ abutitur cum Hæreticis Febronius. Nos quoque fatemur, singulos Episcopos non Episcopatus partem divisam, sed partem in solidum, seu totum Episcopatum tenere; quia nempe Episcopatus unus, & indivisibilis est. Nam & qui baptizat, non baptismi partem, sed totum baptismum tenet, quia *unum est baptisma*, ut ait Apostolus, & indivisibile. Hinc vero colligi tantum potest, habere singulos Episcopos quidquid Episcopatui essentiale est, integram scilicet Ordinis potestatem Episcopatui essentialem, & intrinsecam, quæ non secus atque Episcopatus, una, & indivisibilis est. Si quis vero hinc colligat, singulos Episcopos æque tenere etiam quidquid Episcopatui

accidentale est, & extrinsecum, is in Logicæ canones peccat. Jurisdictionis autem potestas Episcopatus accidentalis est, & extrinseca, uti superius (n. 3.) ostendi. Ergo jurisdictionem non æque Episcopi singuli, nec in solidum tenent.

Sed explicat statim S. Cyprianus sententiam suam: Addit enim: *Ecclesia quoque est una, quæ in multitudinem laici incrementum secunditatis extenditur: Quomodo multi Solis radii, sed lumen unum: & rami arboris multi, sed robur unum tenaci radice fundatum: & cum de fonte uno rivi plurimi defluunt, numerositas licet diffusa videatur exundantis copia largitate, unitas tamen servatur in origine.* Ergo juxta S. Cypriani sententiam Episcopatus unus est, quemadmodum Ecclesia una est. Ecclesia autem una est ob unitatem radicis, fontis, & originis: ergo eadem de causa unus est Episcopatus. Radix autem, fons, & origo Ecclesiæ, seu ejus unitatis, est Petri Cathedra, & Romanus Pontifex, ut superius (cap. 3. n. 1.) ex Cypriano ipso ostendi: Ergo etiam Episcopatus radix, fons, & origo est Petri Cathedra, & Romanus Pontifex.

Neque quidquam causæ est, cur consecutionem istam indigne-  
tur Febronius; eam enim apertissime tradiderunt Veteres Patres. Innocentius I. (epist. ad Synodum Carthag.): *Scientes, inquit, quid Apostolica Sedi, cum omnes hoc loco positi ipsum sequi desideremus Apostolum, debeatur, a quo ipse Episcopatus, & tota auctoritas nominis hujus emerfit (1).* S. Leo (serm. 4. de assumpt. sua): *Siquid, inquit, cum eo (Petro) commune ceteris voluit esse Principibus, nunquam nisi per ipsum dedit, quidquid aliis non negavit.* Etiam Africanæ Synodi in epistola ad Theodorum Papam, quæ refertur in Actis Concilii Lateranensis celebrati anno 649. vocant Ecclesiam Romanam cæterarum Ecclesiarum *Natalem Fontem*. Si autem Episcopatus radix, fons, & origo est Petri Cathedra, & Romanus Pontifex, ipsius Cypriani sententiâ, frustra ex Episcopatus unitate concludit Febronius, æqualem esse Episcopis cum Romano Pontifice jurisdictionem.

VIII. Non minus futile, imo plane ridiculum est argumentum, quod ducit Febronius ex communi Episcopis omnibus *Fratrum* appellatione. Nam etiam Christus discipulos *Frates* suos vocavit (Matth. 28. 10.): *Nunciate, inquit, Fratribus meis.* *Æqualis ne igitur*

---

(1) Idem Innocentius epist. ad Concil. Milev. *Præsertim, inquit, quoties fidelis ratio ventilatur, arbitror, omnes Fratres, & Coepiscopos nostros nonnisi ad Petrum, idest sui nominis, & honoris auctorem referre debere. Et epist. 2. ad Vltricium Rbotomag. incipiam, inquit, adjuvante S. Petro Apostolo, per quem & Apostolatus, & Episcopatus in Christo cœpit exordium.*

igitur est Christi, & Discipulorum auctoritas, & jurisdictio? Itaque Episcopi omnes sese mutuo *Frates* appellarunt non ob æqualem jurisditionem, sed ob humilitatem, & charitatem. Docet S. Gregorius M. (*ep. 24. lib. 1.*), necesse esse, ut Episcopus non modo cæteris Episcopis, sed etiam subditis bene agentibus per humilitatem Socius sit, nec eorum ulli se præferat; imo æqualem se illis esse existimet: At vero, cum pravorum culpa exigit, vult, ut Episcopus prioratus sui potestatem agnoscat; idque Petri exemplo persuadet, qui similem se Centurioni recognovit; sed cum Anania, & Saphira culpam reperit, mox quanta potentia super cæteros excrevisset, ostendit (A).

Hoc autem loco non abs re fuerit Febronii fraudem notare. Is enim (*cap. 2. §. 6.*) pluribus veteris historię monumentis ostendit, gravissima Ecclesię negotia ad R. Pontificem referri consuevisse, eumque sollicitudinem suo ministerio convenientem in universa Ecclesia explevisse. Sed nequis inde colligat, Romanos Pontifices jurisditione aliqua usos esse, addit (*n. 13.*): *In omnibus autem his, & pro eorum directione, ac pleniore intellectu addendum illud, quod ad Eulogium Episcopum Alex. scripsit S. Gregorius M. lib. 8. Epist. 30.* Scilicet = Verbum iussionis, peto, a meo auditu removere; quia scio, quis sum, qui estis. Loco enim mihi fratres estis, moribus Patres. Non ergo iussi, sed quę utilia sunt, indicare curavi = Quasi nempe neque Gregorius, neque Romani Pontifices quidquam unquam jusserint, imo sibi jubendi auctoritatem non esse, existimaverint. Sed nemo non intelligit, ideo nihil iussisse Eulogio S. Gregorium, quia cur juberet, causa non erat. Neque enim muneris suo deerat Eulogius, imo Ecclesię suę vigilem curam gerebat, quam-obrem

---

(A) Rursus cum me ad considerandum conféro, qualis in humilitate, qualisque esse Rector debeat in districtione, perpendo: quoniam necesse est ut bene agentibus sit per humilitatem Socius, & contra delinquentium vitia per zelum justitię erectus; quatenus & bonis in nullo se præferat, & cum pravorum culpa exigit, prioratus sui potestatem agnoscat; ut & honore, suspensio, æqualem se subditis bene viventibus deputet, & contra perverforum culpas ex zelo justitię excreseat. Hinc est namque, quod Petrus auctore Deo Sanctę Ecclesię Principatum tenens, a bene agente Cornelio, & sese ei humiliter prosternente, immoderatus venerari recusavit, seque illi similem recognovit, dicens: surge, ne feceris, & ego homo sum. Sed cum Ananię, & Saphirę culpam reperit, mox quanta potentia super cæteros excrevisset, ostendit... & summum se intra Ecclesiã contra peccata recoluit, quod honore sibi vehementer impenso eorum bene agentibus Fratribus non agnovit. Hic communionem æqualitatis metuit Sanctitas actio- nis, illic ælus ultionis vim aperuit potestatis.

obrem cum commendat S. Gregorius. Quod si culpam aliquam in Eulogio reperisset S. Gregorius, putat ne Febronius, non ostensurum cum fuisse, *quanta potentia super ceteros excevvisset, & prioratus sui potestate non usurum fuisse?* Imo cum Eulogius scripserit S. Gregorio: *feci quod iussistis*, ostendit, se in Gregorio iubendi auctoritatem agnovisse. Gregorius vero *iussionis* verbum removeri voluit, non quia se iubere non potuisse, putabat; sed quia cur iussionis verbo uteretur, nulla causa erat.

Igitur S. Gregorius, qui humilitate quammaxime excelluit, non modo Episcopis, verum etiam fidelibus & Fratrem, & socium, & æqualem se esse, existimavit, sed summam tamen non modo in fideles, sed etiam in Episcopos culpæ reos jurisdictionem sibi esse, putavit. Alibi enim (*ep. 64. lib. 7.*) de Johanne Episcopo Constantinopolitano: *Nam, inquit, quod se dicit Sedi Apostolica subijci; si qua culpa in Episcopis invenitur, nescio, quis ei Episcopus subiectus non sit.* Cum vero culpa non exigit, omnes secundum rationem humilitatis æquales sumus. Et rursus (*ep. 65.*): *Nam de Constantinopolitana Ecclesia, quis eam dubitet, Sedi Apostolica esse subiectam?* Sunt igitur Episcopi omnes humilitate Fratres, non potestate, & jurisdictione.

IX. At vero S. Gregorius M. inquit Febronius (*cap. 7. §. 3. n. 2.*), *titulum Episcopi universalis Ecclesiæ ideo potissimum damnat, quia illi, qui eum sibi arrogat, videtur tribuere jus, & jurisdictionem per omnes Dioceses.*

Verum quamvis S. Gregorius, & vetustiores Romani Pontifices ejusmodi appellationem respuerint, Ecclesiæ tamen eos ut Episcopos universales agnovit. Tertullianus (*de pudic. cap. 1.*): *Audito, inquit, etiam dictum esse propositum, & quidem peremptorium: Pontifex scilicet Maximus, quod est Episcopus Episcoporum edicit: Ego & mæchie, & fornicationis delicta penitentia sanctis dimitto.* Quæ ironice quidem a Terrulliano tunc temporis Montanista dicta sunt de Zephirino R. P. uri plerique eruditi Viri sentiant; sed ejus ironiæ causa nulla fuisset, nisi Ecclesiæ Romanum Episcopum ut Episcoporum summum, & universali jurisdictione præditum agnovisset, uti Fleurio ipsi (*b. e. lib. 5. n. 46.*) notatum est. Præterea libellus Theodori Diaconi Alexandrini Chalcedonensi Synodo oblarus, inscriptus erat: *Sanctissimo, Deique amantissimo, & universali (καθολικῇ) Archiepiscopo, & Patriarchæ Magnæ Romæ Leoni, & Sanctæ, & universali Chalcedonensi Synodo (τομ. 4. Concil. Labb. col. 1267.).* Leonem autem Archiepiscopum universalem nequaquam appellasset Theodorus, nisi Ecclesiæ etiam tunc temporis persuasum habuisset, summam esse Romani Pontificis in universa Ecclesiæ jurisdictionem. Cur igitur istiusmodi

## CAPUT IV.

55

istiusmodi appellationem veluti profanam improbavit S. Gregorius. Non eam profecto ob causam, quam dat Febronius, ne scilicet universalem jurisdictionem sibi arrogare videretur. Nam S. Gregorius se universali jurisdictione præditum esse agnovit, & omnes Episcopos Apostolicæ Sedi subjectos esse, diserte affirmavit, ut superius ostendi (n. 8.). Sed causam asserti Gregorius ipse, cur Episcopi universalis appellationem respuerit; scilicet ne unus Ecclesiæ Episcopus esse crederetur. Nam, inquit, (*epist. 69. lib. 7.*), si unus ut putat Johannes C. P., *universalis est, restat, ut vos Episcopi non sitis.* Igitur S. Gregorius in huiusmodi pravum sensum dumtaxat acceptam, ac præsertim Episcopo Constantinopolitano attributam Episcopi universalis appellationem improbavit. Nihil ergo inde contra universalem Romani Pontificis jurisdictionem colligere potest Febronius.

## CAPUT V.

*Immediatam esse Romani Pontificis Jurisdictionem in universam Ecclesiam, & in omnes Fideles, S. Irenæi, S. Hieronymi, & Synodorum Florentinæ, atque Tridentinæ auctoritate ostenditur.*

I. **T**ribuit R. Pontifici Febronius (*cap. 7. §. 7. n. 1.*) *Præsidium, & directorem universi, id est sollicitudinem omnium Ecclesiarum, sed non immediatam curam, & directionem singularum ovium*; ne scilicet immediatam quoque jurisdictionem ei asserere cogatur. Sed longe a veritate aberrat. Primo enim S. Irenæus (*lib. 3. adv. hæ. cap. 3.*) de Romana Ecclesia ait: *Ad hanc Ecclesiam propter potiore[m] (potentior[m] alii legunt) principatatem necesse est, omnem convenire Ecclesiam, hoc est eos, qui sunt undique Fideles*: In omnes igitur fideles jurisdictionem habet Romanus Pontifex.

II. Deinde S. Hieronymus Presbyter Antiochenus a Paulino Sacerdotio initiatus, Damaso Romano Pontifici hæc verba scribit (*ep. 57.*): *A Pastore præsidium ovis flagito. Ego nullam primum nisi Christum sequens, Beatitudini tuæ communionem consocior. Super illam Petram edificatam esse Ecclesiam scio. Quicumque extra hanc domum agnum comederit profanus est...* Non novi Vitalem, Meletium respuo, ignoro Paulinum. Quicumque tecum non colligit, spargit; hoc est qui Christi non est, Antichristi est. Turgida vocat hæc verba Febronius (*cap. 3. §. 8. n. 1.*); sed vocet, ut vult, eorum vim non eludet. Nam

Nam S. Doctor significat, se non modo communionem habere cum prima Sede, ut faretur Febronius, sed præterea se habere *immediatam*, neglectis etiam Antiochenis Episcopis, e quibus Paulinum, a quo ipse fuerat sacris Mysteriis initiatus, cum Damaso communionem habere, non ignorabat. Præterea Damasum veluti Pastorem suum immediatum agnoscit: *A Pastore*, inquit, *præsidium ovis flagito*.

III. Tertio. Ut memoratam superius (cap. 1. n. 2.) Lateranensis Synodi sententiam, & plura alia Veterum Pontificum, Conciliorum, & Patrum testimonia prætermittam, Florentina Synodus in Fidei definitione communi Latinorum, Græcorumque consensu edira, *Definimus*, inquit, *Sanctam Apostolicam Sedem, & Romanum Pontificem Successorem esse B. Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem, ac Doctorem existere, & ipsi in B. Petro pascendi, regendi, & gubernandi universalem Ecclesiam a Domino Nostro Jesu Christo plenam potestatem traditam esse; quemadmodum etiam in gestis œcumenicorum Conciliorum, & in Sacris Canonibus continetur*. Plena autem regendi, & gubernandi potestas *immediatæ* jurisdictionis profecto potestas est. Quam enim habet potestatem Episcopus quilibet regendi, & gubernandi Ecclesiam sibi commissam, est potestas *immediatæ* jurisdictionis in eadem Ecclesia: ergo etiam potestas, quam habet Romanus Pontifex regendi, & gubernandi universalem Ecclesiam, est potestas *immediatæ* jurisdictionis in universalem Ecclesiam.

IV. Respondet Febronius (cap. 5. §. 4. n. 5.) post Petrum de Marca (*de Conc. Sacerd. & Imp. lib. 3. cap. 8.*), & Natalem Alexandrum (*in h. e. sec. 15. & 16. dissert. 8. art. 4. n. 12.*), in versione quidem Abrahami Cretensis edita anno 1526, legi: *quemadmodum etiam*; sed in aliis legi: *quemadmodum &*, atque hanc lectionem Græco textui respondere, qui hæc habet verba: καὶ ἐν τοῖς παλαιῶν καὶ ἐν τοῖς ἀποστολικῶν τοῖς ἐκκλησιαστικῶν συνόδοις, καὶ ἐν τοῖς ἐκκλησιαστικῶν διατάξεσιν, idest: *juxta eum modum, qui & in gestis œcumenicorum Conciliorum, & in Sacris Canonibus continetur*. Quæ plena Ecclesiæ regendæ potestas Conciliorum Canonibus circumscribitur.

Sed primo non modo in versione Abrahami Cretensis, sed etiam in latinis Concilii Actis Eugenii IV. & Michaelis Imperatoris manu subscriptis legitur: *quemadmodum etiam*, ut patet ex Codicibus Colbertinis memoratis ab Honorato Tournely (*de Locis The. de Concil. art. 2.*).

Secundo. Etiam si legendum sit: *quemadmodum &*, imo etiam: *juxta eum modum, qui &*, nonnisi tamen ineptissime ex iis verbis colligere potest Febronius, plenam potestatem, quam Synodus Romano



mano Pontifici a Christo traditam esse, definit, non esse potestatem jurisdictionis *proprie talis*. Nam etiam quilibet Episcopus potestatem habet Ecclesiam sibi commissam regendi *juxta eum modum, qui in Sacris Canonibus continetur*, quos prætergredi nequit: Ejusmodi autem potestatem esse jurisdictionem *proprie talem* cuilibet Episcopo immediate a Christo traditam, contendit Febronius (*cap. 7. §. 1.*): ergo etiam plena potestas tradita a Christo Romano Pontifici regendi universalem Ecclesiam *juxta eum modum, qui in Sacris Canonibus continetur*, jurisdictionis *proprie talis* potestas est. Et ex ea quidem Florentinæ Synodi definitione Primatum jurisdictionis Romano Pontifici a Christo datum esse, colligunt præter alios Tournely (*de Eccl. q. 5. art. 2.*), & Natalis Alexander (*sac. 1. dissert. 4. §. 2.*), qui cum aliis Doctoribus Gallis id unum volunt, Florentinam Synodum non definivisse, Romanum Pontificem esse supra Concilium, neque Constantiensis Synodi decretis derogasse. Bellarminus ipse (*de Concil. lib. 2. cap. 13.*) fatetur, *Florentinum Concilium non ita expresse hæc definivisse*. At vero definivisse Florentinum Concilium, Romanum Pontificem obtinere in universa Ecclesia Primatum jurisdictionis, neque Doctores Galli, neque Bellarminus; paucis, Catholicorum neminem unquam dubitavit.

Quod vero ait (*ib.*) Febronius: *quod in Tridentina Synodo a Gallis pernegatum fuit, Florentino inter generalia Concilia locum dandum esse, hominis desperatam causam agentis effugium est*. Quidquid enim Galli in Tridentina Synodo dixerint, omnes Galli Theologi Florentinam Synodum inter œcumenicas recensent, saltem usque ad Sessionem 25. post quam Græci Florentia discesserunt. Joveninus (*instit. Theol. tom. 1. dissert. 4. q. 3. cap. 2. art. 18. §. 13.*), & Natalis Alexander (*sac. 15. & 16. dissert. 10. art. 1.*) data opera id probant. An vero ut ex œcumenicarum Synodorum albo Florentina expungatur, unius Febronii auctoritas, aut potius temeritas efficiet?

V. Denique Synodus Tridentina (*sess. 14. de panis. cap. 7.*): *Mérito, inquit, Pontifices Maximi pro suprema potestate sibi in universa Ecclesia tradita, causas aliquas criminum graviore suo potuerunt peculiari judicio reservare*. Nisi autem Pontifices Maximi immediatam haberent in omnes fideles jurisdictionem, hujusmodi causas suo peculiari judicio reservare non potuissent. Episcopi quidem, uti eadem Synodus definit (*ib.*), possunt sibi casus aliquos reservare *pro illis in subditos tradita supra reliquos inferiores Sacerdotes auctoritate*. Sibi autem casus aliquos Episcopi reservare possunt, quia immediatam habent in suos subditos jurisdictionem. Ergo & Romani Pontifices causas criminum graviore suo judicio reservare potuerunt, quia immediatam habent in fideles singulos jurisdictionem, eamque multo

H

majorem,

maiores, quam habent Episcopi in suos subditos: cum Episcopi suorum Subditorum causas R. Pontifici reservatas judicare non possint.

Quid his respondet Febronius? *Ea verba*, inquit (cap. 3. §. 4. n. 6.), *generaliora sunt, nec exprimunt, a quo, & quibus gradibus, ac quoad quas partes suprema hæc potestas Romano Prasuli in universa Ecclesia tradita sit.* Sed hæc verba esse hominis, quo se vertat, ignorantis, bardus est, qui non intelligit. Generaliora quidem ea verba sunt, sed generaliora quoque sunt verba, quibus definit Synodus, traditam esse Episcopis casus aliquos sibi reservandi potestatem. Ea autem potestas Episcopis tradita est, non ab Ecclesia, neque a Concilio, sed a Deo, uti sentit Febronius, nisi, secum pugnat (cap. 7. §. 1.). Quidni ergo & Rom. Pontifici suprema potestas immediate a Deo tradita est?

Sed intellexit Febronius ipse, Tridentinæ Synodi verba clariora esse, quam ut aliam interpretationem pati possint. Quare alibi (cap. 7. §. 6. n. 6.) Tridentinæ Synodi sententiam opinionioni, & doctrinæ falsis decretalibus consona, & tunc vulgariter recepta, quasi Papa esset Ordinarius Ordinariorum, impudentissime tribuit; aliaque similia in œcumenicam illam Synodum probrosa effudit: qua in re Febronium refellere, non est hujus loci. Interea nobis satis est, fatenī Febronium, consensum a se systema cum Tridentinæ Synodi doctrina pugnare.

## CAPUT VI.

*Immediata Romani Pontificis jurisdictionis argumentum est vetustissima Ecclesiæ consuetudo eum consulendi de gravioribus, ac difficilioribus negotiis, majoresque causas ejus judicio reservandi.*

- I. **U**niversam Ecclesiam consuevisse olim Romanum Pontificem de difficilioribus, gravioribusque negotiis consulere, plura Monumenta fidem faciunt. S. Hieronymus (epist. 91. al. 110.): Cum, inquit, in Chartis Ecclesiasticis juvarem Damasum Romana Urbis Episcopum, & Orientis, Occidentisque consultationibus responderem. Concilium Sardiense (epist. ad Julium Papam.): Hoc enim, inquit, optimum, & valde congruentissimum esse videbitur, si ad Caput, idest ad Petri Apostoli Sedem de singulis quibusque provinciis Domini referant Sacerdotes. Innocentius I. a Patribus Concilii Milevitani consultus, respondet (ep. 25. tom. 3. Conc. Labb.

Conc. Labb. col. 47.), ad se perlatam esse cornu epistolam inter ceteras Romana Ecclesia curas, & Apostolica Sedis occupationes, quibus diversorum consulta, inquit, fidei, ac medica disceptatione tractamus. Diligenter ergo, & congrue Apostolici consiliis honoris arcana: honoris, inquam, illius, quem præter illa, quæ sunt intrinsecus, sollicitudo manet omnium Ecclesiarum, super anxiiis rebus, quæ sit tenenda sententia: antiquæ scilicet regula formam secuti, quam toto semper Orbe mecum nostris esse servatam.... Scientes, quod per omnes provincias de Apostolico fonte petentibus responsa semper emanent: Bonifacius I. (epist. 15. edit. Constant.) scribit: Maximas Orientalium Ecclesias in magnis negotiis, in quibus opus esset disceptatione majore, Sedem semper consuluisse Romanam. Leo M. (epist. 10.) testatur, Apostolicam Sedem innumeris relationibus esse consultam.

II. Ait tamen Febronius (cap. 3. §. 7. n. 5.), observasse Barthelium celeberrimum nostri ævi Canonistam.... qualiter usque ad medium Saculum XII. variores adhuc fuerint ad Pontificem recursiones. Sed egregie falli Barthelium, memorata superius testimonia perspicue ostendunt. Quare Febronius ipse, cum eam consuetudinem negare nequeat, affirmat: (ib. §. 7.), hanc talem fuisse, ut nullum jus perfectum Prima Sedi ad has relationes competierit, quasi ejus consilia necessario expetenda, & iis acquiescendum fuisset: quamquam postmodum Romani ipsam in necessitatem traxerint. At vero nisi Primæ Sedi jus ad relationes illas competiisset, cur ad illam missæ fuissent? Cur Prima Sedes ex omnibus provinciis innumeris relationibus consultata fuisset? His adde quæ scribit Constantinus Pogonatus ad Leonem II. (tom. 7. Concil. Labb. col. 242.). Hortamur porro, inquit, vestram Sanctissimam Summitatem, ut quamprimum mittat, quem designare solet, Apocrisarium, ut is in Regia, & a Deo conservata nostra Urbe degat, & in emergentibus sive dogmaticis, sive canonicis, ac prorsus in Ecclesiasticis omnibus negotiis Vestræ Sanctitatis exprimat, ac gerat personam. An vero tanta sollicitudine hortatus fuisset Imperator Constantinus Leonem, ut Constantinopolim Apocrisarium mitteret, qui in omnibus Ecclesiasticis negotiis ipsius Leonis personam referret, nisi jus ad relationes, & consulta de gravioribus saltem negotiis ei competiisset?

III. Sed addit Febronius: Non ad solum Romanum, sed ad alios etiam magna auctoritatis Episcopos recursus pro accipiendis luminibus, & directione sumebantur. Sic ad S. Cyprianum subinde ab ipsa etiam Romana Ecclesia similes relationes factæ leguntur, neque ex eo aliqua juris prærogativa pro certa Ecclesia sumi potest. Theodosius Imperator in Lge 45. Cod. Theod. de Episc. & Leg. 6. Cod. Justin. de SS. Eccles. tale privilegium, quale Romanus Episcopus sibi vindicabat, indidit Constantinopolitano.

Verum Innocentius I. in epistola ad Synodum Carthaginensem ( 24. tom. 3. Concil. Labb. col. 44. ), ait: *Antiqua Traditionis exempla servantes, & Ecclesiastica memores disciplina, vestra Religionis vigorem non minus nunc in consulendo, quam ante cum pronunciaretis, vera ratione firmatis, qui ad nostrum referendum approbatis esse judicium, scientes, quid Apostolica Sedi (cum omnes hoc loco positi ipsum sequi desideremus Apostolum) debeat, a quo ipse Episcopatus, & tota auctoritas nominis hujus emerfit... Quod illi non humana, sed divina decrevere sententia, ut quidquid, quamvis de disjunctis, remotisque provinciis ageretur, non prius ducerent finiendum, nisi ad hujus Sedis notitiam pervenires; ut tota hujus auctoritate (juxta qua fuerit) pronunciatio firmaretur.* Jamvero rogo ego Febronium, ut non Barthelii, Fleurii, aliusve similis recentioris Scriptoris auctoritate, sed veteri aliquo monumento ostendat, primo S. Cyprianum, alteriusve Ecclesie Episcopum innumeris relationibus ex omnibus mundi Provinciis fuisse consultum, uti de Apostolica Sede testantur Hieronymus, Innocentius, & Leo: Secundo alium quemlibet Episcopum etiam a Synodis fuisse consultum, ut tota ejus auctoritate eorum pronunciatio firmaretur, uti de Apostolica Sede ait Innocentius I. Tertio alium quemlibet Episcopum ex antiqua traditione, & ex Ecclesiastica disciplina ab aliis Episcopis consuli, & graviores causas ad ipsum referri consuevisse, quemadmodum de Apostolica Sede testatur idem Innocentius. Tria hæc nisi ostendat Febronius, frustra objicit, aliquem Episcopum fuisse aliquando ab aliis consultum. Nunquam autem hæc ostendet nisi nova monumenta cudad.

Quod attinet ad Theodosii Legem, ea Illyrici dumtaxat Provincias complectitur, atque statuit, ut *si quid dubietatis emerferit, reseretur judicio non Episcopi Constantinopolitani, sed Synodi, non infcio tamen Episcopo Constantinopolitano.* En verba Legis: *Omni innovatione cessante, vetustatem, & canones pristinos... etiam per omnes Illyrici provincias servari, precipimus; ut si quid dubietatis emerferit, id oporteat non absque scientia Viri Reverendissimi Sacrosanctæ Legis Antistitis Urbis Constantinopolitana (qua Roma veteris prerogativa latatur), convenui Sacerdotali, Sanctoque judicio reseretur.* Quid vero ex hac civili lege conficere potest Febronius?

Pergit porro: *Hoc jus nulli sedi proprium, pressius tamen ab una parte, strictiusque vindicatum, ab altera vero remissius agnitum, viam facile aperuit ad mutandum consilia in mandata, directiorum in imperium.* Sed Romanæ quidem Sedi, non autem cuivis alii jus ad relationes, de quibus agimus, competiisse, me superius ostendisse, confido. Quia vero demum Romanus Pontifex mutavit consilia in mandata, directiorum in imperium? Primum id fecisse credideris Johannem VIII. aut

aut Innocentium III., aut Alexandrum III. quos in hanc rem paulo postea Febronius commemorat (*ib. n. 4. & 5.*), aut aliquem alium falsarum decretalium commento recentiore. Nequaquam! Primus, inquit (*ib. n. 1.*) *id fecisse videtur Innocentius I. qui anno 402. Cathedram Petri ascendit.* Scilicet qui ad veritatem impugnandam aggrediuntur, eam sæpe inviti sateri, coguntur. Ergo longe ante confectas ab Isidoro decretales epistolas, Romani Pontifices & relationes de gravioribus negotiis, & majores causas suo sibi jure vindicarunt. Quamquam cum Innocentius I. & relationes de gravioribus negotiis, & graviores causas sibi vindicet ex Sardicensis Synodi Canonibus, & ex veteri consuetudine, ut paulo inferius ostendam, illi imponit Febronius, affirmans eum primum mutasse *Constitutionem in mandata, directiorum in imperium.*

Denique Febronius ait cum Petro de Marca, Pontifices *eo tempore hac usos esse modestia, ut non novum jus condicerent, sed consulti de jure consulto in dubiis responderent.*

At vero demonstrandum Febronio est, Pontificum responsa ad consultationes de Jure constituto, vim legis non habere. Imperatores quidem Provinciarum Præfatis de Jure constituto consulentibus rescripserunt, suaque rescripta vim legis habere voluerunt. Quidni & Romani Pontifices vim legis habere voluerunt rescripta ad eos, a quibus consulti fuerant, transmissa? Quot enimvero novæ Leges condidit Siricius, Innocentius, Zosimus, Leo, Gelasius, aliique Romani Pontifices? Sed de Romanorum Pontificum Legibus postea disserendi locus erit. Itaque vetustissima Ecclesiæ consuetudo est, consulendi Romanos Pontifices de difficilioribus, gravioribusque negotiis; atque hujusmodi consultationes Romani Pontifices sibi jure suo vindicarunt. Nisi autem immediatam haberet Romanus Pontifex in omnes Ecclesias, & in omnes Fideles jurisdictionem, id nec factum esset, nec fieri Ecclesiæ permisissent. Ea igitur consuetudo immediatæ Romani Pontificis in universam Ecclesiam jurisdictionis argumentum est.

IV. Sed validius argumentum ducitur ex consuetudine referendi Romano Pontifici majores causas. Innocentius I. anno 404. scribens Vithricio Rhotomagensi Episcopo: *Si majores causa, inquit, in medium fuerint devoluta, ad Sedem Apostolicam, sicut Synodus statuit, & vetus consuetudo exigit, post Episcopale judicium referantur.* Notat quidem Febronius (*cap. 4. §. 1. n. 1.*), verba *vetus consuetudo exigit, desiderari apud probioris nota Scriptores, signanter Labbeum, & Jusellum:* Sed præterquamquod in omnibus fere Codicibus reperitur; in aliis Codicibus, veluti in duobus Colbertinis, in Lucensi, in Vaticano, in Barberinio desiderantur verba: *Sicut Synodus statuit, quæ ad Sardicensem Synodum, de qua alibi diseram, referuntur.*

Notari

Notari præterea vult Febronius verba: *post Episcopale iudicium*, quasi majores causæ sint prius ab Episcopis finiendæ, quam ad Apostolicam Sedem referendæ. Sed primo si res ita esset, frustra majores causæ ad Apostolicam Sedem referendæ essent. Deinde Episcopale iudicium, de quo loquitur Innocentius, non est causæ definitio, sed sunt relatio, & Acta; quemadmodum explicant S. Leo, & Vigilius. Nam S. Leo (ep. 5.): *Si qua vero Causa graviores*, inquit, *vel appellationes emerferint, eas sub ipsius (Anastasio Thessalonicensis) relatione (en Episcopale iudicium) ad nos mitti debere, decrevimus, ut nostrâ secundum Ecclesiasticum morem sententia finiantur*. Vigilius vero (ep. 7. ad Auxanum Episc. Arelat. tom 3. Concil. Labb. col. 1300.) ait: *Si qua vero certamina aut de Religione fidei, quod Deus auferat, aut de quolibet negotio, quod ibi pro sui magnitudine terminari non possit; cœnerint, totius veritatis indagine diligenti ratione discussa, relationis (en iterum Episcopale iudicium) ad nos seriem destinantes Apostolica Sedi terminanda servate*. Igitur Episcopale iudicium, quod memorat Innocentius, non est causæ definitio, sed relatio, & Acta.

S. Gregorius M. (lib. 2. ep. 46. al. 7.): *Si qua causa*, inquit, *vel fidei, vel criminis, vel pecuniaria adversus præfatum Hadrianum Confacerdotem nostrum potuerit evenire, vel per eos, qui nostri sunt, vel fuerint in Urbe Regia, Responsales, si mediocris est questio, cognoscatur, vel huc ad Apostolicam Sedem, si ardua est, deducatur; quatenus nostra Audientia sententia decidatur*. En sibi majores causas Romani Pontifices reservant, non veluti ab Arbitris componendas, sed finiendas, terminandas, decidendas; neque eas sibi vindicant, ut Occidentis dumtaxat Patriarchæ, sed ut Ecclesiæ Primates. Meminit enim Innocentius Synodi Sardicensis, quæ (epist. ad Julium I.): *Optimum*, inquit, & *valde congruentissimum esse videbitur, si ad Caput, idest ad Petri Apostoli Sedem de singulis quibusque Provinciis Domini referant Sacerdotes*. Leo Magnus hanc affert causam: *Quia per omnes Ecclesias cura nostra dislenditur, exigente hoc a nobis Domino, qui Apostolica dignitatis Beatissimo Apostolo Petro Primum fidei sue remuneratione promisit, universalem Ecclesiam in fundamenti ipsius soliditate constituent &c.* Gregorius Magnus etiam Constantinopoli majores causas sibi reservat. Nisi autem immediata esset Romani Pontificis in universam Ecclesiam jurisdictio, majores causas sibi reservare non posset, uti superius (cap. 5. n. 5.) ostendi.

Cum autem graviores, majoresque Causæ etiam sæculo V. in eunte, ex veteri consuetudine, Innocentio teste, essent Apostolicæ Sedi reservatæ, palam est longe a veritate aberrare Febronium statim initio capitis IV. scribentem, *gravioris momenti negotia sequens ævum Summo Pontifici reservasse*.

Illud

Illud hoc loco notari velim, consuevisse olim Romanos Pontifices vices suas in Galliis Metropolitæ alicui Episcopo, ac præsertim Arclatenſi committere, & majores tamen Causas Apostolicæ Sedis iudicio reservare, ut constat ex Epistolis Innocentii I., Zosimi, Leonis Magni, Vigili, aliorumque; quin conquesti unquam fuerint Galliarum Episcopi, aut Metropolitæ jura violari, aut Gallicanæ Ecclesiæ libertates imminui. Quare quod nobis objicit Febronius (cap. 2. §. 10. n. 6. & 7. & cap. 4. §. 1. n. 4.), Galliarum Episcopos anno 844. Sergio Papæ, qui Drogoni Metensi, & anno 876. Johanni VIII. qui Ansegiso Senonensi vices suas in Gallia commiserant, restituisse, ostendit quidem Sæculo IX. ausos fuisse Gallos veterem consuetudinem, ac disciplinam immutare, & novitatem contra Canones invehere; sed ejusmodi consuetudinem, ac disciplinam multo ante Sæculum IX., imo saltem a Sæculo V. non obtinuisse, non evincit. De Causis majoribus generatim hætenus.

## CAPUT VII.

*R. Pontifex ferre potest leges ab universa  
Ecclesia servandas.*

1. **F**ebronius (cap. 2. §. 4. n. 3. & cap. 3. §. 2.) affirmat, posse quidem R. Pontificem, in magna congregandorum generalium Conciliorum difficultate condere Leges, easque totæ Ecclesiæ proponere observandas; sed contendit, primo Legislatoriam potestatem respectu universalis Ecclesiæ penes Summum Pontificem solum non residere: Secundo Leges a Summo Pontifice latas non ante vim habere, quam communi consensu fuerint receptæ.

Verum ad primum quod attinet, quamvis ferendarum legum auctoritas sit etiam penes Concilium generale, siquidem Concilium Episcopos simul, & Romanum Pontificem complectitur; nihilominus si Concilium a Romano Pontifice sejungere velis, Concilii quamlibet generalis Leges nullam vim habent, nisi Romani Pontificis auctoritate confirmatæ sint, ut alibi ostendam.

Quod spectat ad alterum: secernendæ sunt Leges, quæ Fidei, vel morum præcepta continent, a Legibus, quæ disciplinam constituunt. Prioris generis leges a R. Pontifice latas, non ab Ecclesiæ consensu, sed ab Apostolicæ Sedis auctoritate vim habere, pluribus posita evincam. Nunc de legibus, quæ disciplinam constituunt, agendum est. Ecclesiastica disciplina complectitur ea, quæ ad Ecclesiæ administrationem spectant, quæque cum nec naturali, nec divi-

na lege

na lege præcepta, aut interdicta sint, ita præscribuntur, ut si rerum adjuncta mutantur, mutari possint. Jamvero potestas constituendæ disciplinæ ab universa etiam Ecclesia servandæ Primatus Romani Pontificis consecraria est. Cum enim ipsi a Christo datæ sint Claves regni cælorum, atque universa Ecclesia regenda commissa sit (ex supp.), ipsi etiam data est a Christo potestas ea constituendi, quæ ad Ecclesiam optime regendam necessaria, vel utilia sunt. Cum vero regendæ Ecclesiæ potestas Romano Pontifici non eâ conditione datâ sit, ut Ecclesia in ejus potestatis usum consentiat, Leges ab eo latæ, non ab Ecclesiæ consensu, sed a Primatus ipsi crediti auctoritate vim habent, ac propterea ab universa Ecclesia servari omnino debent.

II. Et veteres quidem Pontifices ea potestate usi sunt, & latas a se Leges servari omnino voluerunt. S. Victor Asianos Pascha Judæorum more celebrare lege lata vetuit, eosque parere renuentes prorsus a communione secludendos edixit (apud Euseb. lib. 5. b. e. cap. 24.). Porro S. Irenæus admonuit quidem decenter Victorem, ne eos a communione abscinderet; sed ferendæ Legis auctoritatem non negavit. Poly-crates ipse, qui pro Asianorum consuetudine depugnavit acerrime, non Victoris auctoritatem negavit, sed legem ipsam, quod injusta sibi vide-retur, improbavit.

Siricius Clericos majoribus Ordinibus initiatos uxoribus uti prohibuit (epist. ad Himer. Tarrac. Episc. tom. 2. Concil. Labb. col. 1215.), pœnamque in refractarios statuit: *Ii vero, inquit, qui illiciti privilegii excusatione nituntur, ut sibi asserant, veteri hoc lege concessum, noverint se ab omni Ecclesiastico honore, quo indigne usi sunt, Apostolica Sedis auctoritate dejectos, nec unquam posse veneranda attrectare myste-ria, quibus se ipsi, dum obscænis cupiditatibus inhiant privaverunt. Et quia exempla presentia cavere nos præmonent; si quilibet Episcopus, Presbyter, atque Diaconus, quod non optamus, deinceps fuerit talis inven-tus, jam nunc sibi per nos omnem indulgentiam aditum intelligat observa-tum, quia ferro necesse est excidantur vulnera, quæ fomentorum non sen-serint medicinam.* Porro Siricius hujusmodi legem, aliasque plures ad Himerium in universa Hispania promulgandas misit, easque non si reciperentur, servari; sed recipi, ut servarentur, voluit, quemad-modum ex ejus verbis manifestum est: *Neque solum in Hispania-rum Ecclesiis, sed in aliis etiam servari eas voluit. Quid, inquit, ab universis posthac Ecclesiis sequendum sit, quid vitandum, generali pro-nunciatione decernimus.* Eas vero promulgandas curavit, non ut vim haberent; sed nequis earum ignorationem causaretur: *ut omnibus, inquit, in posterum excusationibus aditus, qui jam nulli apud nos patere poterit, obstruatur.* Quare Innocentius I. scribens Exuperio Tolosa-tum in Gallia Episcopo, ait: *Nam si ad aliquos forma illa Ecclesia-*  
rica



*frica vita pariter, & disciplina, qua ab Episcopo Siricio ad Provincias commeaivit, non probatur pervenisse, his ignorationis venia remittetur, ita ut de cetero penitus incipiant abstinere... Siqui autem scisse formam vivendi missam a Siricio deteguntur, neque statim libidinis cupiditates abjecisse, illi sunt modis omnibus submovendi. Cœlestinus in epistola ad Episcopos Apuliz, & Calabriz multa decernit, & addit: Quisquis vero conatus fuerit tentare prohibita, sentiet, censuram Sedis Apostolica minime defuturam. Quæ enim sola admonitionis auctoritate non corrigimus, necesse est per severitatem congruentem regulis vindicemus.*

Denique, ut alios Romanos Pontifices prætermittam, Leo M. (epist. 4.): *Omnia, inquit, decretalia Constituta tam beata recordationis Innocentii, quam omnium decessorum nostrorum, quæ de Ecclesiasticis Ordinibus, & Canonum promulgata sunt disciplinis, ita a vestra dilectione custodiri debere, mandamus, ut siquis in illa commiserit, veniam sibi deinceps noverit denegari.*

Itaque Siricius, Innocentius, Cœlestinus, Leo M. alique Pontifices leges tulerunt, easque ab omnibus, quibus eas dare ipsis visum est, servari, voluerunt, arbitrati earum vim non ab Ecclesiarum consensu, sed ab Apostolicæ Sedis auctoritate pendere. Eas etiam in Provinciis promulgandas curarunt, non ut vim acquirerent, quam se ipsis habebant, sed nequis ignorantiz excusationem objiceret. Nullibi vero legimus, Ecclesias, ad quas hujusmodi Leges missæ sunt, earum ferendarum auctoritatem Apostolicæ Sedi denegasse. Ergo tum Romani Pontifices in se, tum in ipsis aliæ Ecclesiæ ferendarum legum auctoritatem agnoverunt.

III. Quamvis autem R. Pontificis Leges neque ab Ecclesiæ consensu, & acceptione, neque a promulgatione, sed ab Apostolicæ Sedis auctoritate vim habeant, atque ab omnibus, ad quos illæ spectant, omnino servandæ sint, fieri tamen potest, ut in aliquibus Provinciis, nisi promulgatæ fuerint, vim non habeant. Verum id ipsius R. Pontificis consensu tacito, vel expresso fieri credendum est. Et Galli quidem se Legibus a R. Pontifice latis non obstringi putant, nisi in Galliis promulgatæ fuerint, sed eorum plerique, veluti Cabassutius (*Jur. Can. lib. 1. cap. 4. n. 5.*), Petrus de Marca (*de Conc. Sac. & Imp. lib. 3. cap. 6. n. 5.*), Jouvéninus (*Inst. Theol. p. 5. dist. 6. q. 2. cap. 4.*), alique id ipsius Apostolicæ Sedis consensu usu in Galliis receptum esse, fatentur. In hanc rem silentio prætermittenda non est celebris Imperatorum Theodosii Junioris, & Valentiniiani III. Constitutio ad Aetium data VIII. Idus Julii anno CCCCXIV. (*inter oper. S. Leon.*), qua confirmantes sententiam in Hilarium Arelatensem a Leone M. latam, ajunt: *Et erat quidem ipsa sententia per Gallias sine Imperiali sanctione valitura. Quid*

enim tanti Pontificis auctoritati in Ecclesiis non liceret? Sed nostram quoque præceptionem hac ratio probavit, ne ulterius nec Hilario, quem adhuc Episcopum nuncupari, sola mansueti Præsulis permittit humanitas, nec cuiquam alteri Ecclesiasticis rebus arma miscere, aut præceptis Romani Antistitis liceat obviare. Ausibus enim talibus fides, & reverentia nostri violatur Imperii. Nec hoc solum, quod est maximi criminis, submovemus; verum ne levis saltem inter Ecclesias turba nascatur, vel in aliquo minni Religionis disciplina videatur, hac perenni Sanctione censemus, nequid tam Episcopis Gallicanis, quam aliarum Provinciarum contra consuetudinem veterem liceat sine Viri Venerabilis Papæ Urbis æternæ auctoritate tentare; Sed hoc illis, omnibusque pro Læge sit, quidquid sanxit, vel sanxerit Apostolica Sedis auctoritas. Nullum profecto luculentius testimonium pro summa Romani Pontificis ferendum legum auctoritate proferri potest. Ex eo enim constat, leges R. Pontificis V. Ecclesiæ sæculo tum in Galliis, tum in aliis Provinciis per se vim habuisse; iisque obfistere, nefas fuisse. Bene autem est, quod memorati Imperatores, & Pontifices longe ante consuetas ab Isidoro decretales Epistolas floruerunt; alioquin ad ravim usque regereret Febronius, falsis vetustissimorum Pontificum epistolis utroque deceptos esse; & Pontifices quidem ad præsentem M. archie ideam ex spurcis fontibus hauritam leges adornasse; Imperatores vero eandem ideâ imbutos nimium Pontificibus detulisse. Sed nos falsis monumentis in rem nostram non indigemus; imo certissimis, atque invictissimis abundamus.

IV. At vero, ait Febronius (cap. 5. §. 2.), habent diversa Nationes, & singulares Ecclesia pro particulari suo regimine singulares usus, legesque.... His derogare, non creditur esse in Potestate Summi Pontificis.

Verum si de potestate quidem agitur, longe a veritate errat Febronius, uti ex superius dictis constat. Si vero de æquitate sermo est, non negamus, eam postulare, ut singulares Ecclesiarum usus, & consuetudines servantur, si laudabiles sint, ut ait Febronius ipse, neque communibus Ecclesiæ, & essentialibus Constitutionibus repugnent. Neque iis Romani Pontifices derogare solent. Nonne diversas apud ipsos Monachorum cœtus Liturgias a Romana discrepantes Romana etiam Ecclesia permittit?

V. Addit (ib. n. 9.), non esse in solius Summi Pontificis potestate leges a Conciliis latas abolere, aut eis, saltem absque præsumpto Synodi consensu, derogare. Idque agnovisse sæpe Romanos Pontifices, nempe se universalibus Conciliorum legibus teneri.

Sed falsa veris miscet Febronius, atque ex veris falsas conclusiones deducit, nobisque præterea imponit. Non enim nos effraznem

fratrem R. Pontifici dominatum, & potestatem nullis restrictam legibus tribuimus. Cum enim Primatus jurisdictionis, & summa Potestas in Ecclesia Romano Pontifici a Christo data sit, eâ Romanus Pontifex uti debet in *adificationem*, idest in ipsius Ecclesie bonum, & utilitatem. Ut enim ait Apostolus (2. Cor. 13. 10.), *Potestas a Deo in adificationem, non in destructionem.* Quæ igitur olim sive a Conciliis, sive a Romanis Pontificibus in *adificationem* sapientissime constituta sunt, ea a Posterioribus Pontificibus immutari, æquum non est, nisi rerum quoque ratio mutata sit, ut moderationem propterea, aut novam præscriptionem postulet. Atque in hunc sensum se non modo Conciliorum, sed etiam Prædecessorum suorum legibus obstringi, Romani Pontifices fassi sunt. Rem hanc explicat egregie S. Gelasius Canonum vindex acerrimus (*epist. ad Episc. Lucan.*). *Necessaria*, inquit, *rerum dispensatione constringimur, & Apostolica Sedis moderamine convenimur, sic Canonum Paternorum decreta librare, & retro Præsulum, Decessorumque nostrorum præcepta metiri, ut quæ præsentium necessitas temporum restaurandis Ecclesiis relaxanda deposcit, adhibita consideratione diligent, quantum potest fieri, temperemus, quo nec in totum formam veterem videamur excedere regularum, & reparandis militiæ Clericalis officiis consulamus.* En fatetur S. Gelasius, se Canonibus Paternis, & Decessorum suorum præceptis obstringi; sed iis tamen se derogare posse, si necessitas temporum postulet, aperte indicat. *Præsumpti vero Synodi consensus* ne meminit quidem; quia persuasum habet, id sibi auctoritatis non a Synodis, sed a Christo ipso datum esse. Falso vero inde concludit Febronius, R. Pontificem nec novas condere Leges, nec veteribus derogare posse. Nam & Regum, ac Principum vulgarissimum effatum est, se legibus obstringi. Scilicet (*L. digna vox. c. Leg. & const.*): *Digna vox est majestate Regnantis, legibus obligatum se profiteri.* Et (*L. ex imperf. cod. de Testam.*): *Nihil tam proprium Imperii est, quam legibus vivere.* Vel ipsi Galli nihil fere sapius distant, quam Regem legibus obstringi, nec quemquam illi præcellere, præter Deum, & Leges. Est ne vero qui Regibus novas leges condendi, aut veteribus, si res postulet, derogandi auctoritatem esse, neget? Cur igitur hujusmodi auctoritas Romanis Pontificibus deneganda est eam ob causam, quod hi, se legibus obstringi, fateantur? Itaque legibus tum suis, tum Synodorum generalium ab Apostolica Sede confirmatis obstringuntur Pontifices, non secus atque suis Reges, *vi directiva*, ut ajunt, non *vi coactiva*; quod etiam luculentius postea ostendamus. Cum vero istiusmodi Leges, utpote quæ ad disciplinam spectant, mutari possint, eas Romani Pontifices ob summam quam obtinent in Ecclesia auctoritatem mutare, iis derogare, in iis dispen-

sare possunt; si id Ecclesiæ, & Fidelibus conducere judicaverint. Quod si fecerint, cavendum cuique est, ne id illis culpæ vertat, quod nulla ejus agendi rationis causa esse ipsi videatur. Sæpe enim, ut ait S. Gregorius (*lib. 5. Moral. cap. 5. n. 24.*), cujus etiam ævo similes audiebantur querelæ, quia intelligi non valent, deterioribus displicent vel facta, vel dicta meliorum: Sed eo ab eis non temere reprehendenda sunt, quo apprehendi veraciter nequaquam possunt. Sæpe aliquid a majoribus dispensatorie agitur, quod a minoribus error putatur. Sæpe multa a fortibus dicuntur, quæ infirmi ideo dijudicant, quia ignorant.

## C A P U T VIII.

*Romanus Pontifex quemlibet sive fidelem, sive Episcopum ab Ecclesiæ communionem, si res ferat, abscondere potest, eaque jurisdictionis potestas est.*

I. **R**omanus Pontifex, uti Febronius sæpe fatetur, est Centrum unitatis Ecclesiæ, & Caput, quocum omnia membra communionem servare debent. Et olim quidem Orientales Ecclesiæ, quæ cum suis Episcopis, Episcopi, qui cum suis Patriarchis cum Romano Pontifice conjunctis, communionem habebant, cum ipso quoque Romano Pontifice communionem habere censebantur, imo & cum Occidentalibus Ecclesiis itidem cum R. Pontifice communionem habentibus. Est enim Romana Ecclesia, ut ajunt Patres Concilii Aquilejensis (*epist. ad Gratianum, Valentin. & Theod. A. A. A. an. 381.*), Totius Orbis Romani Caput... unde in omnes veneranda communionis jura dimanant.

Ejus autem mutæ communionis membrorum tum secum, tum cum Capite, argumenta erant epistolæ, quas Fideles, & Clerici ab Episcopis suis, Episcopi a Metropolitanis aliò migraturi accipiebant, ob quas ubique locorum honorifice hospitio excipiebantur: Sed præcipue Literæ quædam, quas ad se mutuo, & ad Romanum Pontificem Episcopi scribebant, quas *pacificas* primum, ac deinde *formatas* Veteres appellarunt. Quamobrem S. Optatus Milevitanus de Siricio R. P. hæc scribit (*lib. 2. con. Parmen.*): Cum quo totius Orbis commercio Formatarum in una communionis societate concordat. Sicut autem istiusmodi communionis literæ ab Episcopis, aut etiam a R. Pontifice negabantur, non ideo a Catholicæ Ecclesiæ communionem abscessus esse credebatur. Ea enim agendi ratio civilis quædam œconomia quandoque erat, qua ut Episcopi, & Romani Pontifices uterentur,

rentur, rerum adjuncta postulabant. Ea usus est Damasus R. P. cum Meletio, saltem antequam cum Paulino de Antiochena Sede convenit: usi sunt & Leonis M. Legati cum Ephesini Conventus Episcopis, eamque Leo ipse probavit: *Illud*, inquit (*epist. 80.*), *quod praesentibus, & agentibus Nostreis constitutum est, approbamus; ut suarum interim Ecclesiarum essent communionem contenti.*

Sed praeter eam, de qua haecenus dixi, communionis negationem, quam ego vix *excommunicationem* appellaverim, erat alterum excommunicationis genus, quæ proprio nomine *anathema* dicebatur, eaque erat membri alicujus ab Ecclesiae corpore abscisso.

Jamvero si de priori excommunicationis genere sermo sit, ea non semper olim jurisdictionis effectus erat. Jurisdictione enim nemo nisi in sibi subjectum hominem uti potest. At vero suam sibi mutuo communionem saepe negarunt etiam Episcopi, qui nullam in se invicem jurisdictionem habebant. Alterius vero generis excommunicatio effectus jurisdictionis est. Nemo enim Episcoporum nisi hominem sibi subjectum ab universae Ecclesiae corpore abscindere potest.

II. Ex his vero facile Febronii hac de re doctrina refellitur. Statuit ipse (*cap. 3. §. 4.*): *Antiquam rationem excommunicandi, ejusque jus non fuisse effectum jurisdictionis respectu excommunicati*, idque hoc argumento probat, quod etiam Episcopi alios Episcopos sibi non subiectos excommunicaverint: Et concludit: *Hac ratione Ecclesiam Romanam... alias Ecclesias saepe excommunicasse... absque ulla jurisdictionis specie, vel umbra.* Scilicet utrumque, quod superius exponebam, excommunicationis genus perperam confundit Febronius. Itaque Episcopi possunt equidem aliis Episcopis suam communionem negare, sed eos a Catholica Ecclesiae corpore separare non possunt. Romanus vero Pontifex alios cujuscunque Sedis Episcopos non modo sua communionem privare, sed etiam ab universae Ecclesiae corpore abscindere potest. Cum enim Romanus Pontifex sit centrum unitatis, & Caput Ecclesiae, quocum omnia membra communionem servare debent, ut Ecclesiae membra sint; Episcopi ab aliis Episcopis sua communionem privati, ab Ecclesiae corpore abscissi non sunt, nisi etiam a communionem cum Romano Pontifice separati sint: tamdiu enim Ecclesiae membra sunt, quamdiu cum Capite communionem habent. Quare S. Coelestinus nihil sibi metuere voluit eos, qui a Nestorio communionem privati erant, *Scientes, ab eo excommunicatos, vel dejectos in Apostolica Sedis permanere communionem* (*Liberar. Brev. cap. 5.*). Et Vigilius in suo Constituto (*tom. 5. Concil. Labb. col. 1348.*) docet, eos ab Ecclesia abscindi non posse, quos sibi inconvulse unitos Apostolica judicavit Auctoritas. Igitur solus demum

Romanus

Romanus Pontifex alium quemlibet sive fidelem, sive Episcopum a Catholicæ Ecclesiæ communione abscondere potest. Ergo excommunicatio a Romano Pontifice lata effectus jurisdictionis est: quam vero in se invicem ferunt Episcopi, jurisdictionis effectus non est.

III. Sed effectus excommunicationis, ait Febronius (*ib. n. 3.*), *que a particulari aliqua Ecclesia, ejusve Episcopo vigore jurisdictionis vere talis in sibi subiectum, seu proprium suum diæcesanum fertur, nihilominus ex canonum dispositione sese ad universam extendit Ecclesiam, ita ut a suo Episcopo excommunicatus, ab alio recipi non debeat. Sic statuunt Canones Apostolici 12. & 33. Concil. Nican. Can. 5. Concil. Sardiæ. Can. 16.*

Verum primo. Si jurisdictionis effectus est excommunicatio ab Episcopo in sibi subiectum lata, quidni effectus jurisdictionis est excommunicatio lata a Rom. Pontifice in quemlibet etiam Episcopum? Æque enim excommunicationis a Romano Pontifice latæ, atque latæ ab Episcopo in sibi subiectum, effectus ad universam Ecclesiam se extendit. Secundo. Ideo qui ab Episcopo suo excommunicatur, ab universæ Ecclesiæ corpore absconditur, quia excommunicationem ab Episcopo latam Romana etiam Ecclesia ratam habet. Canones enim, quibus cautum est, ne qui excommunicatus est a suo Episcopo, ab alio recipiatur, Romana ipsa Ecclesia vel constituit, vel probavit, confirmavitque; ne scilicet Oves suorum Pastorum iusta detrectent, & contemnant. Cæterum si qui ab Episcopo suo excommunicatus est, eum Romana Ecclesia in suam communionem reciperet, Ecclesiæ membrum adhuc esset. Nihil enim cuiquam ab aliorum Episcoporum sententiis timendum est, si in Apostolica Sedis communione permaneat. Qui vero a Romano Pontifice excommunicatus est, is omnino ab Ecclesiæ communione sejunctus est, ut superius ostendebam.

IV. Attamen, inquit Febronius (*ib. n. 2.*), *si Romanus Pontifex sine legitima causa excommunicationem ferret, totaque Ecclesia, aut magna ejus pars judicaret, eam decerni non debuisse, tunc excommunicatus ab illo pro Schismatico habendus minime esset, dummodo animum retineret servandæ cum eodem Pontifice, tamquam Primatæ, unitatis, & ad recuperandam ejus communionem totis viribus elaboraret.*

At Romani Pontifices arbitrati semper sunt, se absque Ecclesiæ consensu posse Chatholicæ Ecclesiæ communione privare eos, quos ipsi eâ poenâ dignos judicassent; idque juris non ex Ecclesiæ consensu, sed ex Apostolicæ Sedis auctoritate sibi vindicant. Victor quidem, ut narrat Eusebius (*b. e. lib. 5. cap. 24.*), omnes Asianos Episcopos, qui Pascha Judæorum mote celebrabant, prorsus a communione secludendos edicit. Irenæus vero *Visitorem* decenter admonet, ne integras Dei Ecclesias morem sibi a majoribus traditum custodientes a communione

*munione abscindat.* Existimavit igitur Victor, se suæ Sedis auctoritate integras Ecclesias a communione abscindere posse; idque agnovit etiam S. Irenæus; alioquin irrisisset potius Victoris audaciam, quam ne eo progrediretur, ipsum *decenter* admonuisset. Cæterum cessasse Irenæo Victorem, nec Asianos reipsa ab Ecclesiæ catholicæ communione abscidisse, consent plures Eruditi Viri cum Henrico Valesio (ad eum Euseb. Loc.), & Natali Alexandro (*fac. 2. diss. 5. art. 5.*): Quæ mobrem ad rem non est, quod ait Febronius (*cap. 9. §. 7.*), Alios Victori non paruisse, nec tamen fuisse Schismaticos. Etiam Zosimus (*epist. 3.*) de Herote, & Lazaro Episcopis: *Quamquam, inquit, specialis illor Apostolica Sedis auctoritas omni communione submo-* *verit.* Et alibi: *Sacerdotali eos loco, & communione submovimus.* Denique, ut alios omittam, S. Cælestinus S. Cyrillo Alexandrino præcepit, ut Nestorium, nisi decem dierum intervallo hæreticam doctrinam ejuraret, Sedis Apostolicæ auctoritate e Constantinopolitana Sede diceret, atque Catholicæ Ecclesiæ communione privaret; quæ de re alibi plura dicam. Interea vero Cælestinus Ecclesiæ consentus ne meminit quidem; quod persuasum habuerit, Ecclesiæ non esse, Romani Pontificis sententiam judicare, sed quem ille Ecclesiæ communione privaverit, eum ab Ecclesia universa tamquam Ethnicum, & publicanum habendum esse.

Quod si vero quis a Romano Pontifice injuste Ecclesiæ communione privaretur, Schismaticus ille quidem coram Deo non esset, imo suæ sibi innocentie certissime conscius sua munera obire posset, dummodo absque aliorum offensione, & Apost. Sedis contemptu id fieret, quemadmodum plerique Theologi docent. Præclare in hanc rem Innocentius III. (*cap. a nobis. De sent. excomm. c. 88.*): *Judicium Dei,* inquit, *veritati, quæ non fallit, nec fallitur, semper innititur: Judicium autem Ecclesia nonnunquam opinionem sequitur, quæ & fallere sæpe contingit, & falli.* Propter quod contingit interdum, ut qui ligatus est apud Deum, apud Ecclesiam sit solutus, & qui liber est apud Deum, Ecclesiastica sit sententia innodatus. Quæ res si contingat, Ecclesiæ sententiam, qui ea ligatus est, ne contemnito, ne eo nomine reus fiat, sed patienter ferto, aut suam innocentiam probato. Caroli Magni, & Synodi Tiburienfis consilium sequitor, quod legitur in Capitularibus, quæ eidem Carolo tribuuntur (*tom. 1. Concil. Balut.*): *In memoriam B. Petri Apostoli honoremus Romanam, & Apostolicam Sedem, ut quæ nobis Sacerdotalis mater est dignitatis, esse debeat Magistra Ecclesiastica rationis.* Quare servanda cum mansuetudine humilitas, ut licet vix ferendum ab illa Sancta Sede imponatur jugum, tamen conferamus, & pia devotione toleremus. Dolendum sane est, non interfuisse Synodo illi Febronium; hujusmodi enim canonem aut non edendum,

aut

aut delendum statim, curasset. Edixisset, jugum a Sancta Sede impositum non esse ullo modo ferendum, generale Concilium esse appellandum, decernendam in nationalibus conciliis subtractionem ab obedientia, non esse rimendam censurarum fulmina, nec schismatis periculum subesse, dummodo cum Prima Sede, idest cum idea abstracta, communio ferretur. Hanc enim agendi rationem persuadere conatur ille toto Capite IX. Sed non dubito, tantam impudentiam a piissimo Imperatore, atque a Tiburicensi Synodi Patribus castigandam fuisse.

## CAPUT IX.

*Quod Romano Pontifici divino jure convenis  
jus appellationum.*

I. **R**omanus Pontifex divino jure obtinet in universa Ecclesia Primatum non modo honoris, & ordinis, sed etiam jurisdictionis (*ex super.*): Convenit igitur divino jure Romano Pontifici auctoritas quorumlibet Episcoporum, & Synodorum judicia, & sententias in quemlibet sive Laicum, sive Clericum, sive Episcopum latas cognoscendi: ergo & convenit ei jus appellationum.

Rursus R. Pontifex ob suum in universa Ecclesia Primatum est Canonum Custos, & Vindex. Ejus igitur est providere, ut cuique juxta Canones sua jura ferventur; nequis contra Canones judicetur; ut qui Canones violarunt, puniantur; ac demum ut qui contra Canones damnati sunt, in sua jura restituantur. Ergo & appellationes a quorumcumque Episcoporum, & Synodorum judicio suscipere suo jure potest.

II. Quare Gelasius R. P. (*epist. 4.*), cum Acaciani Canones ei opponerent: *Nobis*, inquit, *opponunt Canones, dum nesciunt, quid loquantur.* Contra quos hoc ipso venire se produnt, quod Prima Sedi sana, rectaque suadenti parere fugiunt. Ipsi sunt Canones, qui appellationes totius Ecclesiae ad hujus Sedis examen voluer: deferri: ab ipsa vero nunquam prorsus appellari debere sanxerunt, ac per hoc illam de tota Ecclesia judicare, ipsam ad nullius commovere judicium, nec de ejus unquam praeceperunt judicio judicari; sententiamque illius constituerunt non oportere dissolvi, cujus potius decreta sequenda mandarunt. Ne vero jus istud canonibus dumtaxat referatur acceptum, addit: *Quapropter non veremur, ne Apostolica sententia resolvatur, quam & Vox Christi, & majorum Traditio, & Canonum fulcit auctoritas, ut totam potius Ecclesiam semper ipsa disjudicet.* Et alibi (*epist. ad Episcopos Dardan.*): *Cuncta*, inquit, *per Nivendam novit Ecclesia, quoniam quorumlibet sententiis*



sentiis ligata Pontificum, Sedes B. Petri Apostoli jus habeat resolvendi, utpote quod de omni Ecclesia fas habeat judicandi, neque cuiquam de ejus liceat judicare judicio. Siquidem ad illam de qualibet mundi parte Canones appellari voluerunt, ab illa autem nemo sit appellare permissus. Gelasius igitur Rom. Pont. multo ante confectas a Pseudo-Isidoro decretales epistolas, vindicavit Romanæ Sedi jus appellationum ex Christi voce, ex Majorum Traditione, & ex Canonibus; quod scilicet jus illud Christus instituerit, Majorum Traditio declaraverit, & Canones confirmaverint. Atque his quidem Gelasii verbis, non vero falsis decretalibus, ut putat Febronius (*cap. 5. §. 8. n. 2.*), appellationum jus sibi vindicavit Nicolaus I. (*epist. 8. ad Michaellem Imp.*) sæculo IX.

Porro Gelasius non de fidei causis tantum loquitur, ut vult Febronius (*ib.*), sed generatim de quibuslibet causis, ut ex ejus verbis patet: nec de judicio praliminari, reservata semper universalis Synodo sua ampliore autoritate; sed de judicio integro quorumlibet Episcoporum etiam in Synodos Coactorum: utpote quod, inquit Gelasius, B. Petri Apostoli Sedes de omni Ecclesia fas habeat judicandi, & ab illa nemo sit appellare permissus: quod verum non esset, si B. Petri Sedes non etiam Synodorum judicia retractare posset, aut si Synodum generalem a Romanæ Sedis judicio appellare liceret.

## CAPUT X.

*Sardicenfis Synodus Romano Pontifici jus appellationum  
Episcoporum asseruit.*

- I. **S**ardicenfis Synodus celebrata est anno 347. Eusebianorum causa, qui S. Athanasium, Marcellum Ancyranum, & Asclepam Gazensem a se damnatos, a Julio R. P. suis Sedibus restitutos esse, querebantur. Synodus 20. Canones edidit. Eorum tertius est hujusmodi: Si aliquis Episcoporum judicatus fuerit in aliqua causa, & putat, se bonam causam habere, ut iterum Concilium renovetur: Si vobis placet, S. Petri Apostoli memoriam honoremus, ut scribatur ab his, qui causam examinarunt, Julio Romano Episcopo; & si judicaverit, renovandum esse judicium, renovetur, & det Judicet: si autem probaverit, talem causam esse, ut non refricentur ea, quæ acta sunt, quæ decreverit, confirmata erunt. Si hoc omnibus placet? Synodus respondit: Placet. Canon. 1v. est: Gaudentius Episcopus dixit: Addendum, si placet, huic sententia, quam plena Sanctitate protulistis; ut cum aliquis Episcopus depositus fuerit eorum

*Episcoporum judicio, qui in vicinis locis commorantur, & proclamaverit; agendum sibi negotium in Urbe Roma, alter Episcopus in ejus Cathedra post appellationem ejus, qui videtur esse depositus, omnino non ordinetur, nisi causa fuerit in judicio Romani Episcopi determinata.*

Canon VII. in Græco Codice v. Hosius Episcopus dixit: *Placuit autem, ut si Episcopus accusatus fuerit, & judicaverint congregati Episcopi Regionis ipsius, & de gradu suo eum dejecerint; si appellaverit, qui dejectus est, & confugerit ad Episcopum Romana Ecclesie, & volueris se audiri; si justum putaverit, ut renovetur judicium, vel discussionis examen, scribere his Episcopis dignetur, qui in finitima, & propinqua Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo Presbyterum mittat, erit in potestate Episcopi, quod velit, & quid æstimet: Et si decreverit, mittendos esse, qui presentes cum Episcopis judicent, habentes ejus auctoritatem, a quo destinati sunt, erit in suo arbitrio. Si vero crediderit, Episcopos sufficere, ut negotio terminum imponant, faciet quod Sapientissimo Consilio suo judicaverit.*

II. Jamvero Can. 3. non agitur de appellationibus. Nam 1. non memorantur: 2. statuitur ut ad Julium scribatur *ab his, qui causam examinarunt*, hoc est qui primo causam judicarunt; quod ab appellatione alienum est: 3. cum Zosimus R. P. appellationum jus suæ Sedi adversus Africanos vindicavit, non tertium Sardicensem Canonem, sed septimum allegavit. Itaque eo Canone solum agitur de secundo judicio, quod Episcopus damnatus peteret sine appellatione, quodque finitimi Episcopi redintegrare poterant, quin opus esset, ut ad R. Pontificem scriberent. Statuitur igitur, ut ea de re scribatur Julio R. Episcopo, *ut det ipse Judices*. Cum vero novum id esset, id se statuere dicunt, ut Sancti Petri Apostoli memoriam honorent; præsertim contra Eusebianos, qui contendebant, R. Episcopum Episcoporum Orientalium causis immiscere se non debere. Huc spectant quæ scribunt Sardicenses Patres in epistola Synodica ad Julium: *Hoc enim optimum, & valde congruentissimum esse videbitur, si ad Caput, id est ad Petri Apostoli Sedem de singulis quibusque Provinciis Domini referant Sacerdotes*. Hæc cum ita sint, non opus est, ut quæ ex eo canone contra appellationum jus colligit Febronius (cap. 5. §. 6. n. 1. & 2.), refellam: quamquam ex eo etiam Canone appellationum jus Rom. Pontifici egregie vindicat Natalis Alexander (in h. e. sac. 7. dissert. 13.).

III. Canone 4. agitur de appellationibus a judicio Episcoporum non propriæ Provinciæ, qui primo judicarunt, sed eorum, qui in vicinis locis commorantur, & a quibus judicium renovatum est: atque

que statuitur, ut in appellantis Episcopi locum *alius non ordinetur*, nisi causa fuerit in *Judicio Episcopi R. determinata*. Non igitur jus dumtaxat decernendi causa revisionem, & Judices dandi, ut comminiscitur Febronius (*ib. n. 2.*), sed integra causæ cognitio R. Episcopo reservatur; quod appellationis proprium est. Atque ita quidem Canonem hunc intellexere Græci. Cum dixissent Patres, inquit Balsamon, *Provincialium sententiam appellationi subjeci, & a propinquis Episcopis jussu Papa examinari*; non dicunt, quid fieri debeat, si is, qui appellavit, condemnatus fuerit, & se rursus gravari dicat. Statuunt igitur, ut res in integro maneat, & in ejus, qui est condemnatus, Ecclesia alius non eligatur, nisi secunda appellatio a Papa examinata fuerit.

IV. Canone quoque 7. de appellationibus agitur, atque asseritur R. Episcopo auctoritas dandi Judices Episcopos finitimæ Provinciæ, qui omnia diligenter inquirent, & juxta fidem veritatis definiant; & mittendi legatos, qui Apostolicæ Sedis auctoritate cum illis judicent. Episcopi autem isti non ii sunt, qui primo judicarunt, neque istis ii sunt addendi. Nam 1. canone 4. & 7. Episcopi dumtaxat finitimæ Provinciæ memorantur. Deinde canone 3. statuunt, ut Romanus Episcopus det Judices, non vero ut primis Judicibus alios addat. Præterea Sardicensis Canonis 7. causa fuit, ut Episcopi inique forte damnatus, suo juri restitueretur. Si autem Episcopi, qui primo judicarunt, etiam secundo judicare deberent, vix id fieri posset; eosque damnatus Episcopus veluti sibi suspectos, & infensos merito recusaret. Statuit igitur Synodus Canone 7. ut Episcopus Romanus, si justum putaverit, novos Judices eligat ex finitima Provincia. Neque obstant verba canonis 3. *ut renovetur Concilium, ut renovetur judicium*, aut verba Canonis 7. *ut renovetur examen*, aut verbum *revocandi*, quo utitur Dionysius Exiguus in Lemmate Canonis 7. Hæc enim significant dumtaxat, aliud Concilium cogendum esse, & judicium redintegrandum. Quinam vero novum Concilium conficere debent? Nempe finitimæ Provinciæ Episcopi a Romano Pontifice designati; de his enim tantummodo loquuntur Sardicenses Patres.

Jam vero si potest Romanus Episcopus, interposita ab Episcopo damnato appellatione, dare novos Judices, & mittere Legatum suum, qui cum datis Judicibus Apostolicæ Sedis auctoritate judicet, potest etiam se ipso prius judicium irritare, aut confirmare: potest integram Causæ cognitionem sibi reservare, & ad suum Tribunal revocare. Neque enim delegans Judex minorem habet delegato Judice auctoritatem. Præterea novos Judices dare, finitimos Episcopos Judices constituere, non necessitatis est, sed dignationis: *dignetur scribere*, ajunt Patres (*can. 7.*), ut scilicet facilius, & citius

Causæ in Provinciis ipsis finiantur. Si igitur causam ipse cognosce-  
re, & decernere velit, suo jure decernere potest.

Denique Episcoporum Judicium, non eorum modo, qui primo, sed etiam eorum, qui secundo judicarunt, interposita appellatione, firmum non est, nisi a Romano Episcopo confirmatum fuerit; ut patet ex Canonum verbis, & sententia. Potest igitur R. Episcopus latum judicium non confirmare; alioquin inutilis esset ejusmodi confirmatio: ergo potest etiam illud irritare: ergo & novum institue-  
re. Quare S. Leo M. (epist. 10. ad Episcopos Vienn. Prov.) ait: *Nobiscum itaque vestra Fraternitas recognoscat, Apostolicam Sedem pro sui reverentia & vestra etiam Provincia Sacerdotibus innumeris relationibus esse consultam, & per diversarum, quemadmodum vetus consuetudo poscebat, appellationem causarum aut retractata, aut confirmata fuisse judicia.*

V. Audiamus nunc Febronium, qui argumentis ipsi cum Petro de Marca communibus, & superius refutatis hoc addit (*ib. §. 6. n. 3.*); verbum appellaverit can. 7. improprie sumi; græce enim effertur *ἀπαγγέλλω*, quasi appellans; imo referendum esse non ad R. Episcopum, sed ad novum judicium.

Sed ugitur Febronius. Primo enim Sardiceus Canones latine primum scripti sunt, teste Dionysio exiguo. Deinde *ἀπαγγέλλω*, non necessario significat quasi, sed sæpe sicut, ut, veluti, ita. Adde, Codicem Veroneusum editum a Cll. Balleriniis (*tom. 3. oper. S. Leon.*) habere: & confugerit ad provocationem B. Episcopi Romana Ecclesia: quæ verba veram appellationem significant. Denique Canone 7. simul copulantur verba appellaverit, & confugerit: Verbum autem confugerit, ad Romanum Episcopum procul dubio referendum est: ergo & verbum appellaverit.

Illud autem hoc loco diligenter notari velim, non novum jus condidisse Sardicensem Synodum, sed verus firmasse. Nam Canone 4. statuit, ut cum aliquis Episcopus depositus fuerit, & proclamaverit &c. & Canone 7. ut si appellaverit, qui dejectus est &c. Igitur veluti certum, & usu receptum existimavit, Episcopos depositos Episcopum Romanum appellare posse, atque dumtaxat, quid sit agendum, statuit, si Episcopum damnatum appellare contigerit. Quare Innocentius I., qui anno 402. idest 55. annos post Sardicensem Synodum Romanus Pontifex renunciatus est, causas majores, ideoque etiam Episcoporum appellationes sibi reservat (epist. ad Vistric. Rhotom.), sicut Synodus statuit, & vetus consuetudo exigit. Veterem autem consuetudinem non appellasset, quæ ultra 55. annos non ascendisset. Ergo etiam ante Sardicensem Synodum appellationes Episcoporum ad Apostolicam Sedem obtinuerunt, easque Sardicenses

Patres

Patres firmarunt, agendi rationem præterea statuentes, si Episcopos deinceps appellare, contigisset.

## CAPUT XI.

*Sardicenses Canones sum in Oriente, sum in Africa obstruuisse.*

I. **S**ardicensium Canonum in Oriente, & in Africa vix ullum fuisse usum, quin eidem data opportunitate contradicendum esse; deprehenditur, ait Febronius (cap. 5. § 7.). Sed cum non ignoret, S. Gelasium in superius memorata epistola, in qua suæ Sedi appellationum jus vindicat, exempli loco Athanasii, Johannis Chrysostomi, & Flaviani appellationes asserre, Gelasii verba primum interpretari conatur (ib. §. 8.); deinde vero cum clariorem esse Gelasii sententiam intelligat, quam ut ullam aliam interpretationem pati queat, addit: *Ceterum sententia Gelasii rectiorem interpretationem, aut, si ejus verbis præcise insistere malis, certiorum refutationem recipere non potest, quam in accurata discussione trium illustrium exemplorum, ad qua provocat. Viden' hominis impudentiam?* Gelasius Sanctissimus, atque doctissimus Pontifex, qui sæculo V. exeunte floruit, Acacianis exempla Athanasii, qui sæculo IV. Johannis Chrysostomi, & Flaviani, qui eodem V. sæculo Apostolicam Sedem appellarunt, confidentissime objicit, neque ne ab iis refutetur, metuit; Et Febronius tamen se eum certissime refutaturum esse, confidit. Sed nimis quidem multus ego essem, si & memorata, & alia appellationum exempla asserre, & vindicare vellem. Provinciam hanc assumpserunt plures Eruditi Viri, Christianus Lupus (tom. 8. oper.), Natalis Alexander (sac. 4. diff. 28.), David (de judic. canon. Episc.), Gerardus Casseel (de appell. ad Romanam Sedem), aliique. Unius ego Flaviani Appellationem vindicabo, ut Febronio demonstrarem, in Oriente Sardicenses Canones obstruuisse.

II. Itaque S. Flavianus Episcopus Constantinopolitanus ab Ephesina Synodo, cui Dioscorus Alexandrinus præfuerat, damnatus Libellum appellationis S. Leonis Magni Legatis dedit. Ea de re fide facit ipse Leo (epist. 41. ad Theodosium Imper.), Liberatus (Brev. cap. 12.), & Valentinianus Imperator (epist. ad Theodos. inter Leon. 41.): *Ut quia, inquit S. Leo, & nostri fideliter reclamaverunt, & eisdem libellum appellationis Flavianus Episcopus dedit. Flavianus, ait Liberatus, contra se prolata sententiâ, per Legatos Sedem Apostolicam appellavit libello. Demum Valentinianus: Debemus, inquit, cum omni*

cum omni competenti devotione defendere (fidem), & dignitatem propriam venerationis B. Apostolo Petro intemeratam & in nostris temporibus conservare: quatenus Beatissimus Romana Civitatis Episcopus, cui Principatum Sacerdotii super omnes antiquitas contulit, locum habet, & facultatem de fide, & Sacerdotibus judicandi... Hujus enim rei gratia secundum solemnitatem Conciliorum & Constantinopolitanus Episcopus tum per libellos appellavit propter contentionem, qua orta est de Fide.

III. Sed respondet Febronius (ib. S. 9. n. 3.): Post hanc appellationem S. Leo convocationem Concilii generalis apud Theodosium urget: = quam autem, inquit, post appellationem intempestam hoc necessario postuletur, Canonum Nicæ habitorum decreti testantur =: Itaque Leo sicuti vigore eorumdem canonum de causa mernis, & substantia judicare non poterat, ita nec Flaviani causam eorum se fecit ventilari, nec ejus judicandi potestatem sibi arrogavit. Ergo ideo Legatis libellum appellationis dedit Flavianus, ut Leonis ope obtineret sua causa in legitima Synodo retractionem.

Verum si S. Flavianus non in Apostolica Sede, sed solum in legitima Synodo irritandi judicium Ephesi in se latum auctoritatem agnovisset, non Apostolicam Sedem, sed legitimam Synodum appellasset. Nemo enim Judicem, qui causam decernere nequeat, appellaverit. Cum igitur Flavianus Sedem Apostolicam appellaverit, in Apostolica Sede decernendæ causæ auctoritatem agnovit. Et Leo quidem Flaviani causam ante decrevit, quam a Theodosio Synodum postulavit. Hilarius enim Diaconus Leonis Legatus, qui Epheso Romam statim redierat, ut Leonem de iis, quæ Ephesi gesta erant, certiore faceret, scripsit Romæ ad Pulcheriam Augustam (epist. 46. inter Leon.): A Prasato Papa cum omni Occidentali Concilio reprobata omnia, quæ in Epheso contra Canones, per tumultus, & odia secularia a Dioscuro Episcopo gesta sunt... & præjudicio Sanctissimi Viri, innoxique commissa sunt. Ipse Leo Theodosio (ep. 44), Pulcheriæ Augustæ (epist. 45.), Presbyteris, & Archimandritis (epist. 50.) scripsit, in sua, & suæ Synodi communione Flavianum perseverare, & quæ contra eum acta fuerant, irrita haberi, & qui ejus Sedem ausus fuisset invadere, eum inter Episcopos numerandum non esse. Judicaverat igitur Leo Flaviani causam, velit nolit Febronius. Sed rogat: Cur ergo Synodum a Theodosio postulavit Leo? Nempe non ut Fidei, aut Flaviani causa ad examen quasi dubia vocaretur, sed ne, ut ipse ait, aliquid ultra sit vel in fide dubium, vel in charitate divisum; convenientibus utique Orientalium Provinciarum Episcopis, quorum siqui superati minis, atque injuriis a veritatis tramite deviarunt, salutaribus remediis in integrum revocentur, ipsique, quorum est causa durior, si consiliis melioribus accrescant, ab Eccle-

ab Ecclesia unitate non exidant. Qui autem ita scribit, causam non iudicandam, sed iudicatam esse, veluti certum habet. Præterea Leo Dioscorum, qui Flavianum damnaverat, in habenda Synodo sedere vetuit, tantumque ut audiendus intrmitteretur, permisit (*ass. 1. Concil. Chalc.*). Igitur & Flavianus Leonem appellavit, & Leo ejus causam jure suo iudicavit. De causa tamen cur Synodum Leo postulaverit, dicam alibi diligentius.

IV. In Africa quoque appellationes obtinuisse, colligitur ex S. Augustino. Cum enim Antonius Fussalensis Episcopus ab Africana Synodo, ipso Augustino agente, abdicatus Apostolicam Sedem appellasset, scripsit S. Augustinus S. Cælestino I. R. P. (*epist. 261.*), quæ contra Antonium in Synodo gesta fuerant, eumque rogavit, ne Antonium suæ Sedi restitueret, alioquin se Episcopatu cessurum. Cum vero conquereretur Antonius, se, honore Episcopatus servato, Sede privatum esse, plures recensuit Augustinus Episcopos simili poena damnatos; affirmavitque, eandem sententiam, ab Apostolica Sede, quam illi appellaverant, confirmatam fuisse: *Existas exemplo, inquit, ipsa Sede Apostolica judicante, vel aliorum iudicata firmante, quosdam pro culpis quibusdam nec Episcopali spoliatos honore, nec reliquos omnimodis impunitos. Quæ ut a nostris temporibus remotissima non requiramus, recentia memorabo. Clames Priscus &c.* A remotis igitur temporibus usu in Africa receptum erat, ut Episcopi saltem a Synodis damnati Apostolicam Sedem appellarent. Inferiores enim Clerici appellare vetabantur, ut colligitur ex Canonibus Synodorum II. & V. Carthaginensium.

V. Nihilominus Augustini ipsius ætate magna de appellationibus controversia orta est inter Africanos Episcopos, & Apostolicam Sedem. Cum enim Apiarius Presbyter ab Urbano Siccensi Episcopo damnatus Apostolicam Sedem appellasset, Zosimus R. P. Faustinum Episcopum Legatum suum cum duobus Presbyteris in Africam misit, ut Apiarii causam cognosceret, eumque in integrum restitueret; & præterea ut de Episcoporum appellationibus cum Africanis ageret. Quamobrem Commonitorio Legatis dato Sardicenses Canones inseruit, quos Ecclesiæ Romanæ more Nicænos inscripsit; sive quia in Codice Ecclesiæ Romanæ perpetua serie post Nicænos descripti erant, quemadmodum in Iustelli Codice, aliisque reperti sunt, sive quia ab iisdem fere Patribus, qui Nicænos ediderant, Osio Cordubensi Duce, conditi erant, ut propterea veluti Nicænorum Canonum appendix haberentur. His porro Canonibus, ac præsertim canone 7. appellationum jus suæ Sedi Zosimus vindicabat. Et de Canonum quidem sententia nulla fuit concertatio; iis enim appellationum jus Romanæ Sedi asseri, clarius existimaverunt Africani Episco-

Episcopi, quam ut ea de re vel levis suspicio oriri posset. Idque Febronium, qui id negat, diligenter notare, velim. Itaque Nicæni ne revera essent Canones illi, disceptatum est. In exemplaribus enim a Cœciliano Carthagenensi Episcopo, qui Nicæno Concilio interfuerat, in Africam allatis non reperiebantur. Ergo Africani Episcopi genuina Nicæni Concilii exemplaria Alexandria, & Constantinopoli afferenda curarunt, polliciti, se Canonem a Faustino allegatum servaturos, si a Nicæno Concilio editum esse, constaret. Interea vero Canonem servare, & exequi statuerunt. Constant hæc ex Actis Concilii Carthagenensis VI. Apiarium præterea gradui suo restituerunt, enimque ab Ecclesia tantum Siccensi, ut scandala præcaverent, removendum esse, censuerunt, ut accepto epistolio, ubicumque alibi vellet, & posset, Presbyteri munere fungeretur. (epist. ad Bonif. I. tom. 3. Conc. Labb. col. 528.)

Interea temporis allati sunt Alexandria, & Constantinopoli Nicæni Canones, neque inter eos Canon a Zosimo allegatus repertus est. Sed Cœlestinus tamen Bonifacio I. suffectus, Apiarii ob nova crimina iterum damnati appellationem suscepit, atque Faustinum in Africam remisit, ut Apiarium gradui suo, & communioni Ecclesiæ restitueret: Sed frustra. Apiarius enim coram Synodo, & Faustino sua criminum confessione convictus est. Hæc narrant Africani Patres in Epistola ad Cœlestinum I. (ib. col. 532.), & addunt: *Impendio deprecamur, ut deinceps ad vestras aures hinc venientes non facilius admittatis, nec a nobis excommunicatos in communionem ultra velitis excipere, quia hoc etiam Nicæno Concilio definitum, facile advertet Venerabilitas tua . . . Presbyterorum, & sequentium Clericorum improba refugia repellat; quia & nulla Patrum definitione hoc Ecclesia derogatum est Africana, & decreta Nicæna sive inferioris ordinis Clericos, sive ipsos Episcopos Metropolitanis suis apertissime commiserunt . . . aut quomodo ipsum transmarinum iudicium ratum erit, ad quod testium necessaria persona vel propter Sexus, vel propter Senectutis infirmitatem, multis aliis intervenientibus impedimentis, adduci non poterunt? Nam ut aliqui, tanquam a tua Sanctitatis latere mittantur, nulla invenimus Patrum Synodo constitutum.*

Jamvero rum ex Augustino, tum ex Africanorum agendi, & scribendi ratione hæc certo colligere posse mihi videor, scilicet longe ante exortam controversiam, appellationes in Africa obtinuisse: Cum vero non modo Episcopi, sed etiam inferiores Clerici frequentiores Apostolicam Sedem appellare cœpissent, Africanos propter earum incommoda, & disciplinæ detrimentum eas improbasse, alacriores vero ad eas impugnandas factos esse falsa, ut ipsi putabant, Nicænorum Canonum allegatione, sed de rei veritate demum certiores



certiores factos; ut Episcopi saltem Apostolicam Sedem appellarent, non egre tulisse.

Illud vero in hanc controversiam, quod notetur, dignum esse; censeo; Africanos appellationum excipiendarum auctoritatem Rom. Pontifici nunquam denegasse; ne postea quidem, quam Canones a Faustino in Africam allatos, vere Nicænos non esse, compertum habuerunt. Primo enim Cœlestinum impendio deprecari sunt, ut Clericorum, imo & Episcoporum appellationes repelleret. Deinde vero scripserunt, Nicæna decreta Clericos, & Episcopos Metropolitani suis commississe; id causæ allegantes, non quidem ut de appellationum jure cum Pontifice contenderent, sed ut precibus pondus adderent. Postremo enim ut qui hujusmodi causæ parum confiderent, appellationum incommoda, & transmarini judicii difficultates ob oculos Pontificis posuere, ut his demum causis ad repellendas appellationes adduceretur. Africani igitur Pontificis auctoritatem non posthabuere Conciliorum auctoritati, uti temere ait Febronius (*cap. 1. §. 7. n. 10.*), sed potius prætulere; alioquin enim Pontificem non rogassent, ne Nicæni Concilii statutis, & Africanæ Ecclesiæ consuetudini derogaret, Pontificis arrogantiam contempsissent. Agnoverunt igitur etiam Africani in Pontifice recipiendarum ex Africa appellationum auctoritatem.

## CAPUT XII.

*Quædam Febronii argumenta refutantur.*

I. **I**mperator Justinianus, inquit Febronius (*cap. 5. §. 6.*); Nov. 123. *cap. 22. omnes judiciorum Ecclesiasticorum instantias, scilicet Episcopi cum sua Synodo, Metropolitani, & congregati cum eo Provincialis Concilii, demum Patriarcha, seu Primatis recenset; & de hoc in fine addit = Nulla parte ejus sententia contradicere volente =*. Idem fere statuunt Concilium Lugdunense II. anno 567. habitum, Capitula ab Hadriano I. anno 785. Ingilramno Metensi Episcopo tradita, Concilium Francofurtanum anni 794. *can. 6.*, ac demum idem scribit Hincmarus ad Nicolaum I., atque ita concludit Febronius: *Hæc sufficiunt, & sufficerent ad excludendas appellationes Romanas, nisi Isidorianis decretis tanta Ecclesia, & Traditionis monumenta obscurata, & quodammodo convulsa fuissent.*

Antiquissima quidem, & præclarissima hæc Ecclesiæ, & Traditionis monumenta sunt: Justinianus Sæculi VI. Imperator, qui sæpe,

invita etiam Minerva, Theologum egit, qui contra Châlètedonensem Canonem Ecclesiasticas Provincias divisit, qui Primatum Ecclesiæ Thessalonicensæ eripuit, eoque Urbem, in qua ipse ortus est, insignivit paucis, qui Ecclesiam sibi subdidit: Deinde duo Provincialia Concilia, quorum alterum Sæculo VI. alterum Sæculo VIII. exeunte celebratum est: præterea Capitula, quorum Auctorem eundem cum Epistolarum decretalium Auctore fuisse, Eruditi Viri plerique sentiunt; quæque vel ipse Febronius ex falsis illis epistolis composita esse, putat (*cap. 8. §. 2. n. 1.*): ac denique Hincmarus, qui Sæculo IX. floruit, Vir cum Regibus etiam contendendo facilis, & eorum, qui deinceps Apostolicæ Sedis auctoritatem impugnare ausi sunt, facile Antesignanus. Ista vero ne sunt tanta illa Ecclesiæ, & Traditionis monumenta, quæ ad excludendas Romanas appellationes sufficiunt? Sed quid, rogo, sunt Canones Sardicenses IV. Sæculo ab œcumenica Synodo editi? Quid Zosimi, Bonifacii, Cælestini, Leonis Romanorum Pontificum auctoritas? Athanasii, Johannis Chrysostomi, Flaviani, aliorumque appellationes, quid? Quid Gelasii auctoritas, & argumenta? An non monumenta hæc sunt Justiniano, memoratis Conciliis, Capitulis, Hincmaro, & falsis decretalibus vetustiora, multisque pluris facienda? Sed Febronius, cum, quo se vertat, ignorat, Iſidoriana decreta opponere solet, ut incautos fallat. At vero argumentis ego ex Scripturis, & Veteris Ecclesiæ traditione, atque ex aliis monumentis Pseudo-Isidoro antiquioribus, desumptis, pro Rom. Pontificis auctoritate depugnavi hætenus, iisdemque, si Superis placet, depugnabo deinceps.

II. Cæterum Justinianum quidem de civilibus Episcoporum causis agere, Natali Alexandro (*sec. 4. diff. 28.*), aliisque notatum est. Concilium Lugdunense judicia dumtaxat recenset, ut vocant *ordinaria*, nec appellationes excludit. Sagittarius enim, & Salonius Episcopi a Concilio illo damnati, Johannem III. appellarunt, ut narrat Gregorius Turonensis (*histor. Franc. lib. 5. cap. 20.*). Concilium Francofurtanum etiam Regi facultatem facit Episcoporum judicia cognoscendi. Quamobrem de civilibus Episcoporum causis illud agere, crediderim. Memorata Capitula sic statuunt (*cap. 20. tom. 3. Concil. Labb. col. 602.*): *Si ipse (qui damnatus est) Metropolitani, aut iudices suspectos habuerit, aut infestos senserit, apud Primatem Diœceseos, aut apud Romanam Sedis Pontificem judicetur.* Et *cap. 23. Placuit: Si Episcopus accusatus Rom. Pontificem appellaverit, id statuumdum, quod ipse censuerit.* Viden' Febronii ingenium? Sicubi Capitula illa Rom. Pontificis auctoritati adversari videntur, sunt præclara Ecclesiæ, & Traditionis monumenta; sicubi favent, sunt Pseudo-Isidori commenta.

### III. Quid

III. Quid vero, quod S. Bernardus (*lib. 3. de Consid. cap. 2.*) in appellationes vehementius invehitur? Quousque, inquit Eugenium Papam alloquens, non evigilas consideratio tua ad tantam appellationum confusionem atque abusionem? Præter jus, & fas, præter morem, & ordinem fiunt.... Volentes malignari, nonne his potissimum terreri solebant? Nunc terrori ipsi ex his magis fiunt, atque id magis bonis. Ausidiorum verum est in venenum: aliaque plura appellationum mala enumerat alibi (*ep. 178. 179. 180.*): Eadem autem querela, inquit Febronius (*ib. n. 3.*), a tot sæculis in hunc usque diem perdurant. Deinde S. Bernardo addit Conradum Uspergensem Virum Schismaticum (*chron.*) & Hildebertum Archiepiscopum Turonensem (*ep. 82. ad Honorium II.*).

Verum hi, & S. Bernardus præsertim, appellationum abusum dumtaxat, & frequentiam queritantur. S. Bernardus paulo ante verba a Febronio descripta: *Magno, inquit, in his, & pio opus intuitu est, ne quod magna fuit necessitate provisum, male utendo, reddatur inutile.* Et paulo infra: *Nunc vero non te existimes otiose vacare huic considerationi, qua appellationes ad antiquum, si fieri potest, revoces usum... prorsus fovenda, & manutenenda sunt; sed quas extorsit necessitas, non calliditas adinvenit.* Sed his malis, quidquid mufferet, & quereretur Febronius, occurrerunt jam Tridentina Synodus, Clemens VIII. Gregorius XV. Urbanus VIII. Benedictus XIII. ac præsertim Benedictus XIV. Constitutione data III. Kalend. April. anno 1742. ut proinde inanes nunc temporis sint Febronii, aliorumque ejus similium adversus appellationes querelæ; utpote, inquit Benedictus XIV. (*ibid.*) ex hac unica re causam, & originem habentes, quod inferioribus grave sit obedientiæ ac subjectionis jugum erga majora tribunalia, ipsisque nimis displiceat, sibi subditis appellationis beneficio succurri: Quæ quidem vere a doctissimo Pontifice dicta esse, ea, quæ hæcenus de appellationibus dicta sunt, palam faciunt.

## CAPUT XIII.

*De R. Pontificis in Fidei causis decernendis auctoritate.*

*Hanc summam esse, nec errori obnoxiam,  
ostenditur ex Scripturis.*

- I. **A**C primo quidem Rom. Pontificem, si Fidei, & morum causas ex Apostolico Tribunali decernat, errare non posse, ex iis Scripturæ locis colligitur, quibus superius jurisdictionis primatum in universa Ecclesia illi datum esse demonstravi. Christus enim super Petrum, Petrique Successores Rom.

Pontifices Ecclesiam suam ædificavit, claves regni Cœlorum iis dedit, omnesque suas oves iis pascendas commisit. Si autem Romanus Pontifex in fidei, & morum causis finiendis errare, erroremque fideles docere posset, nec firmum esset Ecclesiæ fundamentum, nec tutus Pastor ovibus datus esset: Pastore enim errante, oves quoque errarent necesse est: Quæ quoniam absurda plane sunt, illud consequitur, Rom. Pontificem Ecclesiæ universæ Caput, Rectorem, & Pastorem in fidei causis finiendis errare non posse.

II. Deinde Christus Lucæ cap. 22. ait Petro: *Simon, Simon, ecce Satanas expetivit vos, ut cribraret sicut triticum; ego autem rogavi pro te, ut non deficiat fides tua: & tu aliquando conversus confirma fratres tuos.* Duo his verbis privilegia S. Petro a Christo data esse, vulgo docent Sacrarum Scripturarum Interpretes, ac Theologi: alterum quidem non deficiendi a Fide, alterum vero non errandi in docendis fidelibus. Primum Petri proprium, & personale fuisse, non negamus: alterum ad ejus quoque successores transiisse, affirmamus. Quamquam Bellarminus (*de Rom. Pont. lib. 4. cap. 6.*) non temere existimavit, utrumque privilegium ad Petri Successores transiisse, quod eorum nemo tot ab hinc sæculis in hæresim lapsus sit. Sed de prioris privilegio solliciti nos esse volumus. Posterius vero privilegium ad Petri Successores transiisse, contendimus. Nam Gelasius quidem (*epist. 14.*), Pelagius II. (*epist. 5. ad Eliam*), Vitalianus (*epist. ad Paul. Episc. Cretenf.*), & Hadrianus I. (*Epist. ad Carolum Regem*) totum Evangelicum textum superius descriptum, ad Romanos Pontifices retulerunt. S. Agatho vero (*epist. ad Imper. Constantinum*) S. Leo IX. (*epist. ad Petrum Antioch.*), S. Bernardus (*epist. 190. ad Innocentium II.*), & alii privilegium non deficiendi a Fide Petro a Christo datum, ad Petri quoque Successores Rom. Pontifices transiisse, apertissime docent. Hæc Apostolica Christi Ecclesia, ait S. Agatho, per Dei omnipotentis gratiam a tramite Apostolica Traditionis nunquam errasse, probabitur; nec hæreticis novitatibus depravata succubuit; sed ut ab exordio fidei Christiana percepit ab autoribus suis Apostolorum Principibus, illibata finitæus permanet, secundum ipsius Domini Salvatoris divinam pollicitationem, quam suorum discipulorum Principi in sacris Evangeliiis factus est: *Petre, Petre inquires, Ecce Satan expetivit ut cribraret vos, sicut qui cribrat triticum: ego autem pro te rogavi, ut non deficiat fides tua. Et tu aliquando conversus confirma fratres tuos.* Consideret itaque vestra tranquilla Clementia, quoniam Dominus, & Salvator omnium, qui fidem Petri non defecturam promisit, confirmare eum fratres suos admonuit, quod Apostolicos Pontifices mea exiguitatis prædecessores confidenter fecisse semper, cunctis est manifestum. Porro S. Agathonis epistola in sexta Synodo

nodo

nodo generali (*act.* 4.) perfecta, & ab universa Synodo veluti à Spiritu S. dictata, & Petri manu scripta, suscepta, & probata est.

III. *Act.*, inquit Febronius (*cap.* 5. §. 1. n. 2.), *genuinus, & naturalis sensus factorum verborum*, de quibus agimus, est huiusmodi: Petrus equidem negabit Dominum, & Magistrum suum, nihilominus post agnatum errorem resurgens a lapsu Fratres, & Coepiscopos suos in Fide confirmabit, ipse futurus in ea stabilis. Hujus autem promissionis efficaciam ad Petri Successores transcurram, nemo sustinebit... Sic ea Verba communiter accipiunt, & interpretantur Patres, & Doctores, nominatim Tertullianus lib. de fuga in persec. cap. 2. Cyprianus epist. 8. & in lib. de Orat. Dom. Hilarius lib. 1. de Trinit. Chrysostomus, Augustinus, Cyrillus Alex. Leo, Prosper, Beda, & alii.

Verum Promissionis Christi efficaciam etiam ad Petri Successores transiisse, sustinuit S. Agatho in epistola, quæ ab œcumenica Synodo veluti divine perscripta probata est: *Sustinere illi Pontifices*, quos paulo superius recensui: *sustinuit & S. Bernardus*, ut alios missos faciem. Oportet, inquit S. Bernardus, ad vestrum referre Apostolicum pericula quaque, & scandala emergentia in regno Dei, & præcipue qua de Fide contingunt. Dignum namque arbitror, ibi potissimum resareiri damna Fidei, ubi non possit Fides sentire defectum. Hac quidem hujus prerogativa Sedis. Cui enim alteri aliquando dictum est: Ego pro te rogavi, Petre, ut non deficiat Fides tua? Ergo quod sequitur, a Petri Successore exigitur. Et tu aliquando conversus confirma Fratres tuos. Nimia igitur præsentia scribit Febronius, neminem affirmasse, aut affirmaturum esse, Christi promissionis efficaciam ad Petri Successores transiisse.

IV. Perridiculum vero est, quod addit; Christi nempe promissionem nihil ad Petri Successores pertinere, qui neque ceciderunt cum ipso, neque cum eo resurrexerunt, neque eandem, aut similem cum eo promissionem acceperunt. Quasi scilicet opus sit, ut singuli Petri Successores cadant, resurgantque, atque singulis nominatim perseverantiam in fide promittat Christus. Quidni & Primatum Petri Successoribus negat? Nam neque singulos interrogat Christus: Vos autem quem me esse dicitis? Neque singulis ait: Et ego dico tibi, quia tu es Petrus &c. Sed ille in re seria nugas agit. Præterea cum Petrus Christum negavit, nondum Ecclesiæ primatum a Christo obtinuerat, ut notavit S. Hieronymus (*in cap. 16. Matth.*): Sed si consideret, ait S. Doctor, qui hoc querit (cur ibi vocetur Petrus a Christo Satanass?), Petro illam benedictionem, & beatitudinem, ac potestatem, & adificationem super eam Ecclesia in futuro promissam, non in presenti datam intelliget. *Edificabo*, inquit, super te Ecclesiam meam &c. Qua si statim dedisset ei, nunquam in eo prava confessionis error invenisset locum. Romani autem Pontifici.

Pontifices in locum Petri jam Ecclesie primatu insigniti succedunt. Cum igitur Petri Ecclesie Primatu jam insigniti privilegium fuerit, ut *prava confessionis error in eo locum non inveniaret*, in hujusmodi Privilegium, quod primatus consecrarium est, Romani Pontifices Petro succedunt, quin opus sit, ut primum cadant, ac deinde resurgant.

V. Sed Tertullianus, aliique Patres, inquit Febronius cum Natali Alexandro (*sec. 15. & 16. diff. 4. art. 1. n. 14.*), docent, Petri Privilegium fuisse personale, nec ad Successores transisse.

Verum utriusque fidem hac in re ego desidero. Nihil enim hujusmodi asserunt laudati Patres. Ut id ostendam, trium dumtaxat, qui primi citantur, loca ab utroque tanum indicata ego exscribam. Tertullianus *sic & in Apostolis*, inquit, *facultatem remissionis postulavit* (Diabolus) *non habens eam, nisi ex permisso: siquidem Dominus in Evangelio ad Petrum: ecce, inquit, postulavis Satanas, uti cerneret vos, velut frumentum: verum ego rogavi pro te, ne deficeret fides tua, idest ne tantum diabolo permitteretur, ut Fides periclitaretur.* S. Cyprianus de Orat. Domin. *Orabat autem Dominus*, inquit, *& rogabat non pro se: quid enim pro se innocens precaretur? Sed pro delictis nostris, sicut & ipse declarat, cum dicit ad Petrum: Ecce Satanas &c.* S. Hilarius non lib. 1., sed 10. de Trinit. n. 38. *Pro Petro*, inquit, *Pater rogatur, ne deficiat Fides ejus, ut negatis infirmitati vel dolor saltem penitentia non abesse, qua Fides in eo non deficeret, quod peniteret.* Jam vero tres hi Patres scribunt dumtaxat, Christum orasse pro Fide Petri: quæ vero sequuntur verba: *& tu aliquando conversus confirma Fratres tuos*, prætermittunt, quod ad eam rem non sint, de qua agunt. Idem de reliquis dicito. An vero ideo negant illi, privilegium, aut onus confirmandi Fratres in Fide, ad Petri quoque Successores manasse? Qui igitur Christi verba ad Petrum referunt, ii vel ad Petri quoque Successores pertinere docent, ut illi qui superius a me memorati sunt, vel saltem Petri Successores non excludunt, sed silentio prætermittunt, ut illi qui a Febronio, & a Natali Alexandro memorantur.

Sed sunt, ait Natalis Alexander, qui Christi verba ad Ecclesiam Romanam; sunt qui ad Sedem Apostolicam referunt.

Verum & hi Christi verba ad Rom. Pontificem referunt, nisi in re seria nugatos esse velimus. Quid enim demum est Ecclesia Romana, quid Sedes Apostolica, nisi Rom. Pontifex? Innocentius I. (*ep. ad Synodum Milevit.*), Leo Magnus (*ep. 10.*), aliique testantur Romanam Ecclesiam, & Sedem Apostolicam innumeris relationibus ex singulis quibusque Provinciis consuli consuevisse. Novimus autem consuli consuevisse non Romanum Clerum, aut ligneam, vel lapideam

lapideam Petri Sedem, aut dignitatem Apostolicam, quæ est idea abstracta, ut ajunt Logici; sed Romanum Episcopum: atque consentientium epistolas non Romanæ Ecclesiæ, aut Sedi Apostolicæ, sed Ecclesiæ Romanæ Episcopo nominatim inscriptas fuisse. Mirari sane ego sæpe soleo, Viros etiam doctissimos eâ distinctione detineri, quam *non recipit ratio*, inquit Doctiss. Melchior Canus (*de Loc. Theol. lib. 6. cap. 8.*), *aspernatur, repellit*. Sunt denique, ait idem Natalis Alexander, qui ea verba ad Ecclesiæ, & Concilium referunt. Verum hi vel de Ecclesiæ, & Concilio loquuntur, ut Ecclesiæ & Concilium complectitur Fideles simul, Episcopos, & Rom. Pontificem, vel ut Rom. Pontificem excludit. Si primum, iis libenter assentior. Si enim errare nequit Romanus Pontifex Ecclesiæ Caput, neque errare potest Ecclesiæ cum suo Capite consentiens. Si alterum, eorum Interpretationem rejicio. Posteriores enim hanc Interpretationem non tradunt Ecclesiæ Patres; Pauci enim ii, qui a Natali Alexandro memorantur, dumtaxat eam juvant, ut ipse fateatur: quamquam ne juvant quidem. Nam S. Thomas, cujus unius verba describit Natalis Alexander, ait: *Universalis Ecclesiæ fidem non posse deficere, Domino dicente Lucæ 12.: Ego pro te rogavi, Petre, ut non deficiat fides tua.* Ait S. Thomas universalis Ecclesiæ nomine intelligere membra simul & Caput, nemo negaverit. Eam igitur interpretationem amplectuntur dumtaxat Parisienses Theologi, non quidem omnes, sed plures a Concilio Constantiensis tempore: Primi enim eam tradidere Petrus Aliacensis, & Gersonius; ut hinc colligas novam esse, & veteribus Patribus plane ignotam. Sed de priore argumento satis diximus.


## CAPUT XIV.

*Vetustissima Ecclesiæ traditio est, Fidei causas esse ad Rom.*

*Pontificem referendas, sive ut eas decernat, sive ut*

*quæ Synodi de iis decreverint, Apostolica*

*auctoritate confirmet.*

- I.  Ujusce Traditionis initia refert Theodoretus ad Apostolorum tempora (*ep. ad S. Leon.*), cum Apostolus Paulus ad magnum Petrum se consulit, ut iis, qui Antiochiæ de legali conversatione ambigebant, explicationem ab ipso referret. Innocentius I. Apostolicam Sedem juxta antiquam traditionem, & Ecclesiasticam disciplinam a Synodis Carthaginensi, & Mile.

& Milevitana, de Pelagiana hæresi consultam esse, dicit. Innocentii responsum ad utramque Synodum alibi (cap. 6. n. 1. & 3.) descripti. Sed in Epistola ad Synodum Milevitana præterea hæc addit: *Præsertim*, inquit, quoties fidei ratio ventilatur, arbor omnes Fratres, & Coepiscopos nostros nonnisi ad Petrum, id est sui nominis, & honoris auctorem referre debere, velut nunc retulis vestra dilectio, quod per totum mundum possit Ecclesiis omnibus in commune prodesse. Fiant enim necesse est cautiore, cum inventores malorum ad duplicis relationem Synodi sententia nostra statutis viderint ab Ecclesiastica communione sejunctos. Gemino igitur bono charitas vestra surgent. Nam & canonum potiemini gratia servatorum, & beneficio vestro totus orbi utetur. S. Cyrillus Alexandrinus S. Coelestinum R. Pontificem de Nestoriana hæresi certiozem faciens: Si silere, inquit (tom. 3. Concil. Labb. col. 890.), & non pietatem tuam de omnibus, qua moventur, literis certiozem facere circa culpam, ac sinistra suspicionis metum liceret, præsertim in rebus adeo necessariis, ubi etiam recta fides a nonnullis depravata periclitatur, in memetipso dicerem: bonum, & periculi expers est silentium, præstatque quietam vitam agere, quam turbatam. Sed quoniam Deus hisce in rebus vigilantiam a nobis exigit, & longa Ecclesiarum consuetudo (τα παλαιὰ τῶν ἐκκλησιῶν, ἔδη) suadet, ut hujusmodi res cum Sanctitate tua communicentur, scribo plane necessitate adactus. Tres Africanæ Synodi in epistola ad Theodorum Papam data anno 646. quæ refertur in Actis Synodi Lateranensis habitæ anno 649. Martino I. R. Pontifice (tom. 7. col. 132.): Antiquis enim regulis sancitum est, inquirunt, ut quidquid, quamvis in remotis, vel in longinquo positis ageretur provinciis, non prius tractandum, vel accipiendum sit, nisi ad notitiam alma Sedis vestra fuisset deductum, ut hujus auctoritate, juxta qua fuisset pronuntiatio, firmaretur; indeque sumerent cætera Ecclesia velut de Natali suo fonte predicationis exordium, & per diversas totius mundi regiones puritatis incorrupta maneat fidei sacramenta salutis. Antiquæ igitur traditionis, & Ecclesiasticæ disciplinæ canon erat incunte Sæculo V. Fidei causas ad Apostolicam Sedem esse referendas, sive ut eas decerneret, sive ut quæ Synodi de iis decreverant, confirmaret, totique Orbi edita decreta prodesse. Nisi autem persuasum Ecclesia habuisset, Rom. Pontificem sive decernentem fidei causas, sive Synodorum Provincialium decreta confirmantem errare non posse, nec ulla fuisset hujusmodi relationum necessitas, nec Apostolicæ Sedis judicium cæteris Ecclesiis, totique Orbi satis profuisset.

II. Sed Febronius (cap. 4. §. 2.): *Decretalibus*, inquit, sub nomine Primorum Pontificum in auctoritatem receptis, & signanter post editam, receptumque Gratiani decretum, prætendi & doceri capit, majores,



rei, & graviorēs causas, atque inter has quæstiones Fidei ad Sedem Apostolicam esse referendas, ejusque solius judicio terminandas.

Verum Epistolæ Synodorum Carthaginesis, & Milevitaneæ ad Innocentium I. & Innocentii ad utramque Synodum, S. Cyrilli Alexandrini ad S. Cœlestinum, Synodorum Africanarum ad Theodorum Papam, & præterea Vigilii ad Auxanium Arelatensem (vide & cap. 6.), aliæque, quæ prætermitto, similia monumenta Pseudo-Isidoro (A), & Gratiano sunt multo antiquiora. Ea autem monumenta evincunt, quæstiones Fidei ad Sedem Apostolicam vel a primis Ecclesiæ Sæculis relatas esse, & referendas fuisse, ut aut ejus judicio decernerentur, aut judicium de iis sive ab Episcopis, sive a Synodis latum confirmaretur; ac propterea ut solius demum Apostolicæ Sedis judicio finirentur: nisi forte temporum, rerumque ratio, ut œcumenica Synodus cogeretur, postularēt, ut alibi dicam. Ergo non post falsas decretales, & decretum, sed ab Ecclesiæ exordio doceri capit, quæstiones Fidei ad Apostolicam Sedem referendas esse: Nam Innocentius I. id vocat antiquam Traditionem, & Ecclesiasticam disciplinam, S. Cyrillus longam Ecclesiarum consuetudinem, Africanæ Synodi antiquas regulas. Nihilominus Febronius hujusmodi persuasionem notare audent veluti Sacra Scriptura, toti Antiquitati, Conciliorum definitionibus, & observantia universalis Ecclesiæ contrariam, & Innocentium III. carpit, quod scripserit, majores Ecclesiæ causas, præsertim articulos fidei contingentes, ad Petri Sedem referendas esse: Quasi non idem, imo aliquid præterea scripserit ante octingentos annos Innocentius I. Sed malam Febronii fidem superius allata monumenta apertissime produunt.

Atqui Scripturæ docent, inquit Febronius (ib. n. 1.), Episcopum esse debere Doctorem recte tractantem verbum veritatis, attendere debere doctrinam... hæreticum hominem corrigere &c. Epist. ad Tim. 1. ad Tit. cap. 1. & 3.

Verum quis istiusmodi muneribus Episcopum fungi debere, negat?

M

gat?

(A) Putat Febronius (cap. 8. §. 2. n. 1.), Collectionem Isidori Mercatoris circa finem Sæculi VIII. ex Hispania Moguntiam allatam, & in alias Regionibus divulgatam esse: certis vero indiciis constare, Isidorianas decretales post annum 744. compositas esse, & Romæ quidem, ut gravis fert suspicio, Sed Cl. Ziebarla (Anti-Febr. part. 1. diss. 3. cap. 3.) pluribus, illque validissimis argumentis ostendit, Isidori Collectionem non ante annum 836. fuisse vulgatam, neque Roma, sed alibi, & verosimiliter Moguntia adornatam esse. Quamquam adornata collectio Isidoriana tempus constituere, non magni mei refert. Quæ enim ego attuli hactenus, affirmatque deinceps monumenta pro R. Pontificii auctoritate, præterea Sæculo VIII. antiquiora sunt. Et recentioribus vero quæ offero, ea sunt, quæ ne Febronio quidem suspecta esse possunt,

gar? An vero Episcopus, si quid dubitationis de fide exortum fuerit, ad Sedem Apostolicam id referre non debet? Id enim est, de quo agimus, quodque fieri debere ex antiqua traditione ostendimus. Alia, quæ ibi opponit Febronius, proximo capite expediā.

## CAPUT XV.

*Romani Pontifices Hæreticos supremo Judicio damnare consueverunt.*

I. **S**uperiori Capite ostensum est, quæstiones Fidei, & lata de iis sive ab Episcopis, sive a Synodis decreta ad Apostolicam Sedem juxta antiquam Traditionem referri consuevisse, non solum ut sciret Romanus Pontifex, quid gestum esset, sed etiam ut ipse vel quæstiones decerneret, vel Synodorum decreta confirmaret. Nunc ostendendum est, consuevisse ipsa Romanos Pontifices Fidei causas se ipsis irrevocabili judicio decernere, atque Hæreticos damnare. Cerdonem quidem, & Valentinum ab Hygino, Theodotum a Victore Sæculo II. damnatos esse, testatur Eusebius (*b. e. lib. 1. cap. 1. & lib. 5. cap. 27.*). Montanistas a Zephirino damnatos esse, refert Tertullianus (*lib. de Jejun. cap. 1.*). Circa annum 260. Sabellianos damnavit Dionysius: Qua de re Sozomenus (*lib. 6. cap. 22.*) ita scribit: *Qua controversa (de divinitate Spiritus S.) cum contendendi studio, ut credibile est, in dies magis, magisque cresceret, Episcopus Urbis Roma (Dionysius) re comperta scripsit ad Ecclesias Orientes, ut una cum Sacerdotibus, & Episcopis Occidentis Trinitatem, & consubstantialem esse, & gloria æqualem existimarent. Quo factō, utpote controversia judicio Romana Ecclesia terminata, singuli quievēre, eaque quæstio finem tandem accepisse videbatur.*

*Sed huic quieti, respondet Febronius (cap. 3. §. 8. n. 5.), de fuit sua stabilitas, qua nonnisi plenarii Concilii (Constantinopolitani I.) auctoritate, orbisque adunati consensione restitui potuit, unius Romani Pontificis judicio ad hoc minus sufficiente.*

Verum nihil futilius respondere poterat Febronius. Nam neque post plenarium Concilium quievēre Macedoniani, neque post Nicænum Concilium quieverunt Ariani, neque quievēre post Synodum Tridentinam Lutherani. Ergo ne œcumenicæ Synodi ad hæreses damnandas minus sufficientes sunt? Sed ad alia properemus.

II. Anno 390. Jovinianum, aliosque hæreticos damnavit Sircius: quæ de re scribens Ecclesæ Mediolanensi (*ep. 2. tom. 2. Concil. Labb.*

Labb. col. 1218.): Unde, inquit, Apostoli secuti præceptum, quia aliter, quam quod accepimus, annunciabant, omnium nostrum tam Presbyterorum & Diaconorum, quam etiam totius Cleri unam scitote fuisse sententiam, ut Jovinianus, Auxentius, Genialis, Geminator, Felix, Photinus, Martianus, Januarius, & Ingeniosus, qui incentores nova hæresis, & blasphemia inventi sunt, divina sententia, & nostro judicio in perpetuum damnati extra Ecclesiam remanerent. Quod custodiram sanctitatem vestram, non ambigens, hæc scripta direxi. Quare S. Ambrosius una cum aliis Episcopis Siricio rescribens (ib. col. 1220.): Ideo, inquit, quia nostri oviculus Christi, lupos facile deprehendis, & occurris, quasi providus pastor, ne isti morsibus perfidia sua, feralique ululatu dominicum Ovile dispergant.... Quos sanctitas tua damnavit, scias apud nos quoque secundum judicium tuum esse damnatos.

Respondet Febronius (cap. 3. §. 9. n. 5.): Siricium primo cum Clero judicasse; Secundo non tam suum, quam Apostoli judicium pronun-  
ciasse. Sed primum quidem parvi nostra refert; quamquam S. Ambrosius non Clero, sed Siricio judicium tribuit. Alterum vero responsum ridiculum est. Nam & Nicæni Patres cum Arium damna-  
runt, Apostoli præceptum secuti sunt, & vere tamen Arii causam judicarunt.

III. S. Coelestinus I. a S. Cyrillo Alexandrino de Nestorii hæ-  
resi certior factus, in eundem Nestorium depositionis sententiam tu-  
lit, ejusque exequendæ Cyrillo ipsi tamquam Sedis Apostolicæ Le-  
gato curam commisit: Quamobrem, inquit, (tom. 3. Concil. Labb.  
col. 895.) nostra Sedis auctoritate adscita, nostraque vice, & loco cum  
potestate usus, ejusmodi non absque exquisita severitate sententiam exe-  
queris; nempe ut nisi decem dierum intervallo ab hujus nostræ admoniti-  
onis die numerandorum, nefariam doctrinam suam conceptis verbis anathe-  
matizet, eamque de Christi Dei nostri generatione fidem in posterum con-  
fessurum se spondeat, quam & Romana, & tua Sanctitatis Ecclesia, & u-  
niversa denique Christiana Religio prædicat, illico Sanctitas tua illi Eccle-  
sia prospiciat. Is vero modis omnibus se a nostro corpore segregatum esse,  
intelligas. Porro exequi quidem non potuit Cyrillus Coelestinæ senten-  
tiam, quia Nestorius Synodum ab Imperatore indicendam cura-  
vit; sed neque Cyrillus, neque Nestorius, neque Ephesina Synodus  
ferendæ ejusmodi sententiæ auctoritatem Coelestino denegarunt, aut  
de ea dubitationem moverunt, imo ei assensum suum præbuerunt,  
eamque Synodus (act. 1.) executæ est.

IV. Sed ait Febronius (cap. 4. §. 2. n. 2.): Leonis Legati Act.  
3. Synodi Chalced. ad Concilium referunt, Eutychen regulariter a pro-  
prio damnatum Episcopo Flaviano. Id ego fateor. Sed S. Leo Eu-  
tychis depositionem probaverat, quam rem a Flaviano rogatus fue-  
rat

rat duabus epistolis, in quarum altera, *dignare*, inquit, *per proprias quidem literas suffragari depositioni canonica adversus eum facta, confirmare vero & piissimi, Christumque amantis nostri Imperatoris fidem*. Res namque solo indiges ex vobis impulsu, atque subsidio, quod per vestram prudentiam ad tranquillitatem, & pacem cuncta statim translaturum est. Sic enim & qua insurrexit hæresis, & ob eam excitatus tumultus facile cessabit, Deo cooperante per sacras vestras literas. En Leonem Flavianus rogat, ut Eutychis depositioni suffragetur per suas literas, quibus & cessaturam hæresim, & sedandos esse tumultus, confidit.

V. Addit Febronius (*ib.*): *Quis nescit, errores Gotthescalchi Monachi in Concilio Moguntino anni 848. Hæresim Berengarii in Synodo Turonensi an. 1055. Novitates Abaelardi in Senonensi Concilio an. 1140. denique errores Lutheri a variis Episcopis, & particularibus Conciliis fuisse damnatos.*

Sed primo recentiora sunt hæc exempla, quam ut veterem Ecclesiæ consuetudinem ostendere possint. Deinde Gotthescalcum, qui in Italia primum errores suos disseminasse dicitur, a Moguntina Synodo damnatum esse inconsulto Rom. Pontifice, nemo facile crediderit. Cæterum non ignorare arbitror Febronium, quam varia fuerit tum veterum, tum recentiorum de Gotthescalchi erroribus, & damnatione sententia; ut proinde ejus damnatio exempli loco in rem, de qua agimus, adduci non possit. Sed in hac re me immorari, opus non est; Synodus vero Turonensis a Victore II. convocata fuit, eique præfuit Hildebrandus Victoris Legatus. Imo Berengarius jam fuerat a Leone IX. damnatus (*Tom. 6. Concil. Hard.*). Quod ad Abaelardum attinet, testantur Patres Senonenses (*ep. Synod. ad Innocent. II. tom. 12. Concil. Labb. col. 1530.*), ejus librum multo antea a Rom. Pontificis Legato damnatum esse: *Jamdudum*, ajunt, *feceras librum de SS. Trinitate, sed sub Legato Rom. Ecclesia igne examinatus est, quia inventa est in eo iniquitas* (*Vid. S. Bernardum ep. 193.*). Denique ante Leonis X. Constitutionem: *Exurge Domine*. datam anno 1520., nec ulla Synodus, nec ullus Episcopus, sed una tantum, vel altera Academia Lutheri errores damnaverat. Cur autem post Leonis X. Constitutionem celebrata fuerit Trid. Synodus, eadem causæ fuerunt, ob quas celebratæ fuerunt Synodi Ephesina, Chalcedouensis &c. de quibus inferius differendum erit.

## CAPUT XVI

*S. Augustinus existimavis supremam esse Rom. Pontificis in Fidei causis definiendis auctoritatem.*

I. **I**N magnum volumen abiret mea hæc dissertatio, si omnia Patrum testimonia allegare, & exscribere vellem, quæ summam Romano Pontifici, nec errori obnoxiam in fidei causis auctoritatem asserunt. Eorum plurima post alios diligentissime collegit, expenditque Doctiss. Petrus Ballerinius in libro de vi, ac ratione Primatus Romanor. Pontific. cap. 13. & 15. Quare ex Patribus unius Augustini auctoritatem ego afferam, quod eam data opera Febronius nobis eripere conetur. Itaque S. Augustinus (*serm. 2. al. 131. n. 10.*) post probatam ab Innocentio I. Conciliorum Carthaginensis, & Milevitani sententiam in Pelagianam hæresim: Jam enim, inquit, de ea causa duo Concilia missa sunt ad Sedem Apostolicam, unde etiam rescripta venerunt: causa finita est: uinam aliquando finiatur error. At Pelagii causam finitam esse, præfidenter adeo non affirmasset Augustinus, nisi Apostolicam Sedem in fidei causis finiendis errare non posse, existimasset.

II. Febronius tamen (*cap. 3. §. 8. n. 4.*) ejusmodi argumentum se diluere authumat: Post hæc, ait, S. Doctor, collatione facta, in Romana Ecclesia doctrina se Universalis Ecclesia sententiam invenisse ratus, non dubitavit asserere, atque repetitis vicibus proclamare, causam finitam esse.

Verum Augustinus ejusmodi factæ a se collationis nullibi meminit, nec Pelagianorum causam ideo Innocentii sententia finitam esse dicit, quod universalis Ecclesie doctrinæ conformem invenerit. Ait quidem (*lib. 1. contra Julian. cap. 4.*): Puto tibi eam partem Urbis sufficere debere, in qua primum Apostolorum suorum voluit Dominus gloriosissimo martyrio coronare. Cui Ecclesia præsentem Innocentium si audire voluisses, jam tum periculosam juventutem tuam Pelagianis laqueis exuisses. Quid enim potui Vir ille Sanctus Africanis respondere Conciliis, nisi quod antiquius Apostolica Sedes, & Romana cum ceteris tenet perseveranter Ecclesiis? At vero S. Augustinus his verbis collationem a se factam esse, non indicat. Imo hujusmodi collationem ne inire quidem potuit. Sermonem enim, in quo celebrem sententiam causa finita est, pronunciavit, habuit eodem anno 417. quo rescripta ex Apostolica Sede venerunt.

III. Pergit Febronius: At quia idipsum, quod Augustino, non omnibus visum est, sic eadem causa hoc solo Pontificis responso effectivæ, & plene necdum terminata est. Siquidem Innocentio Anno 417. defuncto,

alia

*alia in Pelagianos sub Zosimo in Africa celebrata sunt Concilia, & tandem in Ephesina œcumenica Synodo... hæresis Pelagiana uno ore fuit proclamata damnatio.*

Verum si Pelagianorum causa Innocentii iudicio plene & effectivè finita non est, quia Pelagiani ei non acquieverunt, sed hæresim suam tueri adhuc, & disseminare perrexerunt, ne ab Ephesina quidem Synodo finita esse dicenda est. Nam ne hujus quidem iudicio acquieverint Pelagiani, sed errores suos adhuc disseminarunt, ut constat ex Prospero in Chronico. Imo testatur Auctor Libri de Promiss. & prædict. Dei (*part. 2. cap. 6.*) anno 444. Pelagianos, & præsertim Julianum a Leone M. proligatos esse. Et præterea sub sæculi V. exitum, tractatum contra eos scribere coactus fuit Gelasius Rom. Pontifex (*tom. 5. Concil. Labb. col. 36.*). Demum si eo argumento quidquam confici posset, consequeretur, ne ab ulla quidem œcumenica Synodo fidei causas finitas esse. Nam nec Nicænæ Synodo Ariani, nec Ephesinæ Nestoriani, nec Chalcedouensi Eutychiani, nec Tridentinæ Lutherani cesserunt.

IV. Concludit porro Febronius: *Interim illa Augustini verba = CAUSA FINITA EST = adeo sunt ad gustum Cardinalis Orsi, & Sociorum ejus, ut ex illis universalem regulam pro quibusvis causis per Rom. Pontificem decisis desumant: quando e contra illud ejusdem S. Doctoris ad Donatistas quærentes de iudicio Pape Melchiadis = ARSTAT ADEUC PLENARIUM ECCLESIAE CONCILIUM = ad unum solum particularem casum pertinere, contendunt.*

Sed ideo nos ex Augustini verbis generalem regulam desumimus, quia regulam illam Augustinus ipse generalem esse, existimavit. Nisi enim veram esse existimasset Augustinus generalem hanc Propositionem: *Quotiescumque in causa fidei rescripta ab Apostolica Sede veniunt, causa finita est:* neque veram existimare potuisset hanc Propositionem particularem: *Causa Pelagii*, de qua ab Apostolica Sede rescripta venerunt, *finita est:* hanc enim in illa conrineri, vel ii qui Logices rudimentis imbuti sunt, Febronium docebunt.

Ideo vero alia Augustini verba, restabat adhuc plenarium Ecclesiæ concilium, ad casum particularem pertinere, contendimus, quia ea fuit Augustini ipsius sententia. Nempe Donatistæ a Melchisæde damnati appellarunt Constantinum Imperatorem, qui eorum perversitatibus cedens Synodum Arelate congregari iussit, non quod necessarium novum iudicium existimaret, sed ut eorum impudentiam cohiberet. Ecce ptemus, inquit, illos Episcopos, qui Roma judicaverunt, non bonos fuisse iudices, restabat adhuc plenarium Ecclesiæ universale concilium, ubi cum ipsis iudicibus causa posset agitari, ut si male iudicasse convicti essent, eorum sententiæ solverentur. Nonne intelligis, Augustinum juxta Do-

ta Donatistarum, aliud iudicium querentium, principia loqui? Pergit Augustinus: dedit ille (Constantinus) aliud Arelatense iudicium, aliterum scilicet Episcoporum, non quia jam necesse erat, sed eorum peruersitatibus cedens, & omni modo cupiens, tantam impudentiam cohiberi. Ergo Augustini sententiâ Concilium necessarium non erat. Existimavit igitur, Melchiadis iudicio Donatistarum causam finitam esse; nec plenarium Concilium alia de causa restasse, nisi ut omni modo cohiberetur eorum impudentia.

V. Sed enim, ait Febronius (cap. 6. §. 9.), S. Augustinus in libris de Baptismo Donatistis objicit saepe non S. Stephani, sed plenarii Concilii iudicium, atque S. Cypriani tempore nondum quaestionem finitam esse, sed postea plenario totius Ecclesiae Concilio.

Verum ita ratiocinatur Augustinus contra Donatistas, qui ob Cæciliani causam a R. Pontifice contra eos iudicatam Rom. Pontificis auctoritatem contemnebant. Quare cum controversia plenarii Concilii, idest a Rom. Pontifice simul, & a totius Orbis Episcopis finita esset, Concilii potius, quam solius Pontificis iudicium Donatistis objicere debuit. Cæterum S. Stephanus nihil definierat, sed præceperat dumtaxat, ut vetus traditio servaretur, ideoque ante plenarium Concilium causa non fuit a Pontifice iudicata (vide sup. cap. 3.).

## CAPUT XVII.

*Febronii argumentum ex Ierosolymitano Concilio desumptum refellitur.*

- I. **F**ebonius (cap. 1. §. 8. n. 3.) ait, orta Antiochiæ controversia de legalium necessitate, non misisse Antiochenos ad Petrum, sed ad Apostolos, & Seniores, nec Petrum, sed Apostolos, & Seniores causam definivisse.

At vero si quæ in ea causa gesta sunt, expendantur, ex iis sumptis Petri etiam in finiendis fidei causis auctoritas patebit evidentiissime. Sed ante notari velim, eorum qui Mosaicam legem ad salutem necessariam esse affirmabant, ducem fuisse Cerinthum, vaserimum hominem, & indocilem, qui non modo unius Petri, sed nec Petri simul, & Apostolorum, totiusque Ecclesiæ auctoritati facile cessurus erat, quod & probavit eventus. Nam etiam post Ierosolymitani Concilii definitionem in Asia errores suos disseminavit. Id testantur S. Epiphanius (hares. 28. n. 2.) Philastrius (bar. 26.) & Timotheus VI. Sæculi Scriptor. (P. Travasa in vita Cerinthis cap. 3.).

Hinc

Hinc non ad solum Petrum, sed ad Apostolos, & Seniores miserunt Antiocheui, ut nempe frequentiori, solemniorique judicio causa finiretur, atque hæreticus homo ad silentium adigeretur. Quamquam cum Antiocheni Apostolos omnes æque Spiritu S. plenos esse, persuasum haberent, nihil causæ erat, cur ad eorum unum etiam primum, & præcipuum mitterent.

II. Jamvero convenerunt Apostoli, & Seniores videre de verbo hoc. En Jerosolymitanum Concilium. Cum autem magna conquistio fieret, forte ab iis, qui Antiochia venerant; quibus inquirendi facultatem fecerunt Apostoli, ne se temere damnatos esse, conquerebantur; Surgens Petrus, dixit ad eos, qui nempe inquirebant: En Petrus inquisitionem petrum, & primus etiam coram Jacobo Jerosolymorum Episcopo loquitur: *Viri fratres, vos scitis, quoniam ab antiquis diebus Deus in nobis elegit, per os meum audire Gentes verbum Evangelii, & credere.* His verbis testatur Petrus, se ex Apostolis a Deo electum esse, ut Evangelium Gentibus annuntiaret, quod illæ auditum credere statim deberent. Cum igitur Petrus locutus est, nihil præterea inquirendum est, sed quod credendum docuit, statim credendum est. Sententiam denique pronunciat, eamque irrevocabilem, Mosaicæ legis jugum non esse discipulorum cervicibus imponendum: atque Cerinthum, ejusque asseclas gravissimis verbis increpat, quod quidem supremæ ejus auctoritatis perspicuum argumentum est: *Nunc ergo, inquit, quid tentatis Deum imponere jugum super cervices discipulorum, quod neque Patres nostri, neque nos portare potuimus? Sed per gratiam Domini nostri Jesu Christi credimus salvari, quemadmodum & illi.* Postquam autem Petrus locutus est, tacuit omnis multitudo, & audiebant Paulum, & Barnabam.

III. Tacuit omnis multitudo, inquit Febronius, non quasi jam adfuisse conclusum, sed = audiebant Paulum, & Barnabam narrantes, quanta fecisset signa, & prodigia in Gentibus per eos = in confirmationem argumentorum, qua protulerat perorans Petrus.

Sed verba effudit Febronius. Petrus enim causam non argumentis peroravit, sed sua auctoritate definivit. Et primo quidem, omnibus notum fuisse, dixit, se ex Apostolis omnibus electum esse, ut Evangelium Gentibus nunciaret, quod illæ auditum credere statim deberent. Cur vero statim in omnium memoriam revocavit, quod noverant, sibi nempe id muneris a Deo demandatum esse? Scilicet ut intelligerent, etiam controversæ, de qua agebatur, definiendæ auctoritatem sibi a Deo commissam esse. Quidni enim qui a Deo electus erat, ut Evangelium Gentes doceret, exortam de quodam Evangelii dogmate controversiam definire poterat? Et controversiam quidem sua auctoritate definivit. Postquam autem controversia ab eo defi-

co defi-



eo definita est, cui docendi Evangelium Gentes munus à Deo ipso demandatum est, quid præterea requiritur, ut *ad sit conclusum?*

IV. Sed Paulo, & Barnaba tacentibus, ait Febronius (*ibid.* §. 7. n. 3.), *locutus est Apostolus Jacobus, non dicens: PETRUS LOCUTUS EST, CAUSA FINITA EST: Sed... recapitulans, quæ dixerat Petrus, subiunxit: PROPTER QUOD EGO JUDICO.... deinde monuit, ulteriores scribenda Gentilibus, ultra id quod dixerat Petrus. Præterea communi Synodi nomine decretum exaratum est: PLACUIT NOBIS COLLECTIS IN UNUM.... VISUM EST SPIRITUI S. ET NOBIS.*

Verum ideo S. Jacobus post latam a Petro sententiam locutus est, quia cum Jerosolymorum Episcopus esset, ejus erat commissum sibi gregem ex Judæis coactum, fidei veritate instruere. Quamvis autem non dixerit: *Petrus locutus est, causa finita est*, Petri tamen sententiæ consensit, eamque Sacrarum Scripturarum testimoniis confirmavit. Imo ut eam Judæi facilius susceperent, & pacem cum Gentibus servarent, eam explicavit, atque abinentiam a fornicatione, ab Idolothitis, a sanguine, & suffocato, excepit, non diu tamen quoad posteriora duo capita duraturam. Idque & Petro probatum est. Ait vero S. Jacobus: *propter quod ego judico*: quia non modo Petrus, sed etiam alii Apostoli veri judices in Concilio illo erant: quemadmodum & in aliis Conciliis veri judices sunt Episcopi una cum Rom. Pontifice. Eadem de causa communi nomine decretum exaratum est; quod & in cæteris Conciliis usu receptum est. Sed Apostoli Judices erant Petro summo judici subiecti, quæ de re alibi (*p. 1. cap. v.*) disseribam; ideoque etiam in aliis Conciliis Judices sunt Episcopi R. Pontifici subiecti. Quod igitur etiam cæteri Apostoli in ea causa judices fuerint, communique nomine decretum fuerit exaratum, id supremæ Petri auctoritati non officit. Sed Febronii argumentum abunde satis, ut arbitror, refutavi.

## CAPUT XVIII.

*De Conciliorum necessitate.*

1. **S** Tatuit Febronius (*cap. 6. §. 7.*), *Concilia generalia absolute necessaria esse*; quod scilicet nullum agnoscat supremum controversiarum Fidei Judicem præter Concilium generale. Sed quæ hætenus de Romani Pontificis Primatu, & de ejus in causis fidei decernendis auctoritate disserui, ea Febroniani dogmatis falsitatem aperte satis declarant.

Itaque Concilia aliqua generatim sive œcumenica, sive particularia

laria ad Ecclesiam administrandam utilissima, & quodammodo necessaria esse, nos quoque affirmamus; œcumenica Concilia absolute necessaria esse, negamus. Nam etiam absque œcumenicis Conciliis & Ecclesia administrari, & hæreses profligari, & Schismata componi possunt, qua de re Veteris Ecclesie historia certiores nos facit. Quæ enim ante primam œcumenicam Synodum Nicææ habitam anno 325. exortæ sunt innumerabiles fere hæreses, ex aut Provincialium Synodorum, Romanæ Ecclesie consensu, & confirmatione accedente, aut solius Romani Pontificis auctoritate damnatæ sunt (*sup. cap. 15.*). Vel ipso sæculo V. S. Augustinus de Pelagiana hæresi hæc scripsit (*lib. 4. ad Bonif. cap. ult.*): *Aut vero congregatione Synodi opus erat, ut aperta perniciēs damnaretur? Quasi vero nulla hæresis aliquando sine Synodi congregatione damnata sit: cum potius rarissima inveniantur, propter quas damnandas necessitas talis extiterit.* Et alibi (*lib. 3. cont. Julianum cap. 1.*) Pelagianos alloquens: *dedit vobis, inquit, Ecclesia iudicium, quale debuit; ubi vestra causa finita est.* Pelagianorum autem causam judicaverat Innocentius I. Rom. Pontifex. Nullam igitur S. Augustinus esse existimavit generalis Synodi necessitatem, sed Innocentii iudicium satis fuisse, eoque Pelagianorum causam finitam esse, arbitratus est.

II. Eutherius quoque Thyanenſis, & Helladius Tarsenſis ſcribentes ad Sixtum III. (*tom. 3. Concil. Labb. col. 388.*): *Et olim ſiquidem ſæpius, inquit, jam ex Alexandria huiusmodi hæreticis zizaniiſ inſurgentibus ſuffecit veſtra Apoſtolica Sedes per univerſum tempus illud ad mendacium convincendum, impietatemque reprimendam, & corrigenda qua neceſſarium fuit, muniendumque Orbem Terrarum ad gloriam Chriſti, tam ſub illo ter beato, & inter Sanctos habendo Epifcopo Damaso, quam ſub pluribus aliis glorioſis, atque admirabilibus.* Si autem Apoſtolica Sedes ſuffecit, nulla fuit Conciliorum generalium neceſſitas.

III. Nec omnem tamen negamus generalium Conciliorum neceſſitatem; imo neceſſaria quandoque, quamquam non *absolute*, eſe arbitramur. Rem autem ſic explicamus. Romanus Pontifex exortas de Fidei dogmatis controverſias ex Apoſtolico tribunali dicerne-re, atque fidei dogmata, quæ ab omnibus credenda ſunt, jure ſuo conſtituere conſuevit. Ejus rei exempla proferre opus non eſt. Nemo enim niſi Eccleſiaſtica hitoriz imperitus eſt in dubium vocare poteſt. Et aliquando quidem Pontifices omnibus perſuaſere, omneſque tumultus ſtatim ſedavere, ut Hyginus in cauſa Cerdonis, Viſtor in cauſa Theodoti &c., quia cum Hæretici illi paucos præſertim Epifcopos ſectatores haberent; ut ab omnibus veluti hæretici haberentur, eos ab Apoſtolica Sede damnatos eſſe, ſatis fuit. Aliquan-

do vero non omnibus persuadere, nec statim pacem Ecclesiæ restituere potuerunt, ut Cœlestinus I. in causa Nestorii, Leo M. in causa Eutychis &c. Hi enim Hæretici multo majores, quam illi, turbas in Ecclesia excitaverant, pluresque non modo Fideles, sed etiam Episcopi, Virique principes, atque apud Imperatores gratiâ plurimum valentes iis studebant. Quamobrem Catholicæ fidei dogmati ab Apostolica Sede consultum esse, satis non erat; sed præterea oportebat, ut Hæretici ipsi, & qui ab illis stabant, hæresim ejurare, si fieri posset, cogerentur: ut qui dubii adhuc erant, in fide catholica confirmarentur: ut Lupi a Pastoribus discernentur: paucis; ut pax Ecclesiæ restitueretur, atque omnes Fideles ad Catholicæ Ecclesiæ unitatem revocarentur. Porro fidei quidem dogmati Romani Pontifices consuluerant, sed cætera vix nisi in œcumenicis Synodis perfici poterant. Quare Synodos congregari, opus fuit, ipsique Romani Pontifices, quibus Ecclesiæ pax, & unitas cordi maxime erant, ut Synodi celebrarentur, non modo annuerunt, sed etiam Imperatores ipsos rogarunt. Illud tamen, quod accurate nunc notes velim, semper cautum Romani Pontifices voluerunt, ne fidei dogmata ab ipsis constituta in dubium vocarentur: sed ut Episcopi in Synodos coacti iis in primis subscriberent, præceperunt: quemadmodum inferius ostendamus. Igitur œcumenicæ Synodi necessariæ sunt non absolute, quasi Romani Pontificis decreta firma non sint; sed ut facilius Pontificis decreta suscipiantur, tumultus sedentur, aliasque similes ob causas, quæ si non sint, neque ulla est Synodorum œcumenicarum necessitas.

IV. Fateri id videtur etiam Febronius (*cap. 2. §. 12.*), qui *Non ignoramus, inquit, plurimas hæreses sola Romanorum Pontificum auctoritate, nullo interveniente Concilio, damnatas, & suppressas esse. Sed quis unquam sustinuit, a solis œcumenicis Conciliis hæreses damnari, & profligari posse? Ad extremum hoc remedium tunc demum recurrendum est, si difficultas, aut hæresis tolli non possit intermediis judiciis Episcoporum, Conciliorum Diæcesanorum, & Provincialium, demum Romanorum Pontificum, quibus omnibus pro re nata competit de rebus fidei judicium, quamquam non ultimum, & irrefragabile.*

Viden' hominis sibi contradicendo proni ingenium? Faterur; plurimas hæreses sola Rom. Pontificum auctoritate, nullo interveniente Concilio, damnatas esse; sed negat Romani Pontificis judicium ultimum esse, & irrefragabile. Primum autem fateri, & alterum negare, apertissima, nisi fallor, contradictio est. Aut enim hæreses a Rom. Pontificibus, nullo interveniente Concilio, damnatæ, ultimatæ, & irrefragabili judicio damnatæ sunt: aut non. Si primum vult Febronius; fatetur, Romani Pontificis judicium esse ultimum, & irrefragabile. Si vult alterum; fateatur necesse est, plu-

rimas hæreses sola Romanorum Pontificum auctoritate damnatas; veluti hæresim Joviniani a Siricio R. P. damnatam, nondum ultimato, & irrefragabili iudicio damnatas esse. Rursus fatetur, non esse celebranda œcumenica Concilia, nisi cum *hæresis tolli non potest, intermediis iudiciis Episcoporum... demum Romani Pontificis*. Fatetur igitur, aliquas hæreses iudiciis Episcoporum, & Romani Pontificis tolli posse. At vero nulla hæresis vere, & plene sublata esse dici potest, nisi quæ ultimato iudicio, & irrefragabili damnata est, quemadmodum causa, quæ ad superius tribunal deferri potest, nondum ultimato iudicio decreta, & finita esse dici potest. Fatetur ergo Febronius, *ultimatum* esse Romani Pontificis iudicium. Id autem negat apertissime: ergo apertissime etiam sibi contradicit. Scilicet sibi contradicere, quam summam, & irrefragabilem R. Pontificis in fidei causis decernendis auctoritatem fateri, mavult. Et sunt tamen, si Superis placet, qui cum veluti hominem ad dispellendas tenebras in Ecclesiæ administrationem Isidoriano commento inductas, a Deo missum suspiciunt.

V. Sed expendamus argumenta, quibus Febronius pro absoluta Generalium Conciliorum necessitate pugnat. Ea ducit (*cap. 6. §. 12. n. 1.*) ex Eusebio. Hic enim narrat (*lib. de vit. Constant. cap. 51.*), Licinium Imperatorem vetuisse Episcopos *Synodos de communibus negotiis habere*, & addit: *Si præcepto paruissent, Ecclesiasticas leges convelli oportebat. Neque enim maioris momenti controversia aliter, quam per Synodos componi possunt*. Ex hac autem Eusebii narratione colligitur, Episcopos Licinio non paruisse. Igitur Episcopi Synodos habuerunt, quod eas necessarias esse existimaverint. Sed quæro ego, generales ne Synodos habuerint, an provinciales? Provinciales quidem, ut summum, habuerunt. Prima enim generalis Synodus Nicææ, Constantino Imperatore, celebrata est. Ergo ut summum Provinciales Synodos necessarias esse, existimaverunt Episcopi illi, & Eusebius: Quamquam eas absolute necessarias existimasse dici nequeunt. Rursus de Constantino ait Eusebius (*ib.*): *Nam hic Sacerdotes Dei pacis, & concordia mutua causa in unum convocabat*. Et alibi (*cap. 44.*): *Per diversas Provincias... ipse velut communis omnium Episcopus a Deo constitutus Ministrorum Dei concilia congregavit*. His autem Eusebii verbis descriptis addit Febronius: *Produnt manifeste verba Eusebii, eam non esse sermonem de particularibus, seu minoribus Conciliis: Quasi vero plura majora Concilia Constantino Imperatore fuerint celebrata: aut Concilia per diversas Provincias congregata non minora fuerint, & particularia, sed generalia*. Mihi quidem potius Febronius animum non ad veritatem querendam efformatum manifeste prodere, quam Eusebius absolutam Conciliorum generalium necessitatem

ratem adstruere videtur. Sed quæ de Conciliorum necessitate dixi, satis nunc sunt.

## CAPUT XIX.

*Generalium Conciliorum convocatio sum divina, sum humana Lege R. Pontifici vindicatur, atque Generalia Concilia absque R. Pontificis auctoritate neque convocari, neque celebrari legitime posse, ostenditur.*

I. **F**ebonius (cap. 6. §. 2.): Nulla, inquit, extat Lex divina, aut Ecclesiastica, qua convocationem Generalium Conciliorum Romano Pontifici reservet, quaque irrita declavet ea, qua sine ejus voluntate coacta sunt. Certum est ex contrario octo priora Concilia a Romanis Imperatoribus convocata esse, quadam etiam invito Pontifice. Imperatorum hoc jus habet fundamentum omnino solidum. Scilicet ad Imperatorum, & ad quorumcumque aliorum Supremorum Principum officium pertinet, & pertinet, ut potestate sibi concessa, populi sibi commissi non modo temporalem, sed æternam etiam felicitatem tueantur.... At jure divino Romano Pontifici competere jus exclusivum Generalia Concilia indicendi, sane non probatur ex duobus Theologia principiis, qua sunt Scriptura, in qua de ea re nihil: & Traditio, qua manifeste repugnat. Hæc ille.

II. Verum ut a divino jure initium faciam; nullibi quidem aperte in Scripturis legimus, generalium Conciliorum convocationem Romano Pontifici reservari; sed ex Scripturis tamen constat, Christum Petræ, ejusque Successoribus non modo honoris, sed etiam jurisdictionis Primatum in Ecclesia dedisse, universamque Ecclesiam ejus curæ commississe. Cum autem ad Ecclesiam recte administrandam necessaria quandoque sint generalia Concilia (sup. cap.), eorum convocandorum jus, & auctoritatem procul dubio Romano Pontifici commisit, a quo universam Ecclesiam administrari voluit. Ergo convocandorum generalium Conciliorum jus ad Romanum Pontificem pertinere, recte ex Scripturis colligitur.

III. Expendamus jam Traditionem. Julius Romana Urbis Episcopus, inquit Socrates (h. e. lib. 2. cap. 17.), cognitis insidiis, quas Athanasio struxerant Ariani.... rescribens Episcopis, qui Antiochia convenerant, graviter conquestus est... quod contra Canones ipsum ad Synodum non vocassent: cum Ecclesiastica regula interdictum sit, ne præter sententiam.

*Sententiam R. Pontificis quidquam ab Ecclesiis decernatur (Vide & cap. 8. & 13.): vel ut legitur hist. Trip. lib. 4. cap. 9. non debere absque sententia R. Pontificis Concilia celebrari. Etiam Sozomenus (h. e. lib. 3. cap. 10.) narrat: A Julio ad Episcopos, qui Antiochia conveniunt, literas datas esse, quibus eos accusabat, quod Nicani Concilii fidei clanculo innovarent, & quod præter Ecclesiæ leges ipsum ad Synodum non vocassent: Legem enim esse Pontificiam, ut pro irritis habeantur, quæ præter sententiam Episcopi Romani fuerint gesta. Et Julius quidem in epistola ad Orientales (apud S. Athanasium Apol. 2.): An ignoratis, inquit, hanc esse consuetudinem, ut primum nobis scribatur, & hinc, quod justum est, decernatur? Igitur IV. Ecclesiæ (scilicet Canon, Consuetudo, seu Ecclesiastica Lex erat, nihil in Ecclesiâ decerni, nec legitimas Synodos absque Romani Pontificis sententia celebrari posse. Quare recte notat Febronius ipse (ib. n. 5.), falli Henricum Valesum, qui in Notis ad memoratum Socratis locum dicit, conquestum quidem fuisse in suis literis Julium, quod non fuerit invitatus ad Synodum, quod vero scripserit, regulam esse Ecclesiasticam, ut absque consensu Episcopi Romani nihil in Ecclesiâ decerni possit, id in Epistola illa nusquam legi. Sed negat tamen Febronius (ib. n. 6.), ex ipsis Julii verbis præsidium aliquid in eam, quam Romani jactant, sententiam desumi posse; idque Petri Constantii auctoritate probat.*

IV. Itaque Constantius (*epist. R. P. tom. 1. col. 386.*) primo notat, memoratam Julii sententiam ab Epiphanio (*hist. Trip. lib. 4. cap. 9.*), & ab Isidoro Mercatore in duabus Epistolis Julii nomine confictis interpolatam esse. Sed nostrâ parvi id interest, qui non interpolatis, & spuris, sed genuinis Julii, Socratis, & Sozomeni verbis innitimur: quamquam Historiæ Tripartitæ Compilator non est tam facile contemnendus.

Deinde ait Constantius, Julii verba ad Alexandrinam Ecclesiâ referenda esse, in quam Romanus Pontifex speciale habet jus, quia S. Petrum operâ S. Marci ejus discipuli fundatorem habuit: at in eo falsos esse Socratem, & Sozomenum, quod Julii verba de una Alexandrina Ecclesiâ ab eo dicta, de universis interpretati sunt.

Verum Constantium potius, & Febronium falli, ego arbitror, quam Socratem, & Sozomenum; tum quia hi, qui sæculo V. floruerunt, Julii sententiam, & Ecclesiasticam Traditionem magis, quam recentiores Commentatores exploratam habuisse credendi sunt; tum quia memoratam Julii sententiam in universa Ecclesiâ obtinuisse, plura alia monumenta testantur. Lucentius Apostolicæ Sedis in Chalcedonenſi Synodo Legatus loquens (*act. 1.*) de Dioscoro Alexandrino, qui Ephesinæ Synodo II. præfuerat, atque S. Flavianum Constan-

Constantinopolitanum Episcopum damnaverat: *Judicii sui*, inquit; *neceſſe eſt, eum dare rationem, quia cum perſonam judicandi non haberet, præſumpſit, & Synodum auſus eſt facere ſine auctoritate Sedis Apoſtolice, quod nunquam licuit, nec factum eſt.* At Synodus Ephesine congregata fuerat non Alexandrinæ, ſed Constantinopolitanæ Sedis cauſa. Denique Patres Synodi VII. œcumenicæ Iconomachis Synodum a ſe Conſtantinopoli habitam, quaſi magnam, & generalem oſtendantibus, reſpondent (*aſſ. 6*): *Quomodo magna, & generalis Iconomachorum Synodus, qua non habuiſſi cooperantem illius temporis Romanorum Papam, vel Sacerdotes ejus, neque per Legatos, neque per encyclicas literas, ut poſtulat Lex Conciliorum?* Jamvero Lucentius S. Leonis Legatus, & VII. œcumenica Synodus confidentiſſime affirmant, non poſſe concilia celebrari abſque auctoritate Romani Pontificis, idque Conciliorum Lege cautum eſſe. Hanc vero legem non ad Alexandrinam tantum, ſed etiam ad univerſam Eccleſiam ſpectare, ex eorum verbis perſpicuum eſt. Quid autem præterea ſcribunt Socrates, & Sozomenus? Non igitur hi falſi ſunt, cum memoratam Julii ſententiam de univerſis Eccleſiis interpretati ſunt, ſed falluntur Febronius, & Conſtantius. Scilicet Julius memoratam conſuetudinem retulit quidem ad ſingularem, quæ tunc agebatur, Episcopii Alexandrini cauſam; ſed eam in univerſa Eccleſia obtinere, non negavit; imo certum habuit.


Sed etſi Julii ſententia ad Alexandrinam Eccleſiam referenda eſt, certum nihilofecius eſt, memoratum a Socrate, & Sozomeno Canonem ſæculo V. in Eccleſia veluti antiquitus Traditionem obtinuiffe. Alioquin aut Julii ſententiam de univerſis Eccleſiis interpretati non eſſent, aut ſaltem Julium ea in re deceptum fuiſſe, notaſſent. Igitur non licere Concilia celebrare abſque Romani Pontificis ſententia, & auctoritate, antiquiſſimus Eccleſiæ Canon, imo Apoſtolica traditio eſt. Nam juxta regulam, quam tradit S. Auguſtinus (*lib. 4. de bapt. contra Donat. cap. 24.*): *Quod univerſa tenet Eccleſia, nec a Conciliis inſtitutum, ſed ſemper retentum eſt, non niſi auctoritate Apoſtolica traditum rectiſſime creditur.* Canon autem, de quo agimus, in univerſa Eccleſia ſemper obtinuit, uti ex ſuperioribus Socratis, Sozomeni, Lucentii, & VII. Synodi testimoniis conſtat; nec ullo in Concilio inſtitutum eſſe, ſciſmus: Apoſtolica igitur auctoritate traditus eſſe, rectiſſime creditur. Jamvero ſi nefas eſt Synodos celebrare, aut quidquam in Eccleſiis decernere abſque Rom. Pontificis ſententia, & auctoritate, neque fas eſt Synodos, quæ quidem legitime ſint, abſque ejus auctoritate convocare. Ergo quidquid juris eſt in generalium Conciliorum convocatione, & celebratione, id Romani tantum Pontificis proprium eſt.

Ergo

Ergo generalium Conciliorum convocatio tum divina; tum humana Lege ad Romanum Pontificem spectat.

## C A P U T XX.

*Octo priora Concilia a Romanis Imperatoribus non suo jure, sed alias ob causas, neque absque R. Pontificis auctoritate convocata sunt, præter Constantinopolitanum I., quod non fuit œcumenicum.*

I.  Uamquam autem tum divina, tum humana Lege œcumenicas Synodos convocandi jus Romano Pontifici convenit, is tamen eo uti nequit, nisi Regum, & Principum consensus accedat. Si enim hi Episcopos sibi subditos ad Synodum a R. Pontifice indictam convenire, vetent, Synodus celebrari non potest. Quamobrem ut omnes, vel plerique Regni alicujus Episcopi ad Synodum conveniant, opus est, ut Rex datis literis illos ad Synodum convenire, vel permittat, si conveniendo parati sint, vel jubeat, si convenire reculent.

Itaque cum octo prioribus Ecclesiæ sæculis totus fere christianus Orbis Romanis Imperatoribus pareret, nulla œcumenica Synodus absque eorum consensu celebrari potuit, nec ulla celebrata fuisset, nisi ipsi Episcopos publicis literis ad Synodos convocassent. Præterea cum Episcoporum plerique itinerum expensis impares essent, non facile convenissent, nisi eos convenire Imperatores jussissent, ac pecuniam ex ærario publico iis erogassent. Has ob causas, ut Imperatores Episcopos ad Synodos convocarent, Romani Pontifices æqui, bonique fecerunt, imo ipsi rogarunt. Sed causæ hujusmodi nullum Synodos convocandi jus Imperatoribus, aut aliis Principibus tribuunt. Ut summum enim efficiunt, ut ipsi Episcopos ad Synodos convocent; sed ut legitimas quoque Synodos Episcopi celebrent, nequaquam efficere possunt. Qua de re S. Maximus Martyr (*collat. cum Theodosio Cæsar. Episc. tom. 7. concil. Labb. col. 490.*): *Si Synodos, inquit, quæ facta sunt, jussiones Imperatorum firmant, & non pia fides, recipere Synodos, quæ contra hominum jussionem facta sunt. Nam jussione Principum sunt patrata.... Quare autem non abjicitis eam, quæ deposuit Paulum Samosatenum sub Sanctis,*



*Sanctis, & Beatis Dionysio Papa Romano, & Dionysio Alexandrino, atque Gregorio miraculorum Patratore, qui eidem præsuit Synodo, quoniam non est iussione facta Imperatoris? Qui præterea canon promulgat, solas illas approbandas Synodos, quæ Imperatoris iussione sunt congregatæ? Scilicet Princeps Episcopos in Synodum convenire, jubere potest, sed ut legitimam etiam Synodum celebrent, nonnisi Romani Pontificis auctoritate fieri potest.*

II. Sed ait Febronius, octo priora Concilia ab Imperatoribus convocata fuisse, *quadam etiam invito Pontifice; quæ vero hæc sint, non explicat, ne falsam propositionem falsis quoque argumentis probare cogatur. Ne tamen cuiquam dubitationis aliquid Febronii propositio ingerat, paucis singulorum Conciliorum, quæ in Oriente celebrata sunt, historiam ad rem nostram percurram.*

III. Concilium Nicænum I. anno 325. a Constantino Magno convocatum est *ex Sententia Sacerdotum, uti testatur Rufinus (b. e. lib. 10. cap. 1.), ideoque ex sententia etiam S. Silvestri Sacerdotis Maximi, qui & Legatos suos ad Synodum misit. Id vero clarius etiam testantur Patres Synodi VII. (act. 8.): Arius, inquit, divisor, & partitor Trinitatis insurgebat, & continuo Constantinus semper Augustus, & Silvester laudabilis magnam, atque insignem in Nicæa Synodum congregabant.*

IV. Concilium Constantinopolitanum I. œcumenicum II. habitum anno 381. a Theodosio Seniore convocatum est. Sed Concilium istud œcumenicum non fuit. Ut enim scribit Theodoretus (*b. e. lib. 5. cap. 7.*), *Theodosius Episcopos dumtaxat Imperii sui Constantinopolim iussit convenire. Et Patres Synodi Italix (ep. 2. ad Theodos. tom. 2. concil. Labb. col. 1194.) ajunt: Nos igitur in Synodo ea (Romæ a Damaso habita), quæ totius Orbis Episcopis videbatur esse præscripta, nihil temere statuendum esse, censuimus. At eo ipso tempore qui generale Concilium declinaverant, Constantinopoli quæ gestisse dicuntur? Quod igitur Constantinopoli celebratum est Concilium, generale non fuit.*

At vero, inquit Febronius (*ib. §. 4. n. 1.*), *Synodus illa in epistola ad Occidentis Episcopos se universalem nominat, ante omnem Romani Pontificis consensum. Sed fallitur Febronius. Non Constantinopolitani I. Concilii Patres, sed ii, qui posteriore anno Constantinopoli adhuc erant, universalem Synodum illam vocant. Sed neque tamen universalem proprie vocant; sed quomodo Synodus Carthagenensis habita anno 418. universalem vocat totius Africæ Synodum. Fuit igitur Constantinopolitana Synodus universalis, sed totius Orientis dumtaxat. Imo Concilii Chalcedonenfis tempore nondum ut œcumenica agnoscebatur. Nam S. Leo de illius Synodi*

nodi canone 3. ita scribit ad Anatolium Episcopum C. P. (ep. 81.): *Persuasioni tua in nullo penitus suffragatur quorundam Episcoporum ante sexaginta, ut iactas, annos facta conscriptio, nunquamque a Tradecessoribus tuis ad Apostolica Sedis transmissa notitiam, cui ab initio sui caduca, dudumque collapsa fere nunc, & inutilia subijcere fulcimenta voluisti.* Et Paschasius ejusdem S. Leonis Legatus in Synodo Chalcedonensi eundem canonem improbens (act. 16.): *Accedit ad cumulum, inquit, quod trecentorum decem & octo Patrum Constitutionibus perfectis, centum quinquaginta, qui in Synodicis Canonibus non habentur, mentionem tantum fecisse noscantur.* Igitur nonnisi multo postea Constantinopolitani Concilium inter œcumenica numeratum est, dumtaxat quoad Fidei definitionem, quia scilicet quoad hanc a Romana Ecclesia receptum, & confirmatum est. Nam *hæc multo post, inquit Photius (lib. de 7. Synodis) & Damasus Episcopus Romæ eadem confirmans, atque sextiens accessit.* Quare S. Gregorius M. (lib. 6. ep. 31.): *Romana Ecclesia, inquit, eosdem Canones, vel gesta Synodi illius hæcenus non habet, nec accepit: in hoc autem eandem Synodum accepit, quæd est per eam contra Macedonium definitum.* Œcumenica igitur initio non fuit Synodus C. P. ipseque Natalis Alexander (in h. e. sac. 4. diff. 36. art. 1.) fatetur, ex post facto œcumenicam fuisse (quoad fidei definitionem), Damasus, totaque Occidentalem Ecclesia hæc illi suo consensu dignitatem, & auctoritatem tribuentibus. Cur vero œcumenica non fuit? Quia scilicet nec Romani Pontificis auctoritate convocata est, nec ejus Legati ei præfuerunt. Ergo ex II. Synodo œcumenica perperam concludit Febronius, posse Synodos œcumenicas invito R. Pontifice convocari, ut ait & memorato loco, & alibi (cap. 9. §. 9. n. 6.)

V. Ephesinum Concilium œcumenicum III. habitum anno 431. convocatum est a Theodosio Juniore; non modo non invito S. Cœlestino R. P., id enim est plane falsum; sed ne inconsulto quidem. Ait quidem Natalis Alexander (in h. e. sac. 4. diff. 7. q. 2.), ex epistola 3. Nestorii constare, prius indictam fuisse a Theodosio Synodum, quam Cœlestino innotuit; sed Nestorii verba id non evincunt: *Placuit vero, inquit Nestorius, piissimis Imperatoribus, Domino adjuvante, etiam Synodum inexcusabiliter totius Orbis terrarum indicare, propter inquisitionem aliarum rerum Ecclesiasticarum.* Nam dubitationem verborum non asumo habituram inquisitionem difficilem. Porro scribit quidem Nestorius, indictam esse ab Imperatoribus Synodum, sed nihil scribit, ex quo colligi possit; non ante de indicenda Synodo ab Imperatoribus Cœlestinum consultum fuisse. Imo cum Synodi Actioni primæ, antequam Legati a Cœlestino ad Synodum missi Ephesum appulserunt, præfuerit S. Cyrillus Alexandrinus tamquam Apo-

Apostolicæ Sedis Legatus, multo verisimilius est, non inconsulto Cœlestino Synodum ab Imperatoribus indictam fuisse. Prætermitto Fidei professionem, quæ legitur in Libro diurno Romanorum Pontificum, quam libri editor Garnerius tribuit Johanni II. R. P. ubi dicitur, *Tertium Concilium sub principalis quidem memorie Theodosio Augusto factum esse, ex auctoritate tamen Cœlestini.... in Ephesinam Urbem convenisse.* Prætermitto & Acta S. Petronii, quæ non modo ab Ecclesia Bononiensi, sed etiam a Doctiss. Cardinali Norisio (*hist. Pelag. lib. 2. cap. 9.*) ut genuina probantur, quæque narrant S. Petronium a Theodosio Romam missum esse, ut cum Cœlestino de congreganda Synodo ageret. Hæc, inquam prætermitto. Quamvis enim, quod tamen non constat, inconsulto Cœlestino Theodosius Synodum convocasset, Cœlestinus tamen convocationem probavit, atque ut etiam Apostolica auctoritate Synodus celebraretur, consensit.

VI. Concilium Chalcedonense œcumenicum IV. anno 451. a Marciano Imperatore, S. Leone Magno consentiente, convocatum esse, pluribus veteris historiæ monumentis demonstrat Natalis Alexander (*fac. 4. diss. 11. q. 1.*). Omnium instar esto epistola ejusdem Leonis (61. al. 87.) ad Synodi Episcopos, ubi ait: *Fraterna universitas, & omnium Fidelium corda cognoscant, me non solum per Fratres, qui vicem meam executi sunt, sed etiam per approbationem gestorum Synodaliū, propriam vobiscum unisse sententiam: in sola videlicet causa fidei, propter quam generale Concilium & ex præcepto Christianorum Principum, & ex consensu Apostolica Sedis placuit congregari.*

VII. Concilium C. P. II. œcumenicum V. anno 553. a Justiniano Imperatore, Vigilio R. P. consentiente, convocatum est. Vigilius enim scribens ad Eutychium C. P. Patriarcham, & ad Episcopos sub eo constitutos: *Vestrum desiderium cognoscentes, inquit, advenimus, ut de tribus Capitulis, ex quibus questio nata est, factio regulari conventu.... collationem cum unitis Fratribus habeamus.* Justinianus ipse in epistola ad Synodi Episcopos: *Quoniam vero, inquit, cum postea venissetis ad regiam Civitatem, scripta facta sunt inter vestram Sanctitatem, & Vigiliū Religiosissimū Papam Senioris Romæ, ut omnes vos conveniatis &c.* Quamobrem Patres Synodi VI. in sermone prospho-netico ad Imperatorem: *Vigilius, inquit, post hæc Justiniano piissimo consensit, & Quintum Concilium constitutum est.*

VIII. Concilium C. P. III. œcumenicum VI. anno 680. a Constantino Pogonato convocatum est: Sed Constantinus Epiphani-um, qui sibi a Secretis erat, ad Domnum Rom. Pontificem cum divali misit, qua eum ad Synodum invitabat, atque ut Legatos suos ad Synodum mitteret, hortabatur: Sed cum Dominus obisset,

eique Agatho suffectus esset, hic ut Synodus celebraretur, consensit, & Legatos ad Synodum misit; uti constat ex epistolis Imperatoris ad Domnum, & Agathonis ad Imperatorem.

IX. Concilium Nicænum II. œcumenicum VII. anno 787. convocatum est ab Irene, & Constantino ejus Filio, annuente Hadriano I. R. P. qui scribens ad Tharasium C. P. Patriarcham: *Quod si, inquit, non perspecta mihi esset, & probe cognita erga Sacras Synodicas sex Constitutiones, & venerandas Imagines vestra sinceritas, & orthodoxa fides, nequaquam ad Synodum convocandam adfentiremur.*

X. Concilium C. P. IV. œcumenicum VIII. anno 869. a Basilio Imperatore, Hadriani II. voluntate convocatum est. Hic enim in epistola ad Basilium: *Volumus ergo, ait, per vestra pietatis industriam illic numerosum celebrare Concilium, cui quoque nostri missi presidentes &c.*

Ex his autem manifestum fit, falso scripsisse Febronium, quædam ex octo prioribus œcumenicis Conciliis etiam invito Pontifice convocata fuisse. Non enim nisi Apostolica Sede consentiente convocata sunt, ejusque, quod præcipue agimus, auctoritate celebrata. Ut enim iterum dicam, potuerunt quidem Imperatores Episcopos ad Synodos convocare, imo ut ipsi eos convocarent, causæ superius memoratæ postulabant; at vero ut convocati Episcopi legitimam Synodum celebrarent, nonnisi Apostolicæ Sedis auctoritate fieri poterat.

XI. Quid igitur sibi vult Febronius, cum ait (*ib. §. 3.*), *post octo sæcula disciplinam mutatam esse: atque usu, & tacito tam Ecclesiarum, quam Principum consensu jus generales Synodos convocandi dimissum fere fuisse soli R. Pontifici?* Quid, inquam, sibi vult? Nisi enim spuria sunt, & a Pseudo-Isidoro conficta, quæ a me superius allata sunt monumenta (*cap. 19.*), generales Synodos convocandi jus non Imperatorum, & Principum, sed Romani Pontificis proprium esse, & Christus voluit, & Ecclesia perpetuo confessa est. Quis ergo id juris Ecclesiæ, & Principes Rom. Pontifici dimittere poterunt, quæ auctoritate eodem jure eum privare possunt? Scilicet, inquit Febronius (*ib. §. 3. n. 2.*), *quoties de ipso Papa judicando agitur.* Sed judicari ne potest Papa a Synodo? Id quidem fieri non posse, alibi ego diligentius ostendam. Nunc ad rem nostram, Principes, & Episcopi Synodum convocanto, nulla Apostolicæ Sedis, & Romani Pontificis habita ratione: neque enim consentit unquam Romanus Pontifex, ut Synodus ipsum judicatura congregetur. Erit ne legitima Synodus? Nisi superiora monumenta, est enim rursus dicendum, spuria sunt, ejusmodi Synodus conciliabulum erit. At Conciliabula a Principibus convocari posse, quamquam nolleinus, non tamen negamus,

Scd

Sed cum apud omnes constet, addit Febronius (*ib. n. 4.*), saltem in quibusdam casibus extraordinariis, universale Concilium absque Papa congregari posse, idque non modo in Schismate, sed & si sit hæreticus, si detentus, si mente captus, si aperte Simoniacus, si ea moliatnr, quibus universam pessundet Ecclesiam &c. quos casus evenire posse Theologi, & Canonistæ omnes agnoscunt; nemo diffitebitur, iisdem casibus Papa Concilium anteponi.

Verum primo: tempore Schismatis, cum scilicet plures Pontificis dignitatem nullo certo jure sibi vindicant, ego quoque fateor posse Synodum ab Episcopis, & Principibus congregari, quæ Schisma componatur, & legitimus Pontifex eligatur. Sed hinc concludi nequit, posse œcumenicam Synodum absque Pontificis certo legitimi auctoritate congregari. Secundo: Romanus Pontifex certo legitimus nonnisi ob hæreseos causam ab œcumenica Synodo, præeunte tamen Apostolica Sedis auctoritate, judicari potest. Sed Papa hæreticus extra Ecclesiam est, nec Papa legitimus est: Quamquam singulari Christi ope, Romanorum Pontificum nemo hætenus in hæresim lapsus est. Alias vero ob causas Romanus Pontifex ab hominibus judicari non potest, quæ de re dicam alibi. Igitur absque legitimi Pontificis auctoritate nulla œcumenica Synodus, nullæque de causa congregari potest. Affirmat quidem confidenter Febronius, sed cum rogo, ut non Gersonis, Æneæ Sylvii, Basileensium, Andreæ Magorensis, aliorumque recentiorum, sed veterum monumentorum auctoritate nobiscum contendat. Sed frustra id eum roga verim.

## CAPUT XXI.

*Generalibus Conciliis præesse, divina, humanaque Lege Romani Pontificis, ejusve Legatorum est. Osium Cordubensem Romani Pontificis nomine Nicæno Concilio præfuisse, ostenditur.*

I. **R**omanum Pontificem, vel ejus Legatos œcumenicis Synodis præesse debere, fateatur Febronius (*cap. 6. §. 4.*). Sed addit (*ib. n. 1.*): Hac ita quidem in regula, & nisi Concilio aliter videatur. In hujus etenim facultate est, etiam præsentibus Pontificis Legatis, alteri præsidium deferre: = multa rationes suadent, præsidendam Concilii Nicæni, quam habuit Osium Cordubensis, ipsi delatam fuisse per electionem Concilii cum beneplacito Imperatoris.

peratoris; neque enim credimus, eum fuisse Legatum Pontificis =, inquit Gibert Corp. jur. Can. in prolegom. part. 1. tit. 15. sect. 17. pag. 107. Aderant Concilio Silvestri Papa Legati Vitus, & Vincentius Presbyteri, qui post Osium subscripserunt. Adde Launojum lib. 8. epist. 1. & seqq. Concilio Constantinopolitano I. generali II. Damasum Papam non praefuisse, certum est.

Sed primo si Romanus Pontifex Concilio adsit, eum Concilio praesse debere, non adeo effrontem esse Febronium opinor, ut negare velir; alioquin cum honoris quoque Primatu actum esset. Legati autem Romani Pontificis, ejus personam gerunt. Quare S. Coelestini Legati in Ephesina Synodo ajunt (act. 3.): Nos ejus praesentiam supplemus. Lucentius Episcopus in Concilio Chalcedonensi dicitur Vicarius Sedis Apostolicae. Sed rem ego certissimam, argumenta afferendo, in dubium voco. Si ergo Romani Pontificis Legati adsint, ipsi Synodo praesse debent, neque in Synodi facultate est alteri praesidium deferre. Idque adeo S. Leoni Magno persuasum erat, ut Synodo Chalcedonensi scripserit (ep. 93. 89.): In his Fratribus... qui ab Apostolica Sede directi sunt, me Synodo vestra Fraternalitas assinet praesidere. Quare Paschasius ejusdem Leonis Legatus (act. 3.): Nostram parvitatem, inquit, huic sancto Concilio pro se praesidere PRÆCIPIT. Id vero Synodus ipsa sassa est apertissime: Nam in epistola ad Leonem (inter Leon. 98.) ait: Quibus tu quidem sicut membris Caput praeras in his, qui tuum tenebant locum. Et omnibus quidem œcumenicis Conciliis tum in Oriente, tum in Occidente celebratis Romani Pontifices, aut eorum Legati praefuerunt, quin unquam de eo Romani Pontificis, & Legatorum jure vel minimam dubitationem quisquam moverit. Sed excipienda ramen sunt Concilia II. & V. quibus neque Romanus Pontifex, neque ejus Legati praefuerunt. Verum Constantinopolitanum I. non fuit œcumenicum, ut superius ostendi. Constantinopolitano autem II. œcumenico V. praefuit Eutychius Patriarcha C. P., Sed is etiam Synodi nomine Vigilium R. Pontificem rogavit, ut Synodo praesset: Necessarium est, inquit, conferri de Tribus Capitulis; unde quibusdam questio nata est. Et ideo petimus, praesidentem nobis vestra Beatitudine sub tranquillitate, & Sacerdotali mansuetudine, propositis sanctis Evangeliiis, communi tractatu eadem Capitula in medio proponenda quæri, & conferri, & finem questioni imponi. Sed neque V. Synodus œcumenicis Synodis adnumerata est, nisi postquam a Vigilio, atque ab aliis Romanis Pontificibus probata, & confirmata est, uti Natalis Alexander ostendit (sec. 6. dissert. 3. art. 3.).

II. Differendum nunc est de Nicænæ Synodi Praefide Osio Cordubensi. Hunc fuisse Pontificis Legatum, non credit eum Gibert Febro-

Febronius, qua de re consuli vult Launojum, quem tamen Natalis Alexander (*ſæc. 4. diſſ. 12.*) ſolide refutavit. Sed Febronius, ſi quid a quoquam inſcire, ac temere dictum eſt, dummodo contra Romanum Pontificem dictum ſit, illud non prætermittit. Eſt igitur Giberto, & Febronio ſolidis argumentis facienda fides, Oſium Cordubenſem S. Silveſtri nomine Nicænæ Synodo præſuiſſe.

Ac primo quidem Gelafius Cizicenus, qui V. ſæculo ſtornit, ſcribit (*lib. 2. hiſt. Concil. Nic. cap. 5.*), Oſium, qui locum tenebat Silveſtri Episcopii magnæ Romæ, una cum Romanis Presbyteris Vito, & Vincentio Nicænæ Synodo interſuiſſe; idque ex Euſebio ſe deſcripſiſſe reſtatur: quod notat etiam Photius Gelafii libros recensens (*cod. 88.*). Quamobrem cum Euſebius (*lib. 3. de Vita Conſt. cap. 7.*) narret tantum, Hiſpanum quemdam celebritate nominis, & famæ inſignem cum aliis multis Nicænæ Synodo interſuiſſe, Euſebii textum mutilatum eſſe, jure ſuſpiciantur erudiri Viri. Neque enim Euſebius, qui Provincias omnes accurate recenset, quarum Episcopii ad Synodum convenerunt, Oſii nomen, Italian, & Romam omiſiſſe credi poteſt. Neque Gelafius, id quod narrat, ex Euſebio ſe exſcripſiſſe reſtatur eſſet, niſi in Euſebianis Codicibus ejus ætate exiſtiſſet.

Secundo. Antiqua Canonum Collectio (*Henric. Canif. tom. 6. antiqu. Leſſ.*) anno 773. Carolo Magno tradita ab Hadriano I. Romano Pontifice, narrat, Oſium ad Nicænum Concilium fuiſſe ab Apoſtolica Sede cum Vitore (Vito, vel Avito, ut alii legunt), & Vincentio Presbyteris deſtinatum.

III Sed Vito, & Vincentius hiſ verbis Synodo ſubſcribere: Presbyteri Romani pro Venerabili Vito Papa, & Episcopo nostro Sancto Silvestro ſubſcripſimus. Oſius vero primus ante Vitum, & Vincentium ſubſcripſit, ſequē Episcopum Cordubenſem dumtaxat inſcripſit.

Verum primo: ejuſmodi Viti, & Vincentii ſubſcriptio legitur quidem in Codicibus Queſnelliano, Colbertino, & Pariſienſi; ſed in antiqua verſione a Juſtello edita, & in Codicibus Vaticano, Barberinio, & Vallicellano apud Cll. Ballerinos (*tom. 3. oper. S. Leon.*) non alia legitur, præter hanc: Presbyteri Romani. Antiquiſſimus etiam Codex apud P. Amort (*tom. 1. elem. Jur. Can.*) hanc habet: Vito, & Vincenſius Presbyteri Urbis Roma ſubſcripſerunt. Quare quæ præterea in aliis Codicibus leguntur, ea e margine in textum irrepiſſe veroliſſime eſt.

IV. Secundo: quemadmodum Natali Alexandro (*ib.*) poſt Cardinalem Perronium notatum eſt, conſueverunt olim Romani Pontifices ad Synodos in Oriente celebratas mittere non modo Legatos ſuos, electos nempe ex familiari Clero, ſed etiam Legatos Synodi Apoſto-

Apostolicæ Sedis. Nam Agatho in Epistola ad Constantinum Pogonatum suam in mittendis ad Synodum VI. Legatis moram excusat, quod convocare debuerit non modo suum Clerum, sed etiam *Synodum Apostolicæ Sedis*, ut scilicet tum ex Clero, tum ex Synodo Legatos eligeret. Quare VI. Synodo (*act. 18.*) subscribere Theodorus, & Georgius Presbyteri, & Johannes Diaconus *locum gentes Agathonis Beatissimi, & universalis Papa Urbis Roma*: Et Johannes Portuensis, Basilus Gortinensis, Abundantius Tempensis, Johannes Rhegiensis Episcopi *Legati Sancti Concilii Apostolicæ Sedis antiquæ Romæ*. Cum autem utriusque seorsim legationis vestigium in antiquioribus Synodis nullum occurrat, factum esse dicendum est, ut legatio utraque, quæ in VI. Synodo seorsim se prodit, in antiquioribus Synodis conjuncta fuerit, iidemque Episcopi, Presbyteri, & Diaconi tum Romani Pontificis, tum Synodi Apostolicæ Sedis, seu Synodi Occidentalis, communi nomine Legationem obierint. In Synodo quidem Ephesina (*act. 3.*) S. Cœlestini Legati dicuntur *deposuisse, suppleres locum Sedis Apostolicæ, totiusque Synodi Sanctissimorum, Deoque dilectissimorum Occidentalium Episcoporum*. Nisi autem Osius Romani Pontificis, & Synodi Occidentalis Legatus fuit, Nicænæ Synodo nullus Synodi Occidentalis Legatus interfuit, cum tamen Nicæna Synodus posteriorum Synodorum exemplar, & norma esse debuerit. Osius igitur Apostolicæ Sedis Legatus fuit. At quia Virus, & Vincentius Presbyteri Romani Pontificis dumtaxat Legati erant, primi post Osium subscripserunt, & se Legatos Silvestri inscripserunt: Osius vero, qui & Silvestri, & Synodi Sedis Apostolicæ Legatione simul fungebatur, primus omnium subscripsit, quin opus fuerit, ut se Legatum inscriberet. Eadem de causa Synodo Sardicensi, cui præfuit Osius, Archidamus, & Philoxenus Presbyteri Legati Julii Romani Pontificis, ita post Osium subscripserunt *Julius Roma per Archidamum, & Philoxenum*. Osius igitur & Silvestri, & Synodi Apostolicæ Sedis Legatus fuit, eoque nomine Nicænæ Synodo præfuit, quidquid credat cum Giberto Febronius.



## CAPUT XXII.

113

*Ostendis Apostolicæ Sedis definitionum examen ab æcumenicis Synodis institutum, earundem definitionum auctoritati nihil officere.*

I. **F**eborius (cap. 6. §. 6.) ostendendum assumit, nullum unquam Pontificem ausum esse de novo discutere decreta alicujus Concilii universalis: E contra Synodos Generales frequenter ad novum examen revocasse materias, & quaestiones a Summis Pontificibus decisas.

Verum ad primum quod attinet, ne generalia quidem Concilia superiorum generalium Conciliorum decreta, quæ ad Fidem spectant, de novo discutere audent; quia cum a Romano Pontifice una cum Episcopis in Synodos congregatis edita sint, ipsius Spiritus Sancti auctoritate edita sunt. Quamobrem S. Leo (epist. 132. ad Leonem Aug.): De rebus, inquit, apud Niceam, & apud Chalcedonem, sicut Deo placuit, definitis nullum audemus inire tractatum; tamquam dubia, vel infirma sint, qua tanta per Spiritum Sanctum fixa auctoritas.

Quod autem spectat ad examen Apostolicæ Sedis definitionum a Synodis institutum, quid illud sit, & utrum Pontificis auctoritati quidquam detrahat, ante inquirendum, quam Synodorum Acta expendenda esse, censeo, ut perspicue, quoad ejus fieri possit, argumenta, quæ ex Synodorum Actis contra Pontificis auctoritatem ducit Febrorius, refellam.

II. Itaque primo notandum est, institutum doctrinæ, aut definitionis alicujus examen, ejus definitionis, aut definientis auctoritati non semper officere. Rem exemplis expono. Si Catholicus cum Hæretico de aliqua Fidei definitione ab æcumenico Concilio edita disputationem ineat, uterque Concilii definitionem examinet; Catholicus quidem eam explicando, atque Scripturæ, & Traditionis auctoritate, quasi dubia esset, confirmando, ut eam Hæretico persuadeat: Hæreticus vero eam contrariis argumentis impugnando. Nemo autem, cui sana sit mens, dixerit, non summam esse apud Catholicum ejus definitionis auctoritatem, aut istiusmodi examen definitionis auctoritati quidquam officere. In eandem rem afferri potest Sacrorum Librorum examen, quod a nobis institui solet, ut eos divinitus inspiratos esse, demonstremus: quod quidem divinæ eorum auctoritati non obest. Si igitur æcumenicæ Synodi Romanorum

R

manorum

manorum Pontificum definitiones aliquando cum in modum examinerint, nemo inde rite conficiet, non fuisse summam etiam apud oecumenicam Synodos Apostolicarum definitionum auctoritatem. In eum autem modum Pontificis definitiones a Synodis examinatas esse, ex eorundem Synodorum Actis evincam.

III. Deinde quod ajunt Febronius, aliique, quibuscum disputamus, Synodorum Patres Pontificis definitionibus libere consentire, & subscribere, nos quoque fatemur: Sed negamus, quod inde concludunt, Pontificis definitionum vim a Patrum consensu pendere. Nam & Sacrorum Librorum doctrinæ, & Ecclesiæ definitionibus libere assentimur; nec tamen earum vis ab assensu nostro pendet, neque consensus noster iis intrinseci, ut ajunt, ponderis quidquam addit.

At, dicit Febronius, nisi Pontificis definitioni Synodi Patres consentiant, nulla erit apud eos, ideoque nec apud Ecclesiam ejus definitionis auctoritas.

Quid vero inde concludet? ajo ego. Quanta, quæso, esset apud nos Sacrorum Librorum & Synodorum oecumenicarum auctoritas, nisi illorum doctrinæ, & harum definitionibus assentiremur? Quanti sunt apud Judæos Novi Testamenti libri? Quanti apud Arianos fuit Nicænæ Synodi definitio? Quidquid demum respondere velis Febronius, illud ego conficiam, ex suffragii libertate, qua gaudere Synodorum Patres, & quam ipse tantopere jactat (*cap. 6. §. 6. n. 7.*), non rite concludi, Pontificis definitionum vim, & pondus a Patrum suffragiis, & consensu pendere. Ut igitur ex suffragii libertate id conficiat Febronius, quod intendit, demonstrandum illi est, posse Patres Pontificis definitioni non consentire, & si non consentiant, Pontificis definitionem auctoritate sua cadere, & irritam esse. Id vero ex Synodorum Actis nunquam demonstrabit. Nullum enim ejus rei exemplum ex Synodorum Actis extat. Imo quotiescumque Pontifex ante Synodum Fidei controversiam definivit, suamque definitionem Synodi Patribus subscribendam exhibuit, quod in oecumenicis Synodis III. IV. VI. VII. & VIII. factum est, Synodi Patres Pontificis definitioni subscripserunt.

IV. Præterea Synodi Patres una cum R. Pontifice Fidei controversiarum Judices sunt, ut alibi dixi, unumque cum Romano Pontifice veluti Judicem conficiunt; quod quidem Ecclesiæ unitati apprimè convenit. Ergo ipsi quoque definitiones a R. Pontifice editas expendere debent, ut verborum, & sententiarum vim intelligant, eaque ratione non temere, & inconsultò, sed cum cognitione causæ, ut ajunt, suffragium ferant, & judicent. Scripturæ etiam, & Patrum testimonia, siquæ a Pontifice ad fidei definitionem confirmandam allegantur, explorare debent, tum ut ipsi quoque

## CAPUT XXII.


115

que definitionis fontes compertos habeant, tum ut iudicii sui reddendæ rationi, Hæreticisque refutandis parati sint. Atque id quidem in singulis œcumenicis Synodis factum est. Hujusmodi autem agendi rationem, & Pontificis definitionum examen summæ ejusdem Pontificis auctoritati, & definitionum infallibilitati nihil officere, per se manifesta res est.

Hæc, quæ notata sunt, præ oculis haberi velim; ex his enim argumenta, quæ ex Synodorum Actis ducit Febronius, nullo negotio refutantur.

## CAPUT XXIII.

*Quæ sum a S. Cælestino, tum ab Epbesina Synodo in causa Nestorii gesta sunt, ea summam Romani Pontificis jurisdictionem, & in fidei causis definiendis auctoritatem ostendunt.*

I.  Uoniam Febronius ad Veterum Conciliorum Acta sæpe nos provocat, operæ pretium est rem hanc distinctis Capitibus agere, atque hinc etiam summam Romani Pontificis jurisdictionem, atque in Fidei causis decernendis auctoritatem solide demonstrare. Primo Febronius (Cap. 5. §. 4.) Honorati Tournely argumenta impugnare conatur, quibus doctissimus ille Parisiensis Theologus ex antiqua, & constanti Ecclesiæ Traditione ductis universalem Romani Pontificis jurisdictionem ostendit (Traët. de Eccl. q. 5. art. 2.). Deinde probandum assumit (cap. 6. §. 6.), Fidei causas a Romanis Pontificibus definitas, ab œcumenicis Synodis retractatas fuisse: *Usur*, inquit, & *disciplina Ecclesiæ Pontificia decreta suo examini, ac judicio subjiciendi sese plane manifestat in Conciliis III. IV. VI. & sequentibus.*

II. Ego vero Superius (cap. 18. n. 3.) œcumenicas Synodos dixi necessarias esse, non absolute quidem, ut Fidei dogmata constituerentur, si antea ab Apostolica Sede constituta fuerint, sed alias ob causas ibi memoratas. Dixi præterea, Romanos Pontifices Synodorum celebrationi consensisse quidem, sed illud semper præcavisse, ne constitutum a se Fidei dogma in dubium, & disceptationem vocaretur; sed illud in primis Episcopi omnes amplecterentur, eique subscriberent, ac refractarios subscribere cogerent; cætera vero Episcopis, præcipientibus Apostolicæ Sedis Legatis, permisisse. Hæc vero, quæ superius præfidentius affirmavi, & alia præterea, quæ ad Roma-

ni Pontificis jurisdictionem spectant, ipsis Synodorum Actis, ad quæ Febronius nos provocat, luculentissime, nisi fallor, demonstrabo. Itaque quæ in causa Nestorii tum a S. Cœlestino R. P. tum ab Ephesina Synodo acta sunt, expendamus.

III. S. Cœlestinus I. de Nestorii hæresi a S. Cyrillo Alexandrino certior factus, eam statim damnavit, atque Nestorium, nisi intra decem dies nefariam doctrinam suam ejuraret, ab eodem Cyrillo Apostolicæ Sedis auctoritate Episcopatu privari jussit (*super. cap. 15. n. 3.*). Ergo S. Cœlestinus sibi esse putavit tum Nestorianæ hæreseos damnandæ, tum Nestorii dignitate privandi auctoritatem. Id vero absque summa R. Pontificis tum in Constantinopolitanum Episcopum jurisdictione, tum Fidei causarum decernendarum auctoritate fieri non potuit. Quæ ergo in Causa Nestorii a Cœlestino gesta sunt, ea summam R. Pontificis jurisdictionem, & auctoritatem ostendunt.

IV. Hæc tamen Febronius (*cap. 5. §. 4. n. 2.*) sine Superioritatis Ecclesiastica usu, aut jure a Cœlestino facta esse, putat. Negata, inquit, Nestorio reliquorum Episcoporum communione, per se fluebat; ejus Cathedra de alio Antistite providendum fuisse, mediante Alexandrino; Talem excommunicationis, & damnationis censuram in virum heterodoxum, ejusque scripta ferre, pertinebat ad jus omnium Orthodoxorum Episcoporum. Cyrillus jam ante Concilium Ephesinum in Alexandrina sua Synodo... Nestorii doctrinam anathematizaverat. Quinimo Nestorius ipse alienos a sua opinione Episcopos excommunicaverat, attamen sine jurisdictionis specie, vel obtutu. Hæc, inquam, omnia fiebant sine superioritatis Ecclesiastica usu, aut jure.

Verum primo: quamvis S. Cyrillus cum sua Synodo hæreticam esse censuisset Nestorii doctrinam, nihilominus neque communionem cum Nestorio palam abrumpere, neque quid ea de re sentiendum esset, aperte definire ausus est, sed S. Cœlestinum consuluit (*vid. cap. 14. n. 1.*), eumque rogavit, ut quid agendum, & sentiendum esset, perspicue definiret. Nam in Epistola ad Cœlestinum: Non prius autem, inquit, illius communionem palam, aperteque deserimus, quam hæc ipsa Pietati tuæ indicavimus. Digne proinde, quid hic sentias, præscribere; quo liquido nobis constet, communicare ne nos cum illo, oporteat, an vero libere ei denunciare, neminem cum eo communicare, qui ejusmodi erroneam doctrinam fovet, ac prædicat. Porro tua integritatis mens, & super hac re sententia piissimis, deoque devotissimis Macedonia Episcopis, nec non totius Orientis Antistitibus perspicue per literas exponi debet. Cyrillus igitur, nec sibi, nec suæ Synodo quidquam decernendi auctoritatem arrogavit, sed integram causam Cœlestini judicio reliquit, quod putaverit, solius Romani Pontificis judicio, & auctoritate finire posse. Igitur non ad omnium orthodoxorum Episcoporum

jue

*jus pertinere existimavit, talem excommunicationis, & damnationis censuram in Episcopum Constantinopolitanum ferre; sed id juris solius R. Pontificis esse putavit.*

Secundo. Etiam si negata Nestorio aliorum Episcoporum communione, per se fluere, ejus Cathedra de alio Antistite providendum fuisse; definire tamen, deneganda nec ne esset Nestorio ab aliis Episcopis communio, Romani Pontificis esse, putavit S. Cyrillus. Igitur non ad omnium orthodoxorum Episcoporum, sed ad solius Pontificis jus pertinebat excommunicationis, & damnationis censuram in Nestorium ferre.

Tertio. Quo veteri monumento nixus ait Febronius, negata Nestorio aliorum Episcoporum communione, ejus Cathedra de alio Antistite providendum fuisse, mediante Alexandrino? Quod enim Aegyptii per Alexandrinum Episcopum cum R. Pontifice communicare consueverint, non est ad rem. Qui enim hinc fuit, Constantinopolitanæ Ecclesiæ de alio Antistite providendum fuisse, mediante Alexandrino? Igitur Constantinopolitanæ Ecclesiæ ab Alexandrino Episcopo providendum non fuit, quia id muneris Apostolicæ Sedis auctoritate illi demandavit S. Cælestinus.

Denique Cælestinus Cyrillo respondens, non statim vetat alios Episcopos cum Nestorio communionem habere, ut negata illi eorum communione, alium Episcopum in ejus locum sufficiat; sed primum Cyrillo præcipit, ut nisi Nestorius intra decem dies nefariam hæresim anathematizet, illico Constantinopolitanæ Ecclesiæ provideat.

Jamvero quæ hæcenus dicta sunt, contrahamus. Nestorius præeam doctrinam in vulgus edidit: Eam Cyrillus, alique Episcopi rejiciunt; sed neque Nestorium Episcopatu abdicare, neque ejus communioni palam nuncium mittere audent: Ea de re Cælestinus consulunt, ut is, quid sit sentiendum, agendumque, definiat. Cælestinus Nestorii doctrinam damnat; & Sedis Apostolicæ auctoritatem Cyrillo delegat, ut eundem Nestorium, nisi intra decem dies doctrinam suam ejuret, Episcopatu illico abdicet, aliumque Episcopum in ejus locum sufficiat. Ita ne vero in Nestorii causa agere potuit Cælestinus sine superioritatis Ecclesiastica usu, aut jure? Si quod egit in Nestorium Cælestinus, ageret in Clericum sibi subditum Episcopus, hunc superioritate Ecclesiastica uti, negaveris?

Præterea Synodus demum Ephesina abdicationis sententiam in Nestorium pronunciavit, quam antea pronunciaverat Cælestinus, Synodus autem superioritate Ecclesiastica in Nestorium jure suo usa est, ut fatetur Febronius: ergo etiam Cælestinus. Quod enim Cælestini sententiam exequi non potuerit Cyrillus, id argumento non est, non potuisse Cælestinum eam jure suo pronunciare, ejusque execu-

tionem

tionem Cyrillo committere. Synodus quidem, quæ sententiam a Cœlestino latam esse, noverat, nullam de ejus auctoritate, aut jure dubitationem movit; imo eam a Cœlestino jure suo latam esse, agnovit; eam enim se executioni mandasse, falsa est, ut paulo inferius dicam. Si ergo *superioritate Ecclesiastica* usa est Ephesina Synodus, ea usus est etiam Cœlestinus. Imo cum Synodus Cœlestini sententiam executioni mandaverit, Cœlestini potius jure, quam suo superioritate Ecclesiastica in Nestorium usa esse videtur. Scilicet Cœlestini sententiam, quam Apostolica auctoritate exequi non potuit Cyrillus, executi sunt ipsa Synodus. Nonne igitur in Causa Nestorii summa Apostolicæ Sedis auctoritate, & jurisdictione, seu, ut cum Febronio loquar, Superioritate ecclesiastica usus est Cœlestinus?

Sed concludit Febronius: *Nemo vel mediocriter eruditus asseruerit, eo auctore jus deponendi Episcopos R. Pontifici competuisse, aut ab eo exercitum fuisse.*

At vero nisi Cyrilli, & Cœlestini epistolæ, & Ephesinæ Synodi Acta Pseudo-Isidori commenta sunt, eo etiam auctore jus deponendi Episcopos R. Pontifici competeat; eoque aliquando Pontifices usi sunt; cum scilicet, ut eo jure intererent, Ecclesiæ res, temporumque ratio postulavit. Eo quidem jure usus est Cœlestinus in Nestorium, nec tamen aut Cyrillus, aut Ephesina Synodus eum adrogati sibi juri redarguerunt.

V. De causa Fidei ex ipsius Ephesinæ Synodi Actis est nunc disferendum. Cœlestini sententiam exequi non potuit Cyrillus, quia Nestorius œcumenicam Synodum ab Imperatore convocandam curavit. Quod ut audivit Cœlestinus, ratum habuit Imperatoris animum, atque Legatos suos ad Synodum misit, ea tamen lege, ut quæ prius ipse constituerat, tum Legati, tum Synodus exequerentur. In Commonitorio enim Legatis tradito (*nov. collect. Concil. Balut.*): *Auctoritatem*, inquit, *Sedis Apostolica custodiri debere, mandamus: Siquidem & instructiones, quæ vobis traditæ sunt, hæc loquantur, ut interesse Conventui debeatis: ad disputationem si fuerit ventum, vos de eorum sententiis judicare debeatis, non subire certamen.*

Argumentum, quod ex allatis Cœlestini verbis pro absoluta Romani Pontificis potestate in Concilio Ephesino exercita ducit Doctiss. Card. Orsi (*Traët. de auct. R. P. tom. 1. p. 1.*), refellere conatur Febronius (*cap. 6. §. 5. n. 2.*). Cum, inquit, ageretur Causa Nestorii ex una, & S. Cyrilli ex altera parte.... Cum denique Causa ad œcumenicum Concilium delata esset, prudenter utique egit Pontifex instruendo Legatos suos, ne contententium Episcoporum dissidiis sese immiscerent, quippe qui non pars contendens, sed Judices esse deberent, cum Synodo utique: in qua Papa legitimus Primatus prærogativam

*eam quidem, & recte, sustinuit; iudiciis autem partes solus minime egit.*

Sed Febronius doctissimi Cardinalis argumentum declinat quidem, sed non refellit. Nam Cœlestinus in primis mandat Legatis, ut Apostolica Sedis auctoritatem custodiant; ut scilicet quæ prius ipse Romæ statuit, omnino exequantur, atque exequendum curent: Quod si disceptatio aliqua orta fuerit non modo inter Cyrillum, & Nestorium, sed etiam inter Synodi Patres, vetat Legatos suos eorum disceptationibus sese immiscere; cum ipsi non disceptare, sed de disceptantium sententiis, quicumque, & quotcumque illi sint, judicare debeant. Vult equidem, ut iudicent *una cum Synodo*; si sempe Synodus in eandem cum ipsos sententiam eat; tunc enim Synodus, & Romanus Pontifex sunt unus veluti Iudex: Sed si inter Synodi Patres disceptatio oriarur, vult, ut ipsi vel soli de eorum sententiis iudicent. Sunt hæc ex Commemoratorii verbis perspicua. Ex his autem constat, Cœlestinum absolutam potestatem in Ephesina Synodo usum esse. Recte igitur Cœlestini verbis id concludit Doctiss. Cardinalis, quod intendebat.

Sed clarius etiam Cœlestini mens manifesta fit ex epistola, quam Synodo scripsit, quæque lecta est Act. 2. *Direximus*, inquit, *pro nostra sollicitudine Sanctos Fratres Arcadium, & Projectum Episcopos, qui eis, quæ agentur, intersint, & quæ a nobis antea statuta sunt, exequantur.* Vult igitur Cœlestinus, ut Legati quæ prius ipse statuerat, non Synodi iudicio subiciant, sed exequantur. Neque obstitere Ephesini Patres; sed lecta Cœlestini Epistola, omnes acclamaverunt: *hoc iustum iudicium est.* Imo cum Projectus dixisset Patribus, ut quæ Cœlestinus & dudum antea definire, & nunc in memoriam revocare dignatus est, ad finem numeris omnibus absolutum deduci juberent: Firmus Cæsareæ Episcopus nomine Synodi respondit: *Apostolica, & S. Sedes Cælestini Sanctissimi Episcopi... de presenti negotio sententiam dixit, regulamque præscripsit, quam nos quoque secuti... formam illam executioni mandavimus, canonicum, Apostolicumque iudicium in illum (Nestorium) proferentes.* Sententia autem, & regula, quam secuti fuerant Synodi Patres, ea erat, quam præscriperat Cœlestinus in Epistola a Cyrillum Alexandrinum. Sententiam enim in Nestorium pronunciarunt Act. 1. cum Ephesum Cœlestini Legati nondum appulissent. Jamvero Synodi Patres se Cœlestini regulam, & sententiam secutos esse, atque executioni mandasse, dicunt: se eam ad examen vocasse, ant, legitima ne auctoritate lata esset, se disceptasse, non dicunt.

VI. Febronius tamen (cap. 1. §. 7. n. 11.), retractatam esse ait in Synodo Nestorii causam. *Actione prima*, inquit, *canonice vocatur ad S. Synodi tribunal: Religiosissimus, & Reverendissimus Episcopus*

pus Nestorius, non secus ac alii Anisites, a Patribus appellatur: cum vero paulo post sententia in eum fertur, tunc sic loquitur S. Synodus =: Cum præter cætera impiissimus Nestorius neque nostræ citationi parere, neque Sanctissimos, Religiosissimosque Episcopos a nobis destinatos admittere voluerit, non potuimus ad eorum, quæ impie docuit, examinationem animum non adjungere =. Et tum? = Igitur Dominus noster Jesus Christus, quem suis ille blasphemis vocibus imperivit, per Sanctissimam hanc Synodum eundem Nestorium Episcopali dignitate privatum, & ab universo Sacerdotum consortio, & cæta alienum esse, definit = Ex his evidens est, æcumenicam Synodum supremum esse, ac ultimum Ecclesiæ tribunal, ad quod causa fidei, & Religionis, post R. etiam Pontificis judicium, & sententiam, deferuntur, in eoque retractantur, ac examinantur, perinde ac si a Summo Pontifice iudicata non essent, ac tandem ita finiuntur, ut deinceps retractari non valeant. Hactenus Febronius.

VII. Sed pauciora ex Ephesinæ Synodi actis profert, quam opus est, ut tam multa concludendo complectatur. Quæ ipse caute præterit, ego addam. Itaque cur Nestorius canonicè vocatur ad Sanctæ Synodi Tribunal, & religiosissimus Episcopus appellatur? Scilicet quia Cælestinus ipse sententiæ a se latæ executionem protrahi voluit. Neque enim Synodus Nestorium veluti Episcopum recipere ausa fuisset, nisi Cælestinus permisisset. Constat id ex ipsius Cælestini Epistola ad Cyrillum (10. tom. 3. Concil. Labb.), ubi: *Queris, inquit, utrum Sancta Synodus recipere debeat hominem, a prædicata damnantem, an quia induciarum tempus emensum est, sententia dudum lata perduret.* Existimavit igitur Synodus, se non posse recipere Nestorium, etiamsi doctrinam suam ejurare, nisi Cælestinus permitteret, sententiamque suam suspenderet. Et hujusmodi tamen Synodus vocatur a Febronio supremum Tribunal, in quo causæ judicantur perinde ac si a Pontifice iudicatæ non esset. Pergit autem Cælestinus: *Nonne nobis respondet illico Dominus per Prophetam, mortem se nolle morientis, & per Apostolum Paulum, omnem hominem velle salvum fieri, & venire ad scientiam veritatis.... Studeo quieti Catholicæ, studeo pereuntis salutis, si tamen voluerit agnitivæ confiteri. Quod ideo dicimus, ne volenti se corrigere, forsitan deesse videamur.* Cum igitur Cælestinus ipse suam sententiam suspenderit, ne volenti se corrigere deesse videretur, Synodus Nestorium canonicè vocare debuit, eumque religiosissimum Episcopum appellare, neque in eum sententiam ante pronunciare, quam in erroribus pervicacem persistere, compertum haberet. Cum autem Nestorius canonicè vocatus, parere noluerit, sed pervicax in errore persisteret, Synodus in eum sententiam juxta formam a Cælestino præscriptam, pronuntiavit.



vite. Quare ajunt Patres (*Ath. 1.*): *Coacti, vel potius, necessario impuls* (*αναγκαις αναγκαις*) *per Sacros Canones, & Epistolam Sanctissimi Patris nostri, & Communiſtri Caeſtini Romana Eccleſia Episcopi, lacrymis ſubinde perſuſi, ad lugubrem contra eum ſententiam necessario devenimus, Canonicum, Apoſtolicumque judicium in eum proferentes.* Nunc totum ejus Cauſae ordinem paucis exponamus. Caeſtinius ſententiam in Neſtorium pronunciat, ejusque executionem Cyrillo committit. Cyrillus ſententiam exequi non poteſt: Synodus cogitur: Querit hæc, utrum ſententia a Caeſtino in Neſtorium dudum lata perduret: Caeſtinius ſententiam ſuam ſuspendit, futuram ſperans, ut Neſtorius doctrinam ſuam ejuret. Vocatur ad Synodum Neſtorius; ſed obedire detreſtat: Quamobrem ſententia ab ipſo Caeſtino lata, & juxta formam a Caeſtino præſcriptam, in eum pronunciat; & Cauſa finitur. Jamvero Synodus, quæ ita ſe geſſit, dici ne poteſt Neſtorii cauſam retractaſſe jure ſuo, examinaſſe, & judicaſſe perinde ac ſi a Pontifice judicata non eſſet? Synodus, cui judicii formam, regulamque Pontifex præſcribit, & quæ hujusmodi formam adamuſſim ſequitur, ut ab ea ne latum quidem anguem, ut dicitur, ſe diſcedere poſſe, perſuaſum habeat: quæ denique Pontificis ſententiam ab ipſo ſuſpenſam, in reum pervicacem pronunciare cogitur, dici ne recte poteſt Tribunal ipſius Pontificis Tribunali ſuperius, in quo cauſa judicetur perinde ac ſi a Pontifice judicata non eſſet? Mihi quidem Synodi judicium, ipſius Pontificis judicium eſſe videtur, quod a Synodo majori, ut ita dicam, ſolemnitate pronunciatum eſt.

Sed illud præterea accedit, quod cum Synodus duriorẽ ſententiam in Episcopos, qui Neſtorio ſtuduerant, pronunciaſſet, Caeſtinius ejus ſententiam temperavit: *De his autem, inquit (epiſt. ad Synod. Ephes.), qui cum Neſtorio videntur pari impicitate ſenſiſſe, atque ſe Socios ejus ſcleribus addiderunt, quamquam legatur in eos reſtra ſententia, tamen nos quoque decernimus quod videtur. Multa proſpicienda ſunt in talibus cauſis, quæ Apoſtolica Seder ſemper aſpexit. Qui autem Synodi ſententiam ſe auctoritate ſua temperare poſſe putat, iſ ſe Synodo ſuperiorem eſſe, perſuaſum habet.*

VIII. Denique cum Caeſtini Legati, poſt damnatum (*Ath. 1.*) a Synodo Neſtorium, Ephesum appuliſſent, quæ acta in Neſtorium fuerant, petierunt (*Ath. 2.*): Quo, inquit Philippus Presbyter, juxta Sanctiſſimi Papa noſtri, præſentisque huiusce cauſe ſententiam, & nos quoque illa noſtro ſuffragio confirmemus, noſtroque calculo approbemus. Perleſtis deinde actis, pronunciat, intellexiſſe ſe ex actorum leſtione, omnia canonicè & ex Eccleſiaſtica diſciplina judicata eſſe: Quibus verbis ſignificare voluiſſe Philippum, Caeſtini judicium cano-

nice retractatum esse; puerile est Bossueti commentum (def. decl. Cler. Gall. p. 2. lib. 12. cap. 13.), quod narrasse, refutasse est. Denique singuli Legati suam sententiam dicunt: Nulli dubium, inquit Philippus, imo saculis omnibus notum est, Sanctum, Beatissimumque Petrum Apostolorum Principem, & Caput, Fideique columnam, & Ecclesia Catholica fundamentum a Domino Jesu Christo.... celestis regni claves accepisse, solvendique, atque ligandi potestate, quam acceperat, usum fuisse; nec non per Successores suos hucusque semper vivere causasque decernere, & semper visurum esse. Hujus itaque Ordinarius Successor, & Vicarius, Sanctus, Beatissimusque Papa, & Episcopus noster Celestinus nos suos pro se quasi Vicarios ad hanc Sanctam Synodum misit.... Nestorius itaque legitime, sicut ex Synodalibus actis acceptum, vocatus, riteque secundum Patrum decreta, canonumque placita admonitus, judicio vestro se sistere contempsit.... Quamobrem a Sacerdotio, & ab omni praterea Ecclesia Catholica communione se prorsus alienum esse, intelligat. Hæc Philippus, quibus quid luculentius pro suprema, nec errori obnoxia Romani Pontificis in causis fidei decernendis auctoritate proferri possit, non video. Petrum enim ipsum, Fidei columnam per Successores suos vivere, causasque decernere, affirmat. Petri autem Fidei columnæ in causis fidei auctoritas summa profecto est, nec errori obnoxia, nec ulli judicio subijcienda. Ergo hujusmodi quoque est Romani Pontificis auctoritas. Sed in Ephesinæ Synodi actis diutius forte, quam opus erat, immorati sumus.

## C A P U T XXIV.

*In eandem rem expenduntur quæ in causa Eutychis  
sum a S. Leone M., sum a Chalcedonensi  
Synodo gesta sunt.*

I. **A**D Synodum IV. quod attinet, quæ Chalcedone habitæ est anno 451. S. Leo M. in epistola ad S. Flavianum C. P. quid de Incarnationis Sacramento sentiendum esset, definierat, atque Eutychianam hæresim damnaverat. Imperator Theodosius, Dioscoro Alexandrino, & Chrysaphio Eunuchō, qui Eutychi favebant, agentibus, Synodum Ephesi habendam indixit. Leo autem, quamvis existimaret, rem Synodali non indigere tractatu, ut Synodus tamen haberetur, annuit. Verum quia, inquit (ep. 39. ad Synod. Ephes.), *etiam talium non est negligenda*

*causa.*

*curatio, & pie, ac religiose Christianissimus Imperator haberi voluit Episcopale Concilium, ut pleniore judicio omnis possit error aboleri, Fratres nostros Julium Episcopum, Renatum Presbyterum, Filium meum Hilarium Diaconum, cum his Dulcitium Notarium probata nobis fidei nisi, qui vice mea &c.*

Febronius (cap. 1. §. 7. n. 12.) ex iis verbis, opinor, ut pleniore judicio omnis possit error aboleri, colligit, Synodum Leone annuente convocata esse, ut lata contra Eutychem Constantinopoli a Flaviano, Romæque a Leone judicia, revocarentur ad examen. Sed perperam sane. Quid enim demum erat plenius hujusmodi judicium? Novum ne, in quo prioris judicii nulla esset habenda ratio? Minime gentium: Sed erat ipsius Leonis judicium, quod a Synodo, majori quasi solemnitate, prouunciandum erat. Quod & factum est in Synodo Chalcedonensi, uti ex ejus Actis patebit. Id facile colligere potuisset Febronius ex iis, quæ sequuntur, Leonis verbis. Ait itaque Leo: *Fratres nostros... nisi, qui vice mea Sancto Conventui vestra Fraternitatis intersint, & communi vobiscum sententia, qua Domino sint placitura, constituent. Hoc est, ut primitus persistero errore damnato, etiam de ipsius, qui imprudenter erravit, restitutione tractetur: Si tamen doctrinam veritatis amplectens, sensus hæreticos, quibus imperitia ejus fuerat irrequita, plene, aperteque propria voce, & subscriptione damnaverit.* Vult igitur Leo, ut primum error damnetur, ac deinde de Eutychem restitutione tractetur, si tamen errores suos damnaverit. Vult scilicet, ut quod ipse prius constituerat, a Synodo, cui ejus Legati præsent, executioni mandetur: eaque ratione pleniori judicio (plenius esse judicium, quod a Romano Pontifice simul, & ab Episcopis, quam quod ab uno Romano Pontifice fertur, nos non negamus) omnis error aboleatur. Cum igitur ait Leo, Synodum indictam esse, ut pleniori judicio omnis error aboleri possit, non significat, novum judicium esse instituendum, aut quod ipse Romæ tulerat, esse ad examen revocandum, sed esse solemnius executioni mandandum. Nihil quoque præterea significat idem Leo Magnus, rogans Theodosium (ep. 25. al. 40. Quesnell.), postquam Ephesina Synodus in latrocinium evaserat, ut *Generalem Synodum jubeat intra Italiam celebrari, qua omnes offensiones ita aut repellat, aut mitiget, ne aliquid ultra sit vel in Fide dubium, vel in charitate divisum.* Scilicet Synodus integra a Catholica Fide aberraverat, atque S. Flavianum Fidei Catholicæ vindicem acerrimum damnaverat, imo interfecerat. Cum eo autem res deductæ sunt, ut plurimi Episcopi de Fidei dogmate dissentiant, vix nisi in generali Synodo controversia finiri potest. Quamvis enim Leo Fidei Catholicæ dogma constituisset, non tamen omnibus persuaserat, imo plurimi Episcopi ei assentiri

renuebant. Generali ergo Synodo opus erat, non ut Fidei dogma constitueretur, sed ut qui dissentiebant, assentiri cogerebantur, neve aliquid ultra esset vel in Fide dubium, vel in charitate divisum. Idque clarius explicat idem Leo epist. ad Theodosium (33.) data anno 450. Si vero, inquit, aliqui a puritate atque Patrum auctoritate dissentirent, Concilium Universale intra Italiam cogeretur, ut in munus convenientibus omnibus his, qui aut ignorantia, aut errore prolapsi essent, correctionis remediis consuleretur.

II. Sed pressius etiam Febronii argumentum refellam. *Anne putabimus*, ait ille (ib.), Pontificem, qui ipse hoc generale Concilium a Theodosio Augusto suppliciter petiit, tam facile in illud fuisse consensurum, in quo sua ad Flavianum epistola denuo examinaretur, & si visum esset, reformaretur? Num id passi essent Legati Pontificis? Num id Patres congregati ausi fuissent, nisi una omnium fuisset sententia, supremum, & ultimum Ecclesie tribunal residere penes Concilia, & in his Romani Pontificis iudicium posse retrahi.

Postulasset quidem Synodum Leo, ajo ego. Quamvis enim supremam apud se esse auctoritatem, seque Generali Concilio auctoritate præcellere, persuasum haberet, si tamen auctoritate sua se nihil proficere, sed plurimos Episcopos eam contemnere, nec nisi congregata generali Synodo ad parendum adduci posse, intelligeret, nonne satis id causæ esset, ut Synodum postularet? Si Regni alicujus Optimates plerique legi a Rege latæ parere nollent, imo in Regem ipsum, quod horreo, commoverentur; intelligeret vero prudentissimus Rex, nullam superesse tanto malo medendi rationem præter generalia totius Regni comitia, eaque de causa comitia indicere; an hinc concluderet Febronius, persuasum habere Regem, non esse apud se supremam in Regno auctoritatem, sed Regni comitia supremum esse, & ultimum Regni tribunal? Ita porro se res habet in re nostra. Quidquid enim discriminis esse velit inter Regis auctoritatem in ditione sua, & auctoritatem Romani Pontificis in Ecclesia, illud tamen jure concludo, ex eo quod S. Leo in ea rerum ratione Synodum postulaverit, ineptè omnino colligi, persuasum ipsum habuisse, non fuisse apud se supremam in Ecclesia auctoritatem.

Sed rogar Febronius: *An putabimus*, consensurum fuisse Leonem in Concilium, in quo sua ad Flavianum Epistola examinaretur, & si visum esset, reformaretur, nisi &c?

Ego vero respondeo, duo simul conjungi a Febronio veluti certa, quorum alterum verum est; sed alterum est falsum. Consensisse Leonem in Concilii convocationem, verum est: consensisse præterea in Concilium, in quo sua Epistola examinaretur, & si visum esset, reformaretur, est omnino falsum.

Indicta

Indicta Synodo a Marciano Augusto, qui Theodosio successerat; S. Leo ad eundem Marcianum scribens (ep. 99.): *In presenti Synodo, inquit, Fidem, quam Beati Patres nostri ab Apostolis sibi traditam predicarunt, non passimini quasi dubiam retractari.* Et ad Synodum ipsam (ep. 73.) scribit: *Unde Fratres charissimi rejecta penitus audacia disputandi contra fidem divinitus inspiratam, vana errantium infidelitas conquiescat.* Tanta ne præsidentia scripsisset ad Imperatorem, & ad Synodum Leo, si fidei definitionem a se antea editam in epistola ad Flavianum, a Synodo retractari, & reformari posse, existimasset?

III. Sed jam Synodi Chalcedonenfis Acta expendamus. Act. I. Lucentius, & Paschasius Apostolicæ Sedis Legati catholicum esse declarant S. Flavianum; *Siquidem ejus fidei expositio cum Beatissimi, atque Apostolici Viri Papa Romani epistola concordat.*

Actio. 2. Perlecta Leonis epistola ad Flavianum, clamaverunt Patres: *Hæc Patrum fides: hæc Apostolorum fides: Omnes ita credimus: Orthodoxi ita credunt: Anathema ei, qui non ita credit: Petrus per Leonem locutus est &c.*

Respondet Febronius (cap. 6. §. 6. n. 1.), *Eos qui sanam partem tuebantur, non provocasse ad unius Leonis epistolam, sed etiam & aequaliter ad Cyrilli sententiam: Leo ita docuit. Cyrillus ita docuit: Verum Cyrillum quoque Patres nominarunt, ut quælibet Eutychianis excusatio eriperetur; qui Leonem Eutychis errores damnantem in Nestorii errores a Cyrillo refutatos propendere, arbitrabantur. Cæterum cum quidam Episcopi (act. 4.) effugia quærerent, ne Eutychen aperte damarent, de Cyrillo præterea facta mentio non est, sed clamaverunt omnes: Leonis epistola subscribant.*

IV. Act. 3. Lata est in Dioscorum sententia. Porro antea Paschasius Leonis legatus dixerat: *BB. atque Apostolici Viri Papa Urbis Roma, quæ est Caput omnium Ecclesiarum, præcepta habemus præ manibus, quibus præcipere dignatus est ejus Apostolatus, ut Dioscorus non sedeat in Concilio, sed audiendus intromittatur. Hoc nos observare necesse est &c.* Hinc vero manifesta sit summa Leonis in Dioscorum auctoritas, & jurisdictio, Synodi etiam auctoritate major. Nam responderunt quidem Paschasino gloriosissimi Judices, ita eum rogando: *Quid enim specialiter objicitur Dioscoro Reverendissimo Episcopo? uti narrat Febronius ipse (cap. 5. §. 4. n. 3.); sed insistentibus Legatis, & Leonis mandata urgentibus, gloriosissimi Judices acquieverunt, ut Dioscorus in medio federet, non ut Judex, sed ut reus.*

Ipsa vero Act. 3. cum tertio vocatus ad Synodum Dioscorus; parere nolisset, Paschasius dixit: *Quo igitur dignus est ita contemnens?*

*mens? Sancta Synodus dixit: indignatione, qua contra inobedientes a sanctis regulis constituta sunt. Quare Legati sententiam in Dioscorum his conceptam verbis tulerunt: Sanctissimus, & Beatissimus Archiepiscopus magna, & Senioris Romæ Leo per nos, & per presentem Sanctam Synodum una cum ter Beatissimo, & omni laude dignissimo B. Petro Apostolo, qui est Petra, & Crepido Ecclesiæ Catholica, & recta Fidei Fundamentum, nudavit eum tam Episcopatus dignitate, quam etiam & ab omni sacerdotali alienavit ministerio.*

Post hæc, inquit Febronius (*ibid.*), singuli Episcopi sua suffragia dederunt, & unanimi consensu sententiam in Dioscorum conceptam probaverunt; ac deinde pluribus ostendit, non a solo Rom. Pontifice, sed a tota Synodo Dioscorum depositum fuisse.

Sed operam perdit Febronius. Quisnam enim nostrum affirmat, Dioscorum a solo Leone, non vero a tota Synodo damnatum fuisse? Non adeo equidem stulti sumus, ut 630. Episcopos Chalcedonem ad audiendam tantum Leonis in Dioscorum sententiam convocatos esse, arbitremur. Fateamur imo, iudices fuisse cum Leone alios Episcopos, atque a tota demum Synodo Dioscorum damnatum esse. Sed cum Leo Dioscorum in Synodo iudicem sedere veruerit, eique Synodus paruerit; Cumque Leo damnari Dioscorum iusserit, nisi resipuisset, atque Leonis sententiam Synodus secuta fuerit, concludimus, Leonem summa Sedis Apostolicæ auctoritate, & legitima jurisdictione in Dioscorum Episcopum Alexandrinum ulum esse. Id unum intendit Honoratus Tournely (*de Eccl. q. 5. art. 2.*), neque Febronius ejus argumentum refellit, sed eludit.

V. Demum Act. 5. exarata est fidei definitio, & Patribus omnibus probata, qui etiam veluti hæreticum habendum esse clamaverunt, qui eam non amplecteretur. Sed cum animadvertissent Apostolicæ Sedis Legati, desiderari in ea Leonis phrasen in epistola ad Flavianum usurpatas; nempe utriusque naturæ proprietates in unam coivisse personam, *inconvertibiliter, inseparabiliter, & inconfuse*, proceffati sunt, se, nisi fidei definitioni adderentur, e Synodo discessuros: *Si non consentiunt Epistola Apostolici, & Beatissimi Viri Papa Leonis, jubete nobis rescripta dari, ut revertamur, & ibi Synodus persiciatur.* Sed Patres clamaverunt: *Omnibus definitio placuit.... Hæc definitio omnibus placuit: Iudices dixerunt: Epistolam Sanctissimi Leonis suscipitis? Episcopi clamaverunt: Etiam suscipimus, & subscripsimus.... Iudices dixerunt: Ergo qua in ea inseruntur, inserantur definitioni.... Episcopi clamaverunt: Altera definitio non sit: Sed vicerunt demum Legati, atque Fidei definitio juxta eorum voluntatem adornata est.*

Rem hanc, sed valde mutilatam narrat etiam Febronius (*cap.*

s. 5. 4.

5. §. 4. n. 3.): *Orta, inquit, inter Patres circa definitionem disputatione, placuit Imperatori.... convenire sex Episcopos Diocesis Orientalis, & tres ex qualibet alia, cum Anatolio Episcopo C. P. & Vicariis Sedis Apostolica, qui definitionem Fidei conciperent: alioquin: cognoscite, inquit Imperator, quia in Partibus Occidentalibus habet fieri Synodus.*

Sed silentio præterit Febronius contentionis causam ex eo ortam, quod exarata, & probata a Synodo fidei definitio, a Leonis Legatis improbata est. Præterea ideo Imperator Episcopis Synodum Romæ habendam minitatus est, quia Legati contestati fuerant, se omnino e Synodo discessuros, & Romæ Synodum habituros esse: quod item Febronius omittit.

Concludit Febronius, tandem electos esse e singulis Diocesibus Episcopos.... & fuisse conceptam per hos definitionem, prælestam, & ab omnibus probatam.

Sed quidni addit Febronius, definitionem conceptam esse ad Legatorum mentem, & additas illi esse Leonis phrasas, quæ in priorum definitione toti Synodo, præter Legatos, probata, prætermisæ fuerant? Nempe intelligebat Febronius, invictum inde duci argumentum pro summa Romani Pontificis etiam in Synodum œcumenicam auctoritate, & jurisdictione. Quamobrem malæ fidei argui, quam imperitos non fallere maluit. Atque hæc quidem accurate perpendat velim Febronius. Ex his enim perspicuum esse arbitror, præscripsisse Leonem Chalcedonensi Synodo non modo fidei definitionem, sed etiam phrasas, quibus exaranda erat, ut vel eas omittere, vel alias adhibere, Synodi arbitrio non permisit. Hinc vero manifestissime quoque colligitur, Romanum Pontificem in fidei causis decernendis cuivis œcumenicæ Synodo auctoritate præcellere, ejusque decreta a Synodis retractari non posse, sed suscipienda, communique consensu probanda esse: paucis Synodos congregari, imo si vis, necessario congregari, non ut quæ sint fidei dogmata, statuatur, si a Romano Pontifice fuerint constituta, sed ut omnibus persuadeantur, sive quemadmodum loquitur Leo: *ut pleniore judicio omnis possit error aboleri (Ep. ad Synod. Ephes.), neve aliquid ultra sit vel in fide dubium (Episcopis, & fidelibus), vel in charitate divisum (Ep. ad Theodosium 25.).*

VI. Audiamus, quid Febronius (cap. 6. §. 6. n. 1.) proponat. Postquam clamaverunt Patres: *Petrus per Leonem locutus est; Atticus Episcopus Nicopolitanus Patres rogavit; inducias dari, ut intra paucos dies tranquilla mente & non turbato animo, qua Deo placeat, a Sanctis Patribus ordinentur. Quoniam vero nunc Domini nostri, & Sanctissimi Patris & Archiepiscopi Leonis adornantis Apostolicæ Sedem*

dem lecta est epistola: oportet vero, & B. Cyrilli epistolam scriptam ad Nestorium, in qua jubet eum consentire duodecim capitulis, & hanc nobis dari, ut in tempore disceptationis parati inveniamur. Si jubetis dari nobis inducias, petimus Patres simul perscrutari. Magnificentiissimi Judices, & Senatus dixerunt: differatur audientia... ut communiter de Fide tractetis. Quæ igitur ad Fidem spectabant, quamquam a Leone definita, examen subierunt.

Id testatur etiam S. Leo in epistola ad Theodoretum (93. at. 120.), ubi ait: Nam ne aliarum Sedium ad eam, quam cateris omnium Dominus statuit presidere, consensus assentatio videretur, aut alia qua liber subrepere posset adversa suspicio, inventi prius sunt, qui de judiciis nostris ambigerent. Et dum nonnulli a dissensionis incitati auctore ad contradictionum bella prosiliunt, ad majus bonum malo ejus, Auctore totius bonitatis dispensante, pervenimus est. Dulcius siquidem munera gratiæ divinæ proveniunt, quoties non sine magnis sudoribus acquiruntur, & minus bonum videri solet: pax constituta per otium, quam reddita per labores. Ipsa quoque veritas & clarius renitescit, & fortius retinetur, dum qua fides prius docuerat, hæc postea examinatio confirmat. Multum denique Sacerdotalis officii meritum splendet, ubi sic summorum fertur auctoritas, ut in nullo inferiorum putetur imminuta libertas. Et ad majorem Dei gloriam proficit finis examinis, quando ad hoc se accipit, ut vincatur adversitas: Hactenus S. Leo. Febronius vero sic concludit: Medio sane meridie cæcuiat, qui in his non intelligit solemnem Pontificii decreti in materia Fidei Conciliarem discussionem, seu examen ad indagandam, firmandamque veritatem institutum, consensum ab assentatione distinctum, eumque cum plenaria libertate præsistum.

VII. Verum primo malam Febronii fidem notari velim. Actici enim petitionem, & Judicum propositionem describit, sed & petitionis causam, & Chalcedonensium Patrum responsum silentio prætermittit; ex quibus ejus argumentum refellitur inviçissimè. Itaque Patres una voce Leonis definitionem susceperant, ejusque Epistolæ ad Flavianum subscripserant, & clamaverant: Hæc Patrum fides &c. ideoque quæ ad fidem spectabant, una cum Leone definierant. Sed cum Leonis epistola legeretur, Episcopi Illyriciani, & Palæstini identidem se dubitare, prodiderunt. Quamobrem opus fuit, ut Cyrilli epistolæ ad Nestorium fragmenta legerentur, ut ipsi quoque intelligerent, Leonem cum Cyrillo consentire, nec Nestorianæ hæresi favere. Sed cum illi non acquiescerent, inducias, & Cyrilli epistolam petiit Atticus, non ut fidei definitionem jam probatam ad examen vocaret, sed ut qua Deo placent, a Sanctis Patribus ordinentur, & ut in tempore disceptationis, inquit, parati im-

venia-



veniamur: Et Judices dixerunt: *Differatur audientia, ut communiter de Fide tractetur, ut qui dubitant, doceantur.* Inducias quoque petiit Florentius Sardinus Episcopus, *quatenus, inquit, cum decenti tractatu accedere ad veritatis causam possimus; sed audi, quæ statim addit: quamvis in nostra persona, qui Epistola Sanctissimi Leonis subscripsimus, non indigeamus correctione.* Et Illyriciani quidem, ac Palæstini Episcopi demum Leonis epistolæ subscripserunt, suamque moram excusarunt, quod latinas quasdam phrasas non intelligerent. Igitur de Fide iterum actum est, imo si vis, Leonis epistola ad examen vocata est, ut dumtaxat *qui dubitabant, docerentur; ut qui correctione indigebant, corrigerentur.* Scilicet Leonis Epistolæ examen eo modo institutum est, quem superius (cap. 22.) exposui. Cujus quidem generis examen neque fidei definitioni a Leone editæ, neque ejusdem Pontificis auctoritati officit.

VIII. Id manifestum fit ex ipsius Leonis Epistola ad Theodoretum. Scribit enim, *inventos esse, qui de judiciis suis ambigerent, ne aliarum Sedium consensus assentatio videretur; ne scilicet causarentur Hæretici, ceteros Episcopos tantum Leonis auctoritati concessisse, ut temere, & inconsulto ejus definitioni subscriperint (vide sup. cap. 22. n. 3. & 4.).* Addit, *ipsam veritatem & clarius remanescere, & fortius retineri, dum, quæ fides prius docuerat, hæc postea examinatio confirmaret.* Quæ igitur ipse definierat, ea prius fides docuerat. Quæ autem nos docet fides, ea examinatio confirmat, non pondus, & auctoritatem addendo, sed persuadendo (*vid. ib. n. 2.*). Pergit Leo: *Multum denique Sacerdotalis officii meritum splendescit, ubi sic Summorum servatur auctoritas, ut in nullo inferiorum putetur imminuta libertas.* Scilicet summa Pontificis auctoritas aliis Episcopis inferioribus consensus libertatem non eripit: Libere enim hi Pontificis definitionibus assentiuntur; imo una cum Pontifice fidei causas decernunt (*vid. ib. n. 3.*). Denique ait, *ad majorem Dei gloriam proficere finem examinis; quando ad hoc se accipit exerendi fiducia, ut vincatur adversitas.* Scilicet instituto fidei definitionis examine, in fide confirmantur Catholici, & facilius revincuntur Hæretici: atque definitionem, quam definientis auctoritate suscipere destitunt, argumentorum vi amplecti adiguntur (*vid. ib. n. 2.*). En Leonis Epistolæ examen a Chalcedonensis Synodi Patribus institutum. Qui autem ea, quæ hæcenus in Leonis Epistolam ad Theodoretum a me observata sunt, cum iis contulerit, quæ superius de fidei definitionum examine adnotavi (cap. 22.), is mecum facile consentiet, in meridiana luce potius cœcutire Febronium, qui hujusmodi examen cum summa Pontificis, ejusque definitionum auctoritate, & infallibilitate consistere, non intelligit. Sed in Synodi Chalcedonensis Actis expendendis longior fui: ero deinceps brevior.

*Expenduntur in eandem rem Acta Synodi V.*

- I. **E**X V. Synodo novum argumentum desumit Febronius (*cap. 1. §. 7. n. 13.*), quasi Synodus V. tria Capitula damnaverit, quæ fuerant a Vigilio in celebri suo Constituto probata.

Verum illudere nobis vult Febronius. Primo enim non de fidei questione, sed de quibusdam solummodo personis ventilatum, & nihil aliud, quam de personis fuisse disceptatum, testantur Pelagius I. (*epist. ad Childeb. Reg.*), Gregorius M. (*epist. 10. lib. 2. ad Savinum*), & Pelagius II. (*epist. ad Episc. Istr.*). Secundo: Vigilii tria Capitula in celebri suo *Judicato*, & alibi damnaverit, ut patet ex ejusdem V. Synodi *Collat. VII. & VIII.* atque in eadem sententia Vigilium perseverasse, Synodus persuasum habuit, ut ex iisdem Collationibus manifestum est. Sed Vigilii tamen postea, antequam quidem Synodus absoluta est, tria Capitula non quidem probavit, ut comminiscitur Febronius; sed silentio potius prætermittenda esse censuit, quod temporum ratio id postulare videretur. Erant enim qui tria Capitula damnari non posse putabant, quin Chalcedonensi Synodo injuria inferretur. Hinc ipsa Synodus suam definitionem ad Vigilii mentem editam esse, persuadere conatur (*collat. 8.*).

II. Deinde narrat Facundus (*lib. 2. & 4.*), Mennam Patriarcham C. P. aliosque Episcopos Justiniani edicto tria Capitula damnati ea conditione subscripsisse, ut si Vigilius pro iis steteret, irrita foret subscriptio, & Chirographum sibi restitueretur. Propterea Episcopi plurimi Africæ, Illyrici, Hybernæ V. Synodo Vigilii Constitutum anteculerunt, & Synodum improbarunt, quamvis Vigilii eam confirmasset. Quare primo: vere dici nequit Synodus contrariam Vigilii Constituto definitionem edidisse. Secundo: etiam contraria fuit, Synodus tamen persuasum habuit, irritam eam futuram esse, nisi Vigilii eam confirmasset. Nihil enim non tentavit Justinianus, ut Vigilium ad Synodi decreta confirmanda adduceret. Hinc Febronius ipse fatetur (*cap. 1. §. 2. n. 8.*), causam trium Capitulorum citius finem obtinere non potuisse, donec Vigilii Papa cum Patribus Concilii C. P. II., & hi cum Vigilio in unum conspiraverint. Hinc vero qui colligi possit, non Rom. Pontificem, sed Synodum œcumenicam a Rom. Pontifice sejunctam, esse supremum Ecclesiæ Tribunal, non intelligo.

III. Sed ait Febronius (*cap. 1. §. 7. n. 13.*) : Si Occidentales Episcopi Synodum rejicientes sensissent Rom. Pontificem Concilio præcellere, & summum esse fidei controversiarum judicem, jure exclamassent, a V. Synodo usurpari judicium controversia a Summo Pontifice decretoria sententia finite.

Sed ineptissima est hujusmodi consecutio. Nonne enim Vigilius Synodum V. confirmaverat? Nonne Synodus, se tria Capitula damnare, professæ est, quod ea antea sæpe Vigilius damnaverit? Ejusdem Synodi collationes VII. & VIII. fidem faciunt, id maxima cura præcavisse Synodum, ut palam omnibus faceret, se Vigili de tribus Capitulis sententiam omnino secutam esse. Quis ergo, Occidentales Episcopi V. Synodum rejicientes, ejusmodi causam asserre potuerunt, eam sibi usurpasse judicium controversia a Summo Pontifice decretoria sententia pro tribus Capitulis finitæ?

Sed de V. Synodo dicam iterum inferius.

## CAPUT XXVI.

*Summa Rom. Pontificis auctoritas etiam ex VI.*

*Synodi Actis ostenditur.*

I. **S**anctus Agatho Rom. Pontifex Monothelitarum hæresim ante in Lateranensi Synodo a Martino I. damnatam, damnavit iterum in Synodo sua Romana. Sed cum Imperator Constantinus Pogonatus œcumenicam Synodum indixisset, consensit Agatho, atque Legatos suos ad Synodum misit. Scripsit etiam ad Imperatorem Epistolam, quæ in Synodo (*act. 4. tom. 7. Concil. Labb. col. 631*) lecta est, in qua proficitur se, quæ a Prædecessoribus suis, & ab œcumenicis Synodis fuerant definita, custodire velle, & efficere, ut nihil de iis, quæ regulariter definita sunt, minuat, nihil mutetur, vel ardeatur, sed eadem & verbis, & sensibus illibata custodiantur: Se Legatis suis dedisse licentiam, siue auctoritatem apud tranquillissimum ejus Imperium, dum jussisset ejus clementia, satisfaciendi, in quantum dumtaxat eis injunctum est, ut nihil profecto præsumant augere, minuire, vel mutare, sed Traditionem Apostolicæ Sedis, ut a Prædecessoribus Apostolicis Pontificibus instituta est, sinceriter enarrare. Præterea: Petrus, inquit, spirituales oves Ecclesiæ ab ipso Redemptore omnium trina commendatione pascendas suscepit. Cujus adnente præsidio, hac Apostolica ejus Ecclesiæ nunquam a via veritatis in qualibet erroris parte deflecta est; cujus auctoritatem, utpote Apostolorum omnium Principis, semper omnis Catholica Christi Ecclesiæ, & u-

niversales Synodi fideliter amplectentes, in cunctis secuta sunt. Jam vero qui causæ fidei definitionem ante a se editam ad œcumenicam Synodum transmittit, statuens ut nihil de ea mutetur, augeatur, vel minuatur, sed eadem verbis, & sensibus illibata custodiatur: qui affirmat præterea, Ecclesiam suam nunquam a via veritatis aberrasse, & omnem Ecclesiam, & œcumenicas Synodos ejus auctoritatem amplexas, & secutas esse; is profecto, nisi illudere gessit, definitionem suam a Synodo retractari, & reformari, non vult.

II. Rursus idem Agatho, & Romana Synodus ad Synodum VI. scribens (*ib. col. 706.*), affirmat, *Lumen Apostolica fidei splendidissimum, quod ex veri luminis fonte, per Beatum Petrum, & Paulum, & Apostolicos Successores gradatim Dei opitulatione servatum est, nulla hæretici erroris tetra caligine tenebratum, nec falsitatis nebulis confadatum: Se Legator ad Synodum mittere, qui Apostolicam fidei confessionem offerant, non tamen tamquam de incertis consendere, sed ut certa, atque immutabilia compendiosa definitione proferre. Denique concludit: Quicumque proinde Sacerdotum hæc, qua in hac nostra humilitatis confessione continentur, nobiscum sincere prædicare desiderant, ut nostra Apostolica fidei concordet, & Consecradores, & Communiistros ejusdem fidei, ut Spirituales Fratres, & Coepiscopos nostros suscipimus. Qui vero hæc confiteri noluerint, ut infestor Catholica, atque Apostolica confessioni, perpetua condemnationis reos esse, censemus: nec aliquando tales in nostra humilitatis collegio, nisi correctos, suscipere patimur. Qui autem tanta præfidentia scribit, se perpetuæ condemnationis reos habiturum esse, nec in Sacerdotum collegio suscepturum eos, qui fidei confessionem a se oblatam prædicare noluerint, hunc opinari, eandem fidei confessionem a Synodo retractari, & reformari posse, mihi quidem persuadere non possum. An vero Synodus ab Agathonis definitione recessit, aut eam minuit, aut mutavit? Nequaquam; sed eam adamussim secuta est. Imo scribens ad Agathonem (*ib. col. 1110.*): *Litteras, inquit, a vestra Beatitudine ad piissimum Imperatorem missas, ut a summo Apostolorum vertice divine perscriptas agnovimus, per quas exortam nuper multiplicis erroris hæreticam sectam depulimus. Hæreticorum nefariam doctrinam . . . anathematibus interfecimus ex sententia per sacras vestras litteras super iis prius lata. Et in sermone prophonetico ad Imperatorem ait: Confessionem tibi a Deo scriptam illa Romana Antiqua Civitas obtulit, & dogmatum diem ex vespertinis partibus extulit: charta, & atramentum videbatur, & per Agathonem Petrus loquebatur. Clarius ne, ac magnificentius suppremam Rom. Pontificis in causis fidei decernendis auctoritatem commendare potuerunt VI. Synodi Patres?**

III. Nihilominus *Questionem ab Agathone definitam*, inquit Fe-  
brogauy

bronius (*cap. 6. S. 6. n. 2.*), Concilium generale rursus tractat, atque definit, quasi neque tractata, aut definita fuisset. Nam interrogatus Georgius C. P. Patriarcha = Si conveniret sensui Suggestionum directarum ab Agathone Sanctissimo Papa, & sua Synodo, dixit: Inspiciens omnem virtutem earum literarum, & scrutans libros Sanctorum Probabilium Patrum, cuncta, quæ continent, inveni consonantia eis, & sic profiteor, & credo = . *Alii* = Inveni in nullo eas a Sanctis Patribus discrepare, & consentio = . *In eundem sensum omnes singulatim dicunt, nec nisi eo examine probata sunt Epistola S. Agathonis, & Romana Synodi.*

Verum primo: E sextæ Synodi Patribus duo tantum, nempe Georgius Episcopus C. P., & Sisinnius Episcopus: Heracleensis dicunt, se scrutatos esse libros Probabilium Patrum, & sic consentire, ut constat ex Act. VIII. Quare audacter nimium ait Febronius, in eum sensum omnes singulatim dicere. Secundo: Agathonis definitionem a Synodi Patribus examinatam esse, fateor; cum scilicet in modum, quem superius (*cap. 22.*) explicavi, qui neque summæ Pontificis auctoritati obest, neque argumento est, dubiam habitam esse a Patribus Agathonis definitionem. Id ex Synodi Actis aperitissime constat. Nam Act. 1. Macarius Antiochenus, alique cum eo sentientes, unam esse in Christo voluntatem, id ex generalium Synodorum Actis, & ex Probabilium Patrum testimoniis se probaturos esse, promiserunt. Cum autem plura Macarius, alique Monotelitæ Patrum testimonia partim spuria, partim mutilata protulissent, genuina, & integra proferre opus fuit, ut illi revincerentur, quod ab Apostolicæ Sedis Legatis in sequentibus Actionibus factum est. Igitur Agathonis definitionem, quam certissimam, & irrevocabilem habebant, ad examen vocarunt Synodi Patres, eam Patrum testimoniis, quasi dubia esset, confirmando, ut intelligerent Hæretici, si fieri posset, eam Patrum etiam doctrinæ consentaneam esse, eique subscriberent. Quare etiam si omnes Patres se consentire dixissent in Agathonis definitionem tamquam Patrum doctrinæ consentaneam, id tamen Hæreticorum tantum gratiâ dixissent, non vero quod Agathonis definitionem veluti dubiam habuissent.

IV. Sed qui hæc obijciunt, responder Febronius (*ib.*), non videntur satis percipere quid sit examen in negotio fidei.... Neque enim Ephesini Patres, cum de Nestorio, & Cyrilli, atque adeo de Cælestini fide inquisitio fieret, ipsi de fide dubitabant, sed recte ne an secus illi fidem exposuissent. Neque item Chalcedonenses ullo modo dubitabant &c. sed quærebant, vere ne, & ex communi Patrum, & Ecclesiæ sententia Incarnationis Sacramentum Leo exponeret.

Verum primo: Quod ait Febronius, ab Ephesinis Patribus inquisitio-

quisitionem factam esse de Cœlestini æque, atque de Nestorii fide, quasi æque utriusque fides dubia, & suspecta fuerit, nescio, utrum impudentiæ illi tribuam, an imperitiæ. Id equidem absque tanti Pontificis, & Ephesinæ Synodi injuria dici nequit (*vide cap. 23.*).

Secundo: Ubinam legit Febronius in Aëtis Synodorum generalium III. IV. & VI. inquisitum esse a Patribus, *recte ne, an secus fidem exposuissent* Cœlestinus, Leo, & Agatho? Inquisitum quidem est, quid Pontifices illi exposuissent, sed recte ne, an secus fidem exposuissent, inquisitum non est. Ex earum enim Synodorum Aëtis constat, Pontificum definitiones non a Catholicis Episcopis, si paucos Illyricianos, & Palæstinos e Chalcedonensibus Patribus excipias (*vid. cap. 24. n. 7.*), sed ab Hæreticis in dubium vocatas esse: Patres vero in id tantum operam contulisse, ut eas rite intelligerent, Scripturæ, & Patrum auctoritate confirmarent, atque Hæreticis persuaderent.

V. Sed *absonum est dicere*, inquit Febronius (*ib. n. 4.*), *vel solum cogitare*, tot Synodos coactas esse, ut quod singuli jam ante Pontificiæ, adque ineluctabili auctoritate tamquam de fide domi tenebant, dein rationum momentis, Sacra Scriptura oraculis, vel Patrum sententiis firmatum peregre perciperent. . . . Quasi de his omnibus non potuissent per literas Encyclicas, aut aliis commodioribus viis fideles erudiri.

Verum cum Febronius paulo superius scripserit, neque Nicænos Patres, neque Ephesinos, neque Chalcedonenses de fide dubitasse; quæro ego ab eo, quid causæ fuerit, cur suas Ecclesias tot Episcopi deseruerint? Nonne per literas Encyclicas, aut aliis commodioribus viis Fideles erudiri poterant? An ea una fuit Episcopis peregrinationis causa, ut inquirerent, *recte ne, an secus Fidem Pontifices exposuissent?* Sed cum de fide illi non dubitarent, nonne domi id inquirere poterant, & per Encyclicas literas Fideles erudire? Nisi dicat, Synodos Hæreticorum tantum gratiâ congregatas esse, ut nempe illis Fides, quam Pontifex exposuerat, persuaderetur, turbæque ab ipsis excitatæ componerentur, vix ullam dare poterit generalium Synodorum causam, saltem nisi secum pugnare velit.

VI. Respondebit forte (*ib. n. 2.*), non de fide quidem dubitasse Patres, sed *quasi*, quam ab ea fide Hæretici abessent, quibusque sententiis, ac verbis insanus error confutandus esset.

Sed respondebo ego illi, Hæreticos quidem quam facillime cognosci potuisse. Si enim compertum esset, profiteri eos doctrinam alienam a Romanæ Ecclesiæ Fide, quam Pontifices exposuerant, Hæreticos eos esse, dubitari non poterat. Fuit enim semper Romanæ Ecclesiæ Traditio, & Fides veluti Lydius Lapis, quo aliarum Ecclesiarum Fides probata est. Nimis equidem multus *esset*, si Patrum

Patrum continenti serie sibi succedentium testimonia rem hanc comprobantia proferrem. Unum tantum, vel alterum afferam, ut Febronium, si fieri potest, confundam. S. Irenæus Apostolicorum Patrum Auditor: *Maxima*, inquit (*lib. 3. adv. her. cap. 3.*), & *antiquissima*, & omnibus cognita a gloriosissimis duobus Apostolis Petro, & Paulo fundata, & constituta Ecclesia eam, quam habet ab Apostolis Traditionem, & annuntiata in hominibus fidem per Successionem Episcoporum venientem usque ad nos, indicantes, consuevimus omnes eos, qui quocumque vel per sui placentiam malam, vel vanam gloriam, vel per cecitatem, & malam sententiam, præter quam oportet, colligunt. Ad hanc enim Ecclesiam propter potiorem principalitatem necesse est omnem convenire Ecclesiam, hoc est eos, qui sunt undique, Fideles, in qua semper ab his, qui sunt undique, conservata est ea, qua est ab Apostolis, Traditio. Nisi S. Irenæus sexcentis, vel potius septingentis annis ante Pseudo-Isidorum florisset, Febronium, opinor, scribere non pueret, falsarum decretalium doctrinâ Irenæum imbutum fuisse. Alterum autem æque perspicuum in hanc rem testimonium afferam proximo capite ex octava œcumenica Synodo. Cum igitur aliarum Ecclesiarum fides ex Ecclesiæ Romanæ fide semper probata sit, Synodorum Patres Hæreticorum fidem cum Ecclesiæ Romanæ Fide a Pontificibus exposita conferentes, quam longe a vera fide abessent Hæretici, statim intelligebant.

Quibusnam autem sententiis, & verbis infans eorum error confundendus erat? Scilicet iis, quæ Pontifices in suis definitionibus usurpaverant. Cum enim Chalcedonenſis Synodi Patres quasdam Leonis phrasas omisissent, intercessere Leonis Legati, atque eos omiſſas phrasas definitioni addere, coegerunt (*vid. cap. 24. n. 5.*). Igitur, velit nolit Febronius, generales Synodi congregatæ sunt, non ut de Pontificum fide, quasi suspecta eſſet, aut recte ne, an secus fidem illi exposuissent, inquisitio fieret; sed ut Pontificum definitiones facilius omnibus compertæ fierent, explicarentur, argumentis confirmarentur, eaque ratione Hæreticis etiam persuaderentur, turbæ ab his excitatæ sedarentur, omnesque ad unitatem fidei cum Romana Ecclesiâ, quæ unitatis centrum est, revocarentur: Hæc enim omnia per Encyclicas literas obrineri non poterant. Peracta equidem sunt cum Episcoporum *discussione, deliberatione, votis, sententiis, ac consensu*, ut ait Febronius (*ib. n. 4.*); sed ira ut immota, & immutabilis semper perſisterit summa Pontificis, ejusque definitionum auctoritas (*vide cap. 22.*). Hæc ex generalium Synodorum III. IV. & VI. Actis luculentissime a me probata sunt.

VII. Hæc tamen argumenta, quæ perspicue demonstrant, summam fuisse etiam apud œcumenicas Synodos Romani Pontificis definitionum

initionum auctoritatem, *minutias* vocat Febronius (cap. 6. §. 6. n. 4.), atque ovantis instar Italii illudere pergit. Eum ego pedetentim insequar. *Interim his*, inquit, & *similibus minutis blandiuntur sibi Itali, disjecta esse validissima præsidia* (validissima quidem, si Synodorum Acta mutilata afferantur, ut ea assert Febronius, neque consequentia cum antecedentibus conferantur), *incomparabilis ille Sanctæ Religionis nostræ defensor Bossuetus* (quod Catholicam Ecclesiam adversus Hæreticos strenue propugnaverit Bossuetus, maximam sibi apud omnes Catholicos laudem promeruit: Ejus vero *defensio declarationis Cleri Gallicani* a plerisque Catholicis improbata est. Vide præcæm. n. 6.), & *alii Viri docti, non minus quam pii* (perpaucis iis, quorum sensa ipse sectatus est, elogia, & encomia liberalissime impertitur Febronius. Interea vero, in quo sita sit hujusmodi hominum pietas, ego non intelligo) *libertatem Ecclesiæ invillè tuentur* (præclara quidem libertas! quam in eo sitam esse vult (cap. 8. §. 1.), ut unaquæque peculiaris Ecclesiæ suis legibus regatur, & a jurisdictione Romani Pontificis, quem Christus universæ Ecclesiæ Caput, Pastorem, & Rectorem constituit, libera sit. Præclara, inquam, plurimique facienda libertas! quæ si Episcopis, quod Deus avertat, persuaderetur, atque in Ecclesias induceretur, nobilissimam Ecclesiæ politiam ad democratiā, vel Aristocratiam statim redigeret, quod conquerebatur Petrus Meldensis Episcopus in Concilio Florentino. Vide præcæm. n. 5. Scilicet Febronius ut Episcopos faciat liberos, facere vult, ut minus dicam, Schismaticos). Pergit Febronius: *Quando ex contrario sapientiores, & præjudiciis vacui* (impugnant enim R. Pontificis jurisdictionem, ejusque decreta parvi pendunt. Nonne id satis abunde Febronio est, ut eos inter Sapientiores, & præjudiciis vacuos homines recenseat?) *putant, hoc esse in re valde seria ludere, & propriis oculis sponte velum objicere* (Febronius tantum, ejusque similes homines vident; cæteri vero, quamvis apertissimam Sacræ Scripturæ, & constantissimæ Traditionis auctoritatem sequantur ducem, in re seria ludunt, & in meridiana luce sponte cœcutiunt), *eo fine, ut incantis pro libertate Canonica* (idest pro Anarchia) *imponatur servitus* (idest legitima obedientia a Christo ipso constituta) *Ordini Episcopali indigna* (fuit ea etiam Photii, Protestantium, aliorumque Hæreticorum querela), *Sacris Literis, & Traditioni adversa* (nihil magis falsum esse, hætenus ego demonstravi); *sicque forma sacri regiminis a Christo instituta evertatur*. Formam Ecclesiæ monarchicam a Christo institutam esse, Catholicorum omnium sententia est. Vide præcæm. n. 2. & 5. Febronius tantum, ejusque similes, quoniam sapientiores sunt, si superis placer, & præjudiciis vacui, id negant.



## CAPUT XXVII.

*Expenduntur in eandem rem Acta Synodorum generalium  
VII. & VIII. Febronii argumentum ex Triden-  
tina Synodo ductum refellitur.*

I. **P** Anca ex VII. Synodo proferam. Interrogati ejus Synodi Patres a Legatis Hadriani I. R. P. an *admitterent literas Sanctissimi Papæ Senioris Romæ, an non: Responderant: Sequimur, & suscipimus, & admittimus.*

II. Denique Synodus VIII. subscripsit libello ab Hadriano II. ad eam transmissio, in quo hæc legebantur (Tom. 10. Concil. Labb. col. 497.): *Quia non potest Domini nostri Jesu Christi prætermitti sententia dicentis: Tu es Petrus, & super hanc Petram edificabo Ecclesiam meam. Hæc quæ dicta sunt, verum probantur eventibus; quia in Sede Apostolica immaculata est semper servata Religio, & Sancta celebrata doctrina. Ab hujus ergo Fide, atque doctrina separari minime cupientes, & Patrum, & præcipue Sanctorum Sedis Apostolica Præsulum sequentes in omnibus constituta, anathematizamus omnes hæreses simul cum Iconomachis. Non ergo Rom. Præsulum constituta suo examini, ac judicio subjiciunt Synodi Patres, sed in omnibus ea se sequi, profitentur. Præterea Hadrianum alloquentes: Omnia, ajunt (ibid.), quæ in his statuta sunt, secundum decreti vestri moderationem venerabiliter conservabimus, recipientes quos recipiunt, & damnantes omnes, qui in illis damnati sunt, & præcipue jam dictum Photium.... Porro de Venerabiliss. Ignatio Patriarcha nostro, & de his, qui ex parte hujus sunt, quod auctoritas Apostolica Sedis vestra decrevit, tota mente sequimur, & religiosa devotione veneramur, atque pro nosse, & posse nostro, pia intentione, ac spiritali consilio defendimus. Quoniam, sicut prædiximus, sequentes in omnibus Apostolicam Sedem, & observantes ejus omnia constituta, speramus, ut in una communione, quam Sedes Apostolica prædicat, esse mereamur, in qua est integra & vera Christiana Religionis soliditas. Lecto autem libello, jussit, ajunt Patres, & convenienter lectus nobis libellus expositus est a Sancta Romanorum Ecclesia, & propterea omnibus placet. En fateantur Patres Hadriani libello subscribentes, se tota mente sequi in omnibus Sedis Apostolicæ Præsulum constituta, eaque Religiosa devotione venerari: se recipere quos illi recipiunt, & damnare quos illi damnant: in Apostolica Sede, seu in communione cum ipsa integram, & veram Christianæ Religionis soliditatem esse. Eum qui superiorem se Judicem agnoscit, de inferioris Judicis de-*

cretis ita & sentire, & loqui posse, nemo sibi persuaserit.

III. Rursus cum ageretur de recipiendis ad poenitentiam Episcopis, qui Phorium sectati fuerant, Legati dixerunt: *Suscipimus vos secundum præceptionem Sanctissimi Papa nostri Hadriani propter confessionem libelli poenitentia vestra. Detulimus libellum a S. R. Ecclesia, a Sanctissimo Papa Hadriano, mandatum ab eo accipientes exigere a vobis fieri ipsum libellum, & sic vos suscipere. Vultis ergo facere, quod iustum est a Sanctissimo Papa Hadriano? An non omnia ex Hadriani præscripto in ea Synodo acta sunt? Nonne ipse Synodo legem imponit? Quinam Index majori in inferiores auctoritate uti potest?*

IV. Postremum argumentum ducit Febronius ex Synodo Tridentina. Quamvis enim Leo X. Lutheri errores damnaverit; *nihilominus*, inquit (cap. 6. §. 7. n. 3.), *ex Actis Tridentini cum Bulla Leonis collatis manifestum est, Synodum rursus, & ab integro discussisse errores a Pontifice jam damnatos.*

Sed cur Febronius istiusmodi etiam argumentum attulerit, causam ego non video. Primo enim Leonis Constitutionem a Tridentina Synodo ad examen vocatam esse, non dixerit. Secundo: censet ne Febronius, Lutheri errores rite, & irrevocabili iudicio non fuisse a Leone X. damnatos? aut Lutherum, quasi nondum *ultimo* iudicio damnatus esset, non fuisse Hæreticum? Ast universa Ecclesia Catholica Lutherum etiam ante Synodum Tridentinam veluti Hæreticum semper execrata est? Persuasum igitur habuit Ecclesia, Lutherum irrevocabili iudicio a Leone X. damnatum esse. Tertio: Leonis Constitutio: *Exurge Domine*: data est anno 1520. At vero ab eo anno errores alios evulgavit Lutherus, eosque alii deinceps Lutheri Asectæ amplexi sunt, iisque novos addiderunt. Alios errores vulgarunt Zuinglius, Calvinus, Bucerus, aliique plurimi, qui vix numerari possunt. Porro huiusmodi errores omnes, non nominatis eorum Auctoribus, Tridentina Synodus damnavit. Quare errores Lutheri nominatim, quos Leo X. damnaverat, Tridentina Synodus *ab integro discussisse* dici nequit. Denique Synodus Tridentina damnavit errores ab aliis œcumenicis Synodis jam damnatos; exempli causa, errorem contra cultum sacrarum Imaginum a Septima œcumenica Synodo jam damnatum. An vero inde conficiet Febronius, Septimæ œcumenicæ Synodi definitionem a Synodo Tridentina ad examen vocatam esse, aut Ieonomachorum causam ab eadem septima Synodo non fuisse *ultimo* iudicio definitam? Si autem potuit Trid. Synodus errores ab aliis Synodis jam profligatos iterum damnare, quin earundem Synodorum auctoritati quidquam detraxerit; quis dixerit, Pontificis auctoritati parum concessisse Tridentinam Synodum, quod errores a Leone X.

ne X. jam damnatos, iterum damnaverit? Sunt ne hæc quoque Italorum minuitia?

## CAPUT XXVIII.

*Generalium Conciliorum Decreta rata non esse, nisi  
Romani Pontificis consensu, & auctoritate  
confirmata sint.*

I. **F**ebronius (cap. 6. §. 5.) statuit, Generalium Synodorum decreta non indigere Pontificiâ confirmatione. Ut id probet, triplicem distinguit (n. 1.) Synodorum speciem. Prima est, illarum, quibus ipse Pontifex interfuit: Altera, quibus adfuit per Legatos: Tertia, quibus ventro modo intervenit. Ad primam speciem pertinent Concilia Lateranensia, Lugdunensia, Viennense, & Florentinum. Cum autem his Conciliis Pontifex ipse præfuerit, eorum decreta ab eo confirmari, opus non fuit; præsertim cum decreta Conciliorum Lateranensis IV. duorum Lugdunensium, Viennensis, & Lateranensis V. ab ipso Pontifice edita sint, sacro approbante Concilio.

Quantum ad Concilia, inquit (ib. n. 2.), quibus Pontifex per Legatos adfuit: nec de his ullum extat monumentum, quo probetur eorum confirmationem a Sede Romana rogatam fuisse. Affert in hanc rem Conciliorum generalium historiam.

Concilia, addit (ib. n. 3.), sine ullo Pontificis interventu habita; sunt C. P. I. sub Damaso habitum, & C. P. II. habitum sub Vigilio. Neutrum autem suorum decretorum confirmationem a Pontifice petiit; neque Pontifex ea confirmavit.

Cæterum cum non ignoret Febronius, aliqua saltem Concilia suorum decretorum confirmationem a Pontifice postulasse, notat (ib. n. 4.), etiam Patres Concilii C. P. I. gestorum suorum confirmationem a Theodosio Imp. petiisse his verbis: Rogamus igitur Clementiam tuam, ut per literas pietatis tuæ ratum habeatur Concilii decretum. Quare sic concludit: fieri itaque eâdem ratione potuit, ut generalia Concilia, si Pontificiam confirmationem petissent, nihil intendissent aliud, quam ut impetrarent aliquas literas eorundem Conciliorum executionis inservientes, per testimonium approbationis Capituli Ecclesiæ.

Denique ait, e Conciliis Occidentalibus unum Tridentinum suorum decretorum confirmationem a Pontifice petiisse; nec tamen, quem in sensum confirmationem petierit, declarasse. Hactenus Febronii doctrinam exposui. Nunc ad eam refellendam aggredior.

II. Recte quidem Febronius triplicem Conciliorum speciem distinguit, sed in quo sita sit nos inter, & ipsum controversia, haud recte definit. Itaque si Pontifex ipse Concilio praesit, atque decreta vel communi totius Synodi nomine, vel ipse solus, *sacro approbante Concilio*, edat, ea confirmari a Pontifice, aut Concilium eorum confirmationem petere, opus non esse, nos quoque fatemur. Si vero Pontifex a Patribus dissentiat, rata ne sunt decreta a Patribus dissentiente Pontifice condita? Affirmat Febronius; imo *Si Papa, inquit (ib.), Concilii decretis subscribere, & universalis Ecclesiae decisioni sese accommodare recuset, poterit aemulica Synodus sua adversus illum, sicut contra alia Ecclesiae membra, auctoritate uti*. Nos vero id negamus.

Secundo: Si Concilio praesint Legati Pontificis, atque tum Legati, tum Concilii Patres ejusdem Pontificis mandata exequantur, aut editis ab eo definitionibus subscribant, Concilii gesta, quae Pontificis mandatis respondent, confirmatione non indigent. Si vero vel Legati Pontificis mandata praetergrediantur, vel Synodi Patres alia constituent, praeter ea, quae Legatis mandata sunt, aut Patrum Statutis Legati obsistant, nos contendimus, hujusmodi Patrum Statuta irrita esse, nisi a Romano Pontifice confirmentur.

Tertio: Si Concilium absque Pontifice, ejusve Legatis celebretur, ejus Concilii decreta nec rata, nec firma sunt, nisi Romani Pontificis auctoritate confirmentur.

Quarto: Si decreta, vel primum invito, vel inconsulto Romano Pontifice, ejusve Legatis, a Synodis edita tandem Romanus Pontifex confirmet, dicimus, Pontificis confirmationem non in eo tantum sitam esse, ut Synodorum decreta *rata habeat*, seu iis censentiat; aut *agnoscat, quod requisita solemnitates fuerint observata*, ut vult Febronius, sed etiam ut auctoritatem iis impertiatur.

Quinto: Denique dicimus, in hunc postremum sensum Concilia suorum decretorum confirmationem a Romanis Pontificibus petere consuevisse. Hae autem si demonstravero, nonne rite conficiam, Generalium Synodorum decreta *indigere Pontificia confirmatione*, nec rata, firmaque esse, nisi Romani Pontificis auctoritate confirmentur? Ad rem aggredior.

III. Julius R. P., Socrates, Sozomenus, Lucentius S. Leonis Legatus, & Patres Septimae aemulicae Synodi testantur, Ecclesiae Canonem, & Conciliorum legem esse: *Alia illa irrita esse, quae absque sententia Episcopi Romani constituentur*: Nunquam licitum fuisse Synodum facere sine auctoritate Sedis Apostolica: Irritam esse Synodum, quae non habet cooperantem Romanorum Papam (vid. cap. 19.): Ergo Ecclesiae Lex, imo Apostolica Traditio est (vid. ib. n. 3.), irrita.

irrita esse Conciliorum quamlibet generalium decretá, quæ Romanis Pontificis auctoritate confirmata uon sunt.

IV. Etiam S. Gelasius (de anath. viuc.): *Totumque, ut dictum est, inquit, in Sedis Apostolica possum est potestate. Ita quod firmavit in Synodo Sedes Apostolica, hoc robur habuit: quod refutavit, habere non potuit firmitatem.* Et alibi (epist. ad Episc. Dardan.): *Confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesia; ideoque & Romani Pontificis, firmavit assensus, non aliquam magis exequi Sedem praeteris oportere, quam Primam; qua & unamquamque Synodum sua auctoritate confirmat, & continuata moderatione custodit, pro suo scilicet principatu.* Loquitur autem Gelasius non modo de Provinciali Synodo, ut vult Natalis Alexander (sac. 15. & 16. diff. 4. a. 1. n. 37.), sed etiam de œcumenica. 1. enim de unaquaque Synodo loquitur. 2. ait, Primam Sedem uniuscujusque Synodi constitutum oportere exequi, & Primam Sedem unamquamque Synodum sua auctoritate confirmare. Oportet autem, Primam Sedem exequi Constituta etiam Synodi œcumenicæ: ergo Prima Sedes unamquamque Synodum etiam œcumenicam sua auctoritate confirmat. Confirmare autem, Gelasii sententiâ, non est dumtaxat exequi, consentire, aut executionem imperare, sed robur, & firmitatem tribuere. Quod enim firmavit in Synodo Sedes Apostolica, hoc robur habuit; quod refutavit, habere non potuit firmitatem.

V. Et hæc quidem olim fuisse videtur etiam Gallicanæ Ecclesiæ sententia. Hincmarus enim (lib. de divor. Lotb. & Theuber.): *Quibus omnibus, inquit, demonstratur, quia Synodus comprovincialium Episcoporum judicium: generalis autem Synodus comprovincialium dijudicationes, siue dissensiones vel probet, vel corrigat: Apostolica vero Sedes & comprovincialium, & generalium retractet, refricet, & confirmet judicium, sicut Epistola Leonis, & Gelasii, cæterorumque Romanorum Pontificum, & Sardicensis Synodus evidenter ostendunt.*

VI. Conciliorum historiam nunc percurramus. De Nicæni Concilii confirmatione duæ extant Romanorum Pontificum epistolæ, sed quæ a Pseudo-Isidoro confictæ sunt. Quamobrem sibi plaudens Febronius (ib. n. 2.). *Nulla, inquit, hic apparet requisitio confirmationis ex parte Synodi, aut ejus concessio ex parte Pontificis, præter utramque spuriam.*

Verum Epistola Concilii Romani anno 485. ad Orientales Clericos, & Monachos scripta, spuria non est (tom. 5. Concil. Labb. col. 248.); quamvis Launojus eam in dubium vocare conatus sit. In ea autem epistola Synodus: *Quam vocem, inquit, (tu es Petrus) sequentes trecenti decem & octo Sancti Patres apud Nicæam congregati, confirmationem rerum, atque auctoritatem Romanæ Ecclesiæ detulerunt,*

Praefat.

Præfatiunculâ quodque Nicænis Canonibus præfixa, hæc habet verba: *Et placuit, ut hæc omnia mitterentur ad Episcopum urbis Romæ Silvestrum (tom. 3. oper. S. Leonis edit. Baller. & Amort Jur. Canon. tom. 1. p. 2.). Prætermitto Concilium Romanum anno 330. a S. Silvestro celebratum, in quo Silvester Episcopus Sanctæ Apostolicæ Sedis Urbis Romæ dixit: Quidquid in Nicæa Bithiniæ constitutum est.... nostro ore conformiter confirmamus: Quamvis enim de ejus Concilii veritate non dubitent plures eruditi Viri, plerique tamen ejus veritatem negant. Sed quidquid ea de re sit, præter duas epistolas spurias, alia extant certæ fidei monumenta, Nicænos Patres decretorum confirmationem a Romano Pontifice petiisse, eaque reipsa a R. Pontifice confirmata esse. Hæc autem monumenta subleste potius prætermisisse, quam ignorasse Febronium, arbitror, ut audacter scribere posset (ib.), utriusque documenti (Isidoriani) consilium designare potius, quid Romani serius imperitis persuadere tentaverint, quam quid diffaverit gestorum veritas.*

VII. Post Nicænum Concilium celebratum est Ariminense; quod tamen Conciliabulis adnumeratum est. Ejus autem rei causam afferens Damasus R. P. (epist. 3.): *Neque enim, inquit, præjudicium aliquod nasci potuit ex numero eorum, qui apud Ariminum convenerunt: Cum confiter, neque Romanum Episcopum (Liberium), cuius ante omnes fuit expetenda sententia.... hujusmodi statuti consensum aliquem commodasse.*

VIII. Concilium C. P. I. quoad fidei definitionem a Damaso, atque ab aliis deinceps Romanis Pontificibus confirmatum est; sed ejus Canones a Romana Ecclesia rejecti fuerunt, eaque de causa nullam vim habuerunt (vid. cap. 20. n. 4.).

Concilium Ephesinum a Cælestino confirmari, opus non fuit. Nihil enim egit præter id, quod Cælestinus ipse statuerat (vid. cap. 23. n. 5. seqq.).

IX. De altero Concilio Ephesino, quod *prædatorium* dictum est, ita scribit Gelasius (epist. ad Episc. Dard.): *Itemque S. Flavianum Pontificem Græcorum congregatione damnatum, pari tenore, quia sola Sedes Apostolica non consensit, absolvit; potiusque qui illic receptus erat, Dioscorum secunda Sedis Præsulem sua auctoritate damnavit, & impiam Synodum, non consentiendo, sola submovit. Quid vero illi Synodo deerat, ut œcumenica, & legitima esset? A Theodosio enim Imperatore, Leone Magno annuente, convocata erat. Illi, Theodosio jubente, & Concilii Patribus plerisque saltem consentientibus, præfuerat Dioscorus Alexandrinus; quamobrem legitima adhuc erat juxta Febronii doctrinam, qui ait (cap. 6. §. 4. n. 1.): In Concilii facultate esse, etiam præsentibus Pontificis Legatis, alteri deferre præfidi.*

*praesidium*. Præterea tota Synodus in S. Flavianum sententiam dixit. Leonis autem Legatos obstitisse, parvi refert; Febronii enim sententiâ, ut summum prærogativa suffragii Legatis, imo Romano Pontifici convenit; cæterum major suffragiorum pars prævalere debet. Denique illa Synodus a Theodosio Imperatore lege latâ confirmata fuit. Quidni igitur legitima fuit? Scilicet quia Leo Magnus non modo eam non confirmavit, sed etiam veluti latrocinium reprobavit; ut hinc manifestissimum sit, irrita esse Synodorum quamlibet œcumenicarum decreta, si fuerint a R. Pontifice reprobata, aut etiam tantum non confirmata.

Sed prætermittere nequeo quod respondet Natalis Alexander (*fac. 15. & 16. diff. 4. art. 1. n. 48.*), nempe non ideo irritam fuisse Ephesinam Synodum, quia eam irritavit Leo, sed quia irrita erat, ideo eam irritam Leonem declarasse.

Ego vero sic respondeo. Arii dogma, *Verbum esse creaturam*, non ideo hæreticum est, quia hæreticum esse, definivit Nicæna Synodus; sed ideo hæreticum esse dogma illud, Nicæna Synodus definivit, quia antea hæreticum erat. Similis plane est utraque ratiocinatio. Ex posteriori autem ratiocinatione non colliget Natalis Alexander, aut non Nicæna Synodi auctoritate damnatum esse Arii dogma, aut non summam fuisse Nicæna Synodi in fidei causis definiendi auctoritatem. Neque igitur ex Natalis Alexandri ratiocinatione concludi potest, aut non Leonis auctoritate improbatam esse Ephesinam Synodum, aut non summam esse R. Pontificis in Conciliis probandis, vel improbandis auctoritatem.

X. Non minus in Chalcedonenſi Synodo emicuit summa R. Pontificis hac in re auctoritas. Primo enim S. Leonis Epistolam ad Flavianum suscepit Synodus, eamque subscripsit: quamobrem Fidei definitionem a Synodo editam confirmari a Leone, opus non fuit. Qua de re vere dicit Febronius (*cap. 5. §. 4. n. 3.*): *Quoad hæc nihil amplius desiderabatur (vid. cap. 24.)*. Sed præterea statuit Synodus *can. 28.*, ut Constantinopolitanus Episcopus primum locum post Romanum Pontificem obtineret, quem illi adjudicaverat etiam Synodus Constantinopolitana I. Ejus vero Canonis confirmationem vehementer rogarunt Leonem Anatolius ipse Constantinopolitanus Episcopus, Synodi Patres, Marcianus Imperator, & Pulcheria Augusta. Anatolius (*epist. inter Leon 100.*): *Et honoris quidem gratia, inquit, quo vos prosequimur, ejusmodi etiam decretum ad vestram Sanctitatem Synodus detulit, & nos, ut approbationem a vobis, confirmationemque consequamur; obsecramusque, ut hoc etiam per vos, o sanctissimi, efficiatur*. Synodus (*Ep. inter Leon. 98.*): *Rogamus igitur, inquit, & suis sententiis nostram honora judicium; & quemadmodum nos consen-*

*consensum in bonis Capiti contulimus, ita & Caput Filiis, quod decet, adimpleat. Sed Leo tamen istiusmodi Canonem improbavit. Scribens enim ad Pulcheriam Augustam (ep. 105.): Consensiones vero Episcoporum, inquit, Sanctorum Canonum apud Nicaeam conditorum regulis repugnantes, unita nobiscum vestra Fidei pietate, in irritum mittimus, & per auctoritatem B. Petri Apostoli generali prorsus definitione cassamus. Eadem fere scripsit ad Synodum, & ad Anatolium. Quid vero egit Synodus?*

En, Febroni, casum, de quo agis. Leo M. Concilii Chalcedonenensis decretis, & universalis Ecclesiae (Synodum enim etiam seorsim a Pontifice universalem Ecclesiam repraesentare, vis) decisioni sese accommodare recusat, imo in irritum eam mittit, & B. Petri Apostoli auctoritate se cassare, confidenter dicit. Quid porro agit Synodus? Sua ne adversus illum auctoritate utitur? Haudquaquam. Ne in mentem quidem Synodi Patribus id venit.

XI. Febronius hujus argumenti vim inminuere saltem conatur: Synodus, inquit (*ib. n. 2.*), non postulata a Pontifice confirmatione sententiarum, quas in haereses ipsas, harumque auctores tolerat (quia Leonis Epistolam, & mandata adamussim Synodus secuta erat), ad aliud factum transit multo minus grave, ejus petens confirmationem, ex quo Pontificis Legati illi contraxissent.... & adversaretur dispositionibus sexti Canonis Niceni, & primi Concilii C. P., insuper etiam dignitati Sedis Apostolicae, cujus esset tales prerogativas concedere. Itaque Synodus cupiens tollere hanc qualemcumque difficultatem, recurrit ad Pontificem.... diversa hac agendi ratio, circa duo capita, docet, Concilium non putavisse, quod sua decreta annuentibus Legatis concessa, confirmatione Pontificis indigeant: e contra eam utiliter obtineri pro roboratione decreti, iisdem Legatis repugnantibus concepti circa rem, de qua citra Primatis universalis concursus disponi non posse, existimabatur.

Sed ex his Febronii verbis quisque facile intelligit, eum veritatem agnoscere quidem, sed aperte fateri nolle. Vocat hujusmodi canonem, *factum multo minus grave: repugnantiam Legatorum qualemcumque difficultatem:* ait, confirmationem decreti, repugnantibus Legatis, concepti utiliter obtineri.

Sed primo: Canon ad disciplinam spectans non equidem tanti est, quanti Canon fidei. Sed cum velit Febronius, Conciliorum generalium decreta, tum quae ad fidem, tum quae ad disciplinam spectant, non indigere Pontificis confirmatione, imo si repugnet Pontifex, posse Concilia in eum sua auctoritate uti, fateri debet, ne Chalcedonensem quidem Canonem indignuisse Pontificis confirmatione; imo potuisse Synodum eum cogere, ut statutum Canonem ratum haberet. Si autem confirmari a Leone Canonem, opus non erat, cur



cur Synodus ipsa, Anatolius, Marcianus Imperator; & Pulcheria Augusta ejus Canonis confirmationem Leonem adeo flagitarunt? Cur cum Leo Canonem irritasset, sua in eum auctoritate Synodus usque non est? Sed ab ea re vel cogitanda adeo abfuerunt Synodi Patres, ut Leonem supplices Canonis confirmationem rogaverint, seque ejus *Filios* appellaverint.

Sed Chalcedonensis Canon; inquit Febronius; adversabatur *dispositionibus sexti Canonis Niceni*. Sed rogo ego iterum: Quid demum Chalcedonensi Synodo deerat, ut Canonem a Nicæna Synodo in re disciplinæ constitutum, mutaret; præsertim cum etiam rerum ratio mutata esset? Nempe ei deerat Pontificis consensus, & auctoritas. Nam si Pontifex Canonem probasset; ratus habitus esset, etiam si Nicæno Canoni contrarius esset. Ergo sola demum Pontificis auctoritate fit, ut Synodorum generalium decreta rata sint.

Sed, ait Febronius, adversabatur etiam dignitati Sedis Apostolicæ, *cujus esset tales prerogativas concedere*. Sed vereor ego, ut id serio affirmet Febronius. Nam eo Canone Episcopo C. P. non modo secundus in Ecclesia honoris locus; sed etiam Diœceses Asiæ, & Ponticæ ab Antiocheni Patriarchæ jurisdictione subtraherentur, attributæ sunt. Si autem Apostolicæ Sedis erat istiusmodi prerogativam concedere, idest integras Diœceses ab unius Episcopi jurisdictione subtrahere, easque alterius Episcopi jurisdictioni subicere, cur alibi sæpe invehitur Febronius in Monachorum privilegia ipsi ab Apostolica Sede concessa; negatque, posse R. Pontificem eos, eorumque Monasteria ab Episcoporum jurisdictione subtrahere, eaque Moderatorum suorum jurisdictioni subicere? Sed negare alicubi non pudet Febronium, quod alibi affirmat; & scire alicubi statuere, eorumque consuetudina alibi negare; dummodo ubique R. Pontificis auctoritatem impugnet.

Denique ait Febronius, *utiliter postulata esse ejus Canonis confirmationem, quia existimabatur, circa eam rem citra Primatis universalis concursus disponi non posse*. Quasi vero necessaria non fuerit confirmatio; aut ea una fuerit res, de qua Synodus absque Pontificis consensu se disponere non potuisset, existimaverit. Quidni fateatur, existimasse Synodum, de nulla re se disponere potuisse absque Pontificis consensu, & auctoritate? Quod enim ea una res in controversiam venerit, argumento non est, potuisse Synodum jure suo absque Pontificis consensu cætera statuere. Interea vero ex his manifestum est, Febronium argumento, quod ex Chalcedonensis Canonis refutatione ducimus, nonnisi iugas, & ineptias opponere.

XII. Sed magis quisque confirmationis, de qua agimus, necessitatem ostendunt ea, quæ post improbatum a Leone Canonem

contigerunt. Cum enim, prætermisſis Fidei decretis, totus in eo eſſet Leo, ut eum Canonem reſutaret, opinati ſunt Eutychniani, etiam Fidei decreta a Synodo edita, a Leone rejeſta eſſe. Quæ res ne Fidei Catholicæ detrimento eſſet, veritus Marciannus Imperator, Leonem rogavit, ut Fidei ſaltem decreta litteris ad omnes Eccleſias tranſmittendis confirmaret, ne Eutychniani, alique cauſarentur, ea ab Apſtolica Sedē confirmata non fuiſſe: Miramur ſupra modum, inquit Marciannus (ep. 110. inter Leon. edit. Baller. ul. poſt ep. 88.), quod poſt Chalcedonenſem Synodum, & litteras venerabilium Epiſcoporum ad tuam Sanctitatem miſſas, quibus omnia in ipſa Synodo acta ſignificabant, nullo proſus paſſo a tua Clementia ejuſmodi epiſtola remiſa ſint, quas videlicet in Sanctiſſimis Eccleſiis perleſtas, in omnium oportebat notitiam venire. Quod nonnullorum animis, qui Eutychetis etiam nunc prævam opinionem, & perversitatem ſectantur, ambiguitatem multam inſociavit, utram tua Beatitudo, qua in Sancta Synodo decreta ſunt, confirmaverit. . . . Quamobrem tua veneranda dignitas decretum quamcelerrimè emittat, quo confirmare ipſam Chalcedonenſem Synodum, maniſeſtissime deſtendat, ut ii, qui exoptant in via divèrticula, nullam habere poſſint ſuſpicionem de judicio tua Sanctitatis. Viden' quam neceſſarium eſſe exiſtimaverit Marciannus, ut Chalcedonenſis Synodi decreta, quæ ad Fidem ſpectabant, confirmaret Leo? Et Pontifex quidem Marcianno reſcripſit (ep. 115.), nullam fuiſſe de Fidei decretis ambigendi rationem; cum ei fidei, inquit, omnium ſubſcribentium conſenſus acceſſerit, qua a me ſecundum formam Apoſtolicæ doctrine, & paternæ traditionis emiſſa eſt. Sed quam tamen rogaverat Marciannus decretorum fidei confirmationem, ad eum Leo miſit, ut eam ipſe ad omnes Orientis Eccleſias tranſmitteret. Quæ autem in hac cauſa contigerunt, ea ſummam Romani Pontificis etiam in Concilia generalia auctoritatem præclariffime demonſtrare mihi videmur.

XIII. Id perſenſit etiam Febronius (cap. 5. §. 4. n. 3.). Quare ait: Interim band diſtendum, quod Pontifex authoritatis ſuæ commendanda multum ſtudioſus (aliquid præterea dicere vellet, ſed non audet), non petitam confirmationem fuerit impetrurus. . . . Scilicet ſtylo Eccleſiaſtico confirmantur decreta non modo ab aqualibus, ſed paſſim etiam ab inferioribus, & ſpeciatiim non tantum a Romanis Pontificibus Conciliaria decreta, ſed & viceiſſim a Conciliis etiam particularibus decreta Summorum Pontificum confirmata leguntur. Quod eruditè demonſtrat Ill. Boſſietus deſ. decl. Cler. Gall. p. 2. lib. 13. cap. 2.

Verum cur primum Chalcedonenſis Synodus decretorum fidei confirmationem non petiit? Quia nempe ad Leonis mentem, & ex ejus verbis, & phraſibus adornata erant (vid. ſup. cap. 24.). Cur vero poſtea confirmationem petiit a Leone Marciannus, & cum eo Ortho-

Orthodoxi Episcopi? Quia scilicet quamplurimi non modo Canones, sed Fidei etiam decreta a Leone improbara esse arbitrabantur. Ergo universa Ecclesia persuasum habebat, sola R. Pontificis auctoritate fieri posse, ut quæ ab œcumenicis etiam Synodis in cuiusvis generis causis statuta sunt, firma sint, & rata. Cum enim plures, ne Fidei definitionem susciperent, eam a Leone reje-ctam esse, causarentur, non iis responderunt Marcianus, & Ortho-doxi Episcopi, opus non esse, ut Fidei definitio ab œcumenica Sy-nodo edita, a Romano Pontifice confirmetur; sed definitionis Fidei confirmationem iterum iterumque Pontificem flagitarunt. Rogo nunc ego Febronium, & Bosuetum, ut demonstrent, Synodorum œcume-nicarum, aut Romanorum Pontificum decreta ita ab aliis Episcopis, aut a Provincialibus Synodis confirmata esse, ut alioquin irrita fu-tura fuissent. Id enim demum est, quod hic agimus. At vero id nunquam demonstrabunt. Nam decretum quidem aliquod confirma-re dicitur is, qui ei assentitur; quem in sensum Synodorum gene-ralium, & Pontificum decreta ab Episcopis, & a Provincialibus Sy-nodis confirmata fuisse, legimus: sed huiusmodi confirmationem vim & robur decretis addidisse, ut alioquin irrita futura essent, nullibi legimus, nisi ubi de Romani Pontificis confirmatione agitur.

XIV. Hinc vero ut ad Synodum V. transeamus, magnæ de tri-bus Capitulis excitatæ sunt in Ecclesia turbæ; quia Episcopi plures, præsertim Occidentales existimabant, omnia Chalcedonensis Synodi gesta, præter Canonem 28. a Leone Magno confirmata esse. In ea enim Synodo Theodoretus, & Ibas ut orthodoxi in Catholicæ Ec-clesiæ communionem recepti sunt. Eam fuisse tot turbarum cau-sam, testantur Facundus Hermianensis (lib. 2. & 4.), & Ferrandus Diaconus Carthaginensis (Epist. ad Pelagium, & Anatol.): quorum alter, qui præsertim pro Epistola Ibas pugnavit; Si quis tunc, in-quit, accusator Epistola, ejus Catholica esse discussio clarnit, ad majo-ra judicia provocaret, accusationi forsitan secundum consuetudinem locus pateret. Sed quo iret, aut ubi majores in Ecclesia reperires Judices, ante se habens in Legatis suis Apostolicam Sedem, qua consentiente, quidquid illa defini-vit Synodus (Chalcedonensis), accepit robur invictum? . . . Qua finiuntur judicantibus Episcopis Sanctis, & ad B. Petri memoriam perducta diligentius examinantur, atque firmantur, sequenda sunt, tenenda sunt, am-plectenda sunt: in retractione sub qualibet pietatis occasione teneri non de-bent. Sed errarunt Facundus, Ferrandus, alique in re gesta. Pelagius enim II. (ep. 6. ad Episcopos Iſſria tom. 6. Concil. Labb. col. 631.) restatur, præter fidei definitionem, reliqua, quæ a Synodo Chalce-donensis gesta sunt, a Leone confirmata non fuisse: Privatas causas, inquit, quæ ibi post definitionem fidei acta sunt, non solum minime con-

firmavit, sed & retractari, atque dijudicari concessit. Tota igitur controversiæ ratio in eo versabatur, utrum Leo præter fidei definitionem, reliqua Concilii Chalcedonensis gesta confirmasset. Scilicet persuasum omnibus erat, Synodorum decreta a Romano Pontifice confirmata, firmissima esse, nec retractari posse: ea vero, quæ Romanus Pontifex non confirmasset, firma non esse, sed in controversiam iterum adduci posse. Trium autem Capitulorum causam definivit V. Synodus, ejusque definitionem confirmavit eodem anno 553. Vigilius Romanus Pontifex epistola ad Eutychium Constantinopolitanum Patriarcham data 6. Idus Decembris.

XV. Epistolam hanc primus in lucem edidit Petrus de Marca (*differt. Select. Eccles. diff. de decreto Vigil.*) ex antiquissimo Codice Bibliothecæ Regiæ, quem Ammannensis Leo Cinnomus se descripsisse testatur temporibus Michaelis Palæologi ex Autographo, quod in veteri Bibliotheca Ecclesiæ Romanæ asservabatur, calamo exaratum anno mundi 6267., seu anno Christi 753. Eam genuinam esse, ostendit ipse Petrus de Marca, & a Græcis ipsis tanti factam esse ad robur Quintæ Synodi asserendum, ut eam in Actis ejus Synodi retulerint, & definitioni Synodica subjunxerint. Eamdem genuinam esse, censent Cardinalis Norisius, Dupinius, Natalis Alexander, & plerique Eruditi Viri. Quare frustra ait Febronius (*cap. 6. §. 5. n. 3.*), notari ab Harduino: Supposititiam esse hanc Epistolam, probari a Joanne Garnerio Soc. Jesu in Notis ad Brev. Liberati.

Sed, inquit, quamvis in inscriptione hujus decreti ad Eutychium missi, feratur, illud factum fuisse ad Confirmationem S. Concilii, nullum tamen in eo est verbum, ex quo id colligatur: nisi pro Confirmatione Concilii accipiatur damnatio Trium Capitulorum, qua ostendit, Pontificem consentire Synodi decreto. Porro ne loquitur quidem Pontifex de hoc Concilio, multo minus de damnatione ab eodem facta.

Verum, ut ipsi Petro de Marca notatum est (*ib. n. 14.*), Vigilius in sua decretali Epistola ad Eutychium iis verbis usus est, quibus dignitatem suam tueri posset adversus Synodum C. P. sine ulla Justiniani Imperatoris, & Episcoporum offensione. In ejus enim Synodi celebrationem, iis conditionibus, quibus facta est, Vigilius non consenserat. Igitur ne ei Synodo, cui neque ipse, neque ipsius Legati præfuerant, auctoritatis aliquid tribuere videretur, eam, postquam quatuor superiores œcumenicas Synodos se venerari professus est, ne Synodi quidem nomine cohonestavit. Tria itaque Capitula suo decreto damnavit; eos vero, qui ea jam damnaverant (his verbis Synodum C. P. significat), fidem a quatuor Synodis prædicatam amplectentes, *Frates, & Consacerdotes esse, definit*, id est eos communioni suæ adjungit, eorumque sententiæ robur illud im-

per,

peritur, quod ex consensione cum ipsius decreto trahere debent? Porto Vigilii decretum pro confirmatione Quintæ Synodi acceperunt Græci; illud enim in Acta retulerunt, ut robur Synodo afferrent.

Nempe, ait Febronius, Vigilii Synodi decreto consensit? Consensit quidem, ajo ego: sed ejus consensus Synodo robur, & auctoritatem tribuit; alioquin non tanti cum fecissent Græci. Equidem Patres Synodi VI. *Vigilius post hæc*, inquit (*prosp. ad Imp.*) *Justiniano piissimo consonuit, & quantum Concilium constitutum est*, quasi dicerent: Ideo quantum Concilium constitutum est, quia Vigilii Justiniano consonuit. De V. Synodi confirmatione hætenus.

XVI. Cum sextæ œcumenicæ Synodi Patres Fidei definitionem a S. Agathone ad eos transmissam suscepissent, & subscriptissent (*vid. cap. 26.*), opus quidem non erat, ut Fidei definitionis confirmationem a Pontifice postularent. Nihilominus eam necessariam esse ipsi existimarunt. Quare S. Agathonem scribentes (*tom. 7. Conc. Labb. col. 1114*): *Orthodoxæ Fidei*, inquit, *splendidam lucem vobiscum clare predicavimus, quam ut iterum per honorabilia vestra Rescripta confirmetis, vestram rogamus Paternam Sænitatem.*

Hæc Sextæ Synodi Patrum verba molestiæ nonnihil Febronio creant; quamobrem in alienum sensum ea interpretari conatur (*cap. 6. §. 5. n. 2.*): *Fatendum*, inquit, *Concilium generale VI. videri postulare ab Agathone Pontifice suorum decretorum confirmationem... sed multum abest, ut Patres postulent confirmationem, de qua hic agitur, tamquam sine qua decreta Conciliorum non habeant vim obligandi: rogant enim dumtaxat confirmationem, qua sita est in nova approbatione; qua cum sit novum testimonium, Pontificem Concilio consentire, definitionem aliquatenus corroborat. Firmat hunc sensum, verbum ITERUM, evincitque, nihil aliud peti a Pontifice, nisi ut rursus faciat, quod jam fecit.*

Sed Febronii responsum se ipso refellitur. Sive enim quod Pontificem rogant Sextæ Synodi Patres, illud sit confirmatio, sive nova approbatio decretorum, aut novum testimonium, Pontificem Concilio consentire, existimant illud necessarium esse, ut firma, & rata sint Concilii decreta; alioquin illud Pontificem non rogarent. Itaque cum Patres decretorum confirmationem Pontificem rogaverint, Febronii est, ostendere, eos confirmationem rogasse, quamvis necessarium esse non existimarent. Interea vero ex eorum verbis ego jure meo concludam, eos confirmationem rogasse, tamquam sine qua decreta Conciliorum non habere vim obligandi, existimaverint.

Præterea si ea fuisset Patrum sententia, Conciliorum decreta vim habere absque confirmatione Pontificis, imo se cogete posse Pontificem iis consentire, ut vult Febronius, Pontificem non rogassent.

sunt, ut decreta confirmaret, sed ei præcepissent, ut decreta ad eum missa suscipere ipse, & veneraretur, atque ab aliis suscipienda curaret. Sed a Febronii sententia longissime aberant Sextæ Synodi Patres: multoque ipsi erga S. Petri Successorem obsequentiores erant, quam nunc sunt obscuri quidam homines, qui ad Ecclesiæ disciplinam reformandam a Deo missi videri volunt.

XVII. Neque septimam Synodum a Romano Pontifice confirmari, opus fuit. Cum enim Hadriani I. Legati (*Aët. 2. tom. 8. Concil. col. 775.*) dixissent: *Dicat nobis S. Synodus, num recipiat SS. Papæ veteris Romæ Literas, an minus? Sancta Synodus respondit: Sequimur, suscipimus, & admittimus.* Deinceps vero singuli Episcopi suam sententiam his fere verbis expresserunt: *Juxta Literas Sanctissimi Papæ Veteris Romæ Hadriani confisor, & recipio, & adoro venerandæ, & Sanctas Imagines.* Quamobrem neque Synodi Patres decretorum confirmationem a Pontifice postulasse legimus. Quamquam hujus rei ea forte causa est, quod desideremus Septimæ Synodi Epistolam Synodicam ad Hadrianum. Epistola enim Tharasio Archiepiscopi C. P. perperam a Febronio inter *Synodales Relationes* numeratur (*ibid.*) : cum proprio Tharasio, non vero communi Synodi nomine scripta sit. Falsò etiam scribit Febronius, nihil in illis literis aliud dici Romanæ Sedi favorabile, quam quod definitiones Concilii Romam misse sint. Primo enim Concilii definitiones Romanæ missas esse, ne uno quidem verbo indicat Tharasius. Secundo hæc scribit Tharasius (*tom. 8. Concil. col. 155.*) : *Itaque prerogativa quadam Literas Sanctitatis tuæ primo loco legi jussimus: & eramus quidem tunc omnes veluti in convivio epulis Spiritus intenti, quod tali convivio animi nostri recrearentur: Pedesque nostri in viam rectam veritatis PER TE ducebantur: vel, ut legitur in græco textu (*ib. col. 1275.*) : & sicut oculus totum corpus ad rectitudinis, & veritatis semitam ostendebat. Nihil neque continent verba hæc Romanæ Sedi favorabile?*

XVIII. Denique ne Octavam quidem Synodum a R. Pontifice confirmari opus erat. Omnes enim ejus Synodi Patres Hadriani II. Libellum ad eos missum subscripserant (*vid. cap. 27. n. 2.*). Sed præterea plures Canones *Aët. 10.* ediderunt. Quamobrem Pontificis Legati præter morem his verbis subscripserunt (*tom. 10. col. 662.*) : *Usque ad voluntatem ejusdem eximii Præsulis.* Et Patres quidem Hadriano scribentes: *Igitur libenter oppido, inquit (*epist. ad Hadr. tom. 10. Concil. Labb. col. 673.*), & grante Imitatrice Dei Sanctitate vestra omnium nostrum Conventum, & universalis hujus, & Catholica Synodi consensum, & consonantiam recipiente (*Febronius ib. legit: benevole recipite, & precibus apud Deum vestris confirmate*) predica- cam magis, & veluti propriam, & sollicitius confirma evangelicis præ-*

ceptio-

ceptionibus, & admonitionibus vestris, ut per sapientissimum magistrum vestrum etiam aliis universis Ecclesiis personis, & suscipiantur veritatis verbum, & iustitia decretum.

Febronius scribit, his verbis ostendi, Synodum longe abfuisse a pendenda confirmatione suorum decretorum, ut ea vim obligandi haberent.

Sed cum Patres Pontificem rogent, ut Synodi consensum, & consonantiam recipiat, & sollicitius confirmet præceptionibus suis; existimant profecto totam decretorum vim a Pontificis confirmatione pendere.

Jamvero ex Conciliorum Orientalium historia, quam hæcenus persecutus sum, manifestissimum est, falso scripsisse Febronium (cap. 6. §. 5. n. 2.), In nullo eorum quidquam reperiri, ex quo colligi possit, eandem suorum decretorum confirmationem a Pontifice petiisse, & verosimillimum esse, nullum eorum hanc desiderasse.

XIX. Nunc quæ hæcenus dicta sunt, in patra contraho. I. Antiquissimus Ecclesiæ Canon, imò Apostolica Traditio est, irrita esse, ideoque vim obligandi non habere Conciliorum Decreta, quæ absque sententia, & auctoritate Romani Pontificis condita sunt (n. 1.): & irrita sunt Conciliorum decreta quæ a R. Pontifice vel non confirmantur, vel refutantur; quod etiam aperte docet S. Gelasius (n. 3.): ergo Conciliorum decreta, ut rata sint, & vim habeant, indigent Pontificis confirmatione, quæ vim & auctoritatem iis impertiatur. Quare Synodus Secunda, quoad fidei definitionem, & Quinta idem inter æcumenicas recensentur, quia ab Apostolica Sede confirmatæ sunt (n. 8. & 15.): Synodi vero Ariminensis, & Ephesina Secunda Conciliabulis adnumerantur, quia ab Apostolica Sede rejectæ sunt (n. 7. & 9.).

II. Synodus Chalcedonensis (n. 10. seqq.), & dux Synodi Constantinopolitane III. & IV. (n. 16. & 18.), imò verosimilius etiam Nicænæ Synodi I. & II. (n. 6. & 17.) suorum decretorum confirmationem a Romano Pontifice petierunt; ut scilicet Pontifex non modo rata haberet Synodorum decreta, iisque consentiret, & agnosceret, quod requisita solemnitates fuissent observatæ; aut daret aliquas litteras Conciliorum executioni inservientes, quas ab Imperatoribus Concilia aliquando postulabant; sed etiam ut auctoritatem iisdem decretis impertiretur. Quamquam Patres Constantinopolitani non aliud Theodosium rogarunt, nisi ut subscriptione, & Imperii Signo Concilii Acta firmaret, ne qua oriretur de eorum fide, & integritate suspicio; quod unum significat verbum *εὐαγγέλιον*, quo utuntur Synodi Patres.

Sed postremo ait Febronius cum Meldensi Episcopo (cap. 6. §. 5. n. 6.): *Libenter quærerem, iudicis ne nos Synodi, cum absolute,*  
*& de-*

*decretorie pronunciant: Qui non ita senserit, anathema sit?* Non ludunt quidem, respondeo ego, si cum Romano Pontifice pronunciant: at ludunt profecto, si anathema pronunciant, Romano Pontifice dissentiente; sicuti Inlere Synodi Ariminensis, Ephesina II. Constantinopolitana anno 757. celebrata, & aliæ similes. De Conciliorum Orientalium confirmatione satis hæcenus dictum est.

XX. Ex his vero facile cætera sphaalmara castigantur & Quantum ad Concilia generalia Occidentis, inquit (ibid.), quibus per Legatos Papa adfuit, nullum noscitur, quod miseris ad illum suorum Gestorum relationes: unicum est Tridentinum, quod Pontificis confirmationem rogaverit.

Sed quæro, quotnam generalia Concilia, præter Tridentinum, in Occidente celebrata sint, quibus non ipse Pontifex, sed ejus Legati præfuerint? Nullum profecto. Nam Concilium quidem Constantiense tunc solum certo legitimum, & œcumenicum fuit, cum illi præfuit Martinus V. qui etiam Concilii decreta confirmavit: Synodus vero Basileensis vel ea una de causa, ut alias prætermittam, inter Conciliabula numeranda est, quod ab Apostolica Sede rejecta, & refutata sit. Sed de utrâque Synodo pluribus postea agam. Interea certum est, omnibus Occidentis Conciliis certo œcumenicis Pontificem ipsum præfuisse, præter quam Tridentino. Non ergo opus fuit, ut suorum gestorum relationes ad Pontificem mitterent, & decretorum confirmationem ab eo peterent. Synodus vero Tridentina, cui non ipse Pontifex, sed ejus Legati præfuerunt, & suorum gestorum relationem ad Pontificem misit, & decretorum confirmationem ab eo petiit.

Id ægre fert Febronius, & forte etiam improbat. Sed ne Synodum ipsam, quæ decretorum confirmationem a Pio IV. petiit, & Pontificem, qui ea confirmavit, palam impetere videatur, carpit potius Scriptorem Constitutionis, qua Pius IV. Concilii decreta confirmat. It igitur, inquit, qui Bullam Pii IV. Concilii Tridentini confirmationem confecit, in Historia Conciliari parum erat versatus, vel ipsos fontes minime consuluerat, cum Pontificem dicere facit, Concilium, dum confirmationem suorum decretorum petit, veterum sequi vestigia Conciliorum.

Sed Constitutionis Scriptorem, Pontificem ipsum, & Tridentinam Synodum abunde satis vindicant ea, quæ ex Orientalium Conciliorum Historia superius allata sunt.

XXI. Quamquam cum negare nequeat Febronius, Synodum Tridentinam decretorum confirmationem a Pontifice petiisse, confirmationis saltem vocabulum in alienum sensum explicare conatur. Finaliter, inquit (ib. n. 5.), triplicem potest habere confirmatio sensum, a) auctoritatem impertiri: b) ratum habere: c) agnoscere, quod requisita solemnitates fuerint observata. Non declarant Patres Tridentini, in qua



*harum trium significationum confirmationem suorum decretorum a Pontifice peterent. Verosimile est, eos id diversis motivis impulsos fecisse, prout alii pro Superioritate Pontificis supra Concilium, alii pro dependentia Papæ a Concilio affecti erant. Sic consenserint in hanc petitionem Itali sub prima notione confirmationis: Galli, Germani, & Hispani sub secunda, & tertia.*

Sed nugæ istæ sunt, quæ facillime diluuntur. Nam Confirmationis vocabulum in tertium a Febronio expositum sensum accipi non potest; nisi tam facile est verborum sensa, quam verba ipsa immutare. Qui enim agnoscit, requisitas solemnitates in aliquo condendo decreto observatas esse, non propterea is decretum confirmare dicitur potest; nisi præterea addat, se decretum ratum habere, & auctoritatem illi impertiri. Neque qui decreti confirmationem ab alio petit, is petit tantum, ut ille agnoscat, requisitas solemnitates observatas esse; sed petit præterea, ut decretum ratum habeat, illudque sua auctoritate firmum reddat. Ergo Tridentina Synodus decretorum confirmationem a Ro. Pontifice petens, non petit dumtaxat, ut Pontifex agnosceret, requisitas solemnitates observatas fuisse; sed præterea ut ea rata haberet, iisque auctoritatem impertiretur.

Sed Confirmationis vocabulum etiam in Febronianum sensum accipiamus. Vel necessarium est ad decretorum vim, ut Pontifex agnoscat, requisitas solemnitates in iis condendis observatas esse, vel non. Si non: cur ergo id a Pontifice petunt Synodi Patres? Si vero necessarium id est, confirmationis sensus in primum, vel alterum sensum recidit, ut patet.

Itaque demum confirmare idem est, atque ratum habere, vel auctoritatem impertiri. Jamvero si in priorem sensum Confirmationis vocabulum accipias; vel ad decretorum vim, necessarium est, ut ea Pontifex rata habeat, vel non. Si non: cur ergo id Synodus a Pontifice petit? Si vero necessarium est, Pontificis confirmatio, quemcumque in sensum accipiat, vim decretis impertitur: & Synodus decretorum confirmationem a Pontifice petens, petit, ut vim iisdem decretis, & auctoritatem impertiatur.

Denique quisnam sibi persuaserit, Tridentinam Synodum existimasse, se Pontifice superiorem esse, suaque decreta se ipsis, absque R. Pontificis auctoritate, rata, & firma esse, imo se Pontificem ad ea suscipienda, & servanda compellere posse, & nihilo secius conventum suum, Patribus omnibus Italis, Gallis, Germanis, & Hispanis consentientibus, absolvisse, decernendo, ut omnium, & singulorum, quæ tam sub *sel. rec. Paulo III. & Julio III. quam sub Sanctiss. D. N. Pio Quarto Romanis Pontificibus in ea decreta, & definita sunt, confirmatio nomine Sanctæ hujus Synodi per Apostolicæ Sedis Legatos, & Præsidentes a Beatissimo Romano Pontifice petatur?*

# PARS TERTIA.

OSTENDIT, ROMANUM PONTIFICEM ECCLESIAE,  
ET CUIUS SYNODO AUCTORITATE  
PRÆCELLERE.

## CAPUT I.

*Controversiam constituit, eamque invictissimis  
argumentis definit.*

I. **C**UM quaeritur, Romanus ne Pontifex Ecclesiae, & Synodo, an vero Ecclesia, & Synodus Romano Pontifici auctoritate præcellat, secernitur utique Pontifex ab Ecclesia, & a Synodo, velut Caput a Corpore; alioquin inepta esset, & Sapientibus Viris indigna istiusmodi quaestio. Et Febronius quidem, & Galli Theologi, cum sentiant, R. Pontificem Generali Concilio subijci, atque ab eo judicari posse, & Pontificem ei parere debere, ipsi quoque Pontificem ab Ecclesia, & a Concilio, a quo eam repræsentari volunt, secernunt. Quamquam cum sententiae suae argumenta proferunt, ipsius controversiae obliti esse videntur. Ea enim proferunt, quae, siquid valent, evincunt, Pontificem subijci Concilio, cujus magna, & præcipua pars est ipse Pontifex. Ejus rei exemplum unum do. Ajunt illi, Pontificem subijci e. c. decretis a Nicæna Synodo constitutis; atque hinc colligunt, Pontificem Concilio subijci: quasi S. Silvestri Legati non fuerint præcipua Nicænae Synodi pars; atque non primi Synodi decreta statuerint. Hinc equidem siquis colligit, Pontificem Concilio subijci, ab eo judicari posse, eique parere debere, ridiculum omnino se facit. Itaque Pontificem seceretum ab Ecclesia, & a Concilio, Ecclesiae ipsi, & Concilio quamlibet œcumenico auctoritate præcellere, his argumentis evincit.

II. Primo: Christus non Ecclesiae, eamque repræsentanti œcumenicae Synodo, sed Petro immediate dedit Claves Regni Caelorum, idest summam auctoritatem, & jurisdictionem in Ecclesia (ex 1. p. cap. 3.): ergo summam in Ecclesia auctoritatem, & jurisdictionem non habet Ecclesia ipsa, ut a Petro, ejusque Successore Romano Pontifice sejungitur, sed habet Petrus, & Romanus Pontifex.

Secundo: Christus constituit Petrum, & Romanum Pontificem  
Agno-

Agnorum, & Ovium, idest Christianæ Plebis, & Episcoporum, seu totius Ecclesiæ Pastorem (ex 1. p. cap. 4.): Pastor autem universo Gregi sive disperso, sive coacto præest, & auctoritate præstat.

III. Tertio: Juxta Florentinæ Synodi definitionem (2. p. cap. 3. n. 3.), Romano Pontifici tradita est a Christo *plena potestas pascendi, regendi, & gubernandi universalem Ecclesiam*, ideoque etiam Synodum œcumenicam. Qui autem potestatem habet pascendi, regendi, & gubernandi, is grege, qui pascitur, regitur, & gubernatur, superior profecto est: ergo R. Pontifex etiam universali Ecclesia superior est.

Neque te moveat, quod addit Synodus, nempe: *juxta eum modum qui (sic enim legi vult Febronius. vid. 2. p. cap. 5. n. 4.) & in gestis œcumenicorum Conciliorum, & in Sacris Canonibus continetur*. Non enim his verbis subjicitur Romanus Pontifex œcumenicis Conciliis, sed ut summum indicatur, traditam illi esse a Christo plenam potestatem regendi universalem Ecclesiam non ad libidinem, sed juxta Sacros Canones ab œcumenicis Synodis editos, & a Romanis Pontificibus confirmatos, quos vel ipsi Romani Pontifices (v. 2. p. cap. 7. n. 5.), imo & œcumenicæ Synodi se prætergredi non posse, sæpe falsæ sunt.

Cæterum Florentina Synodus memoratis verbis non regendæ Ecclesiæ legem R. Pontifici præscribit, sed fontes tantum indicat, e quibus definitionem suam deduxit. Latini enim Patres Pontificis Primatum exprimere volebant *per dicta Sanctorum Patrum*: at Michael Imperator, *an siquis*, inquit, *Sanctorum in epistola honoret Papam, excipiet hoc pro privilegio?* Quare Græcis, qui se alioquin discessuros esse, distitabant, annuit Engenius IV., ut dictis Sanctorum Patrum prætermisiss, exprimerentur gesta œcumenicorum Conciliorum, & Sacri Canones, tamquam fontes, e quibus deducebatur, traditam esse R. Pontifici a Christo plenam potestatem pascendi, regendi, & gubernandi universalem Ecclesiam.

Quid vero, quod Ecclesia Græca, ait Febronius, (cap. 1. §. 10. n. 1.) non modo sæculo XII. per os Nechitis Nicomedie Archiep. suos hac de re sensus abunde declaravit in Anselmi Havelbergensis dialogo 3. cap. 8. ubi in Ecclesiam R. invehitur; sed etiam in Concilio Florentino nunquam voluit agnoscere R. Præsulem aut Concilio superiorem esse, aut infallibilem? = Scimus, inquiebat Sessio IX. Bessarion pro Græcis *verba faciens*, quæ sint jura, & prærogativæ R. Ecclesiæ: nihilominus scimus etiam, prærogativæ ejus quos terminos habeant =. Et infra: = Quantacumque facultate polleat R. Ecclesia, minus tamen pollet Synodo œcumenica, & universali Ecclesia =.

Sed Febronius Ecclesiæ Græcæ non Catholicæ, sed Schismaticæ sensa

tenſa nobis objicit. Nam & Nechires Schismaticus erat, & Beſſarion Seſſione IX. Synodi Florentinæ a Schismaticis ſtabat; recteque ab Eccleſia Romana additam eſſe Symbolo particulam *Filioque*, negabat, hanc aſſerens cauſam, quod Epheſina Synodus Symbolo quidquam addi, vetuerat. Hujusmodi autem auctoritatem negabat non modo Eccleſiæ Romanæ, ſed etiam Synodo œcumenicæ, & univerſali Eccleſiæ; quia putabat, Epheſinæ Synodi decretum immutabile eſſe. Quare cum dixit, Eccleſiam R. minori facultate pollere univerſali Eccleſia, & œcumenicæ Synodo, nomine univerſalis Eccleſiæ, & œcumenicæ Synodi intellexit Synodum Epheſinam, ideſt Synodum, cui Pontificis Legati præſuerant, & quæ a R. P. probata erat, non vero eam Synodum, de qua cum Febronio diſputamus. Cæterum Beſſarion tandem ad Latinorum partes tranſiit, atque una cum aliis Græcis Fidei definitioni ſubſcripſit, ubi aſſeritur non modo recte, & pie Symbolo additam eſſe particulam *Filioque*; ſed etiam traditam eſſe a Chriſto Romano Pontifici plenam poteſtatem paſcendi, regendi, & gubernandi univerſalem Eccleſiam. Sed eo, unde diſceſſi, regredior.

IV. Quarto Eccleſia Romana eſt omnium Eccleſiarum Mater, & Magiſtra (*ex Synodis Later. III. cap. 5. & Trident. ſeſſ. 7. Can. 3. de bapt. ſeſſ. 14. cap. 3. de extr. unſ. & in profeſſ. Fid.*), & Romanus Pontifex eſt omnium Chriſtianorum Pater, & Doctōr (*ex Synod. Flor. deſin. Fid.*): Pater autem, & Mater omnibus Filiis, Magiſter, & Doctōr omnibus diſcipulis tum ſingulis, tum omnibus ſimul ſuperior eſt. Ergo Romana Eccleſia, ideſt R. Pontifex univerſali Eccleſia, & omnibus Chriſtianis ſimul ſuperior eſt.

Hoc argumentum diluere conatur Febronius (*cap. 3. §. 6. n. 3.*); ſed e pluribus, quæ aſſert, reſponſis, quod arripiat, nescit. Ait 1. *Titulum Matris, & Magiſtra omnium Eccleſiarum* Romanæ Eccleſiæ attributum, deſumptum eſſe ex ſpuria Calixti Epistoſa; quaſi Tres memoratæ œcumenicæ Synodi e ſpuriiſ ſontibus, non vero ex communibus, & perpetua totius Eccleſiæ ſententia Romanæ Eccleſiæ prærogativas hauſerint.

Ait 2. *Proprie eum titulum ſpectare ad Eccleſiam Romanam comparatam cum ſingulis aliis ſeorſim ſumptis, & ut plurimum, ſaltem in Occidente, ab illa conditiſ.*

Sed Synodi memoratæ vocant Eccleſiam Romanam non ſingularum, neque Occidentalium tantum, ſed *omnium Eccleſiarum Matrem, & Magiſtram*; & Synodus Florentina non ſingulorum, neque Occidentalium tantum, ſed *omnium Chriſtianorum Patrem, & Doctorem* vocat Romanum Pontificem.

Ait 3. *Ea auctoritate, qua Chriſtus fuit, & eſt Magiſter diſcipulorum,*

rum suorum, omniumque fidelium, nec Petrum, nec ejus in Primatu Successores Magistros omnium Ecclesiarum dici debere. Hoc enim expresse prohibuit Dominus Matth. 23. v. 8. seqq.

Quasi Tres œcumenicæ Synodi Domini præceptum violaverint; aut nemo vocari possit Magister, quia dixit Christus discipulis: Nolite vocari Rabbi. Vide 1. p. cap. 5. n. 7.

Ait 4. Quod proprie non potuerit, nec possit Romana Ecclesia dici Mater Catholica, idest universalis Ecclesia, manifestum est: potiori id jure debetur aliis Apostolicis Ecclesiis..... inprimis Hierosolymitana, quæ revera Mater, & Matrix omnium Ecclesiarum nuncupatur in Epistola Concilii C. P. ad Damasum &c.

Sed istud Febronii responsum libenter ego excipio. Ut enim ipse fatetur, *Matris, & Magistra omnium Ecclesiarum* appellatio non debetur Ecclesiæ Romanæ, ac propterea ei a Synodis non tribuitur eam ob causam, quod omnes Ecclesias fundaverit, aut ab ea omnes Ecclesiæ originem habuerint; alioquin potiori jure Ecclesiæ Hierosolymitanæ tribuenda esset; sed ob aliam causam. Quæ autem est? Scilicet, quia Ecclesia Romana omnibus Ecclesiis præest, omnes regit, omnes docet. Et legimus quidem, Hierosolymitanam Ecclesiam omnium Ecclesiarum Matrem, & Matricem appellatam esse, quia omnium prima ab ipsis Apostolis originem habuit; sed omnium etiam Ecclesiarum Magistram appellatam esse, nullibi legimus: imo ne inter Patriarchales quidem Sedes, nisi multo serius numerata est. Paucis: Ecclesia Hierosolymitana omnium Ecclesiarum Mater dicta est, originis causâ: Ecclesia Romana vocatur a Synodis omnium Ecclesiarum Mater, & Magistra, causâ dignitatis, quia omnibus præstat, & causâ officii, quia omnes regit, & docet.

De reliquo, addit Febronius, hæc in Tridentino non declarantur per decretum Fidei, sed referuntur ex communi Juris Canonici usu loquendi.

Sed 1. Florentina Synodus definit, Romanum Pontificem omnium Christianorum Patrem, & Doctorem existere. 2. Synodus Tridentina vocat Ecclesiam R. omnium Ecclesiarum Matrem, & Magistrum in Canone Fidei: Si quis dixerit, inquit, in Ecclesia Romana, quæ omnium Ecclesiarum Mater est, & Magistra, non esse veram de Baptismi Sacramento doctrinam, anathema sit. Si autem in Ecclesia Romana est vera de Sacramento Baptismi doctrina, hujus professio doctrinæ omnibus aliis Ecclesiis Romana Ecclesia Magistra est. Ergo definiens Tridentina Synodus, esse in Ecclesia R. veram de Sacramento Baptismi doctrinam, definit etiam eadem operâ, seu potius veluti definitum sumit, Ecclesiam Romanam esse omnium Ecclesiarum Matrem, & Magistram. Quare Professio Fidei edita a Pio IV., in qua  
nonnulli

universi Fidei dogmata continentur, hoc etiam habet: *Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco.*

Ait denique, S. Cyprianum in epist. 45. ad Cornelium, & 71. ad Quintum vocasse *radicem, & matricem* non peculiarem Ecclesiam Romanam, sed *unitatem Catholicam.*

Verum etiam si id verum esset, quod tamen falsum esse, ego a libi (2. p. cap. 3. n. 1.) ex Cypriano ipso demonstravi: annon peculiarem Ecclesiam Romanam *omnium Ecclesiarum Matrem, & Magistram* vocarunt Synodi Lateranensis, & Tridentina? Sed vides jam, Febronium nihil ad rem respondere.

V. Quia: Romanus Pontifex est Caput universæ Ecclesiæ. Caput autem non modo singulis membris, sed etiam toti corpori præest, illud regit, eoque superius est. Quamobrem Patres Synodi Chalcedonensis sibi Leonem M. *veluti membris Caput præfuisse* dicunt (epist. ad Leon.). Quibus, ajunt, ipse velut membris Caput præstaret: id est: quos regebas; reipsa enim Leo quid ipsis agendum esset, omnino præscripserat (Vide 2. p. cap. 24.). Dantur equidem Corpora suo Capite superiora, ut ait Febronius (ib. n. 4.), qualia sunt pleraque Capitula, Collegia Judicium, Universitates &c. Sed istiusmodi Collegiorum Capita suam habent ab ipsis Collegiis auctoritatem. E contra vero R. Pontifex a Christo ipso universæ Ecclesiæ Caput constitutus est, suamque non ab Ecclesia, sed a Christo immediate habet auctoritatem.

De universis, id est de tota simul Ecclesia, inquit Febronius, semper manebit verum, quod Sixtus III. in Epist. ad Episc. Illyr. scripsit: = Ut omne corpus Capite regitur, ita ipsam Caput, nisi suo corpore sustentetur, firmitatem, & vigorem perdit, & non tenet, quam habuerat, dignitatem =.

Sed præterquam quod ista Sixti Epistola non reperitur apud diligentissimos Conciliorum Collectores, quorsum eam Febronius asserat, ego non intelligo. Nam etiam regnum a Rege veluti Corpus a Capite regitur: Sed nisi a suo corpore, id est a suis subditis sustentetur, firmitatem profecto, & vigorem suum perdit, & non tenet, quam habuerat, dignitatem. Annon ergo Rex regno superior est?

Cæterum, addit, uti Metropolitanus & decretis, quæ Provinciale Concilium edit, & ipsi Provinciali Concilio subjicitur, etiam si hujus Concilii Caput sit, ita R. Pontifex universali Concilio.

Sed fallitur egregie Febronius, si putat, æque universalis Concilii Caput esse Romanum Pontificem, atque Concilii Provincialis Caput esse Metropolitanum. Hiæ enim Concilii Provincialis Caput est jure, ut ajunt, humano: ille vero jure divino. Metropolitanus non modo Concilii provincialis, sed etiam alii Episcopo, ad quem

quem Metropolitæ jura transferantur, subjici potest. At Romanus Pontifex cum non ab Ecclesia, sed a Christo constitutus sit ejusdem Ecclesiæ, & Conciliorum Caput, ea dignitate, & auctoritate ab Ecclesia privari non potest.

VI. Sexto: Romanus Pontifex summus Causarum Fidei Judex est; & si ex Apostolico quidem Tribunali Fidei causas judicet, ejus Judicium errori obnoxium non est (2. p. cap. 13. seqq.), neque a Synodis retractari, aut reformari potest (*ib. cap. 23. seqq.*). E contra Synodi etiam œcumenicæ, si absque R. Pontificis auctoritate judicent, errare possunt. Id palam faciunt Synodi Ariminensis, Ephesina II., & Constantinopolitana ab Iconomachis celebrata anno 775. cui adfuerunt Episcopi 338. Ergo decernendarum Fidei Causarum auctoritate præstat Romanus Pontifex œcumenicæ Synodo.

Respondet forte Febronius, istiusmodi Synodos non fuisse œcumenicas. Sed quæram ego ab eo, quam ob causam non fuerint œcumenicæ? Iis enim adfuerunt Episcopi multo plures, quam nonnullis aliis Synodis cerro œcumenicis. Ex ab Imperatoribus convocatae fuerunt. Non equidem iis præfuere Legati Pontificis, sed parvi id refert; vult enim ipse, in potestate Synodi esse, etiam presentibus Pontificis Legatis alteri præsidium deferre. Sed non consensit iis, nec earum decreta probavit Romanus Pontifex: ergo hanc solam ob causam non fuerunt legitimæ, & œcumenicæ.

Nihilominus hujusmodi Synodos œcumenicas voco, ut adversariis morem geram. Cum enim ipsi velint, R. Pontificem œcumenicæ Synodo obedire debere, & ab ea judicari posse, Synodum utique œcumenicam vocant etiam eam, in cujus decreta Pontifex non consentit. Nunquam enim istiusmodi Synodi decreta Romanus Pontifex probaturus est.

VII. Septimo: Synodorum quamlibet œcumenicarum decreta rata & firma non sunt, nec vim habent, nisi Romani Pontificis auctoritate confirmata sint (cap. 28. n. 2. & 3.): ergo major est Pontificis, quam Synodorum auctoritas.

VIII. Octavo: Romani Pontifices nunquam suorum decretorum confirmationem Synodos œcumenicas rogarunt; imo decreta sua a Synodis executioni omnino mandari voluerunt (2. p. cap. 23. n. 5. cap. 24. n. 4. & 5. cap. 26. & 27.). E contra œcumenicæ Synodi decretorum suorum confirmationem a Romanis Pontificibus petere consueverunt (cap. 28. n. 6. seqq.). Ergo Romani Pontifices semper senserunt, majorem sibi esse, quam Synodis etiam œcumenicis auctoritatem, atque in eadem cum Pontifice sententiâ fuerunt etiam œcumenicæ Synodi.

IX. Denique prætermittere nequeo Synodale Basileensium responsum

ipsum ad Orationem Episcopi Tarentini Eugenii IV. Legati, qui Basilicam profectus est, ut eos ad Ecclesie unitatem revocaret (*apud Hard. tom. 8. Conc. col. 1323.*): *Late, ajunt, explicat (Eugenii Legatus) jurisdictionem, & potestatem Romani Pontificis, quod Caput sit, & Primas Ecclesia, Vicarius Christi, & a Christo, non ab hominibus, vel Synodis, aliis Prælatus, & Pastor Christianorum, & ei data sint a Domino claves, & uni dictum: Tu es Petrus; & solus in plenitudinem potestatis vocatus sit, alii in partem sollicitudinis; & multa hujusmodi, qua cum vulgatissima sint, minime necessarium erat recensere. Ista plane fatemur, & credimus, operamque in hoc sacro Concilio dare intendimus, ut omnes eandem sententiam credant. Itaque invictissimis argumentis convicti Basileenses fatentur, R. Pontificem habere in Ecclesia Primatum jurisdictionis non a Synodis, sed a Christo: esse Christianorum Pastorem: ei uni datas esse a Domino Claves: cum solum in plenitudinem potestatis vocatum esse; alios in partem sollicitudinis. Utinam tantumdem cum Basileensibus, quos tanti facit, & quorum verba assert (*cap. 3. §. 6. n. 4.*), crederet Febronius? Quid enim præterea opus est, ut fateantur, R. Pontificem esse Synodo quavis Superiorem? Nempe opus est mente docili, & sincera, & recta ratione: quæ omnia Basileensibus defuisse videntur. Audi enim, quæso, quid Legati argumentis respondeant.*

*Esti Pontifex, inquit (apud Febronium ib.), sit caput Ministeriale Ecclesia, non tamen est major tota Ecclesia. Esti Caput sit, & principalis Prælatus hujus Corporis mystici, est nihilominus intra corpus; nam si extra corpus esset, tunc non pertineret ad corpus, nec tunc Caput esset. Corpus igitur hoc totum continet, & ipsum, quod dicitur Caput, & singula membra.... dicimus, Summum Pontificem esse Caput Ecclesia, & Romanam Sedem principalem inter alias Sedes. Sed numquid, dum partem laudatis, obliti estis totius? Numquid dum unam Ecclesiam extollitis, eam, qua universalis est, prætermittitis?*

Scilicet argumentis ex Scriptura, & ex Traditione ductis sophismata opponunt Basileenses. Caput, inquit, est minus toto Corpore, idest Capite simul, & membris: ergo subjicitur toti corpori, idest sibi simul & membris: quæ quidem ineptissima argumentatio est. Rursus: Caput, inquit, est minus toto corpore: Ergo subjicitur Corpori, idest reliquis membris; eo enim argumento concludere volunt, Pontificem obedire teneri mandatis, statutis, ordinationibus Sanctæ Synodi Basileensis. Synodus autem Basileensis erat corpus sine Capite: Ergo ex eo quod Caput sit minus toto corpore, idest Capite simul, & reliquis membris, concludunt, Caput subjici reliquis membris: quod alterum sophisma est. Denique eadem argumentatione conficitur, quemlibet Regem subjici toti Regno.



gdo. Quamvis enim Rex sit Caput Regni, est tamen minor toto Regno. Sed vereor ego, ne me quoque Sophisten illi faciant.

Itaque cum ipsi Basileenses fateantur, R. Pontificem esse Caput Ecclesie, quærimus, Ecclesia ne Capiti, an Caput Ecclesie auctoritate præstat? Is autem procul dubio alteri auctoritate præstat, cui summa potestas a Christo data est. Summa autem potestas a Christo data est Capiti. Id ego hæcenus demonstravi non sophismatibus, sed Sacre Scripturæ, & perpetuæ Traditionis auctoritate. Id etiam fatentur Basileenses; protestantur enim se credere, soli Romano Pontifici datas esse Claves, eum solum habere plenitudinem potestatis: Ergo non Ecclesia Capiti, seu Romano Pontifici, sed Romanus Pontifex Ecclesie auctoritate præstat.

## CAPUT II.

*Romanus Pontifex ne ab æcumenica quidem  
Synodo judicari potest.*

I. **C**UM R. Pontifex universæ Ecclesie, ideoque etiam æcumenicæ Synodo præsit, ut Caput membris, ut Pastor Gregi; prout: cum tradita illi sit a Christo plena potestas pascendi, regendi, & gubernandi universalem Ecclesiam (ex supp.), perspicua res est, eum ab Ecclesia judicari non posse. Atque hæc quidem perpetua fuit ipsius Ecclesie sententia usque ad sæculum XV. S. Gelasius (epist. ad Episc. Dardan.) confidentissime ait: *Cuncta per mundum novis Ecclesia, quoniam quorumlibet sententiis ligata Pontificum Seder B. Petri Apostoli jus habet resolvendi, ut pote quod de omni Ecclesia fas habeat judicandi, neque cuiquam de ejus liceat judicare judicio.* Ita ne vero scripsisset, si ea tunc obtinisset in Ecclesia sententia, Sedem B. Petri ab Ecclesia, vel ab æcumenica Synodo judicari posse?

II. Sed clariora hujus rei, de qua agimus, argumenta suppeditant Romanæ Synodi celebratæ annis 501., & 503. in causa Symmachii Romani Pontificis. Cum enim is a Schismaticis multorum criminum accusatus fuisset, Theodoricus Rex, ut tumultus sedaret, & pacem Ecclesie, & Urbi restitueret, Synodum Romæ, Symmachio ipso consentiente, congregari jussit. Patres autem sub Synodi initium (tom. 5. Concil. Labb. col. 457.) *Suggererunt, ipsum, qui dicebatur impetitus, debuisse Synodum convocare. Sciens, inquit, quia ejus Sedi primum Petri Apostoli meritum, vel Principatus, deinde secuta unctionem Domini Conciliorum venerandorum auctoritas ei singularem in Ecclesia*

elestis tradidit potestatem: nec antedicta Sedis Antistitem minorum subjacuisse judicio, in propositio e simili forma aliqua testatur. Sed potentissimus Princeps ipsum quoque Papam in colligenda Synodo voluntatem suam literis demonstrasse, significavit. Non hic ego Minorum nomine, quorum judicio non subjacuisse R. Antistitem, ajunt Romani Synodi Patres, demonstrabo, non Clerum, Senatum, & populum, sed Episcopos significari. Ea enim de re abunde satis Launoji commenta refutavit Natalis Alexander (in h. e. sac. 6. dij. 1.). Non modo autem de evocatione Synodali Clementissimo Regi gratias retulit Symmachus, sed etiam auctoritatem ordinis corrigendi, sicut postebant Ecclesiastica Statuta, in omnium, qui ibidem convenerant, Episcoporum praesentia, se dare professus est. Synodus vero Symmachum ab illatis criminibus immune esse pronuntiavit, quantum ad homines respicit, & totam causam Dei judicio reservavit. Huic statuto nostro, inquit, in quo totam causam Dei judicio commisimus, subscripsimus.

III. Pro ea autem R. Synodo, & pro Simmacho Ennodius Ticinensis librum apologeticum scripsit, cui a Synodo V. Romana anno 503. celebrata, canonica auctoritas tributa est, inquit Natalis Alexander (ib.). Ibi autem scribit Ennodius: Aliorum forte hominum causas Deus voluerit per homines terminari: Sedis istius Praefulem suo sine quaestione reservavit arbitrio.... Voluit, B. Petri Apostoli successores calomniam debere innocentiam, & subtilissimi discussoris indagini inviolatam exhibere conscientiam. Uni dictum est: Tu es Petrus, & super hanc Petram &c. Et rursus Sanctorum Voce Pontificum dignitatem Sedis ejus factam toto Orbe venerabilem, dum illi quidquid Fidelium est, ubique submittitur, dum totius corporis caput esse designatur.

IV. De eadem Simmachi R. P. causa scribeas S. Avitus Vienneſis Episcopus suo, & Gallicanorum omnium Episcoporum nomine ad Faustum, & Symmachum Senatores (tom. 5. Concil. Labb. col. 499.) Intelligimus, inquit, Sanctum Symmachum Papam, si saeculo primum fuerat accusatus, Confacerdotum suorum solatium potius, quam recipere debuisse judicium; quia.... non facile datur intelligi, qua vel ratione, vel lege ab inferioribus eminentior judicetur.... Quod Synodus ipsa venerabilis laudabili constitutione prospiciens, causam, quam (quod salva ejus reverentia dictum sit) pene temere susceperat inquirendam, divino potius servavit examini.... Caterum non est Gregis Pastorem proprium terrere, sed judicis.

Alia Romana Synodus in causa Leonis III. an. 800. celebrata, cui Carolus Magnus interfuit cum pluribus Galliarum Proceribus, & Episcopis, teste Anastasio Bibliothecario (in vita Leonis III.), ait: Nos Sedis Apostolorum, qua est Caput omnium Dei Ecclesiarum, judicare non audemus. Nam & ab ipsa nos omnes, & ab ejus Vicario judicamur: Ipsa autem a nemine judicatur, quemadmodum antiquitus mos fuit. Sed sicut

*sicut ipse Pontifex censuerit, canonice obediemus.*

V Jamvero utriusque Romanæ Synodi, & Ecclesiæ Gallicanæ sententiam fuisse, R. Pontificem ne ab œcumenica quidem Synodo judicari posse, perspicua res est. Ajunt enim, R. Pontificem cœlo tantum debere innocentiam: Deum voluisse aliorum hominum causas per homines terminari, sed Ro. Præsulem suo sine quæstione arbitrio reservasse: ejusque rei has asserunt causas: quod major minorum judicio non subjacet, quod uni dictum est: *tu es Petrus &c.* quod eminentior ab inferioribus, Pastor a Grege judicari non potest. Hæ autem causæ evincunt, ne ab œcumenica quidem Synodo Romanum Pontificem judicari posse. Saltem cum Romana Synodus Symmachi causam cognoscere recusaret, cumque S. Avitus, temere causam illam a Romana Synodo susceptam esse, sentiret, indicassent, nonnisi ab œcumenica Synodo Romani Pontificis causam judicari posse. Id vero ne inuenerunt quidem, sed generatim hujusmodi causas ab hominibus judicari non posse, affirmarunt. Atque hæc quidem erat Gallicanæ Ecclesiæ sententia, ineunte sæculo VI. & sæculo IX.

VI. Præterea S. Ivo Carnutenis (ep. 235.): *Admonendus*, inquit, *mibi videtur Papa* (Pascalis I. qui in Laicorum investituræ consenserat), *ut se judicet, aut factum suum retrahet. Quod si fecerit, referamus Deo gratias, & gaudeat nobiscum Ecclesia, quæ graviter languet, dum Caput ejus laborat tanta debilitatum molestia. Si autem in hoc languore insanabiliter egrotaverit, non est nostrum judicare de Summo Pontifice... ubi succumbunt humana judicia, divina est expectanda misericordia. Et a Johanne Lugdunensi invitatus, ut una cum aliis Episcopis, quæ Pascalis gesserat, discuteret, responderet (cap. 283.): Non videtur nobis utile consilium ad ea Concilia convenire, in quibus non possumus eas personas, contra quas agitur, condemnare, vel judicare. Quia nec vestro, nec ullius hominum probantur subjacere judicio. Nullius hominum, inquit S. Ivo, ideoque neque Synodi œcumenicæ judicio subjacet Romanus Pontifex.*

VII. Etiam Hadrianus II. in Synodo Romana contra Photium; qui Nicolæ I. R. P. anathema dicere ausus fuerat, celebrata, ait (cap. 3.): *Romanum Pontificem de omnium Ecclesiarum Præsulibus judicasse, legimus, de eo vero quemquam judicasse, non legimus. Licet enim Honorio ab Orientalibus post mortem anathema sit dictum; sciendum tamen est quia fuerat super hæresi accusatus, propter quam solum licitum est minoribus in majorum suorum motibus resistere, vel prævios sensus respicere. Quamvis & ibi nec Patriarcharum, nec caterorum Antistitum cuiquam quamlibet de eo fas fuerit proferendi sententiam, nisi ejusdem primæ Sedis præcessisset auctoritas. Igitur ob solam hæreseos causam Romanus Pontifex judicari potest;*  
quia

quia is in hæresim lapsus, non est in Ecclesia, ideoque Romanus Pontifex, & Ecclesiæ Caput præterea non est. Nec tamen a minoribus, idest ab œcumenica Synodo judicari potest, nisi præcedat Romani Pontificis auctoritas. Igitur ne ab œcumenica quidem Synodo propria auctoritate judicari potest. Porro Synodi hujus Romanæ acta in Synodo VIII. lecta, atque ejusdem Synodi Actis addita sunt (*Act. 7. Synodi VIII. œcum. tom. 10. Concil. Labb. col. 847.*); ideoque VIII. Synodi auctoritate probata sunt.

VIII. Huc denique spectat ejusdem VIII. Synodi Canon XXI. qui est hujusmodi (*tom. 10. Concil. Labb. col. 646.*): *Definimus, neminem... conscriptiones contra Sanctissimum Papam Senioris Romæ, ac verba complicare liceat, sub occasione quasi diffamatorum quorundam criminum: quod & nuper Photius fecit, & multo ante Dioscorus. Quisquis autem tale facinus contra Sedem Petri Principis Apostolorum ausus fuerit intentare, æqualem, & eandem, quam illi, condemnationem accipiat.* (Hanc œcumenicæ Synodi sententiam verentor recentiores quidam Scriptores). Porro si Synodus universalis fuerit congregata, & facta fuerit etiam de S. Romanorum Ecclesia quævis ambiguitas, & controversia, oportet venerabiliter, & cum convenienti reverentia de proposita questione sciscitari, & solutionem accipere, aut proficere, & professum facere, non tamen audacter sententiam dicere contra Summos Senioris Romæ Pontifices. Ergo ne universalis quidem Synodus contra R. Pontificem sententiam dicere potest.

Atqui, quod ego miror, Natalis Alexander (*in b. e. sac. 15. & 16. diff. 4. art. 1. n. 26.*): Hoc Canone, inquit, œcumenica Synodus, Concilii generalis auctoritatem esse Pontificia superiore, ostendit: Si quidem controversias, & quæstiones Romanam Ecclesiam, & Summum Pontificem ei præsentem spectantes, a Concilio judicari, statuit, servata tamen erga ipsum reverentia, ita ut audacter contra ipsum sententia non dicatur; cum scilicet Ecclesiam audire paratus fuerit.

Verum inepte prorsus, quod tanti Viri pace dictum velim, argumentatur Natalis Alexander. Memorato enim Canone statuit quidem Synodus, oportere de proposita quæstione sciscitari, & solutionem accipere, & professum facere, sed oportere etiam sententiam dicere, nullibi statuit; nisi forte Natali Alexandro sciscitari, solutionem accipere, & proficere idem sonant, atque sententiam dicere. Quid vero, quod eo canone vetatur Synodus universalis sententiam dicere? Oportet, inquit Synodus, sciscitari..... non tamen sententiam dicere.

Sed Synodus, inquit ille, statuit, non oportere audacter sententiam dicere: Audacia itaque, non justitia Patribus in Concilio generali congregatis prohibetur.

Ego

Ego vero ajo, vetari eo canone Synodum generalem, non modo conjunctionem cum audacia, sed etiam simpliciter sententiam dicere. Quid enim Synodo liceat, explicatur in prima canonis parte; quid non liceat, declaratur in altera. In prima autem parte permittitur Synodo seiscitari, & solutionem accipere; in altera vetatur Synodus sententiam dicere. Ergo seiscitari quidem Synodo licet; sed præterea sententiam dicere non licet. Addit autem Synodus vocabulum *audacter*; quia cum Synodo liceat tantummodo seiscitari, & solutionem accipere, & proficere; si sententiam præterea dicat, *audacter* dicit.


Rursus: exorta de R. Ecclesia controversia, oportet, hoc est debet Synodus solutionem accipere: qui autem debet controversiæ solutionem accipere, is non potest sententiam dicere. Quod si sententiam dicat, *audacter* dicit.

Denique oportet, Synodum seiscitari, & solutionem accipere: a quonam, quæso? Non equidem a Synodo; oportet enim, Synodum ipsam seiscitari, & solutionem accipere. Ergo oportet solutionem accipere ab ipsa Romana Ecclesia, seu a Romano Pontifice. Atque is demum est germanus illius Canonis sensus. Nam Nicolaus I. paulo ante Synodum VIII. scripserat (*epist. 8. ad Michaellem Imp.*): *Primam Sedem de omnibus iudicasse, nec quemquam de ejus judicio judicare potuisse*; quod longe antea scripserat S. Gelasius (*epist. 17. ad Episc. Dardan.*). Ipsi Hadriani II. Legati in eadem Synodo affirmarunt, Romanum Pontificem nullius judicio subjeci, nisi propter hæresim. Quare Canonem, de quo agimus, in eum sensum, quem Natalis Alexander intendit, probaturos fuisse, stultus est, qui sibi persuadet.

Jamvero quæ a me hæcenus allata sunt monumenta, ea satis evincunt, Ecclesiam universam, ipsasque œcumenicas Synodos persuasum semper habuisse, Romanum Pontificem neque ab Ecclesia, neque ab ulla Synodo quamlibet œcumenica judicari posse. Inter ea conferas velim celebrem Gallicani Cleri declarationem cum Epistolis Sanctorum Aviti, & Ivonis, & cum sententia Romanæ Synodi celebratæ in Causa Leonis III. ut hinc perspicue intelligas, Gallicanum Clerum sæculo XVII. a veteris Ecclesiæ Gallicanæ sententia discessisse.

## CAPUT III.

*A Romani Pontificis judicio nunquam appellare licet:*

I.  Uamquam Argumenta, quibus hactenus a me ostensum est, Romanum Pontificem obtinere in universam Ecclesiam Primatum jurisdictionis; ejus judicium in Fidei, & morum causis finiendis summum esse, nec retractari posse; eumque universæ Ecclesiæ tam dispersæ, tum in Synodo congregatæ auctoritate præcellere, conficiunt etiam, præter Romani Pontificis Tribunal nullum esse, quod appellari possit, hac tamen de re seorsim disserere operæ pretium est: hujusmodi enim appellationes legitimas esse, contendit Febronius (cap. 6. §. 10.)

Itaque Synodus Sardicensis agens de appellationibus, statuit Judicium Apostolicæ Sedis veluti supremum, a quo nemini appellare liceat (2. p. cap. 10.). Quare S. Gelasius (ep. ad Episc. Dardan.) Sedes B. Petri, inquit, de omni Ecclesia fas habet judicandi, neque cuiquam de ejus licet judicare judicio: siquidem ad illam de qualibet mundi parte canones appellari voluerint, ab illa autem nemo sit appellare permisus. Et alibi (ep. 4. ad Faustum): Ipsi sunt Canones, qui appellationes TOTIUS Ecclesiæ ad hujus Sedis examen volvere deferri, ab ipsa vero NUNQUAM PRORSUS appellari, sanxerunt; ac per hoc illam de tota Ecclesia judicare, ipsam ad nullius committere judicium, nec de ejus unquam præceperunt judicio judicare; sententiamque illius constituerunt, non oportere dissolvi, cujus potius sequenda decreta mandarunt. Et nequis supremam istam Apostolicæ Sedis auctoritatem Sardicensibus Canonibus, idest humanæ institutioni referret acceptam, addidit: Non veremur, ne Apostolica sententia (in Acacium C. P. lata) resolvatur, quam & vox Christi, & majorum traditio, & Canonum sive auctoritas, ut totam potius Ecclesiam semper ipsa dijudicat. Hæc autem Gelasii verba clariora sunt, quam ut ullam exceptionem, & interpretationem patiantur. Cujuscumque enim generis causas: b Apostolica Sede judicatas completitur Gelasius, sive ad fidem & mores illæ spectent, sive ad disciplinam, atque Acacianis demonstrat ex Christi voce, ex Majorum traditione, & ex Canonum auctoritate, nemini unquam ab Apostolicæ Sedis judicio appellare licuisse. Ante Gelasium Bonifacius I. (ep. ad Rufinum Thessalonie.) scripserat: Talia scripta direximus, quibus universi Fratres intelligant, primo convertere te citra tuam conscientiam minime debuisse, deinde de nostro non esse judicio retractandum.

dam. Nunquam etenim licuit de eo rursus, quod semel statutum est ab Apostolica Sede, tractari.

His autem Bonifacii, & Gelasii testimoniis, non vero falsis decretalibus innixus S. Nicolaus I. (ep. 8. ad Michaellem Imp.): Quoniam, inquit, cum secundum Canones, ubi est major auctoritas, judicium inferiorum sit deferendum, ad dissolvendum scilicet, vel ad roborandum, patet profecto, Sedis Apostolica, cujus auctoritatem major non est, judicium a nemine fore retractandum .... Juxta quod & Bonifacius, & Gelasius Sanctissimi Prasules non suis adinventionibus, sed Ecclesia Romana consuetudines non ignorantes, dicunt &c.

II. S. Bernardus (ep. 238.) ait: Qui locum Petri tenet, potest uxo istu extinguere Ananiam, uno Simonem Magum. Et ut plenius, quod loquimur, fiat, peremptoriam dare sententiam ad depositionem Episcoporum, solius R. Pontificis nescitur esse, pro eo nimirum, quod etsi alii multi vocati sint in partem sollicitudinis, solus ipse plenitudinem habeat potestatis. Jam vero Bonifacius, Gelasius, Nicolaus confidenter affirmant, Apostolicæ Sedis judicium a nemine, ne ab Ecclesia quidem, ac propterea neque ab œcumenica Synodo retractari posse; quia, ut ait Gelasius, Apostolica Sedes fas habet de tota Ecclesia judicandi, ab ea autem nemo est appellare permisus: quia, ut inquit Nicolaus, Apostolicæ Sedis auctoritate nulla major est: quia demum, ut inquit S. Bernardus, Romani Pontificis sententia peremptoria est. Ergo ab Apostolicæ Sedis judicio ne œcumenicam quidem Synodum appellare licet.

III. Præterea, ut aliqua etiam argumenta proferam, qui a judice damnatus judicem alium appellat, judicem, qui sit, appellare debet: At Synodus œcumenica nullibi est, nec forte erit, nisi post multos annos: Interea igitur qui vel hæreseos, vel schismatis erimine damnatus est, errores suos disseminare, & Supremi Ecclesiæ Pastoris præcepta, & Leges contemnere impune perget. Ita ne vero Ecclesiam suam Christus instituit? Quamobrem jure Pius II. Constitutione *Execrabilis*. data in Conventu Mantuano anno 1459. hujusmodi appellationes veluti rebellionis adversus primam Sedem, & corruptelæ fovendæ aptas damnavit, atque appellantes hæreticorum pœnis puniri jussit. Pii constitutionem confirmavit Julius II. & Gregorius XIII. qui eam etiam *Bulle Cane* inferuit.

IV. Sed Febronius (cap. 6. §. 11. n. 2.) ait, extare œcumenicam Synodum in *Voto Ecclesiæ*, & in *jure, vigore decretorum Concilii Constantiensis, & Basileensis*, quæ Synodum singulis decenniis congregari jusserunt.

Sed re ipsa non extat, ajo ego, & singulis decenniis œcumenicam Synodum congregari, difficillimum est, & ab Ecclesiæ consuetudine

tudine alienum; quidquid Concilium Constantiense, & Conciliabulum Basileense statuerint. Nonnisi enim ob gravissimas causas œcumenicæ Synodi celebratæ sunt; quarum una erat tempore Concilii Constantiensis maximum Schisma, cujus simile aliud ne post paucos annos oriretur, metuendum erat: Quamobrem ut Synodus singulis decenniis celebraretur, decrevit. Sed hujusmodi causæ præterea nullæ fuerunt usque ad Lutheranorum Schisma, cujus causa Synodus Tridentina celebrata est. Cæterum quod ait Febronius (*ib. n. 1. 2. & 3.*), Romanos Pontifices Tridentinæ Synodi celebrationi obstitisse, & Synodos œcumenicas *machinatione ejus, a cujus judicio provocatur, non existere*; impudentissimi hominis impostura est indignatione potius contemnenda, quam serio refutanda.

V. Nunc hujusmodi appellationum origo est investiganda. *Quoad susceptionem* ait Febronius (*ib. §. 10.*), *hæ appellationes, seu recursus antiquissimi sunt.* Affert in hanc rem ex Ludovico Haricourt exempla Asianorum, Cypriani, Donatistarum, Nestorii, &c. quasi omnes hi a Pontificis judicio Generale Concilium appellaverint. Sed non minus inseite ratiocinari Hericurtium, quam Febronium, perspicuum est ex iis, quæ superius disserui de Asianis 2. p. cap. 7. n. 2. & Cap. 8. n. 4. de Cypriano cap. 3. de Donatistis cap. 16. n. 4. de Nestorio cap. 15. n. 3. & cap. 23. n. 4. seqq. Itaque quod attinet ad judicia ab Apostolica Sede in Fidei causis lata, e pluribus Hæreticis, qui prioribus Ecclesiæ sæculis a Romano Pontifice damnati sunt, primi ab ejus judicio Synodum appellarunt Pelagiani, & legitime quidem, si Febronii doctrina vera est. At vero S. Augustinus (*lib. 4. ad Bonif. cap. ult.*), S. Prosper (*contra Collat. cap. 41.*), & universa demum Ecclesia eorum impudentiam improbat. *Aut vero congregatione Synodi opus erat, inquit Augustinus, ut aperta perniciēs damnaretur? ... Verum istorum superbia hanc etiam gloriam captare intelligitur, ut propter illos Orientis, & Occidentis Synodus congregetur. .... Cum potius vigilantia, & diligentia Pastoralis post factum illis competens, sufficiensque judicium, ubicumque isti Lupi apparuerint, conterendi sint.* Et S. Prosper ait: *Venerabilis memoria Pontifex Cælestinus, cui ad Catholica Ecclesiæ præsidium multa Dominus gratia suæ dona largitus est, sciens, damnatis non examen judicii, sed solum penitentia remedium esse præstandum, Cælestium, quasi non discussio negotio audientiam postulanti, totius Italia finibus jussit extrudi: adeo & Prædecessorum suorum Statuta, & decreta Synodalia inviolabiliter servanda censebat: ut quod semel meruerat abscindi, nequaquam admisteret retrahari.* Pelagianorum igitur appellatio illegitima fuit, eam solum ob causam, quod Romani Pontificis judicium *competens, sufficiensque* sit, ut ait S. Augustinus: quod damnatis a Romano Pontifice non  
examen



*examen iudicii, sed patientia remedium praestandum sit.* Nunquam igitur a Romani Pontificis iudicio appellari posse, senserunt Augustinus, Prosper, Coelestinus, & cum his Ecclesia universa. Sed Augustinus, inquit Febronius, (*ib. §. 10.*), sensit, appellationes a Pontifice ad Concilium esse legitimas. In causa enim Donatistarum ait: *Reflabat adhuc plenarium Ecclesia universa Concilium &c.* Et in quaestione de Baptismo Hæreticorum: *Neque Nos*, inquit, *tale aliquid audeamus asserere &c.* Verum quorsum utraque Augustini sententia spectet, ego alibi ostendi. Vide 2. p. cap. 3. n. 8. & 9. & cap. 16. n. 4. & 5.

Præter Pelagianos, Synodum forte appellavit Nestorius; Sed ea quoque de re superius disserui (2. p. cap. 23.). Post hos nemo in causa fidei a Romano Pontifice Synodum œcumenicam appellavit usque ad Lutherum, cujus appellationem universa Catholica Ecclesia execrata est. Denique a Luthero usque ad ætatem nostram non alii Synodum œcumenicam præter Jansenistas appellarunt; sed horum appellationes Ecclesia quoque Gallicana hætenus improbavit.

VI. Paulo frequentiores fuerunt huiusmodi appellationes in causis disciplinæ, pro quibus præsertim pugnat Febronius. Sed illæ sæculo XIII. antiquiores non sunt. Donatistæ enim in causa Cæciliani a Melchiade damnati aut non omnino appellarunt, uti opinatur Sirmundus (*in Notis ad Concil. Arelat.*), vel singulari exemplo non œcumenicam Synodum, sed Imperatorem appellarunt. Primus eo audaciæ progressus esse fertur Fridericus II. Imperator. Excommunicatus enim a Gregorio IX. anno 1239. Concilium generale appellavit. Innocentius IV. congregato Lugdunensi Concilio anno 1245. iterum Fridericum excommunicavit, & Imperatoris dignitate privavit. Quamobrem Thaddæus Friderici Procurator appellavit pro eo ad Concilium proxime futurum generalius. Hanc Friderici appellationem esse primam, vult etiam Petrus de Marca (*de Conc. lib. 4. cap. 17.*), & novam vocat, quia nunquam in Ecclesia admissa fuit provocatio ab Ecclesia ad Concilium.

VII. Generale etiam Concilium appellavit Ecclesia Anglicana annis 1246. 1264. & 1267. propterea quod Romanæ Curie mandato pecuniam in Angliā exigercntur. Sed Angli novam potius, & accuratorem ejus causæ cognitionem, quam œcumenicæ Synodi iudicium postulasse videntur. Persuasum enim habebant, Synodum esse a Romano Pontifice convocandam, eumque illi præesse debere.

VIII. Anno 1251. Conradus IV. Imperator Innocentii IV. excommunicationem veritus, misit Legatos ad Cardinales, qui primo ad Deum vivum.... & deinde ad futurum summum Pontificem, ad generalem Synodum, ad Principes Alemanniæ, & generaliter ad universos

*Reges, & Principes Orbis Terra, ac ceteros Christianos, pro parte nostra valeant appellare.* (Balus. tom. 1. Miscellan.). Sed hæc non fuit vera appellatio, ut patet.

IX. Anno 1303. Philippus Pulcher Galliarum Rex appellavit a Bonifacio VIII. futurum Concilium. Sed Bonifacium ut verum ac legitimum Pontificem non agnoscebant, aut se non agnoscere simulabant Galli, uti perspicuum est ex pluribus appellationum libellis apud Natalem Alexandrum (*in h. e. sec. 13. & 14. diff. 9. art. 4.*), & alios. Præterea appellabant Galli ad prædictum generale Concilium, & ad verum, & legitimum Summum Pontificem. Quare ne hæc quidem inter veras appellationes numerari posse videtur.

X. Anno 1314. Ludovicus Bavarus a Johanne XXII. anathemate percussus, ad Concilium Generale appellavit, & ad verum, & legitimum futurum Summum Pontificem, & ad Sanctam Matrem Ecclesiam, & Apostolicam Sedem, & ad alium, vel alios, ad quem, vel ad quos fueris appellandum. (*Bzovius, & Hevartus tom. 1.*). Sed Ludovicum Schismaticum, & hæreticorum Patronum fuisse, neminem latet. Eo enim dementiæ, & impietatis progressus est, ut Petrum de Corbaria Pseudo-Pontificem creaverit, & Johanni XXII. opposuerit. Qua de re præter ejus ætatis Historicos, legendus est Alvarus Pelagius (*lib. 1. de Plantis Eccl. cap. 68.*). Quamquam Ludovici appellatio, non secus atque quæ superius memoratæ sunt, vera non fuit appellatio. Hi enim omnes non futurum Concilium appellarunt, quod Concilium a Papa sejunctum supra Papam esse, atque Papæ judicia ab hujusmodi Concilio retractari posse, arbitrantur, sed Concilium appellarunt, cui Papa præficeret: quare a Papa ad Papam appellasse, aut potius novam a Papa, & accuratorem Causarum cognitionem postulasse videntur.

XI. Itaque primus a Romani Pontificis judicio appellari posse, docuit Petrus Alliaccensis in Tractatu, quem anno 1387. nomine Parisiensis Facultatis obtulit Clementi VII. Antipapæ. Quamobrem tempore Schismatis ea doctrina orta est, quo etiam opinio obtinere cœpit, Concilium esse supra Papam. Negat id Bossuetus (*def. declar. Cler. Gallie. p. 2. lib. 15. cap. 24.*): Ecce enim, inquit, triginta annis ante Concilium Constantiense, cum necdum quidquam moveretur ad ambos contendentes (Clementem VII. & Urbanum VI.) in ordinem Conciliari auctoritate cogendos, nostri in causis Fidei a Papa appellari posse ad Concilium, docent. Sed fallitur Bossuetus. Testatur enim S. Antoninus (*p. 3. tit. 22. cap. 2. §. 14.*), Clementem VII. Legatos misisse ad Florentinos, ut hi Concilii convocationi operam darent, quo declararetur, quis esset verus, & legitimus Papa. Ergo etiam Clementis ætate id agebatur, ut ambo contendentes Conciliari auctori-

fortitate in ordinem cogerentur. Velit igitur nolite, Schismatis tempore, & ex Schismate ipso ea opinio, de qua hic agimus, originem habuit; quam postea male feriat homines etiam composito Schismate obtinere, voluerunt. Alliacensis quidem, & Parisienses Theologi huiusmodi appellationem Schismatis tempore dumtaxat obtinere, sensisse videntur. Nam in eodem Tractatu Alliacensis: *Protestamur, inquit, quod quidquid hactenus in hac causa actum est, & quidquid in ea nunc, vel alias acturi, aut dicturi sumus, correctioni, & iudicio Sedis Apostolicae, & Sedentis in ea Summi Pontificis humiliter submittimus, dicentes cum B. Hieronymo: Hac est Fides, Pater Beatissime, quam in Ecclesia didicimus &c.*

XII. Primum autem veræ appellationis exemplum dederunt Oratores Poloni in Concilio Constantiensi. Cum enim liberum Johannis Flanchembergi jam a Cardinalibus, & Nationibus damnatum Martinus V. non damnaver, Futurum Concilium appellarunt: Quare rem novam ausos fuisse Polonia Regis Legatos, scribit Martinus Chromerus (lib. 18. de Gest. Polon.). Sed Martinus V. excommunicationis pœna proposita, silentium iis indixit: Imo Constitutionem Constantiæ in publico Consistorio edidit, in qua statuit: *Nulli fas esse, a Supremo Iudice, videlicet Apostolica Sede, seu Romano Pontifice Jesu Christi Vicario in Terris appellare, aut illius Iudicium in causis fidei, qua tamquam majores ad ipsum, & Sedem Apostolicam deferende sunt, declinare.* Hanc autem Constitutionem commentitiam non esse, ut vult Boffuctus (ib. 2. p. lib. 25. cap. 27.), testis est Gersonius ipse, qui eam impugnare ausus est tractatu inscripto: *Quomodo, & an liceat a Summo Pontifice appellare.* Ait quidem se eam non legisse, sed aliorum tamen testimonio editam esse, certior factus est.

XIII. Nihilominus quia ea ætate opinio invaluit, Concilium esse supra Papam, frequentiores etiam deinceps fuerunt a Papa ad Generale Concilium appellationes. Cum vero memorata opinio, ne quid præterea dicam, falsa sit, quemadmodum hactenus ego validissimis argumentis ostendi, illegitimæ quoque sunt huiusmodi appellationes.

XIV. Quid vero, si Apostolica Sedes Episcopis, Principibus, ac Regnis gravissimum jugum imponat? Nempe excipiendum esse arbitror S. Ivonis Carnutensis consilium, quod legitur ep. 183. al. 159. *Quoniam iudicia Ecclesia Romana a nemine foris retrahari posse, eadem Ecclesia Romana docente, didicimus, si qui aliquando se prægravatos illius Ecclesia auctoritate, conqueruntur, hoc eis consilium damus, ut non descendant in Ægyptum propter auxilium, sed ab illa ad ipsam confugiant, & inde expectent levamen, unde se conqueruntur accipere*

cepisse gravamen, quia qua aliquando corrigi paterna severitate, eadem frequenter colligit materna pietate. Idem consilium dat etiam S. Bernardus ( ep. 213. ad Innocentium II. ). Quis, inquit, facies mihi iustitiam de vobis? . . . Extat quidem Tribunal Christi, sed absit, ut ad illud appellem vos . . . Itaque recorro ad eum, cui datum est judicare de universis, hoc est ad vos: vos appello ad vos: judicate me, & vos. Ut enim ajunt Innocentius I. & Nicolaus I. a Gratiano memorati ( C. sententiam. 35. q. 9. & C. cum ex literis. de in integrum restit. ) Sententia Romana Sedis potest in melius commutari, cum subreptum aliquid fuerit, aut ipsa pro consideratione atatum vel temporum, seu gravium necessitatum dispensatione quadam ordinare disponit. Quod si Romanus Pontifex querelas ad eum delatas, post accuratum examen inanes esse judicaverit, servandum tunc est Caroli Magni, seu potius Tiburienensis Synodi monitum, quod alibi descripti ( 2. p. cap. 8. n. 4. ) : nempe servanda est cum mansuetudine humilitas, ut licet vix ferendum ab illa Sancta Sede imponatur iugum, conferamus, & pia devotione toletemur.

## CAPUT IV.

*Expendis Decreta a Synodo Constantiensi edita  
in Sessionibus IV. & V.*

I. **S**YNODUS Constantiensis Sess. IV. hujusmodi decretum edidit: Hac Sancta Synodus Constantiensis Generale Concilium faciens pro extirpatione presentis Schismatis, ac unione, & reformatione Ecclesie Dei in Capite, & in membris fienda . . . in Spiritu Sancto legitime congregata . . . ordinat, disponit, statuit, decernit, declarat, ut sequitur. Et primo quod ipsa Synodus in Spiritu Sancto congregata legitime, generale Concilium faciens, & Ecclesiam Catholicam militantem representans, potestatem a Christo immediate habet, cui quilibet cujuscunque status, vel dignitatis, etiamsi Papalis existat, obedire tenetur in his, que pertinent ad fidem, & extirpationem illius Schismatis, & reformationem generalem Ecclesie in Capite, & in membris.

Rursus Sess. V. statuit: Quod quicumque cujuscunque conditionis, status, dignitatis, etiamsi Papalis, qui mandatis, aut praeceptis hujus Sacra Synodi, & cujuscunque alterius Concilii generalis legitime congregati, super praemissis, seu ad ea spectantibus, fallit, vel fiendis, obedire contumaciter contempserit, nisi respuerit, condigna poenitentia subiciatur, & debite puniatur, etiam ad alia juris subsidia, si opus fuerit, recurrando.

II. Jam-

II. Jamvero Synodus Constantiensis congregata est anno 1414. ad dirum Schisma componendum, quo scindebatur Ecclesia ab annis 40. Tres Romanos Pontifices tunc reiporis habere Ecclesia videbatur; Johannem XXIII. Gregorium XII. & Benedictum XIII. quorum singulis Episcopi plures, Virique Principes, & Nobiles cum magna Christianæ Plebis parte, veluti legitimis Petri Successoribus, parebant. Quamobrem quinam e tribus illis legitimus esset Romanus Pontifex, dignosci certo non poterat. Quamvis enim Johannes Alexandro V. in Pisana Synodo creato, & jam vita functo suffectus esset, cum tamen Pisanam ipsam Synodum veluti legitimam non agnoscerent plurimi, imo eam rejicerent, qui a Gregorio, & Benedicto stabant, legitime quoque nec ne electus esset Johannes, incerta saltem res erat. Petrus ipse Alliaccensis, & Gersonius, qui Johanni studebant, id fassi sunt (*app. Concil. Labb. tom. 16. col. 38.*) Imo in antiquo Codice Cardinalis de Capranica, de Johannis electione hæc leguntur verba: *Quam fuisse vitiosam, fama est.* Quare nimiam confidentia scribit Febronius (*cap. 6. §. 16. n. 6.*), Johannem a Concilio Constantiensi habitum esse *pro legitimo band dubie.* Gregorius quidem, qui Urbano VI. suffectus erat, multo probabilius legitimus Pontifex esse videbatur. Vide Reynaldum ad an. 1376. Quod si legimus in Actis Synodi Constantiensis (*sess. 12.*), Johannem *sententia sua depositionis consensisse, & ex abundanti renunciasse;* legimus etiam in Narbonensibus Concordatis, Gregorium *sua sponte cessisse* (*sess. 22.*).

III. Itaque ad pacem Ecclesiæ restituendam, & Schisma componendum congregata est Constantiæ Synodus. Sed ea a Johanne convocata fuit, nec ei interfuere usque ad Sessionem 14. nisi qui Johanni parebant. Quamobrem Synodum illegitimam esse, causati sunt Gregorius, & Benedictus: nec immerito, uti ex iis, quæ paulo ante dixi, compertum est. Quod enim ait Natalis Alexander (*sec. 15. & 16. diff. 4. art. 1. n. 80.*), œcumenicam fuisse Ephesinam Synodum Actione 1. quamvis abesset Johannes Antiochenus cum sui Patriarchatus Episcopis, non est ad rem. Ephesina enim Synodus legitime convocata fuerat, eique præerat Actione 1. S. Cyrillus Alexandrinus S. Cœlestini Romani Pontificis certo legitimi Legatus. Sed ut ad Constantiensem Synodum regrederi, Synodus præterea (*sess. 14.*) Gregorii *Bullam*, qua Synodum œcumenicam esse, negabat, & Johannem ei præesse, vetabar, libenter excepit, annuitque, ut nova a Gregorii Legatis ederetur Synodi convocatio. Rursus: Hispani, cum Sigismundi Imperatoris operâ Benedictum XIII. deseruissent, ad Synodum convenerunt, novamque Synodi *convocationem* indixerunt, ajunt enim *Sess. 22. Convocamus*

uos omnes *Praelatos, & ceteros Dominos de hac Congregatione. Patres vero congregati responderunt: Nos miseratione divina Episcopi, Presbyteri, & Diaconi Cardinales, Patriarcha &c. diſtam convocacionem acceptamus &c.* Id vero argumento eſt, ne ipſam quidem Synodum, ſe œcumenicam eſſe, perſuaſum omnino habuiſſe. Quod enim oberudit Natalis Alexander (*ib. n. 82.*), œconomix cauſa id a Synodo ſeſtum eſſe, ejus commentum eſt, cujus ne leve quidem Acta Synodi argumentum præbent.

IV. Sed, ait Febronius (*cap. 6. §. 15. n. 3.*) cum Natali Alexandro (*ib. n. 1. & 81.*), cujus etiam argumenta identidem reſellam, quia Febronius (*ib. §. 1.*) ait, *plura de hac materia ab eo ſolide traſſata fuiſſe: Martinus V. 8. Kal. Martii anno 1418. edidiſt Bullam adverſus Seſſatores Wicleſi, & Huſſi, in qua mandat, ut qui de hiſ Hæreſibus ſuſpectus eſt, interrogetur, & juret = ſe credere, quod quodlibet Concilium generale, & quod Sacrum Concilium Conſtantiense, univerſalem Eccleſiam repræſentans, approbavit, & approbat = tamquam, inquit Febronius, emanata a Corpore univerſalem Eccleſiam repræſentante.*

Sed huic ego argumento reſpondeo, tunc demum certo œcumenicam fuiſſe Conſtantiensem Synodum, cum Martinus V. poſt Seſſionem 41. eleſtus, ei præſuit, eamque probavit. Cum autem Martinus V. ratam habuerit, & confirmaverit ſententiam in Hæreſicos a Synodo nondum œcumenica ſatam, jure ſtatuit, ut deſcriptæ interrogationes ad Eccleſiam redeuntibus Hæreſicis proponerentur. Enimvero cur ſtatuiſſe dixeris Martinum V. ut certo crederetur, quod apud Catholicos ipſos, ambiguum erat; nempe Conſtantiensem Synodum etiam initio œcumenicam fuiſſe? Johannes quidem a Turrecremata in Apologia pro Eugenio IV. negavit, eam œcumenicam fuiſſe, & legitimam, antequam ad illam acceſſerunt, qui Gregorio, & Benedicto parabant, quod ſeſſione tantum 14. factum eſt, quia nullus certo legitimus Romanus Pontifex eam congregaverat. Quamquam ne poſtea quidem œcumenica fuit uſque ad Seſſionem 42. cui Martinus V. legitimus Pontifex præſuit. Nulla enim unquam Synodus œcumenica, & legitima fuit, niſi quæ Romani Pontificis auctoritate celebrata, aut probata eſt, ut ſtatuit vetuſtiſſimus Eccleſiæ Canon, de quo ſuperius diſſerebam (*2. p. cap. 19. n. 3.*). Itaque cum memoratum Diploma Martinus V. edidiſt, Synodus Conſtantiensis œcumenica erat: ideoque jure deſcriptas interrogationes Hæreſicis proponi, juſſit.

V. Quamquam cum Conſtantiensis Synodi decreta confirmaverit Martinus V. huc demum controverſia redit, an Martinus Seſſionum etiam IV. & V. decreta confirmaverit; & præterea an Synodus

das decretis illis Romanum Pontificem etiam procul dubio legitimum Generali Concilio parere debere, statuerit.

Itaque plurimi e nostris sentiunt, decreta Sessionum IV. & V. non fuisse a Martino V. confirmata. Hic enim Sessione ultima declaravit: *Quod omnia, & singula determinata, conclusa, & decreta in materiis fidei per praesens Concilium conciliariter, tenere, & inviolabiliter observare volebat, & nunquam contraire quovis modo. Ipsaque sic conciliariter facta approbat, & ratificat, & non aliter, nec alio modo.* Martinus igitur, inquiunt, confirmavit omnia decreta in materiis fidei per praesens Concilium conciliariter, & non aliter, nec alio modo. Decreta autem Sessionum IV. & V. neque conciliariter statuta sunt, neque ad materias fidei spectant. Non esse conciliariter statuta, sed tumultuario, sine diligenti consultatione, pluribus obfistentibus Concilii Patribus, & praeter Conciliorum consuetudinem, his argumentis persuadent. 1. Quia Johanne absente, & repugnante edita sunt. 2. Quia exclusum fuit suffragium Cardinalium. Quare Petrus ipse Alliacenensis (tract. de potest. Eccl.): *deliberatio, inquit, exclusa deliberatione dissi Collegii, & non facta in communi sessione collatione votorum, videtur multis, non esse censenda deliberatio conciliariter facta* 3. Johannes XXIII. in Literis ad Ducem Aurelianensem, & ad Aca- demiam Parisiensem (tom. 16. Concil. Labb. col. 805.) conquestus est, Patres in Nationes fuisse distributos, e quibus Anglicana paucis Episcopis constabat; & suffragia nihilominus juxta nationum numerum fuisse computata. Praeterea ad Nationum suffragia ferenda admissos fuisse, non modo inferiores Clericos, sed etiam Laicos matrimonio junctos tum nobiles, tum plebejos.

4. Denique Martinus V. confirmans ea, quae gesta, & decreta fuerant in causa Wiclefi, Johannis Hus, & Hieronymi Pragensis, Constitutione, quae incipit: *In Eminenti*. data 8. Kal. Martii an. 1418. (tom. 16. Conc. col. 770.) ait, se sanare omnes defectus, quicumque in condemnandis eorum erroribus irrepsissent, & quae deerant, a se suppleri. Nihil vero simile ait de aliis decretis. His argumentis, & aliis, quae quidem levia non sunt, conficiunt, decreta, de quibus agimus, conciliariter condita non esse. Non pertinere vero decreta illa ad materias fidei, constare putant ex ipsius Sessionis V. Actis: ubi vocantur certa *Capitula per modum constitutionum Synodalia*, & distinguuntur a quibusdam *Avisamentis in materia fidei, & super materia Joannis Hus*. Hinc non temere colligunt, memorata decreta a Martino V. confirmata non fuisse.

VI. Sed his ego non omnino assentior. Arbitror enim Constantiensis Synodi decreta, de quibus agimus, ad Schismatis rempus esse referenda, cum nempe plures sibi Petri Cathedram vin-

dicant

dicant, nec quinam ex illis verus sit, ac legitimus Petri Successor; plane constat: atque decreta illa, ut ad Schismatis tempus dumtaxat referuntur, a Martino V. confirmata fuisse. Id affirmatur Johanne a Turrecremata (*apol. Eugenii, & lib. 2. de Eccl. cap. 100.*), Eugenio IV. (*constit. Moyses*), Æneas Sylvius (*orat. habita Vienna anno 1452. edita a cl. Muratorio tom. 2. Anecd.*), & alii plures. In hanc autem sententiam pluribus, iisque validissimis argumentis adducor.

Ac 1. Id apertissime significare mihi videntur Synodi verba; Ait enim (*Sess. 4.*): *Hæc Sancta Synodus Constantiensis generale Concilium faciens pro extirpatione PRÆSENTIS Schismatis, & unione, ac reformatione Ecclesiæ Dei in Capite, & in membris fienda... ad obtinendum facilius, securius, liberior, & uberius unionem, & reformationem Ecclesiæ Dei, ordinat &c.* Decretum igitur Sess. IV. pertinet ad componendum Schisma, quod tunc temporis erat in Ecclesiâ, cum nullus esset certo legitimus Pontifex. Quare statuens Synodus, ut quilibet etiam Papali dignitate insignitus Synodi ipsius decretis obediat, non id statuit de Papa vero, & procul dubio legitimo, sed de iis, qui tunc temporis eam sibi dignitatem nullo certo jure arrogabant. Rursus Sess. V. ait: *Hæc Sancta Synodus Constantiensis generale Concilium faciens pro extirpatione PRÆSENTIS Schismatis &c.* Ergo utriusque Sessionis decreta ad componendum ejus temporis Schisma referuntur.

VII. Sed notat Febronius (*cap. 6. §. 1. n. 1. & §. 16. n. 6.*) post Naraletum Alexandrum (*ib. art. 2. n. 1.*), Sessione V. statui, *Papam obedire debere mandatis hujus Synodi, & cujuscumque alterius Concilii generalis.* Non ergo, inquit, Papam dumtaxat incertum, sed etiam certum Concilii generalis mandatis obedire debere, statuit Synodus Constantiensis.

Fallitur vero egregie uterque; quemadmodum quæ sequuntur Synodi verba a Febronio prætermissa demonstrant: Nempe statuit Synodus, ut quicumque etiam Papali dignitate insignitus, *qui mandatis hujus Synodi, & cujuscumque alterius Concilii generalis legitime congregati super præmissis, seu ad ea pertinentibus, factis, vel fiendis &c.* Quæ autem præmissa erant, ea ad extirpationem præsentis Schismatis spectant. Ergo etiam Papa, quem statuit obedire debere mandatis hujus Synodi, & cujuscumque alterius Concilii generalis, est Papa, qui tempore ejus, vel similis Schismatis eam sibi dignitatem arrogaret, ideoque Papa non certo legitimus. Ideo vero statuit Synodus, hujusmodi Papam obedire debere mandatis cujuscumque alterius Concilii generalis, quia cum Schisma, quod ab annis 40. vigeat, a Pisana Syodo extinctum non esset, verebatur, aut vereri poterat, ne ipsa quoque, Schismate nondum composito, dissolveretur,



VIII. Notat iterum Febronius (*ib.* §. 16. n. 6.) cum Natali Alexandro (*ibid.*), Synodi Constantiensis decretum complecti non modo *casum extirpationis Schismatis*, sed etiam *reformationem Ecclesiæ tam in Capite, quam in membris*, & ea, quæ ad fidem spectant.

Verum 1. Verba: *Et reformationem generalem Ecclesiæ in Capite, & in membris*, desiderantur non modo in novem Mss. Codicibus ab Emmanuele Schellstrate memoratis (dissert. de Act. Constant.), sed etiam in aliis: quidquid Febronius dicat (*cap.* 6. §. 1. n. 1.), ea inveniri in *præambulo hujus decreti*, & adhuc magis *authentice in primo decreto Sessionis V.* Verba vero ad *Fidem* desiderantur in prioribus Concilii editionibus, in Hagenovensi anni 1500. in Mediolanensi anni 1511. in Parisiensi anni 1512. in Coloniensi anni 1530. primumque Crabbeanz editioni anno 1538. inserta sunt. Desunt quoque in pluribus Codicibus, etiam Concilio Synchronis, memoratis ab Hermanno Wonderhardt, & ab aliis.

2. Etiam si genuina sint, ea ad Schismatis tempus dumtaxat sunt referenda. Nam quod attinet ad priora verba: *Et reformationem &c.* Synodus non secernit extirpationem Schismatis a reformatione, quasi Papam parere vellet Concilii alterius generalis decretis non modo Schismatis tempore, sed etiam semper quoad reformationem: *Sed extirpationem Schismatis, & reformationem Ecclesiæ in Capite simul conjungit.* Decretum igitur referendum est ad reformationem Ecclesiæ tunc temporis necessariam, ut ii, qui Ecclesiæ Capita se inscribabant, in ordinem cogerentur. Sed ad Schismatis tempus referenda sunt etiam verba: *ad fidem.* Scilicet Pisana Synodus abdicandos esse statuerat Benedictum XIII. & Gregorium XII. Sed eos ante abdicare ausa non est, quam hæreticos eos esse declarasset. Hæreticos autem ea de causa illos esse censuit, quod sponte se abdicare Pontificia dignitate noluissent. Ea enim pervicacia Ecclesiæ paci adeo noxia, schisma, & hæresis esse credebatur, ut colligitur ex propositione 8. Petri Alliacenensis; quæ est hujusmodi: *In casu prædicto, dum scilicet Pontificatum ob Ecclesiæ unionem dimittere venueret, Papam tamquam hæreticum, & schismaticum condemnantes, & dictam condemnationem justam, & canonicam fore, similiter asserentes, nullatenus hæretici sunt censendi, sed magis oppositum pertinaciter asserentes.* Quare etiam Concilium Constantiense ut viam sibi sterneret ad deponendum Johannem XXIII. nisi sponte ipse loco cederet, declaravit, Papam tempore schismatis parere debere Concilio generali in his, quæ pertinent *ad fidem*; ut nisi obediret, cum hæreticum declararet, eoque nomine dignitate privaret; quod & factum est. En igitur, quam ob causam addita sunt verba: *& ad fidem.* Cæterum valde anceps fuisse videtur Synodus tum de sua in Johannem, etsi

non certo legitimum, auctoritate, tum de nota hæreseos illi affixa. Pronunciata eam in eum depositionis sententia, nondum tamen depositum esse censuit; *Sed statim Rex, Cardinales, & Deputati, pluresque tractaverunt materiam, quod Papa consentiret sententia sua depositionis, & ex abundanti renuntiaret, & reipsa consensit, & ex abundanti renuntiavit.* Sed quidquid ea de re sit, illud ex iis, quæ dicta sunt, certissimum esse, arbitror, verba: *ad fidem, & extirpationem Schismatis, & reformationem Ecclesie in Capite, & in membris, & utriusque Sessionis decreta ad singulare illud schisma, & ad simile aliud esse referenda.*

IX. Sed ait præterea Febronius (*ibid.*): Synodus suam potestatem ex eo deducit, quod repræsentet Ecclesiam, & quod errare non possit. Hæc autem cuius generali Concilio conveniunt, siue schisma sit, siue non sit.

Verum fateor, Synodum absque R. Pontifice repræsentare Ecclesiam, sed eam, quam eo tempore repræsentare potest, idest mancam, & suo Capite, atque Pastore visibili carentem. At vero sedente in Petri Cathedra legitimo Capite, & Pastore Ecclesiæ, nego Synodum absque eo Ecclesiam universalem repræsentare. Fateor quoque Synodum absque Romano Pontifice errare non posse tempore schismatis, quoad ea, quæ directe pertinent ad Schisma componendum, & indirecte ad fidem; sed nego, errare non posse Synodum se sola definientem, Sedenre in Petri Cathedra legitimo Pontifice. Synodus autem Constantiensis declarat, se repræsentare Ecclesiam, seque esse in Spiritu Sancto legitime congregatam *ad extirpationem præsentis Schismatis &c.* Ergo frustra concludit Febronius, ejus Synodi decreta etiam præter Schismatis tempus locum habere.

X. Denique ait Febronius (*ib. §. 16. n. 6.*): Gersonius in operibus, qua in ipsa Constantiensis Synodo edidit, totus in eo est, ut auctoritatem Concilii cujuslibet in quemlibet Papam statuat. Pauci tamen sunt, qui ignorant, decreta Constantiensia juxta Gersonii votum condita fuisse. Sed & Cardinalis Julianus (*ib. §. 1. n. 3.*) Eugenii IV. Legatus, & Synodi Basiliensis Præses cum omnibus Nationibus, quarum Prælati (plurimi quidem: adfuere enim Sessioni II. Septem vel novem) Synodo aderant, post sexdecim annos Constantiensis Synodi decreta de Papa certo intellexit.

Sed Gersonii quidem privati Doctoris auctoritatem frustra jactat Febronius. Ego quidem Constantiensem Synodum veneror, sed Gersonii auctoritatem flocci facio. Non me later, operæ plurimum in id contulisse Gersonium, ut Synodus statueret generatim, Synodum generalem esse supra Papam, sed novi etiam, prudentissime Synodum

nōdum Constantiensem ab ea re definienda abstinuisse: Id quoque novi, Gersonium ineptissimis argumentis hujusmodi causam egisse, quæ vel adolescentem Theologum dedecere; quod ego facile demonstrarem, si Gersonii auctoritatem tanti æstimandam esse arbitrarer, ut ei rei a me multum operæ dandum esset. Unum ego Febonium rogo, ut scilicet ostendat, decreta Sessionum IV. & V. ad Gersonii mentem fuisse adornata. Id enim multo præfidentius asseritur, quam ostenditur.

Quod vero attinet ad Cardinalem Julianum, primo quidem is nimium sibi auctoritatis arrogavit, Eugenii mandata prætergressus. Sed ad meliorem frugem tandem rediit, Basileenses deseruit, Eugenium securus est, & quæ pro Synodo Basileensi gesserat, & scripserat, retractavit, teste Pio II. (in Bulla retract.), qui se quoque Juliani exemplo ad ea retractanda, quæ pro eadem Synodo scripserat, permotum fuisse, fatetur. 2. Synodum Constantiensem decreta sua ad Papam certo legitimum retulisse, eo argumento conficiebat Julianus, quod *id etiam falso probatum sit: Nam propter unum de tribus casibus Concilium privavit Joannem, & propter alterum privavit Benedictum.* Istiusmodi autem argumento falso concludebat Julianus, Synodum sua decreta ad Papam certo legitimum retulisse, nisi & uterque Pontifex certo legitimus fuit, & veluti legitimum utrumque Synodus agnovit. Fuisse autem utrumque Pontificem legitimum, Catholicorum nemo dixerit: utrumque veluti legitimum a Synodo habitum esse, nemo nisi inepte affirmaverit. Falso igitur *ex falso* concludebat Julianus, Constantiensem Synodum ad Papam etiam certo legitimum sua decreta extendisse. Itaque Julianus, non secus atque Basileenses, Constantiensis Synodi decreta contra ipsius Synodi mentem ad Papam certo legitimum retulit.

XI. Secundo: Ante Sessionem 40. (*Act. Concil. a Schelstr. edit.*) contenderunt cum Italis, Hispanis, & Gallis Germani, ut prius de Reformatione ageretur, quam eligeretur Pontifex; sed illis hi tandem cessare ea conditione, ut electo Pontifice, Reformationi opera daretur ante ejus coronationem. Qua super re *fuerunt facta diversa forma decreti, ac tandem fuit dictum, quod Papa electus ligari non potest.* Priora ergo decreta ad Papam certo legitimum non spectant; Papam enim certo legitimum ligari non posse, Synodus ipsa affirmavit.

XII. Responder Natalis Alexander (*ib. art. 2. n. 6.*) 1. ea verba prolata esse ab aliquibus Deputatis in æstu disputationis. Sed nemini facile persuadebit Vir doctissimus, eos, qui Sessionibus IV. & V. stauerant, Papam etiam certo legitimum, ut ipse arbitratur, generali Concilio parere debere, postea disputationis æstu abreptos, post pluri-

plurimam tamen consultationem dixisse, quod *Papa electus ligari non potest*. Multo facilius ejusmodi responsa proferuntur, quam persuadentur.

XIII. Responder 2. (*ib. n. 7.*), Synodum sessione 38. statuisse; ut *futurus Summus Pontifex... cum hoc sacro Concilio, vel deputandis per singulas Nationes, debeat reformare, Ecclesiam in Capite, & in Curia Romana secundum aequitatem, & bonum regimen Ecclesie, antequam hoc Concilium dissolvatur, super materiis &c.* Sessione 39. decrevisse, ut Synodus œcumenica post quinquennium, deinde post septennium, & demum deinceps post decennium celebraretur, eique decreto Pontificem ipsum obedire, voluisse. Sess. 40. (*Act. apud Schelstr.*) proposuisse plures articulos de reformatione a Romano Pontifice *cum hoc sacro Concilio* perficienda, antequam Concilium dissolveretur, inter quos is etiam erat: *Propter quæ, & quomodo Papa possit corrigi, vel deponi?* Martinum vero V. palam, & aperte professum esse, se hisce decretis esse ligatum. Synodum enim intra quinquennium indicens Sessione 44. juxta decretum Sessionis 39. ait: *Cupientes, at volentes decreto hujus generalis Concilii satisfacere.* Demum sess. 43. postquam plura de reformatione decreta ediderat, voluisse Martinum V. ut Concilium publico Instrumento fidem omnibus faceret, sibi ab eodem Pontifice circa reformationis articulos sessione 40. propositos fuisse factum satis. Falsum igitur est, concludit Natalis Alexander, quorundam deputatorum effatum, & a Synodi, imo & a Martini V. mente alienum: *Papam electum ligari non posse.*

XIV. Sed hæc Natalis Alexandri argumenta facillime diluuntur. Primo enim decrevit quidem Synodus, ut *futurus Summus Pontifex reformaret Ecclesiam in Capite, & in Curia Romana, & Synodum intra quinquennium indiceret; sed nullam poenam in eum, si parere noller, statuit, quemadmodum statuerat in decretis Sessionum IV. & V.* Quare vero? Quia scilicet noverat Synodus, se in legitimum Pontificem nullam auctoritatem habere. At vero, inquit ille, nonne poenas statuerat sessione V? Statuerat quidem. Sed quidni Synodus, quæ sexcenties easdem loquendi formulas repetit, poenas etiam addidit decretis sessionum 39. & 40? At legem saltem, ait, Romano Pontifici præscripsisse, satis fuit. Sed legem præscripsit, ajo ego, *directivam*, ut vocant, non *coactivam*. Id scilicet indicavit, quod a Pontifice faciendum erat *secundum aequitatem, & bonum Ecclesie regimen*. Reformationem enim flagitabant singulæ Nationes, ac præsertim Germanica, cui nisi Synodus illiusmodi decreto satisfaceret, vix novus Pontifex sine turbis eligi potuisset. Edidit quoque decretum *Frequens: De Conciliis generalibus, & provisione erga futura schismata*; sic enim inscribitur. Nam schismata vix evi-

tati

tari, aut extinguere tunc temporis poterant, nisi frequenti Conciliorum celebratione, ut ipsa Synodus in decreto affirmat. Quamobrem frequentem Conciliorum celebrationem ut Ecclesiæ utilissimam, imo necessariam novo Pontifici præscribit. Sed si secus Pontifici visum fuerit, neque Concilium convocaverit, nec pœnam in eum statuit, nec decernit, ut eo invito ab aliis convocetur; quæ duo necessaria erant, si existimasset, Pontificem certo legitimum Concilio subjici, & parere omnino debere.

XV. Proposuit quoque Synodus sessione 40. plures reformationis articulos, eique Martinus V. satisfecit. Ea vero de re a Concilio fidem publice fieri, voluit; non quod se Synodi legibus obstringi persuasum haberet, aut aliis persuadere vellet, sed ut palam omnibus faceret, se reformationi, quod, antequam eligeretur, promiserat, operam dedisse, fidemque suam liberasse. Expende, quæso, Martini V. verba: *Cupientes, inquit, & volentes satisfacere*. Scilicet Synodi decreto satisfecit, non ut ejus auctoritati pareret, sed ut desiderium suum, & voluntatem impleteret.

XVI. Quod attinet ad articulum: *Propter quæ, & quomodo Papa possit corrigi, vel deponi*; is propositus fuit, non quod existimaret Synodus, se in Papam legitimum absolute auctoritatem habere, sed ut causas statueret, & modum corrigendi, vel deponendi Papam, qua de re erat inter Doctores disceptatio. Et hunc quidem articulum si Gersonio agente propositum fuisse, velit Febronius, non magnopere cum eo contendam: ast ad Gersonii mentem fuisse definitum, confidentissime negabo (*super. n. 10.*). Ei enim articulo responsum est: *Non videtur, prout nec visum fuit in pluribus Nationibus circa hoc aliquod novum statui, vel decerni*.

Denique Constantiensis Synodi decreta ad Pontificem certo legitimum referenda non esse, demonstrant ea, quæ post Martini V. electionem contigerunt, quæque narrat Febronius ipse (*ib. §. 15. n. 3.*). Scilicet Martinus V. Collegium reformatorium instituit. Verum multum absuit, inquit Febronius, ut hoc Collegium expectationi universalis Synodi satisfaceret. Id conquesti sunt Germani, Galli, Hispani, & Cæsar ipse. Quare Martinus die 21. Martii anni 1418. in sessione generali 43. quadam de reformatione Ecclesiæ statuta promulgavit, sed penitus insufficientia. Post hæc die 22. Aprilis Sessione 45. & ultima non sine turbine Concilium solvit Pontifex. Jamvero si persuasum habuisset Synodus, se Martino legitimo Pontifice superiorem esse, Synodum ab eo solvi, re, quam tantopere omnes exoptabant, & postulabant, infectâ, non permisisset, imo reformationis Capita Synodus ipsa proposuisset, atque ad ea exequenda Martinum compulisset.

Demonstratum itaque est, Constantiensis Synodi decreta edita Sessione

Sessionibus IV. & V. ad Schismatis tempus, & ad Pontificem non certo legitimum esse referenda, atque, siquidem a Martino V. confirmata sunt, in eum sensum confirmata fuisse. Ex iis igitur concludi nequit, Concilia œcumenica Romano Pontifici auctoritate præcellere.

XVII. Nonnulla nunc supersunt Natalis Alexandri argumenta (ib. art. 3. n. 2.) paucis refellenda. Inter Wiclefi errores hic quoque recensetur (n. 41.): *Non est de necessitate salutis, credere, Romanam Ecclesiam esse supremam inter alias Ecclesias; & hac Censura a Synodo Constantiensi notatur: Error est, si per Romanam Ecclesiam intelligat universalem Ecclesiam, aut Concilium generale, aut pro quanto negaret Primatum Summi Pontificis super alias Ecclesias Particulares.* Ergo Primatus Romani Pontificis extenditur super Ecclesias omnes particulares, non super Ecclesiam universalem.

Sed minus recte argumentari mihi videtur Vir cætera doctissimus. Si enim erroris censura expendatur, manifestum sit, eundem errorem esse, negare, siue Ecclesiam universalem, siue Concilium generale, siue particularem Ecclesiam Romanam esse supremam inter alias, aut super alias Ecclesias particulares; nisi inepte dicere velis, Ecclesiam quidem Romanam esse supremam inter alias Ecclesias Particulares, sed Ecclesiam universalem esse supremam etiam inter Ecclesiam universalem: aut Romanum Pontificem habere Primatum super alias Ecclesias particulares: Concilium vero generale, & Ecclesiam universalem esse etiam super Ecclesiam universalem. Ego quidem miror, virum adeo doctum in re levissima deceptum fuisse. Præterea inter errores Johannis Hus hic recensetur (n. 11.): *Non oportet credere, quod iste, quicumque est, Romanus Pontifex sit Caput cujuscumque particularis Ecclesia, nisi Deus eum prædestinaverit.* Ergo Romanus Pontifex est Caput cujuscumque particularis Ecclesie. Hinc vero colligit ne Vir Catholicus, Romanum Pontificem non esse Caput etiam Ecclesie universalis? Ergo cum in censura erroris Wiclefi superius memorata asseritur Romano Pontifici Primatus super alias Ecclesias particulares, non ei negatur Primatus super Ecclesiam universalem; sed ei asseritur id, quod negabat Wiclefus, & omittitur id, de quo ille non agebat. Denique statuit Martinus V. ut qui ab hæresi Wiclefi, & Johannis Hus redit ad Ecclesiam, interrogetur, *utrum credat, quod Papa canonice electus, qui pro tempore fuerit, ejus nomine proprio expresso, sit successor B. Petri, habens supremam potestatem in Ecclesia Dei?* Qui autem habet supremam potestatem in Ecclesia Dei, is non modo Ecclesiis particularibus; sed etiam Ecclesia universali, si a Pontifice quidem sejungitur, superior est.

## CAPUT V.

*Basileensis Synodi decreta refutantur.*

I. **B**asileensis Synodus, quæ ab anno 1431. deinceps celebrata est, Synodi Constantiensis decreta Sessionibus IV. & V. edita, quæ ad Schismatis tempus, & ad Pontificem non certo legitimum referenda esse, superiori Capite luculentissime ostensum est, non modo confirmavit, sed etiam ad Pontificem certo legitimum extendit Sessionibus II. III. XVIII. & in aliis. Synodum hanc œcumenicam, & legitimam fuisse usque ad ejus translationem Ferrariam, aut saltem usque ad Sessionem XXV., sentiunt Theologi Parisenses, imo Ecclesia Gallicana, si fides habenda est Natali Alexandro (*in h. e. sac. 15. & 16. diss. 8.*), quem hac de re laudat, consuli que vult Febronius (*cap. 6. §. 1. n. 4. & alibi*). Quamquam Clerus Gallicanus in celebri sua declaratione *de Eccl. potest.* Basileensis Synodi ne meminit quidem. Illud certum est, Synodum Basileensem a plerisque Catholicis inter Conciliabula recenferi. Et Conciliabulum quidem eam fuisse, pluribus ego argumentis demonstrare possem. Sed ne multus sim, nonnulla tantum afferam, quæ rem plane conficere mihi videntur.

II. 1. Eugenius IV. duobus Diplomatis Romæ datis Basileensem Synodum dissolvit, & Apostolicæ Sedis Legationem Cardinali Juliano demandatam revocavit (*tom. 12. Concil. Labb. app. 2. Concil. Basile. n. 51. & 52.*)

2. Sessionibus Secundæ, & Tertiæ non ultra decem Patres interfuerunt (*Eugenius ib.*). Ipsi Basileenses (*respons. Synod. dato 6. id. Nov. ann. 1440.*) testantur, tempore prima dissolutionis prætextu pacis Prælatos Concilii non numerum quatuordecim excessisse. Ex hujusmodi autem Prælati septem tantum, vel octo Episcopos fuisse, Historici testantur.

3. Johannes a Turrecremata (*de Eccl. lib. 2. cap. 100.*) Synodo synchronus testatur, in iis condendis decretis *factiones, & practicas intervenisse*; eaque edita esse *ad furorem quorundam hostium Apostolicæ Sedis cum multitudine populi parvi pretii, & nullius auctoritatis.* Aneas Sylvius testis oculatus, qui ipsi Synodo primum quamaxime studuit, deinde vero quæ pro ea gesserat, & scripserat, retraxit: *Inter Episcopos*, inquit (*orat. habita ad Australes. edita a Ludov. Muratorio tom. 2. Anecd.*), *ceterosque Patres conscriptos vidimus in Basilea coquos, & stabularios Orbis negotia judicantes.* Ipse Ludovicus Arelatenensis Synodi præses, & Eugenii IV. hostis insensibilis ait (*orat. ad. Panormis.*), *opus Dei ea vice fuisse, ut inferiores*

*viore ad dicendum recipiuntur.* Et quamvis Sessioni XVII. centum Prælati cum mitris adfuisse dicantur, pauci tamen ex iis Episcopi erant.

Itaque decreta Sessionum II. & III. edita sunt a Synodo paucorum Episcoporum, absque auctoritate Sedis Apostolicæ. Alibi autem ego demonstravi (2. p. cap. 19. n. 3. *segg.*), legitimam non esse Synodum, quæ absque R. Pontificis auctoritate celebratur. Quare nisi vel levia, vel spuria esse, quæ ibi allegavi, monumenta, demonstrent Febronius, Natalis Alexander, alique, qui cum ipsis sentiunt, nunquam conficiant Basileensem Synodum legitimam fuisse. Quis præterea dixerit, Synodum octo, vel decem Episcoporum Ecclesiam universalem repræsentare, & œcumenicis Synodis accensendam esse? Confirmavit equidem Synodus eadem decreta Sessione XVIII. quo tempore legitima forte erat; qua de re inferius dicam, sed testatur Johannes a Turrecremata (respons. ad Basil. in Concil. Flor.): *Præsidentes omnes non consensisse, imo contradixisse, & protestatos esse, omni meliori modo, quo poterant, licet aliqui eorum, non ut Præsidentes, sed ut particulares persone, quasi violenter, & cum aliter non admitterentur ad præsidendam, consenserunt.* Et alibi (de Eccl. lib. 2. cap. 100.) ait ea decreta, *Multis Prælatiis, & Doctoribus in utroque jure graduatis, sapientia, & virtutibus clarissimis non consentientibus edita esse, eosque Sessionibus interesse noluisse:* Et præterea in decretis edendis *factiones, & practicas intervenisse.* Decreta autem a paucis Episcopis cum multitudine populi parvi pretii, & nullius auctoritatis, pluribus aliis Episcopis, ac præsertim Pontificis Legatis contradicentibus, edita, ea ne sunt, quæ nos veluti ab œcumenica, & legitima Synodo edita veneremur?

III. Quid vero, quod Basileensis Synodus tandem in apertissimum Schisma erupit, atque Eugenio IV. Amedeo Sabaudicæ Ducem nomine Felicis V. opposuit, quem veluti intrusum & Pseudo-Pontificem Ecclesia Catholica hætenus improbavit? Quamobrem Eugenius IV. (*Constit. Moyses*) eos vocat *perniciosissimos, qui dum suam malignitatem sub veritatis fuce colorant* (est ea Pseudo-Reformatorum consuetudo), *Constantiense Concilium in malum, ac reprobum sensum... pertrahunt, cæterorum Hæreticorum, & Schismaticorum falsam doctrinam sequentes.* Deinde more Dioscori, & damnata Ephesina Synodi (si quæ in utraque Synodo gesta sunt, contuleris, eandem fuisse urriusque agendi rationem, facile senties) ad quamdam venenatam, execrabilemque aperia declarationis, seu privationis sententiam a dignitate, & officio Summi Apostolatus inexpressibili quodam scelere processerunt. S. Antoninus (3. p. lit. 22. cap. 10. §. 4.) vocat Basileensem Synodum *Synagogam Satanae*: S. Johannes de Capistrano (*de Pap. & Concil. au-*

*Hor.*



*Hor. p. 3.) profanam, & basilicorum speluncam: Synodus Lateranensis (sess. 11.) Conciliabulum Schismaticum.*

IV. Sed enim, ajunt, Basileensis Synodus post sessionem XXV. œcumenica, & legitima non fuit: Nam duas in partes scindi cœpta, ait Natalis Alexander (*ib. diff. 8. art. 3. n. 61.*), sufficienter Ecclesiam universalem representasse non videtur. Et christiani plerique Principes edita deinceps ab ipsa contra Eugenium decreta improbant. Eugenius vero (*ib. n. 62.*) Kal. Octob. ann. 1437. quo die Sessio 28. habita est, Translationem Concilii Basileensis de Cardinalium, Archiepiscoporum, & Episcoporum plurimorum consilio, & assensu decrevit.

Sed scire ego velim causam, cur tam subito Basileensem Synodum Spiritus Sanctus deseruerit, eaque in Conciliabulum evaserit? An quod Julianus Cardinalis, & alii Patres deinceps Synodi decretis obstiterint? Sed plures obstiterant etiam decretis Sessionum II. III. & XVIII. An quod Christiani Principes Synodi decreta improbaverint? Ast ut legitima sint, vel non sint Synodorum decreta, Principum auctoritate fieri nequit. An demum quod Eugenius Synodum Ferrariam transfulerit? Ast eam etiam ante Sessionem II. Bononiam transferri, decreverat, & irritum tamen Eugenii decretum fuisse, contendunt. Ego equidem nullam aliam ejus rei intelligo causam, præter hanc; quod Basileenses inaudita ab Ecclesiæ primordiis temeritate Romanum Pontificem sibi subicere conati sint, atque in eum audacter sententiam dixerint. Confer quæso, quæ gessere Romanæ Synodi in causa Symmachi R. P. & Galliarum Episcopi, & Canonem XXI. Octavæ Synodi œcumenicæ cum iis, quæ in causa Eugenii etiam ab initio gessit Basileensis Synodus. Inde enim facile intelliges, quam longe a Catholicæ Ecclesiæ sententia, & persuasione Basileenses recesserint.

V. Sed quoniam Basileensis Synodi decreta, de quibus agimus, ab Eugenio IV. probata esse, contendunt Febronius, Natalis Alexander, aliique, hac de re paulo pluribus disserendum est. Itaque Eugenius IV. ante secundam Sessionem Synodum dissolvit. Sed eum Basileenses, quibus plures Viri Principes, & Reges adhærebant, abdicationis sententiam Eugenio minitarentur, is eorum minis perterritus, & schisma veritus, Sigismundo Romanorum Rege agente, data Diplomata revocavit novo Diplomate dato Romæ 18. Kal. Jan. anno 1433. quod incipit: *Dudum*, ubi ait: *Dudum sacrum generale Basileense Concilium... legitime inchoatum, a tempore prædictæ inchoationis legitime continuatum fuisse, & esse, ac prosecutionem semper habuisse; continuari, ac prosecutionem habere debere ad prædicta, & pertinentia ad ea, petinde ac si nulla dissolutio facta fuisset: sequè ipsum sacrum generale Concilium Basileense pure, & simpliciter, & cum affectu, ac omni devotione, & favore prosequi.* Hoc autem diplomate confirmasse

firmasse Eugenium Basileensem Synodum, ejusque decreta, concludunt Natalis Alexander (*ib. art. 3. n. 37.*), & Febronius (*cap. 6. S. 16. n. 8.*). Sed egregie fallitur uterque; quod his ego argumentis demonstro.

Primo. Qui Synodum legitime inchoatam esse, & legitime continuari, fateatur, non propterea etiam Synodi decreta probat, nisi ea etiam se probare, profiteatur. Fieri enim potest, ut Synodus etiam legitime inchoata, iniqua decreta edat. Ejus rei exemplo est Synodus Ephesina II. (*vid. 2. p. cap. 18. n. 9.*). Eugenius autem agnoscit quidem veluti legitime inchoatam, & continuatam Basileensem Synodum, sed ejus decreta, se probare non dicit. Quare, teste Johanne a Turrecremara (*lib. 2. de Eccl. cap. 100.*), Eugenius Juliano Cardinali in honorem Basileensis Concilii ex ipsius Pontificis Bullis argumentum opponenti, respondit: *Not quidem progressum Concilii approbavimus, volentes, ut procederet, sicut incomperat; non tamen approbavimus ejus decreta.*

VI. Sed judicat cum Bossueto Febronius (*ib.*), ejusmodi collationem, distaque nullatenus sufficientiam ad evertenda, aut etiam interpretanda ea, qua Synodice gesta, decreta, & approbata sunt. Concilium, inquit, Imperator unionis interpret, totus denique mundus hac acceptationis verba ita intellexit, ut non de materiali solum Synodi continuatione, sed de gestis etiam conclusis, ac decretis Synodicis acciperetur. Omni juri gentium, bonae fidei, atque honestati reprobatur tardior illa, & privata, si vera est, Eugenii interpretatio, qua ex communibus regulis contra eum facienda est, qui post multos tractatus clarius loqui potuisset, ac debuisset.

Verum non legisse videtur Febronius Eugenii Literas ad Franciscum Foscarenum datas eodem anno 1423. (*apud Raynald.*), & ad Sigismundum Imp. unionis interpretem. Porro Eugenius in literis ad Foscarenum Venetorum Ducei: *Potius, inquit, hanc Apostolicam dignitatem, & vitam insuper posuissimus, quam voluissimus esse causa, & initium, ut Pontificalis dignitas, & Sedis Apostolica auctoritas submitteretur Concilio contra omnes Canonicas sanctiones.* Ergo Eugenius non tardius, sed eodem anno protestatus est, se nec probasse, nec probaturum esse Basileensis Synodi decreta.

VII. Sed rem plane conficiunt Literae ab Eugenio ad Sigismundum Imperatorem datæ (*apud Harduinum tom. 8. Concil. col. 1586.*). Nempe Eugenius Constitutionem dudum superius memoratam ad Sigismundum misit Synodo exhibendam una cum literis, quibus significavit, se Synodi continuationem probare, ea conditione, ut omnia, & singula, inquit, contra auctoritatem nostram facta, & gesta per dictum Concilium, prius omnino tollantur, & in pristinum statum reducantur. Qui autem fieri potuit, ut Sigismundus, his acceptis Eugenii

Literis

Literis, persuasum haberet, Eugenium probasse non solum *maeriale Synodi continuationem*, sed etiam *gesta conclusa, ac decreta* ? *Clavius* ne loqui potuit eam in rem Eugenius ?

Sed cur Eugenius non ita scripsit in Constitutione *Dudum* ? Nempe Eugenius satis sibi, atque Apostolicæ dignitati in eo rerum discrimine consuluisse videbatur Literis ad Imperatorem datis ; præsertim cum in Constitutione *Dudum* nullum esset verbum, quo significaret, se Synodi decreta probare. Ergo Eugenius Basileensis Synodi decreta haudquaquam probavit.

VIII. Addit Febronius (ib. n. 9.), Eugenium ante mortem de his Conciliis, signanter Constantiensis (quod hujus rei Caput est) aliter sensitse. Nam cum anno 1447. ageretur de concordia inter Apostolicam Sedem, & Nationem Germanicam, atque hujus Oratores postularent professionem potestatis, auctoritatis, & præminentia Generalium Conciliorum, præsertim Constantiensis, & Basileensis ; ac minitarentur, se alioquin Eugenii depositionem in Basilea factam amplexuros ; Eugenius respondit : Concilium Generale Constantiense, decretum FREQUENS, ac alia ejus decreta, sicut cetera alia Concilia Catholicam militantem Ecclesiam representantia, ipsorum potestatem, auctoritatem, & eminentiam, sicut & ceteri Antecessores nostri, a quorum vestigiis deviare nequaquam intendimus, suscipimus, amplectimur, & veneramur.

Verum quidquid postulaverit ab Eugenio Germanica Natio, recte notat Raynaldus (ad an. 1447.), Eugenium in his literis non majorem auctoritatem decreto Concilii Constantiensis, quod a voce FREQUENS initium ducit, contulisse, quam Martinus tribuisset ; ac professum, se a Prædecessorum vestigiis nolle desistere. Nec video, cur hanc Raynaldi observationem viro probo minus dignam judicet Febronius (ib.) : ea enim ex Eugenii verbis sponte sua fluit. Ego præterea notari volo, postulasse Cæsaris, ac Principum Oratores, ut Eugenius profiteretur PRÆMINENTIAM Conciliorum generalium : Eugenium vero professum esse eorum EMINENTIAM. Quod quidem ab eo non fortuito, sed consulto scriptum est. Nam in literis ad suos in Germania Oratores datis, quas paulo inferius allegabo, proficitur, se venerari Concilia Constantiense, & Basileense ab ejus initio usque ad translationem, absque tamen præjudicio PRÆMINENTIÆ Sedis Apostolicæ. Me forte veluti verborum ancipem traducet Febronius, sed immerito. Eminentia enim, & Præminentia vocabula in re, de qua agimus, longe differunt ; quarimus enim, Synodus ne Pontifici, an Pontifex Synodo præmineat. Cum ergo Eugenius professus sit, se venerari generalium Conciliorum Eminentiam, absque præjudicio Præminentia Sedis Apostolicæ, procul dubio professus est, se generalibus Synodis præminere.

A 2 2

A 2,

At, inquit Febronius, non habuit in animo Germanica Natio exigere a Papa declarationem super qualiqui submissione, aut acceptione unius tantum, alteriusve Decreti Concilii Constantiensis; sed universim omnium decretorum hujus, sicut & quorumcumque aliorum Generalium Conciliorum.

Sed nos hic non quærimus, quid in animo habuerit Germanica Natio, & quid ab Eugenio postulaverit; sed quantum ejus postulationis concesserit. Ita autem ejus postulationis concessit Eugenius, ut Conciliorum Eminentiam professus sit, salva Præminentia Sedis Apostolicæ. Ergo vel nihil præterea postulavit Germanica Natio: vel si postulavit, non id illi concessit Eugenius.

IX. Præterea cum Basileenses Schisma jam fecissent, Fridericus Romanorum Rex, & Imperii Electores, qui neutras partes eousque secuti erant, Eugenio promiserunt, se ipsi ut vero, legitimoque Pontifici obtemperaturos, dummodo Basileensis decreta per ipsam Germanicam Nationem acceptata probaret, & confirmaret. Quamobrem Eugenius, ut Schisma componeret, & pacem Ecclesiæ restitueret, literas ad suos in Germania Legatos dedit (apud Raynald.) 11. Kal. Aug. anno 1446. in quibus ait: Generalia Concilia Constantiense, & Basileense ab ejus initio usque ad translationem per nos factam, absque tamen præjudicio juris, dignitatis, & PRÆMINENTIÆ Sanctæ Sedis Apostolicæ, ac potestatis sibi, & in eadem Canonice Sedenti in Persona B. Petri a Christo concessæ, cum omni reverentia, & devotione suscipimus, amplectimur, & veneramus. Vident in his Eugenii Literis Natalis Alexander (ib. art. 3. n. 64.), & Febronius (ib. 16. n. 11.) Basileensis Concilii confirmationem; sed velim ego prætere, ut videant decretorum, de quibus agimus, refutationem. Eugenius enim Synodum suscepit, & amplexus est, absque tamen præjudicio juris, dignitatis, & præminentia Sanctæ Sedis Apostolicæ. Decreta autem Sessionum II. III. & XVIII. probari non possunt absque præjudicio Præminentia Sedis Apostolicæ. Ergo istiusmodi decreta Eugenius nec probavit, nec confirmavit. Ut summum igitur alia ejus Synodi decreta confirmavit Eugenius, quæ ad Censuras, & ad Causas Beneficiales spectant, & similia; sed decreta Sessionis II. III. &c. rejecit.

X. Denique Eugenius in Constitutione: *Moyser Vir Dei* (tom. 18. Concil. col. 1202.) data in Concilio Florentino pridie Nonas Sept. anno 1439. ait: Basileenses quibusdam decretis Constantiæ, Schismate tunc vigente, editis inharere se, dicentes, tres Propositiones, quas fidei veritates vocant, quasi Nos, & omnes Principes, & Prælatos, & alios fideles, & devotos Apostolicæ Sedis hæreticos facerent, protulerunt, quarum senior sequitur in hæc verba:

Veritas de potestate Concilii generalis universalem Ecclesiam representantis, supra Papam, & quemlibet alterum, declarata per Constantiensem,

se, & hoc Basileense Concilium, est veritas Fidei Catholica.

Veritas hac: quod Papa Concilium generale... sine ejus consensu nullatenus auctoritative potest dissolvere, aut ad aliud tempus prorogare, aut de loco ad locum transferre, est veritas Fidei Catholica.

Veritatibus duabus pradiſſis pertinaciter repugnans est censendus hæreticus.

Hæc propositiones, inquit Eugenius, juxta prævum Basileensium intellectum, quem facta demonstrant, velut Sacra Scriptura, & Sanctorum Patrum, & ipsius Constantiensis Concilii sensui contrarium, tamquam impiæ, & scandalosæ, nec non in manifestam Ecclesiæ scissionem tendentes, ipso sacro approbante Concilio, damnamus, & reprobamus... decernimus etiam, & declaramus, omnes, & singulos prædictos (Basileenses) fuisse, & esse Schismaticos, & hæreticos. Hæc autem Eugenii IV. Constitutione, sacro approbante Florentino Concilio edita, quam primum ex Codice Vaticano in lucem emisit Horatius Justinianus, Basileensis Synodi decreta non modo labefactata, sed etiam damnata esse, mihi videntur.

XI. Valde quidem se torquet Natalis Alexander (*ibid.* art. 4. n. 15.), ut huic argumento satisfaciatur. Respondet 1. ideo damnatas esse ab Eugenio tres memoratas propositiones, quod eas fidei catholicæ veritates esse, Basileenses definierint.

Sed futile istud responsum est. Eugenius enim damnat præterea etiam ipsas propositiones. Scilicet distinguit Eugenius tres propositiones, & qualificationem, ut ajunt e Schola Theologi, iis additam. Tres propositiones, inquit, protulerunt (en propositiones), quas fidei veritates vocant (en propositionum qualificationem); Et qualificationem quidem veluti nihili faciendam prætermittit: quasi nos, inquit, hæreticos facerent: Propositiones vero juxta prævum Basileensium sensum, qui eas contra Constantiensis Synodi mentem ad Papam etiam certo legitimum referebant, damnat tamquam impiæ, scandalosæ, & Schismaticas. Iis autem propositionibus Synodi Basileensis decreta sessionum II. III. & XVIII. continentur. Ergo ea decreta damnavit Eugenius IV.

XII. Respondet 2. Eugenii Constitutionem ex iis esse, quas Nicolaus V. inita pace cum Basileensibus, penitus aboleri voluit, ut constet ex ejus epistola ad omnes Christi fideles.

Sed 1. illud saltem certum est, Basileensium decreta non modo non fuisse confirmata ab Eugenio IV. sed etiam fuisse damnata. 2. Nicolaus V. pacis ineundæ causâ, aboleri voluit: Literas, processus, mandata, & decreta quæcumque, nec non excommunicationum, suspensionum, & interdicti... in his literis... quomodolibet contentas sententias, censuras... inflictas, & promulgatas per præfatum Eugenium... quibus-

quibuscumque sub literis, & quorumcumque tenorum, & sub quacumque data existant; etiamsi cum expressione, approbatione Ferrariensis, seu Florentini, aut alterius Concilii generalis contra dictum Basileense Concilium, & eos, qui sub nomine Concilii generalis tam in Basileensi, quam in Lausanenſi civitatibus fuerunt.... nec non contra præfatum Amedeum, Felicem V. in sua obedientia nuncupatum &c. His autem literis aboleri quidem vult Nicolaus V. quascumque sententias in personas Basileensium ab Eugenio IV. latas; sed aboleri quoque se velle sententias latas in eorum propositiones, doctrinam, & decreta ad doctrinam pertinentia, nullibi in memoratis Literis indicat. 3. Si suppressum fuisse velis a Nicolao V. Eugenii IV. constitutionem, suppressa quoque fuisse, fatearis necesse est Basileensium decreta. Nam inter ineundæ pacis propositiones a Galliarum Rege, & ab Imperii Electoribus præscriptas, hæc etiam erat: *Omnia hinc inde conscripta, statuta, facta, promulgata abroganda esse, etiamsi universalem Ecclesiam, & auctoritatem Conciliorum, aut Sedis Apostolicæ concernant quovis modo.* Quamobrem aut ab Eugenio IV. aut a Nicolao V. Basileensium decreta suppressa sunt. Sed præterea hoc loco notari velim, Nicolaum V. supremam suam auctoritatem etiam supra Concilia generalia memoratis in literis asseruisse, eaque usum esse: ait enim: *Sententias.... etiamsi cum expressione, approbatione Ferrariensis, seu Florentini, aut alterius Concilii generalis..... latas.... motu proprio, & ex certa scientia, ac de Sedis Apostolicæ potestatis plenitudine.... decernimus, & declaramus, nullum effectum penitus sortiri.*

XIII. Respondet 3. Natalis Alexander, datam fuisse Eugenii IV. Constitutionem, postquam Græci Florentia discesserant, ideoque cum Synodus Ecclesiam universam non satis repræsentabat.

Sed ingenui Viri fidem in Natali Alexandro desidero. Basileensem enim Synodum, quæ septem, vel octo Episcopis constabat, eum Sessionem II. habuit, Ecclesiam universalem repræsentasse contendit, quamvis Eugenius eam dissolvisset, & ejus decreto Eugenii Legati obstitissent: Florentinam vero Synodum, quam multo plures Episcopi constituebant, cuique Eugenius ipse præerat, œcumenicam fuisse negat. Sed qualiscumque demum fuerit tunc Florentina Synodus, Eugenius, quod ego nunc ago, Basileensium decreta damnavit.

Respondet 4. quidquid senserit Eugenius contra hujusmodi decreta, id a Germanica, & Gallicana Ecclesia receptam non fuisse; & præterea Basileenses in sua sententia permanſisse, & pacem tamen eum iis Nicolaum V. iniſſe.

Sed quidquid sentiat Gallicana Ecclesia cum Germanica, ajo ego,

ego, maxima Ecclesie pars una cum Eugenio Basileensi decretis, improbavit. Quamquam neque celebris Cleri Gallicani declaratio dici potest Ecclesie Gallicane doctrina (*vide præm.*); neque aliquorum Principum potius, quam Episcoporum in Germania opinio, Germanice Ecclesie dogma vocari potest. Sed de his agere non est hujus loci. Quod vero ait Natalis Alexander, etiam Nicolaum V. in eadem fuisse cum Basileensibus sententia, risu potius, quam seria confutatione dignum est. Id enim colligit ex decreto, quo Basileenses Laufanz congregati Nicolaum V. quem maxima Ecclesie pars ut verum, ac legitimum Pontificem venerabatur, in Pontificem elegerunt, ubi *Fida relatione*, ajunt, *intelligentes illum eandem credere, & tenere veritatem*, nempe Concilium generale esse supra Papam &c. Ast ex hujusmodi decreto, quod Nicolaus V. pacis Ecclesie percupidus non improbavit, non minus colligi potest Nicolaum in eadem fuisse cum Basileensibus sententia, quam de sua legitima electione, antequam a Basileensibus eligeretur, dubium fuisse. Sed ineptius cur ego detineor?

XV. Denique Pius II. Constitutione, quæ incipit: *In minoribus*, data 6. Kal. Majas. anno 1463. retractat, quæ scripserat olim adhuc Æneas Sylvius pro Basileensi Concilio adversus Eugenium IV. ideoque ipsum Basileense Concilium improbat. Sed Constantiense Concilium se venerari fatetur: *Cum his*, inquit, *& Generalis Concilii auctoritatem, & potestatem complectimur, quemadmodum & ego nostro Constantia, dum ibi fuit Synodus universalis, declaratum, definitumque est. Veneramur enim Constantiense Concilium, & cuncta, quæ proecesserunt a Prædecessoribus nostris approbata: Inter quæ nullum unquam invenimus, fuisse ratum, quod stante Romano indubitato Præsule, absque ipsius auctoritate conveniret. Quare ex his Pii II. verbis colligit Natalis Alexander (ib. art. 4. n. 19.), etiam Basileense Concilium, in quo Constantiensis Concilii decreta renovata sunt, saltem usque ad ejus translationem, a Pio II. fuisse confirmatum. At vero si Pius II. confirmare voluisset Basileense Concilium, illius saltem meminisset, præsertim cum ibi retractet ea, quæ olim ipse Basilex egerat, & scripserat pro eodem Concilio contra Eugenium tum ante, tum post ejusdem Concilii translationem. Deinde descriptis verbis hæc statim addit Pius II. *Quia non est corpus sine Capite, & omnis ex Capite distans in membra potestas..... Qui etsi filius est propter regenerationem; propter dignitatem tamen Pater habetur: Et sicut filiationis causa venerari debet Ecclesiam tamquam matrem; ita & prælationis causa præfertur ei* (in aliquibus Mss. legitur *præest*), *ut Pastor gregi, Princeps populo, Rector familia. Ergo Constantiense quidem Concilium, cujus decreta ad schismatis tempus, quo in-*  
*dubi-**

*indubitus Pontifex non est, referuntur, confirmat, sed Basileense, quod eadem decreta etiam hanc indubitato Romano Præsule, vigere voluit, improbat, & rejicit. Et id quidem pervidit Natalis ipse Alexander. Quare, Si quid aliud, inquit, sensit Pius II., rationibus certe suis consuluit, & humani aliquid passus est, quod veritatem, quam in minoribus defenderat, statim atque creatus est Pontifex, absque examine deseruerit, ejuraveritque. Est. An non ergo Basileensis decreta rejecit Pius II? Sed falso etiam affirmat Natalis Alexander, Pium II. priorem sententiam absque examine deseruisse. Eam enim Juliani Cardinalis, qui Basileensi Concilio Eugenii nomine præfuit, pluraque pro Concilii auctoritate in Papam egerat, & scripserat, exemplum secutus, deseruerat ab anno 1452. ut constat ex ejus Oratione Viennæ adversus Australes habita, quam edidit Cl. Muratorius (tom. 2. Anecd.). Cum enim illi a R. Pontificis judicio Concilium appellassent, supremam Pontificis auctoritatem propugnavit, atque ostendit, ab eo Judice eos appellasse, qui Judicem in terris superiorem habet nullum. In ipsa Constit. retract. ait: *Eramus pene laici, quando ad Eugenii obedientiam redivimus.* Sed de Basileensi Concilio nimis multa dixi.*

Itaque cum Basileenses, dissentiente R. Pontifice, decreta, de quibus agimus, ediderint, neque ullus Rom. Pontifex ea confirmaverit, in eo demum tota versatur quaestio, utrum decreta a Synodo quavis edita, dissentiente Romano Pontifice, nec ab eo confirmata, legitima auctoritate edita, & velut œcumenicæ Synodi decreta sint habenda? Affirmant Galli: negamus nos, idest duæ saltem e tribus Ecclesiæ partibus. Illi Synodi Basileensis auctoritate nobiscum pugnare nequeunt; ea enim in quaestione versatur, quæ aliis propterea argumentis est decernenda. Atque nos quidem ex Sacris literis, & ex Traditione ostendimus, supremam in Ecclesia potestatem non œcumenicæ Synodo, nec Ecclesiæ, ut a R. Pontifice sejungitur, sed Apostolo Petro, & Romano Pontifici immediate a Christo traditam esse. (1. & 2. p.): Præterea ex eadem Ecclesiæ traditione, & ex œcumenicarum Synodorum canonibus, rebusque gestis consecimus, Synodos absque Romani Pontificis auctoritate congregatas Conciliabulis adnumerandas esse (2. p. cap. 19.), & decreta aut dissentiente Romano Pontifice edita, aut ab eo non confirmata, irrita prorsus esse (ibid. cap. 28.). Basileensis autem Synodus Romano Pontifice dissentiente nisi congregata, saltem celebrata est; ejusque decreta a nullo Romano Pontifice confirmata, sed ab Eugenio IV. & ab aliis improbata sunt. Ergo Synodus Basileensis inter Conciliabula, saltem quoad rem, de qua agimus, numeranda est, ejusque decreta nihili facienda sunt.



## CAPUT VI.

*Diluit argumenta, quæ ducit Febronius ex  
Tridentine Synodi Actis.*

I. **V**isum Concilium Tridentinum, inquit Febronius (cap. 6. §. 1. n. 5.), superioritatem in Pontificem actu exercuisse, variis locis deprehenditur. Sic 1. Concilium concipit decreta, & Canones suo nomine, & hac ratione sibi ea attribuit. 2. Licet Paulus III. legatis suis dedisset facultatem Concilii, cum necesse foret, alio transferendi, nihilominus translatio ipsa Bononiam ipsius auctoritate Synodi decreta, ordinata, & effectuatâ fuit sess. 9. die 21. Mensis Aprilis an. 1547. 3. Aboluit mandata Apostolica, & mentales reservationes sess. 24. cap. 19. &c. 4. Insinuat, Papam quasdam potestates, quibus fruuntur, ab Ecclesia tenere. Huc pertinet jus statuendi, & dispensandi in impedimentis Matrimonii dirimentibus, anathema pronuncians can. 3. & 4. sess. 24. de Matrim. in eos, qui dixerint, Ecclesia jus non esse, novos gradus adicere eis, qui in Levitico expressi sunt, aut in horum aliquibus dispensare... Committit Papam pro concessione usus Calicis sess. 22. decreto ult. 5. Tribuit inerrantiam Ecclesia. Ait enim sess. 4. Ecclesia esse judicare de vero sensu, & interpretatione Scripturarum.... Argumentum, quod hanc in rem ex sess. 21. cap. 1. desumitur, reliquis fere validius est; in eo ad iudicium Ecclesia sic provocatur: = Sancta Synodus a Spiritu S... edocta, atque ipsius Ecclesiæ iudicium, & consuetudinem secuta, declarat, ac docet &c.

II. Sed nugæ sunt istiusmodi argumenta, a quibus ego resellendis libentius abstinerem, nisi vererem, ne fucum imperitis facerent. Itaque, quia Febronius controversiam ipsam, de qua agimus, identidem oblitus esse videtur, est ei sæpe in mentem revocanda. Cum quæritur, Synodus ne Pontifice, an Pontifex Synodo superior sit, discernenda est Synodus a Pontifice. Et siquidem constet, Synodum certo legitimam in Pontificem ab ipsa secretum superioritatem exercuisse, nos victos esse, fatebimur. Sin vero constet, Pontificem in Synodum auctoritate sua usum esse, causa nobis adjudicanda erit. Jamvero ex Orientalium Synodorum Actis constat, Pontificem in ipsas Synodos auctoritate sua usum esse. Nam Cælestinus Ephesinæ Synodo non modo fidei dogma amplectendum, sed etiam sententiam in Nestorium pronuntiandam præscripsit (2. p. cap. 23.). Leo M. ne phrasæ quidem, quas ipse in Epistola ad Flavianum usurpaverat, a Synodo in fidei definitione prætermitti, passus est: Dioscorum a Synodo veluti Episcopum, & Judicem recipi,

Bb

omnino

omnino vetuit (*ib. cap. 24.*): Canones ab universa Synodo probatos, B. Petri Apostoli auctoritate, generali prorsus definitione capavit (*ib. cap. 28. n. 10.*). Eadem auctoritate usi sunt Agatho, Hadrianus I. & Hadrianus II. in Synodos VI. VII. & VIII. (*ib. cap. 25. 26. & 27.*). E contra in earundem Synodorum Actis nihil est, ex quo confici possit, eas auctoritatem in R. Pontificem exercuisse. Utraque res manifesta sit etiam ex Actis Synodorum Occidentaliū, quas veluti œcumenicas Catholici omnes venerantur; cuiusmodi sunt quatuor Lateranenses, duæ Lugdunenses, Viennensis, & Florentina. Cuius rei illud etiam non leve argumentum est, quod in earum Actis nihil Febronius invenerit, quod in rem suam duce-  
ret. Tridentina tantum Synodus plura ei argumenta suppeditat. Quamvis ea sint, expendamus.

III. Concilium, inquit, decreta, & Canones suo nomine concipit, & Concilii translationem Bononiam decernit.

Verum primo: etiam œcumenica Concilia in Oriente celebrata communi nomine decreta ediderunt. Sed cum edenda decreta ipsis præscripserint Romani Pontifices, Pontifices quidem in Concilia, non vero Concilia in Pontifices superioritatem exercuerunt. Deinde: cum omnes Concilii Patres sint Iudices, imo unum cum R. Pontifice Iudicem, unumque Tribunal efficiant, communi quidem totius Concilii nomine decreta edi debent. An vero quia omnes Iudices in eadem decreta consentiunt, eaque communi nomine edunt, ideo in se mutuo superioritatem exercent?

Sed Concilium abolevis mandata Apostolica, & mentales reservationes sess. 24. cap. 19. Item accessus, & regressus a Romanis Pontificibus eo ævo concedi solitos &c.

Verum edita ne sunt istiusmodi reformationis decreta, invito R. Pontifice, ejusve Legatis? Nonne Pontificis Legati ea primi probarunt, & subscripserunt, atque Synodo probanda proposuerunt? Qui ergo dici potest Synodus auctoritatem supra Papam exercuisse?

Quod vero ait Febronius, insinuare Concilium, Papam quasdam potestates, quibus fruitur, ab Ecclesia tenere; est omnino falsum. Definicas enim Synodus (sess. 24. de Sacram. Matr. can. 3. & 4.) Ecclesiam potuisse constituere impedimenta Matrimonii, præter ea, quæ in Levitico exprimuntur, & posse in nonnullis illorum dispensare; Ecclesiæ nomine non fidelium multitudinem intelligit; quasi significare velir, eam potestatem fidelium multitudini datam esse: id enim a Catholico homine dici nequit (*vid. Proem. n. 5.*); sed intelligit Ecclesiæ Pastores, ac præcipue R. Pontificem. Et eam quidem potestatem Romano Pontifici convenire, veluti certum sumit Tridentina Synodus:

duz: nullibi vero eam ipsi ab Ecclesia, aut a Synodis commissam esse, affirmat. Nempe quidquid potestatis Romano Pontifici a Christo datum est, id Ecclesie Catholice, cuius ille Caput, Pastor, & Rector est, datum esse, vere dicitur. Quemadmodum vere dicimus, esse e. c. in Galliis summam auctoritatem, quamvis non penes Populi multitudinem ea sit, sed penes Regem. In eundem sensum accipienda sunt ea loca, in quibus memorat Tridentina Synodus *consensum, iudicium, interpretationem Ecclesie*, idest Pastorum Ecclesie, nisi dicere Febronius velit, spectare ibi Synodum ad Sutorum, & muliercularum iudicium. Imo eundem in sensum provocat Synodus ad *consuetudinem Ecclesie*, cum ait (*sess. 21. cap. 1.*): *Sancta Synodus a Spiritu Sancto... edocita, atque ipsius Ecclesie iudicium, & consuetudinem sequuta, declarat, ac docet, nullo divino precepto Laicos, & Clericos non conscientibus, obligari ad Eucharistia Sacramentum sub utraque specie sumendum.* Non enim ibi provocat Synodus ad consuetudinem tantum Laicorum non sumendi; sed etiam, & precepit ad Ecclesie Pastorum consuetudinem non administrandi Eucharistiam sub utraque specie: nisi forte opinatur cum Protestantibus Febronius, Laicorum esse, interpretari preceptum Domini (*Jo. 6. 54.*): *Nisi manducaveritis Carnem Filii hominis, & biberitis ejus Sanguinem, non habebitis vitam in vobis.*

Falso etiam ait Febronius, Synodum committere Papa pro *concessione usus Calicis*: quasi tribuerit Papae facultatem ejus usus concedendi. Synodus enim decrevit, *integrum negotium ad Sanctissimum Dominum nostrum esse referendum, prout presenti decreto refert; qui pro sua singulari prudentia id efficiat, quod utile Reip. Christiana, & salutare petentibus usum Calicis fore, judicaverit.* At integrum negotium ad Pontificem referre, non idem profecto est, atque facultatem ei committere: Si enim Senatus a Rege constitutus, ut de aliquo negotio judicaret, rei difficultate permoctus, decerneret, integrum negotium ad Regem esse referendum; an ideo ipse judicandi facultatem Regi tribueret?

IV. Hactenus Febronii argumenta ex Tridentina Synodi Actis ducta refutavi. Nonnulla ego nunc ex iisdem Actis ducam, quae Pontificem Synodo superiore esse, plane conficiunt. Itaque Tridentina Synodus *sess. 25. cap. 21. Postremo, inquit, Sancta Synodus omnia, & singula, sub quibuscumque clausulis, & verbis, quae de motuum reformatione, atque Ecclesiastica disciplina tam sub sel. rec. Paulo III. ac Julio III. quam sub beatissimo Pio IV. Pontificibus maximis in hoc Sacro Concilio statuta sunt, declarat, ita decreta fuisse, ut in his salva semper Sedis Apostolica auctoritas & sit, & esse intelligatur.* Jamvero qui fieri potest, ut Synodus persuasum habeat, se esse Pon-

tifice superiorem, imo se in eum, nisi Synodi decretis parere velit; posse auctoritate sua uti, & nihilominus, postquam multa decreta edidit, declararet, hæc ita decreta fuisse, *ut in his salva semper Pontificis auctoritas & sit, & esse intelligatur?* Ego quidem, nisi plane bardus sum, duo hæc secum pugnare, ideoque alterutrum falsum esse, intelligo. Postremum autem est verum; nam in Synodi Acta relatum est: Ergo falsum est primum.

Ait quidem Febronius, *per has clausulas inferri non posse: quasi sacra hac Synodus suorum decretorum vigorem summi Pontificis auctoritati, & Concilii jura ejus potestati subjecerit; quemadmodum demonstrat Gibert:* Sed ipse interea nullum asserti sui argumentum profert. Giberti opus ad manum non habeo; sed non dubito, futilibus argumentis rem hanc eum agere. Si quod enim solidum argumentum afferret, non illud prætermitteret Febronius in describendis etiam prolixioribus similium Scriptorum locis diligentissimus. Itaque argumenti loco ait, *observasse, & referre Illustr. Bossuetum def. declar. Cler. Gall. lib. 11. cap. 18. his clausulis Gallos ita commotos fuisse, ut vel ea causa Tridentinam Synodum admittere recusaverint.* Sed nos non quærimus, quid senserint, & quantum commoti fuerint Gallicanum Senatus; sed quid Tridentina Synodus senserit, ac decreverit.

Denique Tridentina Synodus suorum decretorum confirmationem a Pontifice petiit: aut decretorum confirmationem non petisset, nisi Synodo Pontificem superiorem esse, existimasset. *Vide 2. p. cap. 28. n. 21.*

## C A P U T VII.

*Consinet Febronii argumenta, eaque refellit.*

- I. **F**ebronius cap. 6. §. 1. ostendendum assumit, jura universalium Conciliorum prætenso statui monarchico Ecclesie repugnare. In primis, inquit, constat, a Generali Concilio universam Ecclesiam representari, non item a solo Romano Pontifice. Constat item, generalia Concilia in Spiritu S. legitime congregata, suam immediate a Christo habere auctoritatem. Id se probasse, ait, cap. 1. §. 5. ubi hæc Scripturæ testimonia assert: = Ego rogabo Patrem, & alium Paracliticum dabit vobis = (Jo. 14.): = Ubi sunt duo, vel tres congregati in nomine meo, ibi sum in medio eorum = (Matth. 18. 20.): = Ut scias, quomodo oporteat, te in Domo Dei conversari, quæ est Ecclesia Dei vivi, columna, & firmamentum veritatis (1. Tim. 3.). = sum

sum est Spiritui Sancto, & nobis = ( *Matth. 15.* ). Quare Basilien-  
enses (ad Eugen. P.) ajunt: *Ipsę Spiritus Sanctus adjuvabit medius  
index & arbiter* (inter Eugenium, & ipsos), *quid in Ecclesia Dei ten-*  
*endum, & agendum sit? Alevit plane Spiritus Sanctus, in cujus no-*  
*mine congregata est hac S. Synodus...* Blasphemia esset, si quis negaret,  
*Spiritum S. diffare sententias, Canones, & decreta Conciliorum.*

Et hæc quidem Apostolorum Collegio promissit Christus. De  
singulis vero, ne excepto quidem primo, ait ( *Matth. 23.* ) : = Nolite  
vocari Rabbi &c. =. Præterea sic Petrus ( *Matth. 18.* ) : = Si pecca-  
verit in te frater tuus, vade, & corripe eum inter te & ipsum so-  
lum... Si te non audierit, adhibe tecum adhuc unum, vel duos...  
Quod si non audierit eos, dic Ecclesiæ. Si autem Ecclesiam non  
audierit, sit tibi sicut ethnicus, & publicanus =. At est etiam Pon-  
tifex est frater; potest itaque, & debet corrigi, maxime si ob hæresim,  
inquit Febronius, schisma, vel dissolutos mores multis scandalo sit, &  
offensioni. Si vero fratrem corripientem, vel adhibitis scilicet, non au-  
dierit, denunciandus erit Ecclesiæ non dispersa, quæ ipsum coercere non  
valebit, sed congregata in universali Concilio: Ecclesiæ enim non potest  
esse ipse Pontifex; ne idem sit reus, & Index. Sed non posset Papa  
Ecclesiæ sic congregatæ denunciari, nec ab ea corrigi, nisi hujus esset supe-  
rior potestas, immediate a Deo accepta ad ligandum, solvendumque omnes  
fideles, atque ipsum etiam Romanum Pontificem. Hactenus Febronius.

II. Hæc autem argumenta, quæ plurimi ipse facit, non-  
nisi imperitos decipere possunt. Enimvero fateor, Concilia genera-  
lia in Spiritu Sancto legitime congregata, universam Ecclesiam re-  
præsentare, & auctoritatem a Deo habere immediate. Sed cum  
etiam Hæreticorum, & Schismaticorum Conciliabula, se in Spi-  
ritu Sancto legitime congregata esse, & universam Ecclesiam re-  
præsentare, contendant, opus est criterio aliquo, quo legitima Con-  
cilia a Conciliabulis discernere quisque facile possit. Rursus: cum  
fieri possit, ut Concilia etiam in Spiritu Sancto legitime congrega-  
ta, & universam Ecclesiam repræsentantia, Canones edant non a  
Spiritu Sancto dictatos, cujusmodi fuerunt, quos edidit Concilium  
Chalcedonense; statuendum est criterium, quo decreta a Spi-  
ritu Sancto dictata, a decretis humano Spiritu editis secerni pos-  
sint. Jamvero juxta antiquissimam Ecclesiæ Traditionem, quam  
alibi (2. p. cap. 19. n. 3. & 4.) exponebam, ea tantum Concilia  
legitima sunt, & universalem Ecclesiam repræsentant, quæ auctori-  
tate Romani Pontificis celebrantur, eumque secum vel decernen-  
tem, vel decreta probantem habent. Patres quidem Septimæ œcu-  
menicæ Synodi hoc argumento negarunt, Synodum a 338. Episco-  
pis Constantinopoli celebratam, fuisse magnam, & generalem; quod

quod scilicet non habuerit *cooperantem illius temporis Romanorum Papam*, ut postulat *Lex Conciliorum*. Rursus: juxta antiquissimum Ecclesiæ Canonem ea tantum Conciliorum decreta veluti a Spiritu S. dictata, suscipienda sunt, quæ vel Romani Pontificis sententiâ edita sunt, vel ab eo probata sunt (*ib. & cap. 28. n. 4. 10. & 14.*). Ergo Concilia, quæ absque Romani Pontificis auctoritate celebrantur, eumque *cooperantem* non habent, in Spiritu S. legitime congregata non sunt, nec universam Christi Ecclesiam repræsentant, sed: Conciliabula sunt; eorumque, & aliorum etiam legitimorum decreta, R. Pontifici non probata, Spiritui Sancto tribui nequeunt. Ergo ad prioris tantum, non vero etiam ad posterioris generis Concilia, & decreta spectant Christi promissiones, & memorata a Febronio Scripturæ testimonia. His ergo Scripturæ testimoniis abutitur Febronius cum Basileensibus, ea referens (*cap. 6. §. 16. n. 5.*) etiam ad *Concilium a Papa derelictum, eoque contradicente celebratum*. Et Patrum quidem nemo ad hujusce generis Concilia retulit memorata Scripturæ testimonia, nisi forte impius Dioscorus Alexandrinus, Photius, Iconomachi, & qui eos hac in re secuti sunt, Basileenses. Perperam igitur ex iis Scripturæ testimoniis concludit Febronius, *potiorem esse Concilii a Papa derelicti, quam ipsius Papæ auctoritatem, & jura universalium Conciliorum statui Monarchico Ecclesiæ repugnare*.

III. Quid vero sibi vult Febronius, cum ait, *a generali Concilio universalem Ecclesiam repræsentari, non item a solo R. Pontifice*? Si enim de Concilio loquitur, quod auctoritate R. Pontificis congregatum est, eumque *cooperantem* habet, fateor, ab istiusmodi Concilio universam Ecclesiam repræsentari; sed uero, non repræsentari universam Ecclesiam a solo R. Pontifice. Constans enim S. Augustini dogma est, ut vult Febronius ipse (*cap. 1. §. 6. n. 4.*), S. Petrum, cum Claves regni cœlorum, idest Ecclesiæ Primatum, & summam auctoritatem a Christo accepit, gessisse figuram, & personam Ecclesiæ (*vid. 1. p. cap. 3. n. 7. seqq.*). Ergo S. Petrus etiam solus propter suum Primatum universam Ecclesiam repræsentabat. Ergo etiam Romanus Pontifex, qui in Petri Primatum succedit, propter eumdem Primatum universam Ecclesiam etiam solus repræsentat. Id præterea demonstrat communionis ab omnibus, qui Catholici esse volunt, cum Romano Pontifice conservandæ necessitas. Nisi enim solus R. Pontifex Catholicam Ecclesiam repræsentaret, posset quis esse Catholicus etiam sine communione cum R. Pontifice. Quare Nestoriani Episcopi, quos nuper ad Ecclesiam Catholicam rediisse, ingenti cum gaudio audivimus, unius Ro. Pontificis communionem quaesierunt: vetustissima Traditione edocti, eos tantum esse Ecclesiæ Catholice membra, qui cum ejus Capite R. Pontifice communio-

munionem habent. Id autem verum non esset, nisi Romanus Pontifex etiam solus Catholicam Ecclesiam repræsentaret. Igitur non modo Concilium generale, quod quidem R. Pontificis auctoritate congregatum est, eumque cooperantem habet, sed etiam solus R. Pontifex universam Ecclesiam repræsentat.

Si vero loquitur Febronius de Concilio generali, quod a Pontifice derelictum est, eoque contradicente celebratur, nego istiusmodi Concilium universam Ecclesiam repræsentare. Id ex superius a me allatis argumentis constat.

IV. Quod attinet ad reliqua duo Scripturæ testimonia, iis quorūque abutitur Febronius. Sed de primo alibi dixi (1. p. cap. 5. n. 7.): quare postremum tantum nunc expendam. Mihi quidem ridendi potius, quam refutandi esse, videntur Gersonius, Natalis Alexander, Febronius, aliique eorum similes, qui ex iis Christi verbis: *dic Ecclesia*: colligunt, R. Pontificem Fratrum correctionem continentem ad Synodum generalem deferendum esse; quasi Ecclesia, ad quam deferendus est peccator, sit Fidelium, aut Episcoporum Synodus. Grave quidem, & permolestum esset Ecclesiæ negotium, si quotiescumque Peccatores Fratrum correctionem contempnunt, Fidelium, aut Episcoporum multitudo congreganda esset, quæ eos corrigeret. Ubique enim locorum perpetua Synodus habenda esset. Sed Febronii interpretatio ab Ecclesiæ sententia, & consuetudine prorsus aliena est. Hæc enim Ecclesiæ nomine non fidelium multitudinem, nec Episcoporum Synodum, sed Ecclesiæ Præsides intellexit, uti etiam docuerunt Origenes (in *Matth.*), S. Johannes Chrysostomus (hom. 60. al. 61. in *Matth.*) Theophylactus, Euthymius (in eum loc.), & alii plurimi. Cum igitur Romanus Pontifex omnibus aliis Ecclesiæ Præsidibus auctoritate præset, nemo ei; moneri quidem a Minoribus potest, & corrigi, si peccaverit, uti correxit S. Petrum Apostolus Paulus, sed ad Ecclesiam, deferendus non est. Quid igitur agendum est, si Præterea monita contemnat? Scilicet *arbitrio divino est dimittendus*, ut statuit R. Synodus habita in Causa Symmachi (vid. sup. cap. 2.).

Ast, inquit Febronius, Christus præcipit ut Peccator quilibet deferatur ad Ecclesiam: Ecclesia autem non potest esse ipse Pontifex, ne idem sit reus, & iudex; nec Ecclesia dispersa, quæ ipsum coercere non valebit: ergo est Ecclesia congregata.

Perlepidum quidem argumentum! facile enim eo conficitur, ne ad Synodum quidem Pontificem esse deferendum 1. enim Pontifex deferendus profecto non est ad iudicem, qui nullibi est: Synodus autem œcumenica nullibi est. 2. Pontifex ut summum deferendus est ad Synodum legitimam: Synodus autem legitima absque

Ponti-

Pontificis auctoritate celebrari nequit (*ex supp.*): ergo quoniam in Synodum ipsum judicaturam Pontifex nunquam consentiet, nulla unquam legitima Synodus celebrabitur, ad quam Pontifex ipse deserti possit. Ergo demum Ecclesia, cui denunciandus est Pontifex, est Pontifex ipse, ut proinde ipse sit reus simul, & Judex. Id eundem absurdum Febronio videtur: Sed Apostolicæ dignitati, & auctoritati, qua major nulla est, ut ait S. Nicolaus I. (*ep. 8.*), consentaneum esse, visum est S. Ivoni Carnuteni (*sup. cap. 2. n. 6.*), & S. Bernardo (*ib. cap. 3. n. 14.*), imo ex communi veteris Ecclesiæ persuasione, Romanum Pontificem humano judicio non subiacere, necessario consequitur. Vide *sup. cap. 1.*

Præterea Febronius, postquam prolixam æque, & ineptam; atque superioribus Capitibus a me refutatam Gersonii argumentationem descripsit (*ib. n. 1. & 2.*); ait (*n. 3.*), S. Petrum fuisse membrum Ecclesiæ, ut ut principalis. Quis autem dubitet, inquit, uni membro minorem esse auctoritatem, quam toti Corpori. Sed istud ego argumentum refutavi superius (*cap. 1. n. 5. & 9.*). Verum addit Febronius: *Agnovit id S. Gregorius M. lib. 5. ep. 18. (al. lib. 4. ep. 39.) ad Jo. C. P. scribens. =* Certe Petrus Apostolus primum membrum Sanctæ, & universalis Ecclesiæ est. Paulus, Andreas, Johannes quid aliud, quam singularium sunt plebium Capita. Et tamen sub uno Capite omnes membra sunt Ecclesiæ =.

Verum consecutionem ex S. Gregorii verbis ducit Febronius, quæ non modo in iis non continetur, sed etiam contraria est ei, quæ ex iis sponte sua fluit. Etenim S. Gregorius ait, Petrum esse primum membrum, idest Caput universalis Ecclesiæ, cui, ut alibi (*lib. 2. ep. 76. ad Marc. Aug.*) dicit, totius Ecclesiæ cura commissa est: Paulus vero, Andreas, Johannes non universalis Ecclesiæ, sed singularium Plebium sunt Capita. Major autem est Pauli, Andreæ, Johannis, quam singularium Plebium, quarum illi Capita sunt, auctoritas: ergo major est etiam Petri, quam universalis Ecclesiæ auctoritas.

Denique assertit Febronius quoddam S. Hieronymi effatum, quod est hujusmodi apud Gratianum dist. 39. can. 24. = Si auctoritas quaeritur, Orbis major est Urbe =: quo loco, ait Febronius, non quaeritur, quis multitudine, aut quantitate, sed quis auctoritate praestet.

Verum agit ne ibi S. Doctor de auctoritate Romani Pontificis? Nequaquam. In epistola enim 85. ad Evagrinum, ex qua memoratam sententiam desumpsit Gratianus, redarguit S. Hieronymus quemdam, qui Diaconos Presbyteris anteferebat, eo etiam usus argumento, quod Romæ ad testimonium Diaconi Presbyter ordinaretur, & Diaconi inter Presbyteros absente Episcopo sederent. Hanc autem Diaconorum



conorum Romanorum consuetudinem carpens S. Hieronymus, ait: Si auctoritas &c. Quare non de auctoritate Romani Pontificis, sed de auctoritate consuetudinis perperam a Romanis Diaconis investæ ibi agit S. Doctor. De auctoritate autem R. Pontificis lege, quæ scribit Damaso episc. 57.

## CAPUT VIII.

*Refellis argumenta, quibus Julianus Synodi Basileensis Præses pro Conciliorum in R. Pontificem auctoritatē depugnauit.*

I. **I**ulianus Cardinalis Cæsarinus, Patria Romanus, moribus & Doctrina conspicuus, cum Apostolicæ Sedis Legatione apud Basileensem Synodum fungeretur, multa gessit, scripsitque pro summa Synodi etiam in Eugenium IV. auctoritate. Sed cum Eugenius Synodum Ferrariam transferri decrevisset, Julianus ad Eugenium defecit, & quæ gesserat, scripserratque pro Concilii auctoritate, retractavit. Rem narrat Pius II. in *Bulla retractat*. In colloquio enim Viennæ habito: *Tuebamur, inquit Pius, antiquam sententiam: ille novam defendebat. Extollebamur generalis Concilii auctoritatem: ille Apostolica Sedis potestatem magnopere collaudabat. . . . ad extremum cum suis scriptis, dictisque Cardinalem vinceremus, premeremusque vehementer, subridens ille, Tu, inquit, Anea, tabellis obsignatis agis mecum: & quoniam aliquando sensimus, ut dicis, idcirco & hodie idem putas debere sentire. . . . Fatcor, me dixisse, & scripsisse, quæ refers; verum a vero remotum errasse: At tu, qui, ut ais, me Doctore Basileensibus credere adductus es, errantem olim sectatus es, cur modo non sequeris recta monentem? Præsumpsi de me ipso, dum essem Basilea: nimis, quamvis deceptus, decepti, & credens prodesse, nocui. In medio Ecclesia docens, quæ non didici, cæcus erravi, & in tenebris ambulavi. Reliqui tandem Ecclesiam malignantium, & cum impiis sedere recusavi. . . . cognovi priorem errorem. . . . & Eugenio, cui fuisset rebellis, submissi cervicem: a quo misericordiam consecutus, ad unionem Græcorum navavi operam. . . . ad fontem veri perveni, quem Sancti Doctores ostendunt Græci, & Latini, quorum una vox est, salvari non posse, qui S. R. Ecclesia non tenet unitatem, omnesque illas virtutes manca esse ei, qui Summo Pontifici obedire recusat. . . . Romanum Præsulem in Ecclesia vertice constituentem esse, constat, a quo nullam ex Ovibus Christi exemptam novimus. Ego ad ovile redii, qui diu erraveram extra Cautas, & Pastoris Eugenii vocem audiui.*

*audiri. Tu, si sapias, idem facies. Haerunt, addit Pius II., pe-*  
*thori nostro verba Viri, qua saepe ad nos repetiit non sine charitate ar-*  
*denti, & amore singulari. Multum profuit nobis &c.... Quibus consi-*  
*deratis, caligo tandem ab oculis nostris cecidit... Eramusque adhuc pene*  
*Laici, quando ad Eugenii obedientiam rediimus.* Prolixiorem hunc  
 locum ex Bulla Pii II. consulto descripsi. Febronius enim, ut est  
 subtilest fidei homo, saepe (*praefertim cap. 6. §. 1. n. 3. & §. 16.*).  
 Julianum summis laudibus effert, ut vim, & auctoritatem iis ad-  
 dat, quæ pro Synodo Basileensi, ejusque in Pontificem auctoritate  
 Julianus scripsit, atque ut imperiti saltem, tanti Viri auctoritate per-  
 moti, Concilium Pontifici præferant: Quamobrem Juliani retra-  
 ctationem caute silentio præterit. Sed utinam Febronius, qui Ju-  
 nioem Julianum errantem sectatus est, sequatur tandem senem *recta*  
*monentem.*

Ne autem Juliani ea, quæ olim pro Synodis scripserat, retra-  
 ctantis auctoritati nimium concedere videar; argumenta etiam re-  
 fellam, quibus ille pro summa Synodorum in R. Pontificem aucto-  
 ritate depugnavit in disputatione habita cum Archiepiscopo Spala-  
 tensi Eugenii Legato. Ea afferuntur a Febronio cap. 6. §. 16. ve-  
 luti *potiora* in hanc rem.

II. 1. Itaque cum *generale Concilium*, inquit Julianus, *sit adu-*  
*natio totius Ecclesiae, facta in virtute, & auctoritate Spiritus Sancti,*  
*sequitur, ibi in representatione esse Ecclesiam, ubi est Concilium.*

Recte quidem concludit Julianus, id veluti certum sumens,  
 quod in questione versatur; scilicet Generale Concilium, quod a  
 Pontifice dissolutum est, quodque in Pontificem sententiam dicere  
 audet, quod demum decreta a Pontifice improbata edit, *esse aduna-*  
*tionem Ecclesiae factam in virtute, & auctoritate Spiritus Sancti.* Id  
 non veluti certum sumere, sed demonstrare, Juliani erat. Nos  
 quidem invictissimis argumentis ostendimus (2. p. cap. 19. & alibi),  
 hujusmodi Concilium esse Conciliabulum, longe alia, quam Spiritus  
 Sancti auctoritate *adunatum.*

III. 2. *Claves*, ait Julianus, *in persona Petri Ecclesiae data sunt:*  
*neque enim Ecclesia propter Papam, sed Papa est propter Ecclesiam: &*  
*non dicitur; = Credo in Papam = sed: in Sanctam Ecclesiam Catho-*  
*licam =. Proinde quidquid Papa tamquam ministeriale Caput Ecclesiae,*  
*& ejus jure, ac nomine potest; hoc multo magis illa in Spiritum Sancto*  
*congregata, valebit per se ipsam.*

Verum Claves datas esse non Ecclesiae, sed Petro immediate,  
 alibi (1. p. cap. 3.) ego ostendi. Utraque autem ratio, quam Ju-  
 lianus affert, falsa, & inepta est. Nam neque Regnum perfecte  
 Monarchicum, est propter Regem, sed Rex est propter Regnum;

acc

nec tamen summum imperium est apud Regnum, sed est apud Regem. Scilicet Pontifici quidem datæ sunt Claves a Christo, sed ad utilitatem Ecclesiæ illi datæ sunt: quemadmodum Regi non ipsius, sed Regni commodo, & utilitati data est a Deo summa potestas. Cum vero ait Julianus, non dici: *Credo in Papam*; Concilii Constantiensis oblitus esse videtur. Nam inter articulos Wiclefi ab illo damnatos, sunt etiam hi: *Ecclesia R. (n. 37.) est synagoga Satanae, nec Papa est proximus, & immediatus Vicarius Christi, & Apostolorum*. Non est (n. 41.) *de necessitate salutis credere, Romanam Ecclesiam esse supremam inter alias Ecclesias*: Cui articulo hæc apponitur censura: *Error est.... pro quanto negaret Primatum Summi Pontificis super alias Ecclesias particulares*. Quare Martinus V. decernit, ut qui de damnatis articulis suspectus est, interrogetur, præter alia, anrum credat, quod *Papa canonice electus, qui pro tempore fuerit, ejus nomine proprio expresso, sit Successor B. Petri, habens supremam auctoritatem in Ecclesia Dei*. Ergo siquidem Catholici esse volumus, debemus credere etiam in Papam: quod fidei dogma continetur in illo, quod exprimitur in Symbolo: *Credo Sanctam Ecclesiam Catholicam*. Neque enim credit *Sanctam Ecclesiam Catholicam*, qui non credit *Papam Ecclesiæ Catholicæ Caput a Christo datum*. Cum igitur quæ Julianus statuit antecedentia, falsa sint; consecutio quoque, quam ex iis ducit, falsa est. Cæterum istiusmodi argumentum diligentissime a me refutatum est 1. p. cap. 3.

IV. 3. *Asserunt Ss. Patres*, inquit Julianus, *decreta generalium Conciliorum, tamquam ab universali Ecclesia condita, & a Spiritu Sancto dictata, sicut Sancta quatuor Evangelia, veneranda, servandaque esse*. Addit Febronius, *talia de Constitutionibus, quæ a solis Romanis Pontificibus emanant, non tradi*.

Imo vel ipsi Romani Pontifices, ajo ego, generalium Conciliorum decreta se venerari professi sunt. Sed quæ? Ea ne, quæ absque Romani Pontificis auctoritate edita sunt, aut ab eo confirmata non sunt? S. Gregorius (*epist. 49. lib. 2.*), se quatuor generalia Concilia Nicænum, Constantinopolitanum, Ephesinum, & Chalcedonense, veluti quatuor Evangelia suscipere, & venerari, professus est; sed Conciliorum Constantinopolitanum, & Chalcedonensis Canones omnino rejecit: Quia scilicet decreta quidem fidei ab illis Conciliis edita, Romani Pontifices confirmaverant; Canones vero rejecerant. Itaque Sancti Patres, & universa Ecclesia ea tantum Concilia, & Conciliorum decreta venerata est, quæ ab Ecclesia Romana probata, & confirmata sunt. Porro Synodi Basileensis decreta aliqua quidem a Romana Ecclesia probata sunt: sed decreta, quæ Synodus illa edidit contra auctoritatem Romani Pontificis, a Romana Ecclesia con-

stantissime refutata sunt: Quod autem in Synodo refutavit *Sedes Apostolica*, inquit S. Gelasius, habere non potuit firmitatem. *Vid. 2. p. cap. 19. & 28.* Quare cum Ecclesia eas tantum Synodorum Constitutiones veluti Evangelia venerata sit, quas Apostolica Sedes probavit, confirmavitque, tota demum tantæ venerationis causa est Apostolicæ Sedis auctoritas; quasi ab ea sola mansissent. Quamquam Ecclesia solius etiam Apostolicæ Sedis Constitutiones veluti divina oracula venerata est, ut constat ex generalium Synodorum Actis (2. p. cap. 24. n. 3. cap. 26. n. 2. cap. 27. n. 2.).

V. Vel ipse Febronius fatetur, nos nullum velle agnoscere Concilium pro Generali, nisi cui Papa præsideat. Sed his, inquit, ex mente Cardinalis Juliani satisfaciemus infra num. 5. & 11. Audiamus, quæso, ejus argumenta: *Basileenses*, inquit n. 5. non solum verbis decretorum (Concilii Constantiensis), sed & concomitantibus ejusdem Synodi actionibus; vim, & sensum verborum interpretantibus, usi sunt ad probandam auctoritatem Concilii etiam a Papa derelicti, eoque contradicente. Concilium Constantiense, inquit Card. Julianus, declaravit discessum Johannis XXIII. scandalosum, & turbativum universalis Ecclesiæ: & tamen per talem fugam non dissolvebatur Concilium. Egregie quidem, Febroni. Sed nos negamus, Concilium Constantiense fuisse œcumenicum, antequam ad illud accesserunt qui a Gregorio, & Benedicto stabant. Id negavit etiam Johannes a Turtecremata, qui Synodo interfuit. Imo negamus, fuisse œcumenicum ante electionem Martini V. Nam neque magna, neque œcumenica est Synodus, quæ non habet cooperantem illius temporis, quo celebratur, Romanorum Papam, quemadmodum declaravit Septima certo œcumenica Synodus (2. p. cap. 19.). Ast Constantiensis Synodi tempore nullus erat Romanorum Papa certo legitimus (vid. sup. cap. 4. n. 2.): vel si quis erat, cum Synodus cooperantem non habuit, ut fatetur Julianus ipse. Ergo ante Martini V. electionem neque magna, neque œcumenica fuit. Nisi Febronius Traditionis monumenta convellat, quæ a me alibi (2. p. cap. 19.) allata sunt, nunquam conficiet, Constantiensem Synodum ante sessionem 42. fuisse œcumenicam.

Præterea dicimus, Synodorum etiam œcumenicarum decreta rata, & firma non esse, nisi a R. Pontifice probata, & confirmata fuerint. Id ego validissimis argumentis alibi ostendi (2. p. cap. 28.). Decreta autem Synodi Constantiensis, de quibus sermo est, a Martino V. vel confirmata non sunt (vid. cap. 4. n. 5.); vel non in eum sensum, in quem ea Basileenses acceperunt, confirmata sunt (ib. n. 6. seqq.). Eugenius vero ea in Basileensium sensum accepta, apertissime refutavit (cap. 5. n. 5. seqq.). Ergo istiusmodi decreta irrita sunt. Frustra igitur Synodi Constantiensis decretis usi sunt Julianus, & Basileen-

Basilienſes ad probandam auctoritatem Concilii etiam a Papa dereliſſi, eoque contradicente.

VI. Audiamus nunc, quomodo nobis ſatisfaciat Febronius num: 11. Poſſe, inquit, etiam ſine praſidio Papa in Generalibus Conciliis ordinate procedi, probarunt Conſtantinopolitanum anni 381. & Conſtantienſe inde a fuga Johannis XXIII. uſque ad electionem Martini V.

Egredie iterum, Febroni. Sed Concilium C. P. œcumenicis adnumeratum non eſt, niſi poſtquam hanc illi dignitatem tribuit, quoad Fidei definitionem, Apoſtolica Sedes, quæ tamen ejus Canones rejecit (vid. 2. p. cap. 20. n. 4.). De Concilio Conſtantienſi multa jam dixi. Ad Juliani argumenta regredior.

4. Concilium generale, ait Julianus, ſuperius eſt Pontifice, habens conformiter decreto Concilii Conſtantienſis jus reformandi Eccleſiam in Capite, & in membris (huic argumento ſuperius abunde ſatisfeci). Hanc poteſtatem Concilia effectivè exercuerunt: Romanum anno 963. deponendo Papam Joannem XII.

Verum Romanum iſtud Concilium Febronius quidem legitimum fuiſſe, putat, ſed Conciliabulum fuiſſe, demonſtravit non modo Baronius, ſed etiam cum aliis Natalis Alexander (in h. e. ſec. 9. & 10. diſſ. 16.). Et 1. quidem Concilium iſtud contra Canones congregatum, & celebratum eſt: 2. etiam propoſitionem contra Catholicam Fidem aſſeruit; improbum nempe Pontificem poteſtatem ligandi, & ſolvendi amittere. 3. Concilio illi aliud Concilium oppoſuit Johannes, quod Leonem veluti intruſum, & illegitimum damnavit. 4. Si legitime ab eo Concilio Johannem damnatum eſſe, dicimus, fateamur etiam neceſſe eſt, Romanum Pontificem a Provinciali Synodo legitime damnari poſſe; quod ne Febronius quidem affirmat. Denique argumenta, quæ a me ſuperius ex veteri Eccleſiæ Traditione allata ſunt (cap. 2.), invictiſſime oſtendunt, temere, & abſque legitima auctoritate a Romano Concilio Johannem judicatum eſſe. Quod vero jure abdicatum fuiſſe Johannem, non dubitaverint Luitprandus, Andreas Bremenſis, & alii, qui Luitprandum ſecuti ſunt, id nihil auctoritatis Romano Conciliabulo tribuit. Eorum enim pletique, ut qui Germani erant, Ottoni Imperatori adulantium more niminim tribuerunt. Quamquam Otto Friſingenſis (lib. 6. cap. 23.): Otto, inquit, miſſa legatione, Papam (Johannem) revocat; ſed eo venire nolente, collecta Synodo Episcoporum, Leonem ei in Pontificatu ſubſtituit. Qua omnia utrum licite, an ſecus acta ſint, dicere, præſentis non eſt operis. Res enim geſtas ſcribere, non geſtarum rerum rationem reddere propoſuimus.

Sed nobis, inquit Febronius, in præſentiarum ſufficit, ſæculo X. & deinceps communiter in Eccleſia credidum fuiſſe, Romanos Pontifices propter

propter impia facta, & scandalosam vitam a Conciliis deponi posse.

Sed quænam, quæso, Ecclesia id credidit? Nempe Concilium, quod etiam a Catholica fide erravit; & Historici Imperatoris, cujus operâ coactum est, adulatorem. Cæterum Ecclesiam Catholicam longe aliter sensitse, me superius (cap. 2.) demonstrasse, confido.

VII. Quid vero dicimus, quod idem cum Romano Concilio credidit etiam Innocentius III? Febronius quidem hac de re dubitari non vult. Hoc sane, inquit, creditum fuit Innocentio III. Cum ad Philippum Augustum ab Ingeburge Coniuge separari cupientem, Epist. 106. lib. 15. scriberet: = Si super hoc absque Generalis deliberatione Concilii determinare aliquid tentaremus, præter divinam offensam, & mandanam infamiam, forsitan Ordinis, & Officii nobis periculum immineret, cum contra præmissam veritatis sententiam nostra non possit auctoritas dispensare =. Alibi vero (§. 10. n. 5.) ex his Innocentii verbis colligit Febronius, cum Philippi causam ad futurum Concilium remississe, cujus amplior sit auctoritas, quam Pontificis, & a quo ipse periculum ordinis, & officii metuiere possit.

Ego vero Febronii oscitantiam mitior, qui Innocentii mentem affecturus non est; quæ tamen ex præcedentibus ejus verbis manifeste colligitur. Cum enim Philippi conjux matrimonium consummatum esse, jurejurando affirmaret: Non auderemus, ait Innocentius, super hujuscemodi casu de nostro sensu pro te aliquid definire, propter illam sententiam Evangelicam, quam ipse Christus expressit; ut quod Deus conjunxit, homo non separet; cum absque dubio nec Sanctorum exempla, nec Patrum decreta intentioni tuæ in hoc articulo suffragentur. Verum si super hoc &c. Existimavit igitur Innocentius, Regis petitionem Christi sententiæ contrariam esse. At credidit ne doctissimus Pontifex, Generalis Concilii auctoritate Christi sententiæ derogari posse? Igitur Philippi causam ad generale Concilium remisit Pontifex, non quod existimaret, Concilii auctoritate Matrimonium consummatum dirimi posse; aut ampliorem esse Concilii, quam Pontificis auctoritatem; sed tum ut congregandi generalis Concilii difficultate Regem ab ea petitione deterreret, tum ut denegatæ dispensationis invidiam a se amoveret. Quare etiam addit, sibi forsitan Ordinis, & Officii periculum imminere, si super hoc absque Generalis deliberatione Concilii determinare aliquid tentaret. Ipse quidem Innocentius, cujus verba etiam Febronius affert (ib. n. 5.), testatur (serm. 2. de Consecr. Pontif.), se propter solum peccatum, quod in fidem committitur, posse ab Ecclesia judicari.

VIII. 5. Pergit porro Julianus: Eandem potestatem, & jus exercuit Constantiensis Concilium in Joannem XXIII.

Sed

Sed 1. Johannes non erat Papa certo legitimus (*sup. cap. 4. n. 2.*). 2. quamvis Constantiensis Synodus persuasum omnino non haberet, Johannem esse legitimum Papam, nihilominus ne in ipsum quidem se certam auctoritatem habere credidit. Quare enim Cardinales, & deputati tractaverunt materiam, ut Papa consentiret sententia sua depositionis, & ex abundantia renuntiaret? Quare ipsa ex abundantia renuntiasset dicitur?

Addit Febronius, nos fateri, Pontificem hæreticum deponi posse. Verum, inquit, in primis non solum lupus reputatur ille, qui talis est ex vitio fidei, sed etiam qui ex morum incorrigibilitate.

Verum ignorat ne, an ignorare se fingit Febronius, quid hæreticum inter, & peccatorem intersit? An nescit, hæreticum extra Ecclesiam esse: Peccatorem vero, qui fidei vitio non laborat, adhuc in Ecclesia esse? Hæc tum facile Catholicus quisque Theologus docebit: Pontifex igitur Peccator in Ecclesia adhuc est, ejusdemque Ecclesie Caput. Quamdiu autem Ecclesie Caput est, neque ab Ecclesia, neque ab œcumenica Synodo dignitate privari potest, quemadmodum hactenus demonstratum est. Si vero Pontifex in hæresim sponte labatur, atque pervicax in ea persistet, ab Ecclesia sponte recedit. Ergo Ecclesie Caput ultra non est, quin opus sit, ut dignitate privetur. Ergo Pontifex hæreticus non secus ac alii hæretici ab Ecclesia judicari potest.

Sed respondet Febronius: Si hæreseos crimen ipso jure privationis penam inducit, erit hoc indubie ex jure Ecclesiastico humano: Textum enim ad id evincendum in S. Scriptura non habemus: Et Petrus etiam abnegato Christo adhuc remansit Apostolus. Si autem sic lege Ecclesiastica humana statutum est, sequitur, eandem Legem, & Ecclesiam... superiorem esse Pontifici.

Sed præstidenter nimium ait Febronius, istiusmodi penam ex jure Ecclesiastico humano indubie indictam esse. Apostolus quidem (Tit. 3. 10.): Hæreticum hominem, inquit, post unam, & alteram correctionem devota, sciens, quia subversus est, qui ejusmodi est, & delinquit, cum sit proprio judicio condemnatus. In quæ Apostoli verba S. Hieronymus: Propterea, ait, a semetipso dicitur esse damnatus, quia fornicator, adulter, homicida, & cetera vitia per Sacerdotes ex Ecclesia propelluntur: Hæretici autem in semetipsos sententiam ferunt, suo arbitrio de Ecclesia recedentes: quæ recessio propria conscientia videtur esse damnatio. Eadem est omnium Patrum, & Theologorum doctrina, nempe hæreticos sponte sua ab Ecclesia recedere, nec in Ecclesia esse. Non igitur Ecclesiastica lex, sed ipsa hæreseos ratio hæreticos extorres ab Ecclesia facit, & qualibet Ecclesiastica dignitate privat. Non ergo hinc conficitur, Ecclesiam Pontifici superiori-

rem

sem esse. Cæterum Romanorum Pontificum nemo hætenus in hæresim lapsus est; nec quemquam lapsurum esse, speramus. Imo Petri privilegium non deficiendi etiam privatim a fide, ad ejus Successores quamlibet improbos transiisse, ego quidem persuasum habeo.

Quis vero æquo animo ferat Febronium confidentissime scribentem, Petrum etiam abnegato Christo adhuc remansisse Apostolum: quasi Petrus, cum Christum negavit, fidem amiserit, & hæreticus fuerit? Nisi enim veluti certum sumit Febronius, Petrum fidem amisisse, & in hæresim lapsum esse, Petri exemplum non est ad rem, de qua nobiscum agit. At Petrus fidem amisisse, & hæreticus fuisse dici nequit, quin Christus quoque mentitus esse dicatur. Hic enim Petro promissit, ejus fidem non defecturam esse: Ego, inquit (Luc. 22.), rogavi pro te, ut non deficiat Fides tua, non modo post lapsum, sed etiam in ipso lapsu. Atque in hunc sensum Christi promissionem interpretantur omnes Patres: ex quorum sententia Natalis Alexander (in h. e. sac. 15. & 16. diss. 4. art. 1. n. 14.) ait, Christum orasse pro S. Petri perseverantia in vera fide, & gratia, ne scilicet Passionis suæ tempore, quo Apostolis gravissima tentatio imminabat, ipseque concutiendus erat, & casurus, fidem amitteret, sed ut fide servata in ipso lapsu, cito resurgeret. Sed asserendi præfidentia Febronium nemo præstat. Ad Julianum nunc redeo.

IX. 6. Ait Julianus: *Declarat insuper eadem S. Synodus, pro hæretico habendum, qui diceret Concilium non posse omnia facere in his, quæ pertinent ad generalem reformationem Ecclesiæ Dei in Capite, & in membris.*

Id equidem declaravit Synodus Basileensis, sed ejus propositiones damnavit Eugenius IV. in Synodo Florentina (vid. sup. cap. 5. n. 16.). Synodus vero Constantiensis nihil hujusmodi declaravit.

7. Ait Julianus, *unum Concilium generale posse indicare aliud sequens absque Pontificis auctoritate; nec posse a Pontifice dissolvi, & si Papa a Concilio se separaret, eique contrarietur, posse Synodum illo absente, aut invito procedere; & protectionem a Regibus, & Principibus petere adversus Papam.*

Sed quoniam quæ Julianus asserit, ea nullo argumento confirmat, eodem jure ab ipso asseruntur, atque a nobis negantur. Cæterum invictis argumentis ea ego alibi refutavi (2. p. cap. 19. & 28. & 3. p. cap. 2.).

Addit Febronius: *Si ea occasione schisma oriatur in Ecclesia, erit illud, & tenebit se a parte Papæ, non Concilii. Imo se tenebit, ajo ego, ex parte Concilii, non ex parte Papæ. Unitatis enim Catholicæ centrum non est Concilium, sed Romanus Pontifex; non enim*



à Concilio, sed à Romana Ecclesia in omnes veneranda communionis iura dimanant, ut ajunt Patres Concilii Aquilejensis (vid. 2. p. cap. 8. n. 1.): neque ad Concilium à Romana Ecclesia sejunctum, sed ad ipsam Romanam Ecclesiam, propter potiore principalem, omnem necesse est convenire Ecclesiam, hoc est eos qui sunt undique fideles, ut ait S. Irenæus (vid. 2. p. cap. 1. n. 3.). Si ergo Concilium cum Romana Ecclesia communionem abrumperet, Schismaticum quidem esset Concilium, sed Pontifex Schismaticus non esset. Et ego quidem, si tantum malum, quod Deus avertat, contingeret, Concilium desererem, atque cum B. Hieronymo clamarem: *Ego Casbedra Petri communionem consocior. Super illam Petram adificatam Ecclesiam scio. Quicumque extra hanc domum agnum comederit, profanus est.* (Vid. 2. p. cap. 1. n. 3.).

Denique ait Julianus, Bullam quamdam ab Eugenio Papa pro dissolutione Concilii ad omnes fideles missam, plenam hæresibus, & repetit qualiter generalium Conciliorum placita à Romanis Pontificibus satis male observentur.

Ita scilicet Julianus Eugenio rebellis, ut ipse falsus est, & cæcus à veritate aberravit; In medio Ecclesia docens, qua non didicit. Prasumpsit de se ipso, dum esset Basilea: deceptus decepit, & credens prodesse, nocuit. Sed reliquit tandem Ecclesiam malignantium, cognovit priorem errorem, & Eugenio cervicem submisit, ejusque vocem audiuit, atque Æneam Sylvium hortatus est, ut si sciret, idem faceret, & qui errantem secutus erat, sequeretur recta monentem. Eadem non dubito, exprobraret Febronio Julianus, si viveret, eumque sincero animo hortaretur, ut qui errantis auctoritatem magni fecit, recta monentis auctoritatem pluris faceret.

## CAPUT IX.

*Continet Propositiones totius Dissertationis  
confectarias.*

## I. PROPOSITIO I.

**E**cclésiæ forma Monarchica à Christo instituta est. Forma enim Reipublicæ, cui Unus cum summa potestate præest, Monarchica est: Ecclesiæ autem unus Romanus Pontifex ex Christi ipsius institutione cum summa potestate præest (ex supp.): ergo &c.

Non negaverim tamen, Ecclesiæ formam Monarchicam Aristocratia quodammodo temperatam esse. Scilicet Christus singularibus Ecclesiis Episcopos interiori charactere, & potestate cum Rom.

D d

Ponti-

Pontifice pares præesse voluit (2. p. cap. 4. n. 3. & 4.); sed exteriorem singulorum potestatem, & jurisdictionem singularem Dioceseon, & Provinciarum finibus voluit contineri (*ibid.*). Quare cum singuli tum interiori, tum exteriori potestate commissas sibi Ecclesias regant, sunt veluti universæ Ecclesiæ Principes, & Optimates singularibus Ecclesiis regendis a Christo ipso instituti. Sed sunt singuli Rom. Pontifici subiecti; atque in eos quoque, & in eorum Ecclesias Rom. Pontifex jurisdictionem obrinet (*ex supp.*): Ergo Ecclesiæ forma Monarchica quidem est, sed & Aristocratia quodammodo temperata est.

Neque tamen Monarchico-Aristocratica est, quasi qui universæ Ecclesiæ præest Rom. Pontifex, eidem Ecclesiæ, & œcumenicæ Synodo subjiçiat; Id enim esse falsum, hætenus demonstravi.

II. PROPOSITIO II. Monarchicam Ecclesiæ formam consiliis a Pseudo-Isidoro Epistolis inductam esse, Febronii commentum est. Isidori enim Epistolæ nonnisi medio Sæculo IX., vel ut summum sub finem Sæculi VIII. prodierunt (2. p. cap. 14. n. 2.). At vero Rom. Pontificem universæ Ecclesiæ cum summa potestate, & jurisdictione a Christo præfectum esse, ac propterea Monarchicam Ecclesiæ formam a Christo institutam esse, invictissimis ego argumentis ex Sacra Scriptura, & ex perpetua Traditione Sæculis VIII. & IX. multo antiquiore demonstravi: ergo &c.

III. Mihi quidem portento simile semper visum est id, quod persuadere omnino vult Febronius, nempe Isidori commentu veterem Ecclesiæ disciplinam repente immutaram, & novam a veteri plane alienam inventam esse: Synodorum Provincialium, & Metropolitaram jura subito convulsa esse: paucis: summam jurisdictionem in cujusvis generis causis Rom. Pontifici attributam esse; nec tamen tanta rei novitate ullos tumultus, turbas ulla excitatas esse. Credat id *Judeus Apella*. Ego quidem persuasum habeo, Isidorum ex ea, quæ tunc ubique vigeat, disciplina collectionem suam adornasse, atque in eo tantam peccasse, quod disciplinam, quæ penlarim post priora sæcula obtinere cœpit, a veteribus Pontificibus institutam esse, persuadere voluerit; vix enim ultum afferri potest disciplinæ Caput ex Isidori collectione, cujus, nisi antiquissimum, ipso saltem Isidoro antiquius Monumentum non extet.

IV. Cæterum non Apostolicæ Sedis, sed Episcoporum gratia collectionem suam adornavit Isidorus, uti ex ejus præfatione perspicuum est. Sæpe enim accusabantur, & opprimebantur Episcopi a pravis hominibus, qui eorum bonis se ditare cupiebant. Quare ut iis consuleret, plura de Episcoporum judiciis congestit, ostenditque Episcopos accusatos, & dampnatos, ante esse restituendos, quam

quam ad causam dicendam cogendos &c.

Sed demus Febronio, Isidori commento novam disciplinam in Ecclesiam investitam esse. Ea inducta est sola auctoritate veterum Romanorum Pontificum, quibus ejus institutio ab Isidoro tribuitur: Ergo Isidori ætate vulgo credebatur, veteres Romanos Pontifices Leges universæ Ecclesiæ dare, & disciplinam ab ea servandam instituere potuisse. Alioquin Episcopi, Synodi Provinciales, Metropolitanæ, præsertim vero Synodi generales, quæ postea celebratæ sunt, istiusmodi disciplinam rejecissent: ejusque rei hanc causam dedissent; veteres Pontifices auctoritatem sibi, quam Christus ipsis non tribuerat, arrogasse: Rom. Pontificem primum quidem Episcoporum esse, sed ejus jurisdictionem Romanæ Dioceseos finibus contineri. At nihil hujusmodi gestum, vel scriptum esse, novimus. Ergo vulgo credebatur, summam esse in Ecclesia Rom. Pontificis potestatem, & jurisdictionem. Ergo non ex Isidori commento orta est idea Monarchiæ in Ecclesia, ut vult Febronius: sed e contra ex idea Monarchiæ originem habuit Isidori commentum; idest quæ tunc ab Ecclesiæ exordio vigeat persuasio apud omnes, summam esse Rom. Pontificis in universa Ecclesia auctoritatem, Isidoro decretales Epistolæ confingendi ansam dedit.

V. PROPOSITIO III. Quæ nunc temporis obtinet disciplina in Ecclesia, ea ne ab œcumenica quidem Synodo absque R. Pontificis auctoritate mutari potest. Ea enim a Synodis, vel Provincialibus, vel Generalibus, Romano Pontifice consentiente; vel etiam solius R. Pontificis auctoritate inducta est. Rom. autem Pontificis auctoritate in Ecclesia major nulla est (ex 3. p.): ergo &c.

VI. Differt Ecclesiæ disciplina a Fidei, & morum doctrina; quod hæc eadem semper sit; illa vero juxta rerum rationem mutari possit, ac reipsa mutetur. Ejus rei exemplum unum antiquissimum assero. Concilium Constantinopolitanum I. ejusdem Urbis Episcopo, qui Heracleensi Metropolitæ subiectus erat, secundum in Ecclesia honoris gradum contra Nicænos Canones, & veterem disciplinam asseruit: Concilium vero Chalcedonense novum præterea jus ei attribuit, quo non modo Patriarcharum, sed etiam Metropolitanarum jura lædebantur. Improbavit illud quidem Romana Ecclesia, sed deinceps non ægre tulit, ac tandem in Concilio Lateranensi III. confirmavit. Imo alia præterea jura in Oriente sibi adrogavit C. P. Episcopus, quæ Orientalibus Episcopis consentientibus, & Ecclesia Romana non repugnante, in jus ei legitime acquisitum transferunt. Si autem Episcopo C. P. nova jura antiquo juri contraria acquiri legitime potuerunt; quidni etiam R. Pontifici? Febronius ipse fatetur (cap. 5. §. 4. n. 1.), improbatum fuisse a Leone M. Canonem Chal-

Dd 2

cedonen-

cedentem, quia erat Romani Pontificis tales *prærogativas* Episcopo C. P. concedere. Quod autem jus aliis Episcopis concedere poterat R. Pontifex, quidni illud sibi poterat vindicare? Quamquam cum R. Pontifex Christi ipsius institutione Primatum jurisdictionis obtineat in universam Ecclesiam (*ex supp.*), si quæ Episcoporum, & Synodorum jura sibi reservavit, non jus novum sibi acquisivit, sed verus sibi a Christo attributum vindicavit. Cum vero eo jure a pluribus sæculis, Ecclesia ipsa consentiente, utatur R. Pontifex, idque œcumenicis etiam Synodis, ac præsertim Tridentinæ probatum sit, qua, quæso, auctoritate, Romano Pontifice dissentiente, Episcopis restitui potest? Vult quidem Febronius (*cap. 8. §. 6.*): non prodesse *has in parte Romanis præscriptionem, cessionem, possessionem, consuetudinem* &c; Sed id argumento persuadere conatur, quod ego hæcenus invictissime refutavi: nempe Christum Ecclesia formam regimini præscripsisse a Monarchia alienam. Quare quidquid ibi, & deinceps addit de restituenda antiqua disciplina, sponte sua ruit. Sed prætermittere nequæo, quod ibi ait, ut ejus ingenium penitus novetur. Itaque disciplinam, quæ nunc viget, vocat (*§. 6.*) *abusus ignorantia, & superstitione adversus divinum Institutum introductos*: ait iisdem causis obscuratam esse per aliquot sæcula veritatem. Quod, inquit (*§. 7.*), circa cultum Imaginum fecit populus, ut enim ultra condignum proveheret, idem quoque egit circa reverentiam debitam Summo Pontifici. Sed in Imaginum cultu ultra condignum populus tantum, nec universus peccavit. In re vero, de qua agimus, *Principes, Populi, Episcopi, omnes eandem viam errarunt, & quasi certatim damnaverunt, ac persecuti sunt eos, qui eorum hac in parte errores dissipare, & nebulam ab oculis depellere studebant*. Jamvero quoniam Principes, Populi, Episcopi, omnesque, qui Romano Pontifici parent, Catholicam Ecclesiam constituunt, consequitur ex Febronii doctrina, Catholicam Ecclesiam ab instituto Christi, & a veritate, quam ipse nos docuit, pluribus ab hinc sæculis aberrasse, atque non in imperito tantum, & facile credulo vulgo, sed in ipsa Catholica Ecclesia superstitionem radices egisse. Quid veto præterea Catholicæ Ecclesiæ objecerunt Donatistæ, Wiclefus, Lutherus, aliique Hæretici? Ego quidem a viro Catholico absque impietate hæc Ecclesiæ Catholicæ exprobrari non posse, arbitror. Sed fanaticus homo, qui nihil nisi reformationem crepat, vix intra eos fines contineri potest, quos ultra citraque nequit consistere rectum.

VIII. Inde vero Febronii error originem ducit, quod humanum mutabile jus cum immutabili divino jure sæpe confundat. Viderem enim Ecclesiæ disciplinam modo vocat *divinum Institutum* (*cap. 8. §. 6.*): modo *antiquum, & genuinum jus, quod mutari non potuit*.

potuit (*cap. 4. §. 3. n. 3.*); cum tamen certissima res sit, neque Christum, neque Apostolos disciplinam perpetuo in Ecclesia servandam instituisse, nec ulla peculiaria jura ad exteriorem Ecclesie administrationem spectantia, Episcopis, Metropolitibus, aut Synodis attribuisse. Imo cum Petrus acceperit a Christo Claves regni Cælorum, idest summam in Ecclesia auctoritatem, & jurisdictionem in Romanos Pontifices transferendam, potestatem quoque accepit ea statuendi, quæ juxta rerum, temporum, hominumque rationem optimæ Ecclesie administrationi conducere, eaque mutandi, si rerum ratio mutaretur, novæque instituta rerum rationi consentanea inducendi. Vel ipsi Apostoli abstinenciam a sanguine, & suffocato quamquam non diu duraturam præceperunt. Quare igitur quæ obtinuit olim disciplina, ea mutatis rerum adjunctis mutari non potuit? Cur quæ recens inducta est, hæc ea solum de causa abroganda est, quod nova sit? Quamquam recens ne tu inductam esse disciplinam dixeris, quæ pluribus ab hinc sæculis obtinet?

Cum igitur Episcoporum, Metropolitanorum, & Synodorum jura, quæ ad exteriorem Ecclesie administrationem spectant, Episcopatu essentialia non sint (*2. p. cap. 4. n. 3. & 4.*); sed humana institutione, vel consuetudine inducta sint, eorum plura ad R. Pontificem, cujus summa est in Ecclesia auctoritas, transire legitime potuerunt. Leonorius ipse (*cap. 4. §. 3.*) ostendit, *confirmationem electionis Episcoporum GENUINO JURE ad Synodum Provinciale pertinerere*: & nihilominus fatetur (*ib. n. 1.*), *sensim ex quodam saltem tacito Ecclesie consensu ad Metropolitanum devolutum esse*. Si autem saltem tacito Ecclesie consensu a Synodo Provinciali ad Metropolitanum legitime devolutum est istiusmodi jus, quidni eadem ratione a Metropolitano ad R. Pontificem, qui multo Metropolitanum præstat, devolvi legitime potuit?

Igitur Episcoporum Confirmationes, Translationes, Cessiones, & Depositiones, Coadjutorum concessionem, & novorum Episcopatum erectiones, quas olim ad Synodos Provinciales, vel ad Metropolitanos pertinuisse, ostendit Febronius (*cap. 4. §. 3. seqq.*), cum pluribus ab hinc sæculis inter causas majores Romano Pontifici reservatas numerentur, Synodorum, vel Metropolitanorum juri, invito R. Pontifice, restitui nequeunt. Idem dicito de dispensationibus, Provisionibus, de casibus Romano Pontifici reservatis, aliisque similibus, quæ juxta vigentem nunc Ecclesie disciplinam ad R. Pontificem spectant.

VIII. Sed paucis rem conficio. Si R. Pontifex accepit a Christo Primatum jurisdictionis immediatæ non modo in singulos fideles, & Episcopos, sed etiam in Synodos quamlibet æcumenicas, poterit profecto

profecto Episcoporum & Synodorum jura coarctare, graviores catus judicio suo reservare, integros etiam Monachorum cœtus immediatæ suæ jurisdictioni subicere, & ne singula enumerando longus sim, eam, quæ nunc obtinet in Ecclesia, disciplinam inducere. Febronius ipse agens de veteri disciplina restituenda (*cap. 8. §. 2.*) *Considero, inquit, Papam, ut Caput Ecclesiæ, non ut Monarcham, penes quem jus, & auctoritas per se universam Ecclesiam, & singula ejus membra regendi, & pro exercitio Sacri hujus Imperii Episcopis partem suæ potestatis pro arbitrio (prudenti quidem) communicandi, tollendique resideat. Si in hoc erro, fateor, me scripsisse totam errorum congeriem.* At ego in mea hac, qualiscumque ea sit, dissertatione demonstravi, Ecclesiæ formam Monarchicam a Christo institutam esse, idest Romano Pontifici creditum esse a Christo Primatum jurisdictionis immediatæ in singulos Fideles, & Episcopos, & in universam Ecclesiam tum dispersam, tum congregatam. Ergo potuit R. Pontifex Episcoporum, & Synodorum jura imminuere, eamque, quæ nunc obtinet, disciplinam inducere. Nisi ergo Febronius falsa esse demonstraret argumenta, quibus causam hanc hætenus egi, fateatur necesse est, se totam errorum congeriem scripsisse.

IX. Dixi, potuisse RR. Pontifices Episcoporum, & Synodorum jura imminuere. Siquidem enim de summa potestate agitur, hanc illi ego hætenus vindicavi. Ut summum igitur de istiusmodi potestatis usu quæstio esse potest. Febronius quidem R. Pontificem potestate abusum esse, & abuti etiam nunc, contendit. Sed abusus, si qui in legitimæ potestatis usum irreperunt, nos quoque damnamus. An vero ideo potestas ipsa neganda est? Videat, quæso Febronius, ne quamlibet potestatem hominibus auferendam esse, contendat. Quis enim summorum etiam Principum sua potestate non abutitur? Nunquam ne sua potestate abutebantur olim Episcopi? Nunquam ne abutuntur nunc? Imo multo plures, gravioreque fuisse arbitror olim, cum verus disciplina obtineret, Ecclesiasticæ potestatis abusus, quam nunc sunt. Quamvis enim Sanctissimis Legibus Ecclesiasticæ disciplinæ identidem consultum fuerit, abusus nihilominus nec auferri, nec præcaveri potuerunt. Qui Ecclesiasticæ Historiæ imperitus non est, ignorare id nequit. Ut innumera, quæ ad alia disciplinæ Capita spectant, exempla præteream, *Canones, inquit Febronius (cap. 4. §. 8.), decernunt, Episcopos in Conciliis suarum Provinciarum judicari, & si causa Canonica subsit, deponi debere.* Allegat in hanc rem plures Canones Conciliorum Antiocheni, Sardicenis, Constantinopolitanis I. Chalcedonenis, & Ecclesiæ Africanæ. Atqui ex Ecclesiastica Historia constat, Synodos Provinciales, & qui iis præerant, Metropolitanos ea potestate quam sapissi-

sæpissime abufos esse, ut infantes Episcopos opprimerent. Modum quidem Synodorum & Metropolitaram potestati posuit œcumenica Synodus Sardicensis, assertâ damnatis Episcopis Romanum Pontificem appellandi facultate (2. p. cap. 10.); sed neque id satis fuit. Deinceps enim sæpe adeo accusabantur, & damnabantur Episcopi, ut non aliam ob causam collectionem suam adornasse videatur celebris Impostor, quam ut Episcoporum innocentiz consuleret. Ut enim fateatur Febronius ipse (*ibid.*), nulla est ex causis, qua majorum titulo honorantur, circa quam plures textus confitti sint, quam depositio Episcoporum. Quamobrem Provincialibus Synodis & Metropolitanis auferenda demum fuit, & R. Pontifici vindicanda Episcopos iudicandi auctoritas. Atque id quidem pergratum Episcopis fuit. Innocentiam enim suam multo facilius apud R. Pontificem probant, quam apud Provinciz Episcopos, quos sæpe propter privatas similitudines insensos sibi esse, sentiunt. An vero Ecclesiz interest, veterem hæc de re disciplinam restitui, & Provinciales Synodos, ac Metropolitanos in antiqua jura redire? Id equidem contendit Febronius; sed cum, arbitror, rident Episcopi.

X. Quod autem hæcenus de Episcoporum judiciis dixi, idem de cæteris causis, quæ majores dicuntur, de dispensationibus, Provisionibus &c. non difficile ostendere possem: scilicet ideo tandem soli R. Pontifici reservatas esse, quia Episcopi, Metropolitanæ, & Provinciales Synodi sua potestate circa eas abutebantur.

XI. Sed etiam in Romana Curia, inquit Febronius, vigent abufus. Quid porro? Nulli ne futuri sunt in Ecclesia abufus, si vetus disciplina restituitur? Mihi quidem vetera Ecclesiz monumenta memoriâ repetenti plures, gravioresque fuisse videntur olim abufus, quam nunc sunt. Nam sunt etiam nunc abufus, eruntque porro, donec erunt homines ex Adamo progeniti. Erat in Sanctissimo Apostolorum cœtu Judas fur, & loculos habens (Jo. 12. 6.), cujus forte avaritia multos a Christo sequendo abstinebat. Atqui eum Christus tolerabat. Quid igitur mirum est, adesse etiam R. Pontifici aliquos, qui pecuniis inhiant, atque ejus gratia, & auctoritate abutuntur?

XII. Sed sunt etiam abufus, inquit Febronius (cap. 6. §. 14. n. 5.), qui non modo tolerantur, sed ab ipso Pontifice probantur. Quinam autem sunt? Prætermitto gravamina, quæ se pati conquesti sunt Nationes Germanica, & Gallica, quæque se referre ait Febronius (*ib.* §. 13.) ex probatissimis Scriptoribus sæculi XVI. Nam 1. probatissimi isti Scriptores sunt Leibnitius, Claudius Espenæus, Freherus, Melchior Goldastus, Paulus Langius, Balutius, quorum alii acatholici sunt, alii incertæ Fidei. 2. ea gravamina partim

partim initis cum Apostolica Sede *Concordatis*, partim a Tridentina Synodo sublata sunt. Denique ea invidiæ tantum Romano Pontifici creandæ causâ recensuisse videtur Febronius; nam proxime sequenti paragrafo 14. tantum recenset *Summam abusum hodie in Ecclesia vigentium, qui fortis indigent remedio*. Sed cum de his nemo ex doctissimis Viris, qui Febronium refutarunt, singillatim disseruerit, vereor, ne cui ego temere provinciam hanc assumpsisse videar. Assumam tamen confidenter. Neque enim qui summam R. Pontificis auctoritatem ex sinceris Theologiæ fontibus propugnavi, veteti debeo, ne propter aliquos ejus auctoritatis abusus, in dubium revocetur. Paucis tamen eos expediâ; pluribus enim verbis opus non est. Sunt autem abusus hi.

XIII. 1. *Sancti, & genuini Canones extra usum, & vigorem, quem eis sequior ætas abstulit, relinquuntur*. Sed qui sint isti Canones, Febronius non indicat. Porro si de iis Canonibus loquitur Febronius, qui quædam jura Episcopis, Metropolitanis, & Provincialibus Synodis asserunt, eos esse extra usum, & vigorem, Ecclesiæ interest. Iis enim iuribus per se abutebantur illi: quæ de re superius disserui: Quare eos Canones obsolevisse, abusus non est.

2. *Constitutiones anteriorum Pontificum etiam saluberrime, nonnulla quoque Regule Cancellariæ, quæ si servarentur, suam haberent utilitatem, ligant, donec pecunia solvantur*. Abusus equidem est, saluberrimis constitutionibus, & regulis absque causâ derogare; sed nulla ne unquam est legitima iis derogandi causâ? Cum vero causâ est, abusus ne est derogatio?

At, inquit, *ligant, donec pecunia solvantur*. An vero injusta est pecuniæ solutio? *Si nos vobis spiritualia seminavimus*, inquit Apostolus (1. Cor. 9. 11.), *magnum est, si carnalia vestra metamus?* Qui igitur R. Pontifici in Ecclesiæ administratione præsto sunt, & spiritualia ministrant, æquum est, ut totius etiam Ecclesiæ sumptibus alantur, & carnalia metant. Ne vero singuli fideles graventur, quod permolestum esset, æquitati consentaneum est, ut iis id oneris imponatur, vel qui Ecclesiastica beneficia consequuntur, vel quorum causâ Pontificum, aut Conciliorum constitutionibus, vel Cancellariæ regulis derogari contingit. Alias etiam ejus rei causas dare possem, sed sufficit, quæ data est, ut Febronio os occludatur.

3. *Laudabilibus consuetudinibus particularium Ecclesiarum derogatur promiscue, uti sine sumptu, & expensis, ita sine scrupulo*. Sed id est falsum. Nihil enim magis cordi est Romano Pontifici, quam ut *laudabiles* particularium etiam Ecclesiarum consuetudines serventur. Ideo vero aliquando his derogat, vel quia laudabiles reipsum non sunt, vel ut eandem ubique disciplinam constituat, quod laudabilius est.

4. *Putat,*



4. *Putat, & prætendit Curia, se Concordatis non ligari.* Id quod falsum esse, ego quidem arbitror. Sed quoniam Concordata omnes fortuitos etiam rerum eventus, & omnia adjuncta complecti non poterunt, fieri aliquando potest, ut Curia etiam Concordatis in aliqua rerum ratione se non teneri putet. At generatim putare Curiam, se Concordatis non teneri, ego non credo.

5. *Captantur ibidem utilitates, & temporalia lucra ex usu clavium.* Est hæc Febronii impostura, siquidem de R. P. aut de Curia generatim loquitur. Nam privatos aliquos quandoque lucrum ex usu Clavium captare, non negaverim. Sed & Judas lucrum ex Christi discipulatu captasse videtur. An vero Judæ vitium Apostolorum Collegio tribuendum est? An non alibi, præter quam Romæ, sunt improbi homines, qui lucrum ex clavibus captant?

6. *Fiunt, & authorizantur variis sub titulis, & prætextibus beneficiorum nundinationes.* Sed hæc quoque Febronii impostura est, si de Pontifice quidem, & de Curia generatim loquitur. Nam fieri a privatis aliquibus istiusmodi nundinationes, non magnopere contendo; authorizari vero a R. P. aut a Curia, sine impostura dici nequit. An vero Romæ tantum sunt istiusmodi homines?

7. *Annata tolluntur sine justo originario titulo, & exiguntur juxta enormem taxam arbitrarie impositam.* De Annatis diligentissime disseruerunt, earumque æquitatem vindicarunt plures eruditi Viri, inter quos numerandus est etiam Natalis Alexander (in h. e. sac. 15. & 16. diss. 9.). Quare in hac causa agenda non immorabor.

8. *Pro confirmatione electionis, & juribus pallii levantur expensæ tam excessivæ, ut integra Provincia summopere gravetur, & fere depauperetur.* Verum si de expensis ipsis sermo est, nimium profecto eas exaggerat Febronius. Quænam, quæso sunt, istæ Provinciæ tam excessivæ expensis fere depauperatæ? Si vero expensarum justitiæ, & æquitatem quæras, in eandem fere cum Annatarum justitiâ recidit.

9. *Tanta necessitas petendorum Palliorum Metropolitanis imponitur, ut sine illis nequidem valeant, quod jure divino possunt Episcopi eorum suffraganei.* Siquidem Metropolitanî Romano Pontifici subiecti sunt, Pallium a R. Pontifice petere debent, nec ante sacra munera obire, quam illud obtinuerunt.

10. *Impediuntur Episcopi in exercitio propria sua jurisdictionis, & pastoralis officii, quod divino jure obtinent.* Scilicet æquali jurisdictione Febronius a Christo insignitos esse vult Episcopus, & Romanum Pontificem: Quare quidquid Episcoporum jurisdictionis sibi reservavit Romanus Pontifex, id abusu non ferendo Episcopis ablatum esse, contendit. Sed Febronii scitum falsum esse, ego Scripturæ, & Traditionis auctoritate ostendi. Igitur Romanum Pontificem quædam

Ee

dam

dam Episcoporum jura sibi vindicasse, inter abusus numerari nequit. Cæterum impediri a R. Pontifice Episcopos in exercitio propriæ jurisdictionis, & pastoralis officii, calumnia est. Nequidem enim latet, Romano Pontifici quamaximæ curæ esse, ut Episcopi commissos sibi Greges pascant, eaque munera expleant, quæ ab ipsis exigat Apostolus in Epistolis ad Timotheum, & ad Titum. Quo enim spectant tot Romanorum Pontificum Constitutiones, & Literæ encyclicæ ad Episcopos datæ, nisi ut eos pastoralis officii commoneant, atque ad illud diligentissime implendum adhortentur?

11. *Præveniuntur Episcopi, & multis modis arcentur a seligendis, & deputandis aptioribus Ministris ad servitia suarum Ecclesiarum.* Imo. eos sæpissime hortantur Romani Pontifices, ut aptissimos, si fieri possit, Ministros eligant; nec aliam ob causam eos quandoque præveniant, nisi ut aptiores Ecclesiis Ministri præfiantur. An fœmper Episcopi digniores, aptioresque Ministros seligunt? Imo in iis aliquando rerum adjuvantis sunt, ut fere nequeant.

12. *Jura Ordinariorum laduntur per exorbitantes exemptiones.* Scilicet cum Episcoporum jurisdictio Episcopatu essentialis non sit (2. p. cap. 4. n. 3.); imminui & augeri potest a R. Pontifice, cujus jurisdictio summa in Episcopos est. Quidni igitur potest Rom. Pontifex quosdam hominum cœtus immediatæ suæ jurisdictioni subicere? Cum vero non modo eorundem cœtum, sed etiam Ecclesiarum utilitas id aliquando postulet, nihil causæ est, cur id abusus adnumeret Febronius.

13. *Neque minus præjudicatur juribus Parochorum per enormia privilegia Mendicantium.* Mendicantium præsertim privilegia, quamlibet post Tridentinam Synodum moderata, Febronius torquent. Mendicantium Cœtum elogium contexere, eorumque in Ecclesiam merita, ob quæ pluribus privilegiis ab Apostolica Sede donati sunt, enumerare, non est hujus loci. Illud tantum dicam, eorum Privilegia, & exemptiones etiam Tridentinam Synodum probasse, atque ad eam moderationem redeisse, ut nonnisi Febronius, ejusque similes quasi enormia adhuc, & Episcoporum, ac Parochorum juribus noxia in invidiam adducere possint. Quo enim demum spectant Mendicantium privilegia? Nempe ut intra domos suas legibus suis, quæ quidem sanctissimæ sunt, vivant, suisque Moderatoribus pareant. Cæterum extra domos suas nihil jurisdictionis exercent. Charitatis quidem officia Fidelibus exhibent, eaque in re Parochis opem ferunt, sed horum jura haudquaquam lædunt.

14. *Lites in causis etiam levioribus, & ordinariis, variis modis, maxime autem per appellationes, trahuntur ad Curiam Romanam cum ingenti dispendio rerum, & personarum.* Siquid hac in re abusus est, non

non Romanæ Curie, sed appellantium, eorumque, qui ipsorum causas agunt, vitiotribuendum est. Hi enim sæpe etiam si se non justam causam agere noverint, ob pravos tamen fines superiorem Judicem appellant. Cæterum qui se justam causam habere putat, eum ne superior Judex rejicere debet?

15. *Dispensationes in beneficialibus, matrimonialibus, aliisque conceduntur absque legitima causa directe contra Canones; eadem ratione dispensatur super pluralitate beneficiorum cum quovis petente sine consideratione meriti, aut alterius rationis Canonica.* Si Febronium audias, tam facile est a Romano Pontifice dispensationes sine legitima causa obtinere, quam petere; cum tamen certissima res sit, non consuevisse R. Pontificem absque legitima causa istiusmodi dispensationes concedere. Porro docent vulgo Theologi, legitimas dispensandi causas esse pietatem, necessitatem, & utilitatem communem, ita ut dispensatio vel directe, vel indirecte in bonum commune vergat. Non sum tam rudis, ait Eugenio III. S. Bernardus (lib. 3. de Consid. cap. 4.), ut ignorem, positis vos dispensatores, sed in adificationem, non in destructionem.... Ubi necessitas urget, excusabilis dispensatio est; ubi utilitas provocat, dispensatio laudabilis est; nullitas, dico, communis, non propria. Nam cum nihil horum est, non plane fidelis dispensatio, sed crudelis dissipatio est. Omnes ne vero dispensationes a R. Pontifice conceduntur sine utilitate, aut necessitate? Nam aliquas sine ulla ex istis causis concedi, non negaverim. Verum id non R. Pontifici, sed petentibus vitio vertendum est. Hi enim sæpe dispensationis causas prætendunt, quæ veræ non sunt.

16. *Approbantur Coadjutoria cum futura successione etiam super beneficiis nullam curam annexam habentibus, & ubi nullum a Coadjutore servitium expectatur, sola intentione transmittendi beneficium quasi hereditarie.* Ego quidem hac in re nullum abusum video, dummodo a Coadjutore idem servitium expectetur, quod a coadjuto exigitur, quodque beneficium ex: c. Canonicatu adnexum est. Id vero fieri sola intentione transmittendi beneficium, quasi hereditarie, temere Febronius addit.

17. *Præbenda etiam exiles gravantur pensionibus, non assento, an sub tali reservatione resignans egeat, aut quale meritum in Ecclesiam ei suffragetur.* Nempe aliquando quia pluribus providendum est, præbendas etiam exiles pensionibus gravari opus est. Sed raro id fit, neque quoad præbendas adeo exiles. Meritorum vero quinam Judex esse debet?

18. *Erga præstationem certa taxa spuriis indistincte legitimantur, ac per hoc habita redduntur ad beneficia, & honores.* Sed adverbium indistincte præter veritatem additum esse, facile intelligis. Non enim nisi graves causæ sint, Spuriis legitimatis beneficia, & honores con-

cedi solent. Cæterum raro adeo id contingit, ut mirum sit, inter abusus hodiernum in Ecclesia vigentes, qui fortî remedio indigent, a Febronio numeratum esse.

19. *Indulgentia conceduntur sine discretionē, aut Canonico motivo, cum manifesta infractione pœnitentialis disciplinæ; quæ proinde etiam suo effectu destituuntur, & fructu carent, populo tñ hac sua remissionis pœnarum temporalium spe male deluso.* Cur autem etiam Indulgentiarum multitudo bilem Febronio moverit, ego non video. An enim inter abusus id quoque numerandum est, quod Romanus Pontifex spe remissionis pœnarum temporalium peccatores ad sinceram pœnitentiam sæpe, & fere quotidie alliciat? Non enim ignorat populus, id a Pastoribus suis, & a Sacris Ministris edoctus, eos tantum Indulgentiarum participes esse, qui conditiones a Romano Pontifice requisitas implent: quarum ea præcipua est, ut Pœnitentiæ Sacramento rite suscepto animam a peccatorum sordibus expurgaverint. Concedi vero Indulgentias cum infractione pœnitentialis disciplinæ, falsum est. Docent enim saniores Theologi, idque Sacramenti Pœnitentiæ Ministris præscribunt Ecclesiæ Pastores, non esse occasione Indulgentiæ gravium peccatorum reis leves pœnitentias imponendas, sed eas, quæ, quoad fieri potest, peccatorum numero, & gravitati respondent: Peccatores peragendæ condignæ pœnitentiæ onere non liberari, sed levari: idest, quam ipsi sive virium debilitate, sive vitæ brevitate perficere nequeunt, eam Indulgentiis suppleri. Hæc autem a suis Pastoribus edoctus Populus, non deluditur inani spe; sed dumtaxat ad veram pœnitentiam allicitur.

20. *Denique ligantur Episcopi per noxia juramenta defendendi omnia Romana Sedis jura, ac privilegia, illa utique in quorum possessione eadem invenitur.* Ea juramenta non modo noxia non sunt, sed imo sunt Episcopis ipsis utilissima; cum enim Romanæ Sedis jura defendunt, eadem operâ sua quoque defendunt, & suarum Ecclesiarum jura. Sed neque noxia sunt Principum juribus. Non enim i-deo prohibentur Episcopi reddere quæ sunt Cæsaris, Cæsari, & quæ sunt Dei, Deo.

Hæc, Febronii sententiâ, est summa abusuum hodiernum in Ecclesia vigentium, qui fortî indigent remedio. Sed 1. inter abusus recenset Febronius etiam Sanctissima Romani Pontificis jura, quæ illi Christus attribuit, & perpetua Ecclesiæ Traditio asseruit. 2. Inter abusus nonnulla enumerat, quæ abusus non sunt, sed sunt legitimus potestatis usus Ecclesiæ, & Fidelibus utilissimus. 3. Abusus, qui privatorum hominum vitio sunt adscribendi, Romano ipsi Pontifici, & Romanæ Curie universim tribuit. Hæc ex superiori eorum censu manifeste constant. An vero propter abusus, qui Romæ prævorum

voram hominum vitio in legitimæ potestatis usum sæpe irrepunt, potestas ipsa quamlibet legitima auferenda est? Optamus quidem omnes, peroprant & Romani Pontifices, ut auferantur abusus. Sed ut veluti abusus traducatur etiam legitimæ potestatis usus, eoque nomine coerceatur, ferre non possumus. Abusus vero, qui vere abusus sunt, neque si verus disciplina restituarur, auferentur unquam; nisi hominum etiam natura immutetur. Nulli ne sunt abusus in quovis politico regimine? Utinam tantum non gravissimi. An vero ideo Populi commovendi sunt, atque adhortandi, ut legitimis Potestatibus resistant, ut iis etiam invitis generalia Comititia habeant, & in his *subtractionem* ab obedientia decernant: paucis: ut excusso obedientiæ jugo, in primariam libertatem redeant? Atqui hæc abusu e politico regimine auferendorum ratio, quam animus horret, Febronianæ doctrinæ consecraria est. Eandem enim abusum, qui in Ecclesiæ regimen irrepsit, auferendorum rationem præscribit toto Capite IX. Quare cum non minus saltem Romani Pontificis, quam Regum potestas a Deo sit (*ex 1. p.*); si legitima est memorata abusu Ecclesiasticæ potestatis coercendorum ratio, quidni eadem legitime uti possunt Populi, ut abusus politicæ potestatis coerceant? Ast ea abusu politicæ potestatis coercendorum ratio illegitima est, & Dei ordinationi contraria: Nam *qui potestati resistit, Dei ordinationi resistit* (Rom. 13. 2.): & præterea seditiones, graviores abusus, & innumera mala inveheret: ergo illegitima quoque est eadem abusu Ecclesiasticæ potestatis cohibendorum ratio. Cum enim R. Pontificis potestas certissime a Deo sit, qui ei resistit, *Dei ordinationi resistit*; ut graviores abusus, Schismata, & innumera alia mala, quæ inde orientur, prætermittam.

Et seditiones quidem, quas in Politico regimine horret Febronius, in Romanum Pontificem commovete conatus est, imo certo commovendas minitatus esse videtur. *Eris*, inquit (*cap. 1. §. 10.*), *horum libertatis, & veritatis impedimentorum aliquando finis*. Forte etiam sibi plaussit, quod Pacem inter Sacerdotium, & Imperium turbatam viderit. Sed Deus, in *cujus manu est Cor regis* (Prov. 21. 1.), Catholicorum Principum pietatem, & Religionem, iniquorum hominum, qui unâ quasi opera in Ecclesiam conspirasse videbantur, consiliis, & machinationibus decipi, passus non est. Singulæ præterea providentiæ Pastorem Ecclesiæ suæ præfecit, cujus prudentia pacem partim restitutam esse, videmus, brevi vero omnino restituendam esse, speramus. Fremunt iniqui homines; Sed ingenti gaudio exultat Ecclesia Catholica, atque Pastori sibi divinitus dato, suisque nobilissimis Filiis Catholicis Principibus gratulatur.

F I N I S:

INDEX

# INDEX

## RERUM, ET VERBORUM.

### A

- A** Baclardus. 92.  
 Abusus potestatis non derogant potestati 214. olim graviore, quam nunc. *ib.* quos nunc in R. Curia vigere, contendit Febronius, recensentur, & vindicantur 216. *segg.*  
 S. Agatho R. P. asseruit Ap. Sedi privilegium non errandi. 84. Monothelitas damnavit. Fidei definitionem irrefragabilem Synodo VI. præscripsit 131. *segg.*  
 Africani de appellationibus Clericorum cum R. P. contenderunt 79. *segg.*  
 Africanarum trium Synodorum insigne testimonium. 88.  
 S. Ambrosius 10. 12. 14. 15. 16. 18. 29. ejus narratio de S. Petro 36.  
 Ansegisus Senonensis Episcopus 61.  
 Appellationum jus R. Pontifici vindicatum 72. *segg.*  
 Appellationes a R. P. ad concilium *illicite* 166. *segg.* Eas improbarunt S. Augustinus, & S. Prosper 168. eas licites esse, opinari ceptum est sub finem sæculi XIV. 170. eas improbarunt Pius II. 167. & Martinus V. 171.  
 Apostoli fundamenta Ecclesiæ 17. 18. duplex Apostolorum potestas 32.

- Aquilejense Concilium 68.  
 Ariminenſe Concilium 142.  
 Aristocratia quid? 1.  
 Arnobius Junior 29. 91.  
 S. Athanasius R. Pontificem appellavit 77.  
 S. Augustinus 10. cur *petram* Christum interpretatus sit? 16. insignis ejus locus 20. cur claves Ecclesiæ datas esse, dixerit? 24. 35. 34. 11. testis est appellationum ad Apost. Sedem 79. infallibilitatem Ap. Sedi asseruit 92. Concilia generalia absolute necessaria esse, negat 98. Pelagianorum appellationem improbavit 168.  
 S. Avitus Viennensis 162.

### B

- B** Alfamon 75.  
 Barthelius notatus 79.  
 Basilienſis Synodi insigne testimonium de Primatu R. P. 160. ejus argumentum refutatur. *ib.* ea Conciliabulum fuit 183. ejus decreta Eugenius IV. non probavit 168. *neq.* probavit Pius II. 191.  
 Basilides Asturicensis Episc. a S. Stephano R. P. restitutus 41.  
 S. Basilii 10. 12.  
 Ven. Beda 23. 24.  
 Berengarius damnatus 92.  
 S. Bernardi insignis locus de Primatu R. P. 29. appellationum abusus

abulum carpit, sed usum commendat 83. peremptoriam vocat sententiam R. Pontificis 167. appellari vult a Papa ad Papam 172. dispensationum usum probat 119.  
 Basilariis 156.  
 Bonifacius L. R. P. 11. 19. iudicium Apostolicæ Sedis retractari non vult 166.  
 Bosuetus laudatus, & notatus 136.

## C

**C** Apud ministeriale Ecclesiæ 5.  
 Capitula Hadriano L. ab Ingilramno tradita 84.  
 Caroli M. Imp. insigne monitum 71.  
 Causæ majores ad Apost. Sedem spectant 7. 61. *segg.* propter abusus olim vigentes reservatæ sunt Ap. Sedî 215.  
 Cerinthus necessitatis Legalium propugnator 95.  
 Claves regni Cælor. datæ sunt Petro immediate 11. 21. *segg.*  
 S. Cælestinus L. R. P. 13. 65. 69. Appellationes ex Africa sibi vindicat 80. S. Cyrillo mandat, ut Nestorium deponat 91. jurisdictione in Nestorium usus est 116. regulam Ephesino Concilio præscribit 118. quam Concilium non retractavit, sed executioni mandavit 119. Concilii ejusdem sententiam temperavit 121.  
 Communio cum R. P. necessaria est. 37. 38. 68. 69.  
 Concilia generalia quomodo necessaria? 97. *segg.* eorum con-

vocatio spectat ad R. P. 101. absque auctoritate R. Pontificis celebrari, nefas est *ib. segg.* Octo priora convocata sunt ab Imperatoribus, non sine auctoritate R. Pontificis 104. *segg.* iis præsidere, est R. Pontificis 109. Quomodo examinent decreta RR. Pontificum? 113. *segg.* irrita sunt eorum decreta, nisi confirmata sint a R. P. 139. Univ. Ecclesiam repræsentant, si habeant cooperantem Papam, secus, non. 197. 198. Si deferantur a R. P. schismatica sunt 209. mutare non possunt disciplinam nunc vigentem 211.  
 Concilium Nicænum L. a Constantino M. & a S. Silvestro convocatum est 105. ei præfuit Osius Cordubensis nomine S. Silvestri 111. confirmatum fuit a S. Silvestro 141.  
 Concilium Sardicense 18. Appellationes Episcoporum, asseruit Apost. *Sedi 73. segg.*  
 Concilium C. P. L. non fuit œcumenicum 105. ejus Canones rejecit Sedes Apostolica 106. quæ tamen ei œcumenici dignitatem tribuit, quoad fidei decreta *ib.*  
 Concilium Ephesinum a Theodosio Imp. convocatum est, non inconsulto S. Cælestino L. R. P. 106. Cælestini Sententiam in Nestorium pronunciavit 119.  
 Conciliabulum Ephesinum ab Apostolica Sede rejectum 141.  
 Concilium Chalcedonense a Marciano Imp. consentiente S. Leone M.

- ne M. convocatum est 107. S. Leonis Epistolam ad S. Flavianum veluti Petri oraculum suscepit 125. ejus Canones Sedes Apost. reject. 141.
- Concilium C. P. II.** a Justiniano Imp. convocatum est, consentiente Vigilio R. P. 107. Contrariam Vigiliis Constituto sententiam non edidit 130. a Vigilio confirmatum fuit 148.
- Concilium C. P. III.** convocatum est a Constantino Pogonato Imp. consentiente S. Agathone R. P. 107. ei fidei definitionem præscripsit S. Agatho, eamque Concilium suscepit 131. *seqq.* Confirmationem decretorum ab Agathone petiit 149.
- Concilium Nicænum II.** convocatum est ab Imp. consentiente Hadriano L. R. P. 108. suscepit literas Hadriani L. 137. forte etiam decretorum confirmationem petiit 150.
- Concilium C. P. IV.** a Basilio Imp. voluntate Hadriani II. convocatum est 108. subscripsit libellum Hadriani 137. vetuit Synodum etiam generalem dicere sententiam in R. Pontificem 164.
- Concilium Lateranense III.** 36.
- Concilium Constantiense** 173. *seqq.*
- Concilium Basileense** 183. *seqq.*
- Concilium Florentinum** 30. ejus locus vindicatus 36. 37. 155.
- Concilium Tridentinum** perperam a Febronio allegatum 5. 22. 27. 57. 58. Leonis X. judicium in Lutheri errores non examinavit 138. decretorum confirmationem a R. P. petiit 152. 153. in omnibus salvam esse voluit Ap. Sedis auctoritatem 195. *superioritatem* in R. Pontificem non exercuit 193.
- Concilia RR.** in causa Symmachi R. P. 161. 162.
- Concilium Rom.** contra Photium 163.
- Concilium Rom.** in causa Leonis III. R. P. 163.
- Concilium Rom.** quod Johannem XII. deposuit, illegitimum fuit 105.
- Conradi IV. Imper.** appellatio 169.
- Constantinus M. Imp. 100.
- Constantinus Pogonatus 59.
- Consultationes de gravibus causis 57.
- S. Cornelius R. P. æmulus Imperatoris Sacerdos 41.
- S. Cyprianus Primatum *jurisdictionis* in S. Petro agnovit 33. insignes ejus loci de S. Petri Primatu 40. *seqq.* erravit in questione de Bapt. hæret. & peccavit S. Stephanum perstringens 44. *seqq.* sententiam suam correxerat *ib.* ejus sententia de uno Episcopatu 51.
- S. Cyrillus Alexandrinus 11. 22. consulit S. Cælestinum de Nestorii hæresi 88.

## D

**D**emocratia quid? 1.

Depositio Episcoporum spectat ad R. P. 213.

S. Dio-



S. Dionysius R. P. dampnavit Sabellianos 90.  
 Dioscorus Alex. a S. Leone M. damnatus 126.  
 Disciplina Ecclesiæ mutari potest 63. 211. quæ nunc viget, sine auctoritate R. P. mutari non potest *ib. seqq.* nova minoribus abusibus obnoxia est, quam vetus 214.  
 Donatistæ a S. Melchiade R. P. damnati 94. Imperatorem appellarunt 169.

E

**E**cclesiæ forma Monarchica 2.  
 Ecclesia R. centrum unitatis 37. 40. fons Episcopatus 52. omnium Ecclesiarum Mater, & Magistra 156.  
 Ennodius Ticinensis 162.  
 S. Epiphanius 10. 13. 29.  
 Episcopi ministri Ecclesiæ cur? 27. Pastores sunt Petro subiecti 30. 54. eorum potestas duplex 48. æqualem habent potestatem ordinis; inæqualem potestatem jurisdictionis 49. Quomodo Apostolorum successores? 50. æqualem habent Religionis curam 51. eorum depositio spectat ad R. P. 118. 213.  
 Episcopatus unus 51.  
 Episcopus universalis 54.  
 Eucherius Lugdunensis 28.  
 Eugenius IV. Basileensem Synodum dissolvit 183. postea Schismatis metu eam probavit, sed ejus decreta rejecit 185. *seqq.* Conciliorum eminentiam professus est, salva præminencia

Sedis Apostolicæ 187. Doctrinam Basileensium de Conciliorum auctoritate in R. Pontificem dampnavit 188. *seqq.*  
 Eusebii Cæsareensis locus mutilatus 111.  
 Eutherius Thianensis 98.  
 Excommunicatio multiplex 68. 69. major, est actus jurisdictionis *ib.* ejus a R. P. latæ vis non pendet ab Ecclesiæ consensu 70. excommunicatus injuste, non est ligatus apud Deum 71.

F

**F**acundus Hermianensis 147.  
 Febronius: ejus systema secum pugnat 2. 3. nullam agnoscit Ecclesiæ formam *ib.* Gallicanæ Ecclesiæ sententiam frustra jectat 4. 5. negat, ex Christi verbis Matth. 16. Et ego dico tibi &c. colligi Præmatum jurisdictionis Petro datum 15. *seqq.* & ex iis Jo. 21. Pasce oves meas 29. Omnes Apostolos æquali jurisdictione præditos fuisse, vult 31. *seqq.* contendit, Præmatum a R. Episcopo ad alium transferri posse 36. S. Cyprianum non agnovisse in R. P. Præmatum jurisdictionis 42. & in eadem cum Cypriano sententia de auctoritate R. P. fuisse S. Augustinum 45. æqualem esse omnium Episcoporum jurisdictionem 48. Pontificem habere præsidium, & directorium universi, sed non immediatam curam singulorum ovium 55. ejus injuria in Trid.

Trid. Synodum 58. vult, non necessario referenda esse graviora negotia ad R. P. ejusque judicio reservanda 59. leges R. Pontificis non ante vim habere, quam communis consensu fuerint receptæ 63. enim non posse derogare usibus Nationum, & singularum Ecclesiarum, & legibus Conciliorum; imo his eum teneri 66. excommunicationem non esse actum jurisdictionis 69. Sardicensem Synodum non asseruisse R. Pontifici jus appellationum 75. Canonum Sardicensium vix ullum fuisse usum in Oriente, & in Africa 77. jus appellationum a Pseudo-Isidoro inductum esse 81. Christi verba Luc. 22. *Ego rogavi pro te Petre &c.* nihil attinere ad Petri Successores 85. reservationem graviorum causarum, & questionum fidei ab Isidoro, & Gratiano inductam esse 88. supremum non esse R. Pontificis in hæreticos judicium 90. S. Augustinum non existimasse Pontificis judicium infallibile, & supremum 93. Supremam non fuisse S. Petri sententiam in causa Legali-um 96. Concilia generalia esse absolute necessaria 97. sibi contradicit 99. vult, nulla lege divina, aut humana convocationem Conciliorum generalium R. Pontifici reservari 101. Octo priora ab Impp. convocata esse, quædam etiam invito Pontifice 105. Concilium C. P. I. fuisse œcumenicum *ibid.*

*in facultate Concilii esse presentibus Pontificis legatis, alteri præsidium deferre.* Ofium Cordub. præfuisse Concilio Nicæno I. per electionem Concilii cum beneplacito Imperatoris 109. Synodos generales frequenter ad novum examen revocasse materias, & questiones a Summis Pontificibus decisas 113. 115. *seqq.* S. Cœlestinum jurisdictione in Nestorium usum non esse 116. RR. PP. Cœlestini, Leonis M. Vigili, Agathonis, Hadriani I. Hadriani II. judicia ab œcumenicis Synodis retractata esse 119. *seqq.* *minutias* vocat Italorum argumenta, eosque irridet 136. Generalium Synodorum statuta non indigere Pontificia confirmatione; imo posse Synodos adversus Papam suam auctoritate uti, si decretis subscribere recuset 139. *seqq.* Nullum Concilium Orientale 139. Ex Occidentalibus solum Tridentinum Confirmationem decretorum petiisse, sed non quæ decretis auctoritatem impertiretur 152. non proprie dici debere Ecclesiam R. omnium Ecclesiarum Matrem & Magistram 156. R. P. esse Caput Ecclesiæ, sed ut Caput Collegii, universitatis &c. 158. legitimas, & antiquissimas esse appellationes a Papa ad Concilium 168. Synodum Constantiensem fuisse œcumenicam, ejusque decreta ad Papam certo legitimum spectare 174.

# INDEX.

227

174. seqq. legitimam fuisse Synodum Basileensem, ejusque decreta ab Eugenio IV. fuisse probata 186. seqq. Tridentinam Synodum superioritatem in Pontificem exercuisse 193. Concilia generalia universam Eccl. repræsentare; R. Pontificem Ecclesiæ denunciandum esse 196. seqq. Julianum Card. exaltat, ejusque argumenta refert 201. seqq. vult Ecclesiæ disciplinam decretalibus depravatam esse, ideoque esse restituendam 210. improbat Ecclesiæ Catholicæ errorem ab Instituto Christi 212. recenset abusus hodie in Rom. Curia vigentes 215. seqq.

Ferrandus Carthag. 147.

Firmilianus 12.

S. Flavianus appellavit Ap. Sedem 77. rogavit S. Leonem confirmationem sententiæ a se in Eutychen latæ 92.

Forma Ecclesiæ aliqua 1. est Monarchica 2. 209.

Fridericus II. Imp. a Gregorio IX. & ab Innocentio IV. excommunicatus 169. ejus appellatio ib.

## G

**G**allicanæ Ecclesiæ declaratio de Eccl. pot. 6.

Gersonii auctoritas, quanti sit? 7. 178.

Gelasius Cyzicenus 111.

S. Gelasius 36. 67. appellationes suæ Sedi vindicavit 72. defenditur a Febronio calumnia 77.

Ff 2

Conciliorum etiam generalium vim repetit a confirmatione Apost. Sedis 141. 142. ejus insignis locus 161. appellationes a Rom. Pontificis judicio, damnat. 166.

Gotthescalcus damnatus 92.

Gravamina Nationis Germaniæ, & Gallicæ 115.

S. Gregorius Nazianzenus 10. cur S. Cyprianum Episcopum universalem appellaverit? 51.

S. Gregorius Nysienus 12.

S. Gregorius M. 11. ejus insignia testimonia 23. 29. ejus non est expositio in Lib. Reg. 23. suæ auctoritatis vindex in Episcopos 53. cur Episcopi universalis appellationem improbaverit? 55.

Causas majores sibi reservavit 62. carpi non vult dicta, vel facta meliorum 68. ejus locus explicatus 100.

Gregorius IX. excommunicavit Fridericum II. Imp. 169.

## H

**H**adrianus 1. 108. 137.

Hadrianus II. summa auctoritate in Synodo VIII. usus est 137.

R. Pontificem nisi causa hæreticis judicari non posse, statuit 163.

Hæreticus non est in Ecclesia 107. privatur Ecclesiastica dignitate, non jure humano, sed ipsa natura hæresis ib.

Helladius Tharsensis 98.

Henricus Valesius notatus 103.

S. Hieronymus 10. 14. 16. 19. insignis ejus locus 20. 39. 49. 55. 58.

55. 58. ejus testimonium explicatum 200.  
 S. Hilarius 10. 12. 29.  
 Hincmarus Rhemensis notatus 84.  
 ejus locus insignis 141.  
 Hosius Cordubensis nomine S. Silvestri præsuit Concilio Nicæno 111.  
 S. Hyginus R. P. Cerdonem, & Valentiniū damnavit 90.

## I

- J**erosolymitanum Concilium 95.  
 S. Innocentius I. R. P. 52. ejus responsa ad Synodos Milev. & Carthag. 58. 60. 88. majores causas sibi reservavit 61.  
 Sirieli legem custodiri, jubet 64. Pelagianorum causam finivit 93.  
 Innocentius III. 71. vindicatus 89. cur Philippi Augusti causam ad futurum Concilium remisit? 106.  
 Innocentius IV. excommunicavit Fridericum II. & Conradum IV. Imp. 169.  
 S. Johannes Chrysostomus 10. 12. 15. 29. R. Pontificem appellavit 77.  
 Johannes XII. a R. Conciliabulo illegitime depositus 105.  
 Johannes XXII. excommunicavit Ludovicum Bavarum Imp. schismaticum 170.  
 Johannes XXIII. non certo legitimus Pontifex 173.  
 Jovinianus a Siricio damnatus 90.  
 S. Irenæus 7. 15. 64. 135.  
 Isidorianæ decretales sæculo VIII.

- vel IX. confictæ 89. Monarchiæ ideam iis deberi, Febronii commentum est 219. perperam iis tribuit Febronius eam, quæ nunc viget, Ecclesiæ disciplinam ib. Episcoporum gratia confictæ ib. & 215.  
 Julianus Cæsarinius refutatus 179.  
 Synodo Basileensi studuit 201. ejus retractatio ib. ejus argumenta refutata 202. seqq.  
 S. Julius R. P. 73. 101.  
 Jurisdictio non est essentialis Episcopatu 49.  
 S. Ivo Carnutensis 163. 171.  
 Justinianus Imp. notatus 81. 82.

## L

- L**ateranense Concilium III. 36.  
 Leges R. Pontificis ab Ecclesiâ servandæ 64. Non pendent ab Ecclesiæ consensu ib. alicubi, & in Galliis, ipsius Pontificis consensu non obbligant, nisi promulgentur 65.  
 Leges Conciliorum a R. P. temperari possunt 67. iis obligantur etiam R. Pontifices directivæ ib.  
 S. Leo M. 11. 17. 30. 36. 39. 49. 52. 62. 65. 69. 76. 77.  
 Cur Synodum a Theodosio, & a Marciano Imp. petierit? 123. seqq. Dioscorum veluti Judicem in Synodo Chalced. sedere, noluit 125. ejus Epistolæ ad Theodor. locus explicatus 129. Synodo Chalced. fidei definitionem præscripsit 126. ejusdem Synodi Canones irritavit 144. confirmavit fidei decreta ejusdem

ejusdem Synodi 146.

Leo X. primus Lutherum damnavit 92. ejus Constitutionem Synodus Tridentina non examinavit 138.

Liberatus 77.

Lutherus futurum Concilium appellavit 169.

Ludovici Bavari appellatio 170.

## M

**M** Ajores causæ Ap. Sedi reservatæ 61. seqq. quia jure sibi attributo circa eas abutebantur sæpe Metropolitanæ, & Synodi Provinciales 214. 215.

Marcianus Arelatenfis a S. Stephano abdicandus 47.

Martinus V. decreta Concil. Const. sess. IV. & V. non confirmavit intellecta de Papa legitimo 175. seqq.

S. Maximus Taurinensis 11. 29.

S. Maximus Martyr 105.

Metropolitani jure humano præfunt Conciliis Provinc. 158. abutebantur olim juribus sibi attributis 214.

Milevitana Synodus consuluit Apost. Sedem de hæc. Pelag. 58. 88. ejus sententiam confirmavit Innocentius 1. 93.

Monachorum cœtus ab Episcoporum jurisdictione exempti 145. 214. id non est abusus 219.

Monarchia, quid? 1. Monarchica est Ecclesiæ forma 2. 209. Ea non debetur Pseudo-Isidoro 210.

## N

**N** Atalis Alexander laudatus 4. 16. notatus 25. 56. 86. 141. 164. 174.

Nestorius a S. Cœlestino damnatus 91. Concilium appellavit 169.

Nechites Schismaticus a Febronio laudatus 155.

Nicœni cur dicti sint Canones Sardicenses? 79.

S. Nicolaus 1. 73. 165. 167.

## O

**S** Sanctus Opreatus Milevitanus 12. 37. 68.

Origenes 10. 12. 17. 18.

Orsi Cardinalis vindicatus 119.

## P

**P** Aschasius Ratbertus 13. 18. 19.

Paschasius S. Leonis Legatus 106.

S. Paulinus Nolanus 10.

Pecunia cur solvatur pro dispensationibus 216.

Pelagianorum causam finivit Innocentius 1. 93. eorum appellationem ad Concilium improbarunt S. Augustinus, & S. Prosper.

Pelagius II. R. P. 147.

S. Petrus Petra Ecclesiæ 9. seqq.

Claves immediate a Christo accepit 21. seqq. figura Ecclesiæ, quomodo? 24. solus universam Ecclesiam repræsentat 198. 201. Petrus Ecclesiæ Pastor 28. seqq. Primatum Romanæ Sedi affixit

36. quæ-

36. quæstionem de Legalibus summo judicio decrevit 96.  
 S. Petrus Chrysologus 11. 29.  
 Petrus Meldenſis Episcopus 4.  
 Petrus de Marca notatus 56. 61.  
76. laudatus 148.  
 Philippus Presbyter S. Cœlestini Legatus 11.  
 Philippi Pulchri appellatio 179.  
 Pius II. appellationes ad Concil. damnavit 167. quæ olim scripserat pro Concil. Basil. retraxit 191.  
 Pius IV. confirmavit Synodum Tridentinam 158.  
 Poloni Oratores primi futurum Concil. appellarunt 171.  
 Polyarchia, quid? 1.  
 Primatus Ecclesiæ a R. Sede ad aliam transferri nequit 36.  
 S. Prosper 168.

## R

- R** Ichorius, notatus 2.  
 Romanus Pontifex S. Petro succedit 36. habet Primatum jurisdictionis 38. præstat jurisdictione omnibus Episcopis 48. segg. est Episcopus universalis 54. ejus jurisdictio in omnes est immediata 55. segg. est omnium Christianorum Pater, & Doctor 56. causas graviores sibi reservare potuit 57. de gravioribus negotiis ab univ. Ecclesia consuli consuevit 58. segg. majores causæ ad eum spectant 61. segg. ferre potest leges 63. Canones tum suos, tum Conciliorum temperare potest 67. 121. potest excommunicare 68.

segg. ei convenit jus appellationum 71. segg. est infallibilis in decernendis causis fidei 83. segg. fidei causæ ad eum sunt referendæ 87. Hæreticos summo judicio damnare solet 90. ad eum spectat gener. Concilia convocare 101. & iis præfesse 109. ejus decreta examinantur, salva eorum auctoritate 113. Episcopos deponere potest 118. Fidei definitiones, & res agendas Conciliis gener. præscribit 118. segg. ab eo decreta Conciliorum confirmari, opus est 139. segg. Ecclesia, & œcumenica Synodo superior est 154. segg. ab ejus judicio appellare non licet 166. segg. quæ nunc obtinet disciplina, eo dissentiente, mutari non potest 211. segg.

## S

- S** Abelliani a Dionysio R. P. damnati 90.  
 Sardicensis Synodus 58. 71. ejus Canones cur dicti Nicæni? 79.  
 Sergius Cypri Episc. 11.  
 Siricius R. P. cœlibatam Clericis majoribus præscripsit. 64.  
 Jovinianum damnavit 90.  
 S. Sixti III. locus explicatus 158.  
 Socratis, & Sozomeni testimonia vindicata 102.  
 Successio Petri affixa R. Sedi 36.  
 S. Symmachus R. P. Dei judicium dimissus 161. 162.

## T

- T** Ertullianus 10. 54.  
 Thara-

Tharafius C. P. 150.  
 Theodoretus 87.  
 Theodorus Diaconus Alex. 54.  
 Theodorus R. P. 88.  
 Theodosii Imp. Lex 59. 60. ejus,  
 & Valentin. Lex celebris 65.  
 Theophilactus 17. 18. 28.  
 Tiburienfis Synodi inflgne moni-  
 tum 71.  
 Toftatus Abulenfis notatus 27.  
 Tournely laudatus s. 115.  
 Tridentinum Concil. *vide* Concil.

V

V Aleatiniani Lex celebris 65.

77.  
 S. Victor R. P. 64. 70. 90.  
 Vigilius R. P. 13. 29. 62. 69. 130.  
 Vincentius Lirinensis 43.  
 Unicitatis Catholicæ centrum R.  
 Ecclefia 37. 40.  
 Unus Epifcopatus, quomodo? 51.

Z

S Anctus Zephirinus R. P. dam-  
 navic Montaniftas 90. dictus a  
 Tertull. Epifcopus Epifcopo-  
 rum 54.  
 S. Zofimus R. P. 39. 49. 71. 74.  
79. 80.

ERRATA

CORRIGE

Pag. 49. Juridictionis  
 Pag. 86. tanum  
 Pag. 90. Orientes  
 Pag. 98. Catholice  
 Pag. 151. ann. 757.  
 Pag. 159. ann. 775.  
 Pag. 160. Corporis

Jurisdictionis  
 tantum  
 Orientis  
 Catholicæ  
 754.  
 754.  
 Corpori



